

Apr 21 1896


3 p 4/12

64 1/2

28

18 9/16

26




Հայ Կարգի և Ժողովրդի Կոմիտեի

ԵՐՐՈՐԴ

ԸՆԹԵՐՑԱՐԱՆ

ՄԱՆԿԱՆՑ



ԴՊՐՈՑԱՑ ԵՒ ԸՆՏԱՆԵԱՑ ՀԱՄԱՐ

35904

معارف عاميه نظارت جليله سنك رخصتيله طبع اولمشدر
۱۷ ربيع الاخر ۳۰۴ و ۳۰ كانون اول ۳۰۲ نومرو ۹۹۷
مصارفي آمریقان ميسيونر شرکتي طرفندن تسويه اولدوق

ԿՈՍՏԱՆԴՆՈՒՊՈԼԻՍ

Ի ՏՊԱՐԱՆԻ Ա. ՅԱԿՈՒ ՊՅՈՅԱՃԵԱՆ

ԹԵ



1887

ԳՐԱԴԱՐԱՆ ԱՌՈ ՅՈՎՀԱՆՆԻՍԵԱՆ

1960

ՆՈՐ - ԶՈՒՆ

Յ Ա Ռ Ա Ջ Ա Ւ Ա Ն

Այս երրորդ ընթերցարանը երկրորդ ընթերցարանին կանոնով շինուած է : Իւրաքանչիւր դասին սկիզբը դրուած են բառեր զոր աշակերտք պիտի հեգեն և անոնց նշանակութիւնը պիտի ըսեն ուսուցչին : Իւրաքանչիւր դասին վերջը կան հարցումներ զոր ուսուցիչք պիտի ընեն նորավարժ աշակերտաց՝ հասկնալու համար թէ անոնք սորված են իրենց դասերը : Այս գիրքին վերջին քանի մը դասերուն մէջ թէ բառեր և թէ հարցումներ զանց առնուած են : Այս վերջինները մասնաւորապէս ատենաբանութեան համար են :

ՄԱՆԿԱՆՑ

ԵՐՐՈՐԴ

ԸՆԹԵՐՑԱՐԱՆ

Մ Ա Ն Կ Ա Ն Ց

Գ Ա Ս 1

Ճարպիկ	Ճարտար	Կենդանի	անասուն
Ճամբորդ	ուղևոր	Նաւապետ	նասուն գլուխը
Պայծառ	Բայ	Նստարան	Բաշտոյ
Կամաց	Դեղձով	Խանդակաթ	Գլած
Դիտել	հայել	Համարձակ	յանդոսգէն
Սուկուժ	վախ	Առանձին	Բնակ

ԿԱՊԻԿԸ ԵՒ ՄԱՆՈՒԿԸ

1. Կապիկը, ինչպէս շատերը դիտեն, ճարպիկ կենդանի մըն է : Սնդամ մը նաւու մը մէջ կապիկ մը կար, և ճամբորդներուն մէջ կին մ'ալ կար որ նորածին տղայ մ'ունէր գերկը :

2. Պայծառ օր մը նաւապետը տեսաւ որ հեռուէն նաւ մը կ'երթար. դիտակն առաւ, ու նայելէն ետքը դիտակն յիշեալ կնոջ տուաւ, այն ալ ձեռքի մանուկը նստարանի մը վրայ դնելով առաւ զայն նաւը դիտելու համար :

Այն միջոցին նաւաստիներէն մին գոչեց, « Տէր Աստուած, տեսէք, տեսէք սա չար կապկին ըրածը: »

3. Ի՞նչ եղաւ արդեօք խանդակաթ մօրը սիրտը, երբ ետևը դառնալով տեսաւ որ կապիկն անոր զաւակն առած կայմին վրայ կ'ելլէր: Կապիկն այնչափ մեծ ու զօրաւոր էր որ մէկ ձեռքով տղան գրկած միւս ձեռքով վր վեր կ'ելլէր: Խեղճ մայրը հաղիւ թէ աչքը վեր վերցուց ու զաւակը տեսաւ, վախէն ու սոսկումէն մարած գետիինն ինկաւ:

4. Ոչ ոք կը համարձակէր կապկին ետևէն վեր ելլել, վախնալով որ գուցէ կապիկը տղան վար ձգէր: Ամէնքն ալ ահուդողով լեցուած կը սպասէին բանին վերջը տեսնելու:

5. Երբ կապիկը կայմին ծայրը հասաւ, տղան սկսաւ լալ, ուստի շատերը կասկածեցին թէ գուցէ կապիկը տղուն նեղութիւն կամ վնաս մը կու տար: Բայց շուտ մը այս վախը փարատեցաւ և մեծապէս զարմացան, երբ տեսան որ կապիկը տղան գիրկն առած կը շարժէր և կը ջանար զանի քնացնելու:

6. Վշտացեալ կինը վար սենեակն իջեցուցին, իսկ կապիկը տեսնելով որ մարդիկ զինք կը դիտէին, այնպէս կը ցուցնէր թէ քանի որ անոնք հոն էին, չէր ուզեր վար իջնել. ուստի նաւապետն ամէնքն ալ վար իջեցուց:

ինքն ալ առանձին քաշուած՝ կապիկը կը դիտէր: Չար կենդանին երբ տեսաւ որ նաւուն տախտակամածին վրայ մարդ մնացած չէր, կամացուկ մը վար իջաւ և տղան տեղը դրաւ անվնաս:

7. Խեղճ մայրը երբ զաւակը տեսաւ, ուրախութենէն աչքերը արտասուօք լեցուած վազեց դողդոջուն ձեռօք գրկելու իր սիրելի զաւակը որ քիչ մը առաջ մահուան վտանգին մէջ կը տեսնուէր:

Հարցումներ. 1. Ի՞նչ է կապիկը: 2. Նաւապետ մը հեռուէն ի՞նչ տեսաւ. երբ կին մը դիտակով կը նայէր ի՞նչ պատահեցաւ: 3. Կայմին վրայ ի՞նչ տեսան: 4. Ի՞նչ խոհեմութիւն ըրին: 5. Ի՞նչ կասկած ըրին. յետոյ ինչո՞ւ զարմացան: 6. Կապիկը վար իջեցնելու համար ի՞նչ խորհեցան: 7. Վերջապէս տղան ի՞նչ եղաւ:

Գ Ա Ս Զ

Խնձոյք	Հուլանդ	Քաջասիրտ	Կրպոպ
Ոսոխ	Ընթափ	Պաշտօնեայ	Կալաօն ունեցող
Մխել	Խոլել	Կատաղի	Չարեհի
Անշարժ	Կասպոպ	Յարձակել	Չուն ցապիւն
Գազան	Չարեհի	Սպաննել	Մեղել
Դաշոյն	տոր	Կենդանի	որշ

ՏՂՈՒ ՄԸ ՔԱՋԱՍՐՏՈՒԹԻՒՆԸ

1. Անգամ մը 1812 թուականին Անգղիոյ

պաշտօնեաներէն ոմանք՝ Հնդկաստան, Մատրաս քաղքէն քիչ մը հեռու, անտառի մը մէջ ժողովուեցան խնճոյք ընելու :

2. Յանկարծ կատաղի վազը մը ծառերուն մէջէն ելլելով անոնց վրայ յարձակեցաւ, և տղայ մը յափշտակեց ու կռնակը զարկաւ :

3. Պաշտօնատարք այս անակնկալ դէպքէն սարսափած իրենց զէնքերն առին և քիչ մը հեռացան կատաղի թշնամիէն, սակայն վազը որսը կռնակը զարկած, աչքերն անոնց վրայ տնկած պոչը կը շարժէր, և անոնց վրայ ևս յարձակելու ցոյցեր կ'ընէր :

4. Սյն մարդիկ փորձով գիտէին որ, երբ վազը բան մը կ'որսայ, թաթովն անոր գլխոյն զարնելէն և սպաննելէն ետքը կ'առնէ կը տանի զայն :

5. Թէպէտև տղան անշարժ մնացած էր վազըին կռնակը, սակայն չէին գիտեր թէ ողջ էր թէ մեռած, ուստի և չհամարձակեցան վազըին վրայ հրացան պարպել, մի դուցէ վազըին հետ տղան ալ սպաննուէր :

6. Երբ այսպէս շուարած զանոնք կը դիտէին, տղուն ձեռացը վրայ շարժում մը նըշմարելով կարծեցին թէ այն շարժումը մահուան ճշնաժամն էր զոր կ'ընէր տղան. ուստի և որոշեցին վայրենի գազանը զարնել. բայց ինչ մեծ եղաւ անոնց զարմանքը, երբ տեսան

որ կատաղի գազանը յանկարծ գետինը գլորեցաւ շնչասպառ, և արիասիրտ տղան քաջ զօրապետի մը պէս արիւնաթաթախ դաշոյնը կը շողացնէր, որով իր կեանքն ազատած էր :

7. Տղան ձեռքը վազըին սրտին տանելով ճիշդ սրտին տեղը ստուգելէն ետքը, վրայի դաշոյնը յանկարծ հոն կը մխէ, մահացու հարուած մը կու տայ գազանին, և այսպէս կ'ազատի :

Հարցո՞ւմէր : 1. Քանի մը հոգի ո՞ւր գացին ինչ ընելու : 2. Ի՞նչ պատահեցաւ : 3. Պաշտօնատարք ի՞նչ ըրին : 4. Ազգը ի՞նչ կ'ընէ, երբ բան մը կ'որսայ : 5. Ազգին հրացան պարպեցի՞ն. ինչո՞ւ : 6. Տղան ի՞նչ ըրաւ : 7. Ո՞ր տեղէն, հարուածեց գազանը :

Գ Ա Ս Յ

Մանուկ	սուս	Արարչութիւն	սպեղծագործութիւն
Աթոռ	գահ	Վարժապետ	բասապոս
Հանդերձ	հագոս	Կարասի	սան խալճած
Անդէտ	չգիտող	Ճամանակ	սաթն
Շերամ	ձեպտի որդ	Դայլայլիկ	անոյլ երգ
Երկիր	գէպին	Բարութիւն	աղէկութիւն

ՏՂՈՒ ՄԸ ԽՈՐՀՐԴԱՅՈՒԹԻՒՆԸ

1. Պզտիկ տղայ մը օր մը ըսաւ մօրը, «Մայրիկ, դուն և վարժապետս միշտ կ'ըսէք ինձի թէ ամէն բան Աստուած ստեղծած է, սակայն շատ բաներ կը տեսնեմ զորս Աստուած

ստեղծած չէ. զորօրինակ մեր տունը, մէջի աթոռները, կարասիքը, նաև իմ հանգերձներս և ուրիշ շատ բան: Կ'աղաչեմ, մայրիկ, ուրեմն ինչո՞ւ կ'ըսէք թէ ամէն բան Աստուած ստեղծած է:"

2. Մայրն արարչութեան վրայ զաւկին անգէտ ըլլալը տեսնելով ջանաց անոր միտքը լուսաւորել, ուստի հարցուց տղուն ըսելով, «Զաւակս, գիտե՞ս այս սեղանն ու աթոռները ինչէ՞ շինուած են» «Փայտէ շինուած են», պատասխանեց տղան: «Ո՞վ շինած է փայտը, տղաս»:

3. «Փայտն անտառը կը բուսնի, և այն աթոռներուն վրայի ոսկին գետնին տակէն կ'ելլէ, և թաշկինակիս մետաքսն ալ շերամը կը շինէ» «Սիրելի զաւակս, ըսէ նայիմ, ծառն անտառին մէջ ո՞վ կը մեծցնէ, ո՞վ պահած է ոսկին գետնին մէջ, ո՞վ ստեղծած է այն սքանչելի շերամը որ այսպիսի ազնիւ մետաքս կը շինէ»:

4. Տղան իմացաւ թէ սխալած էր, ուստի և լուռ կեցաւ, իսկ մայրը խօսքը շարունակելով «Որդեակ իմ», ըսաւ, «ասոնց բոլորն ալ Աստուած ստեղծած է, նաև ուրիշ շատ բաներ, ինչպէս ստէպ քեզի ըսած եմ: Մեզի կեանք, շունչ և ամէն բան տուողն անիկա է. անիկա կու տայ մեզի կարողութիւն»,

իմաստութիւն որ մեր գործածութեանը համար այսպիսի բաներ շինելու կարող ըլլանք. մեր ձեռքով շինուած բաներուն Արուեստական կ'ըսենք, իսկ բնութեան գործքերն Աստուծոյ ձեռքովը կ'ըլլան:

5. Զաւակս, երբ աչքդ քեզի և շուրջդ պատող առարկայից դարձնես, ամենուն մէջ ալ Աստուծոյ ձեռքը կը տեսնես: Նայէ երկրիս և անոր բերքերուն վրայ. սերմը կը ցանենք, ժամանակ մը հողին տակ մնալէն ետքը, կը ծլի, կ'աճի և կը շատնայ. ասիկա Աստուած կ'ընէ: Տես նաև սա պարտէզին մէջ տնկուած տանձենին. քանի մը տարի առաջ ի՞նչպէս պզտիկ էր, իսկ հիմա նայէ ո՞րչափ մեծցած է, և ի՞նչ գեղեցիկ տանձերով կ'ուրախացնէ քեզ. այս ալ Աստուած կու տայ, զաւակս»:

6. «Անգամ մը սա ծաղկանց վրայ նայէ. ի՞նչ գեղեցիկ գոյներով զարդարած են դաշտը, ի՞նչ անոյշ հոտեր կը բուրեն օդին մէջ» . . . «Մայրիկ, մայրիկ, տես սա թռչուններն. ի՞նչ գեղեցիկ գոյներով փետուրներ ունին, մտիկ ըրէ անոնց քաղցր դայլայլիկը. մայրիկ, ասոնք ալ Աստուած ստեղծած է, այնպէս չէ՞» «Այո, Տիգրանս»:

7. «Երեկ իրիկուն երբ կայնած լուսինը կը ցուցնէի քեզի, որ արծաթի պէս կը փայլէր,

ու պայծառ աստղերը, միտքդ է ինչ անուշիկ հով մը կը փչէր այն ատեն, չըսի՞ր քեզի որ զանոնք ալ Աստուած ստեղծած է:” “Ճշմարիտ է ըսածդ, մայր իմ:”

8. Կըյուսամ թէ հիմա բաւական հասկըցար որ ամէն բան Աստուած ստեղծած է, և քանի մեծնաս անշուշտ աւելի աղէկ պիտի հասկնաս Աստուծոյ խմաստութեան և կարողութեան գործքերը: Հիմա բաւական մեծես զանի ճանչնալու և սիրելու՝ անոր քեզի ըրած բարութեանը համար, մեծութեանը վրայ զարմանալու և անոր հնազանդելու, քանզի Սնիկա քեզ ստեղծեց որ զինք սիրես և իրեն ծառայես:

Հարցումներ: 1. Տղայ մը ի՞նչ ըսաւ մօրը: 2. Մայրն ի՞նչ կերպով տղուն միտքը լուսաւորեց: 3, 4. Ուրիշ ի՞նչ ըսաւ: 5. Ի՞նչ բանի վրայ խօսեցաւ: Տղան մօրը խօսքն ընդմիջելով ի՞նչ ըսաւ: 7. Առջե իրիկուն մայրն ի՞նչ ըսած էր տղուն: 8. Ի՞նչ յոյս ունէր մայրը, և ի՞նչ խրատ տուաւ տղուն:



Գ Ա Ս 4

Անխոնջ	էյոգնող	Որոշել	Ֆարս գնել
Ջաղացք	աղօրի+	Յարատե	շարուհալ
Ժուժկալ	համբերող	Ուշադիր	Ֆարս գնող
Կնջել	գնահալ	Մուրացիկ	ողորմութիւն ուղղ
Ստուեր	լու+	Առանձին	Ֆինալ
Պօշկ	սրից սման	Յուսահատ	յոյսը չբրած

ԳՈՐԾԻ ՄԷՁ ՅԱԶՈՂՈՒԹԻՒՆ

Նախ և առաջ որոշ միտքդ դիր թէ ինչ բանի որ ձեռք զարնես, զայն լմնցնես: Մասնաւոր գործ մը սեպհականէ անձիդ և անոր մէջ յարատեէ: Ամէն դժուարութիւն կըյաղթուի ջանքով և անխոնջ աշխատութեամբ:

Մի ամէնար ձեռքով նաև ջանիւք աշխատելու: Առակը կ'ըսէ, “Չեռնոց դնող կատուն չի կրնար մուկ բռնել,” և թէ “Չաղացքին մէջ կեցողը կ'աղայ, ոչ թէ դուրս ներս ելլող մտնողը:”

Անձամբ գործիդ ուշ դիր, և ուրիշին մի ապաւինիր: Խնայող եղիր. “Փարաները պահէ, ոսկիներն ինքնին կը պահուին:” Ժուժկալ եղիր: “Այն որ փափկութիւնը կը սիրէ, մուրացիկ պիտի ըլլայ:”

Կանուխ ել: “Քնացող աղուէսը չի կրնար հաւ բռնել:” Երբ ունի հերկէ մինչդեռ ծոյլը կը ննջեն, և թէ ծախելու և թէ պահելու արմտիք պիտի ունենաս:”

Ամենուն հետ յարգանք և քաղաքավարութեամբ վարուէ: “Քաղաքավարութեամբ ամէն բան կը շահիս և բան մը չես կորսնցըներ:” Բարի վարմունքը յաջողութիւնն ապահով կ'ընէ:

Բաց աշխատութենէ տեղէ մը հարստութիւն

Handwritten signature or note at the bottom right of the page.

մի յուսար, մասնաւորապէս ստացուածք ժառանգելու ակնկալութիւն մի ունենար :
 «Մեռնողին կօշիկներուն սպասողը շատ անգամ բոկոտն կ'երթայ :» «Ստուեր մը հալածողը ճանճրալի արշաւանք մը կ'ընէ :»

Ամէն բանէ վեր՝ մի յուսահատիր : Տէրը կ'օգնէ անոնց որ իրեն կ'ապաւինին :

Աշխարհային գործերը գիւրաւ և շատ յառաջ կ'երթան, եթէ առանձնական ազօթքի նիւթ եղած ըլլան : Ընդհանրապէս այն որ չերսկեռանդութեամբ ազօթք կ'ընէ թէ սենեակին մէջ առանձին, թէ խանութը, թէ արտը և թէ ինչ գործի մէջ որ ըլլայ, շուտ յաջողութիւն կը գտնէ :

Գ Ա Ս 5

Ջրվէժ	Բարձրէն Լաճոճ Ռեծ Ղուր	Մառախուղ	Տղու
Ճամբայ	Ճանապարհ	Տեսարան	Գեղեցիկ Գեղ
Շքեղ	Ժառանգոր	Ծիածան	Ժերմի Գօրի
Խաղաղ	Կանգարար	Հրաշալք	Իւրեւ Լեր
Յանկարծ	Ֆէլէն	Ապահով	Գործ
Արև	արեգակն	Գործանի	Յուն

ՆԻԱԿԱՐԱՅԻ ՋՐՎԷՇԸ

1. Նիակարա գետն էրիէ լճէն կ'ելլէ և Օնթէրիոյ լիճը կը թափի : Գետին երկայնութիւնն է իբր երեսունուերկու մղոն, և մէջտեղն աշխարհիս մէջ ամենէն երևելի ջրվէժը

կայ : Զուրը հարիւր վաթսուն ոտք բարձրութեամբ ուղղահայեաց ժայռէ մը վար կը թափի, և այնպէս սաստիկ թնդիւն կը հանէ որ քսան մղոն հեռուէն կը լսուի, եթէ օդը բաց և խաղաղ ըլլայ :

2. Ջրվէժէն միշտ մառախլապատ ամպ մը կ'ելլէ, և երբ վրան արևը զարնէ շատ գեղեցիկ ծիածաններով կը զարդարուի ջրվէժը : Բոլոր անոնք որ տեսած են աստուածային կարողութեան այս երևելի տեսարանը, աշխարհիս հրաշալեաց կարգը դրած են զայն :

3. Ջրվէժէն քիչ մը վեր գետն այնպէս ուժգին կ'ընթանայ որ շատ վտանգաւոր է գետին մէկ կողմէն միւս կողմն անցնիլ, և շատ նաւեր յանկարծ հոսանքի բռնուելով գահալիւժած և կործանուած են :

4. Հիմա Ամերիկացիք երկաթէ գեղեցիկ կամուրջ մը ձգած են մէկ եզերքէն միւս եզերքը : Նախ երկաթէ հաստ թելեր հիւսած և ծայրերը գետին երկու կողմէն կարծր ժայռերու վրայ աղէկ մը հաստատած են, և այն թելերուն վրայ շինուած է կամուրջը :

5. Ամենէն ծանր բեռնաւորեալ կառքերն անգամ կատարեալ ապահովութեամբ կրնան անցնիլ այն կամուրջէն որ սոսկալի ջրվէժին վրայ բարձրէն կախուած կեցած է :

Հարցո՞՞նք : 1. Նիակարա գետն ուստի՞ կը բղխի . լայնու



Թիւնը ո՞րչափ է : 2. Զրվէժին ի՞նչ կ'ելլէ : 3. Զրվէժին վրայ երբեմն ի՞նչ կը պատահի : 4. Հիմա ի՞նչ կայ ջրվէժին վրայ : 5. Կամուրջը հաստատուին է :

Գ Ա Ս 6

Խաւար	Տո-թ	Անկողին	Տակիճ
Երես	Դէճ+	Պահպանել	Կահէլ
Բազուկ	Յէռ+	Կամենալ	ո-շէլ
Զաւակ	Կռայ	Քնանալ	չնջէլ
Արթուն	աւ+ը Բայ	Որորան	օրոյ+
Ծածկել	Գոյէլ	Արշալոյս	որեւո՞ն նոր ծագել

Գ Ի Շ Ե Ր

1. Երբ գիշեր կ'ըլլայ ամէն մարդ անկողին կը մտնէ հանգիստ կը քնանայ, երկրիս երեսը մութը կը պատէ, ամէն աչքեր կը գոցուին, ամէն ձեռքեր անշարժ կ'ըլլան, և ամէն մարմին գործելէ կը դադարի : Սոյն ամենատես աչքը միայն չի քնանար, և այն ամենազօր բազուկն է որ զմեզ կը պահպանէ :

2. Սրարիչն ըրաւ գիշերը, և ուզեց որ ցուրեկը աշխատինք և գիշերը հանգիստ ընենք ննջելով : Ինչպէս խանդակաթ մայր մը իր սիրելի զաւակը հանգիստ քնացնելու կամ չարթնցնելու համար զգուշութիւն կ'ընէ որ ձայն մը չելլէ, որորանին ծածկոցը կը քաշէ որ տղուն աչքին լոյս չզարնէ, և ուրիշ ամէն

զգուշութիւն կ'ընէ իր զաւակին հանգստութեանը համար, այսպէս և ամենաբարին Աստուած մեր գթած Հայրը մթութեան վարագոյր մը կը քաշէ մեր բոլորտիքը և բոլոր ընութիւնը լուռ կ'ընէ, որպէս զի իր զաւկները խաղաղ և հանգիստ ննջեն :

3. Երբ գիշերուան խաւարը կամաց կամաց արշալուսին առջևէն կը հալածուի, և արևը կը ծագի, անատեն պարտինք աղօթքով սկսիլ այն օրը փառաբանելով մեր Ստեղծիչը որ գիշերուան մէջ, երբ իքուն էինք, անիկա արթուն աչօք մեր վրայ հսկեց և մեզ ամէն փորձութենէ պահպանեց :


4. Երբ ննջելու կ'երթանք, սրտի մտքը փառաբանենք մեր վրայ հսկող անքուն պահպանը, և երբ կ'արթնանք գովաբանենք զանի :

Հարցումներ : 1. Գիշեր ատեն ի՞նչ կ'ըլլայ : 2. Ինչու համար եղած է գիշերը : 3. Ի՞նչպէս սկսելու ենք նոր օրը : 4. Ննջած ժամանակ ի՞նչ, արթնցած ժամանակ ի՞նչ ընել պարտինք :

Գ Ա Ս 7

Անցորդ	անցող	Գաւազան	ցո-պ
Գետին	երէի	Կերակուր	ո-պէլի+
Դառնալ	է+ Գալ	Պատգարակ	հիստի Կանխոր Գագալ
Տղայ	Տանո-ի	Երանի	երէի

35504



Խորհուրդ	Բար	Հանդիպել	Գեժառուցել էլէ
Քառորդ	Լուսինն	Բէ՛ ճառ	Խարխաբել ինքորեն լուսնէ

Պ Ա Տ Մ Ո Ի Թ Ի Ի Ն

Խեղճ մարդ մը, որ շատոնց ի վեր աչքին լոյսը կորսնցուցած էր, իրիկուն մը ուշ ատեն ձեռքը գաւազանով՝ խարխաբելով փողոցէն կ'անցնէր և ինքնին այսպէս կը խօսէր. «Այս ի՞նչ է որ գլխուս եկաւ, եթէ շնիկ հիւանդ չըլլար, հիմա ինձի կ'առաջնորդէր սա մօտ քաղաքը երթալու. հիմա կ'իմանամ թէ ո՞րչափ շունիս կարօտ եմ:»

«Իրիկուն եղաւ, մութը կոխեց, թէև ինձի համար ցորեկ և գիշեր մէկ է, քանզի չեմ տեսներ, սակայն եթէ ցորեկ ըլլար, գոնէ անցորդաց կրնայի հարցնել թէ արդեօք ճամբաս շիտակ է թէ չէ. իսկ հիմա ամէն մարդ տունը քաշուած է, և չեմ գիտեր թէ մարդու պիտի պատահիմ: Անշուշտ այս իրիկուն պիտի չկրնամ քաղաքը հասնիլ, և շնիկս ալ տունը անօթի պիտի մնայ:» Մինչդեռ կոյրն այս խօսքերը կ'ըսէր, անդիէն ձայն մը լսեց որ տրանջալով կ'ըսէր, «Այս ի՞նչ խեղճութիւն է որ գլխուս պատահեցաւ, խորտուբորտ ճամբուն մէջ ոտքս վնասեցի, և չեմ կրնար կոխել, գիշերը հոս պիտի մնամ. ո՛վ գիտէ ծնողքս ալ ինչ կասկածներու պիտի

երթան:» «Դունն ո՞վ ես,» ըսաւ կոյրը, «Ի՞նչ բանի համար կը գանդատիս:»

«Ա՛հ,» ըսաւ կաղը, «ես խեղճ տղայ մըն եմ, գլխուս փորձանք եկաւ, գեղէն դարձած ժամանակս ոտքս վնասեցի, ցեխի մէջ ինկայ մնացի:»

Կոյր. «Վա՛հ, խեղճ տղայ, բայց ըսէ տեսնեմ, արևը մարը մտած է, ճամբան կը տեսնուի՞ թէ չէ:»

Կաղ. «Շատ աղէկ կը տեսնեմ ճամբան, սակայն ինչ օգուտ որ չեմ կրնար քալել, ապա թէ ոչ շիտակ տուն կ'երթայի և ծնողքս մոմտուքէ կ'ազատէի:»

Կոյր. «Ափսոս որ ես ալ չեմ տեսներ, եթէ ոչ շուտ մը կ'երթայի խեղճ շունիս կերակուր կու տայի:»

Կաղ. «Ի՞նչ, աչքդ չի՞ տեսներ, բարեկամ:»

Կոյր. «Ո՛չ. ինչպէս որ դուն կաղ ես, ես ալ կոյր եմ. աղէկ դտանք զիրար, ոչ դուն կրնաս տեղէդ շարժիլ ոչ ալ ես:»

Կաղ. «Իցէ թէ կարող ըլլայի ճամբադ ցուցնելու:»

Կոյր. «Ո՛ւր էր թէ ես ալ երթայի քեզի համար պատգարակ մը գտնէի:»

Կաղ. «Միտքս բան մը եկաւ. եթէ ուզես կրնանք երկուքնիս ալ այս փորձանքէն ազատիլ:»

Կոչր . « Եթէ ուզե՞մ . ի՞նչ ըսել կ'ուզես , ըսէ տեսնեմ ի՞նչ եկաւ միտքդ : »

Կոչ . « Դուն աչք չունիս , ես ոտք չունիմ . ոտքերդ ինձի տուր , ես ալ աչքերս քեզի տամ . այս կերպով երկուքս ալ կ'ազատինք : »

Կոչր . « Այդ ըլլալու բա՞ն է »

Կոչ . « Ինչո՞ւ պիտի չըլլայ . ես այնչափ ծանր չեմ , դուն ալ ուժով կ'երեւիս : »

Կոչր . « Փառք Աստուծոյ , բաւական ոյժ ունիմ : »

Կոչ . « Ուրեմն ի՞նչ կ'ընենք դիտես . դուն զիս ուսիդ վրայ կ'առնես , ես ալ քեզի ճամբան կը ցուցնեմ . այսպէս մինչև քաղաք կ'երթանք : »

Կոչր . « Քաղաքը դեռ ո՞րչափ հեռու է : »

Կոչ . « Շատ հեռու չէ . ասկէ կը տեսնուի : »

Կոչր . « Երանի՛ր քեզի որ կը տեսնես . ես տասը տարիէ ի վեր տեսութենէ զուրկ եմ : Ուրեմն շուտ ընենք , ժամանակ չկորսնցնենք . տուած խորհուրդիդ շատ հաւնեցայ : Ո՛ւր ես , տեսնեմ . կեցիր , չորս ոտքի վրայ դամ , դուն ալ կամացուկ մը կռնակս ել : »

Կոչ . « Քիչ մը դէպ ի աջ դին ծռէ : »

Կոչր . « Աղէ՞կ է : »

Կոչ . « Քիչ մըն ալ : Հա , սանկ : Թեւերս ալ ուսերուդ երկու կողմէն կախեմ : Հիմա կրնաս ոտք ելլել : »

Կոչր . « Ահա ելայ : Թռչունի ծանրութիւն ունիս , » կ'ըսէ , և կը սկսի քալել :

Շուտ մը ճամբայ կ'ելլեն , և մէկ քառորդի մէջ քաղաքը կը հասնին : Կոչը կազը կ'առնէ անոր տունը կը տանի . տնեցիք զայն տեսնելուն պէս շատ կ'ուրախանան , և կուրին շնորհակալ կ'ըլլան , և զանի կ'առնեն իր բնակարանը կը տանին :

Այսպէս այս երկու խեղճերն իրարու օգնելով՝ երկուքն ալ ազատեցան . եթէ այս բանը չընէին , երկուքն ալ բոլոր այն գիշեր ճամբուն վրայ պիտի մնային :

Նոյն բանը կը պատահի նաև ամէն մարդու : Ընդհանրապէս մէկուն չունեցած կատարելութիւնը միւսը կ'ունենայ . այն բանը որ ասիկա չի կրնար ընել , միւսը կ'ընէ : Այսպէս իրարու օգնելով , բանի մը կարտութիւն չենք ունենար . ընդհակառակն , եթէ իրարու չօգնենք , ամէնքս ալ թշուառութեան մէջ կ'իյնանք :

Գ Ա Ս Տ

Ե Ր Կ Ո Ւ Չ Կ Ն Ո Ր Ս

1 . Սքօթլէնտի կողմերը քանի մը տարի առաջ լճի մը վրայ երկու ձկնորս իրենց ուռ-

կանը կը նորոգէին նաւու մէջ՝ եզերքէն բաւական հեռու : Յանկարծ մըրիկ ելաւ , ու նաւը տակնուվրայ ըրաւ . ձկնորսներն ալ ջուրն ինկան : Անոնցմէ մին լողալ չէր գիտեր . նաւուն թիերուն մէկն անոնց մօտ եկաւ , սակայն այն ալ լողալ գիտցողին ձեռքն ինկաւ :

2. Միւսը որ լողալ չէր գիտեր , երբ սկսաւ ընկզմիլ , ազազակեց , « Ա՛հ , խեղճ կինս և զաւկներս . այսուհետև սովամահ պիտի կորնչիմ : » երբ ընկերն անոր այսպէս գոչելը լսեց , ձեռքի թին անոր երկնցուց ըսելով , « Առ սա թին և ինքզինքդ ազատէ , ես կեանքս քու ընտանեացդ համար վտանգի կը դնեմ : »

3. Շատ չանցաւ միւս թին ալ ջուրին քշելովն անոնց մօտ եկաւ . այն ալ լողալ գիտցող ընկերն առաւ , և երկուքն ալ այս կերպով կրցան զիրենք ժամանակ մը ջուրին ելեսը բռնել , մինչև որ օգնութիւն հասնելով ազատեցան :

4. Այս պատմութիւնը կը յիշեցնէ եղբայրական սիրոյն պակասութիւնն ու զանցառութիւնը որ քրիստոնէից մէջ կը տեսնուին :

Հարցումներ : 1. Լճի մը վրայ երկու ձկնորսաց ի՞նչ պատահեցաւ : 2. Լողալ չգիտցողն ի՞նչ գոչեց : 3. Ի՞նչպէս ջուրին երեսը մնացին մինչև որ օգնութիւն հասաւ : 4. Ի՞նչ կը յիշեցնէ մեզն այս պատմութիւնը :



Գ Ա Ս Գ

Ձինուոր	Կօր+	Ժամանակ	սպէն
Սաստիկ	Խէսք	Փոթորիկ	Տրեհի
Ուղիղ	Դէպք	Մարտնչիլ	Հոսիլ
Շեղիլ	Տարբիլ	Ուժաթափ	ուճէ ինչոճ
Կրտսեր	Կուսիլ	Շնչասպառ	չուճև հոսք
Հանդէս	Կօն	Նուաղիլ	Խոսիլ

ԵՂԲԱՅՐԱԿԱՆ ՍԷՐ

1. Յամին 1804 Էտինպուրկի մէջ եօթը երիտասարդ զինուոր ձմեռուն սաստիկ ժամանակը պարտաւորեցան հարիւր երեսուն մըն ճամբայ երթալ : Այս երիտասարդներուն երկուքը եղբայր էին , և Գորսիթ կը կոչուէին : Ճամբայ ելլելէն ետքը լեռնակողմը ձիւնախառն փոթորկի մը կը բռնուին : Գիշերը վրայ կը հասնի և ձիւնն ու հովը երթալով կը սաստկանան : Գիշերուն մութին և ձեան պատճառաւ սկսան ուղիղ ճամբէն շեղիլ , և չէին գիտեր թէ ուր կ'երթային :

2. Հազիւ թէ զիրար կրնային տեսնել , և փոթորկին սաստկութենէն խօսիլ անդամ չէին կրնար : Հողերուն դէմ մարտնչելով մեծ դժուարութեամբ յառաջ կ'երթային , սակայն և այնպէս սկսան ուժաթափ ըլլալ :

3. Ատնցմէ մին առջևի փոսը ձիւնէն ծածկուած ըլլալով չի տեսներ և մէջը կ'ընայ ու

միւսներուն աչքէն անյայտ կ'ըլլայ : Շատ
 չանցնիր կրտսեր ֆորսիթ ալ չկրնալով դի-
 մանալ ուժաթափ դետին կ'իյնայ . ետեէն ե-
 կողները այնչափ յողնած ու տկարացած էին
 որ առանց օգնութիւն մը ընելու կ'անցնէին
 կ'երթային . միայն մէկը ծռելով քննեց որ
 չըլլայ թէ իր եղբայրն ըլլայ այսպէս շնչա-
 պառ կեցողը . և երբ ստուգեց թէ անի իր
 եղբայրն էր , անմիջապէս վեր վերցուց և
 կռնակն առաւ ու սկսաւ յառաջ երթալ :

4. Հազիւ թէ քանի մը քայլ յառաջ գա-
 ցին , մի ըստ միջէ սկսան նուազիլ և ուժա-
 թափ իյնալ . իսկ մեծն ֆորսիթ իր յողնու-
 թիւնը և ճամբուն դժուարութիւնները բանի
 տեղ չդնելով՝ կռնակի սիրելի բեռը երբէք
 վար չառաւ , այլ որչափ ոյժ ունէր՝ յառաջ
 կ'երթար , մինչև որ զօրութիւնը և ոյժը նախ
 քան զսէր իւր թուլցան , և տկարացաւ ու
 իր բեռանը տակ ինկաւ և անմիջապէս հո-
 գին աւանդեց :

5. Իսկ կրտսերն ֆորսիթ այնչափ ժամա-
 նակ եղբորը կռնակն ըլլալով և տաքութիւնը
 կամաց կամաց իրեն անցած ըլլալով ոյժ և
 կենդանութիւն կու գայ վրան , այնպէս որ
 երբ իր եղբայրը կ'իյնայ կը մեռնի , ինք բա-
 ւական ոյժ և քաջութիւն կը ստանայ , և ան-
 վտանգ մինչև տուն կը հասնի իր գթասիրտ

եղբորը դիւցազնական քաջութեամբը մահ-
 ունէ ազատելով . ետքը զինք ազատողին
 սգալի յուզարկաւորութեան հանդէսն ըստ
 արժանւոյն կը կատարէ :

Հարցումներ : 1. Գանի մը զինուորներ ճամբորդութեան ա-
 տեն ի՞նչ եղան : 2. Ի՞նչ դժուարութիւն քաշեցին : 3. Մէկն
 ի՞նչ եղաւ . ո՞վ գտաւ զանի : 4. Ի՞նչ եղան . մեծ եղբայրը
 պզտիկին ի՞նչ ըրաւ : 5. Մեծ եղբայրն ի՞նչ եղաւ . կրտսերն
 ողջնալով եղբորն ի՞նչ ըրաւ :



Պաշտօն	Գործ	Շարունակ	անդադար
Անխոնջ	էյրգնող	Պարապիլ	դժբաղէ
Մամուլ	պղելու գործիչ	Օրինակ	գաղափար
Համբաւ	անոն	Տարածել	ծառայել
Արագ	շոք	Շանթարգել	խայծախն արգելող
Ստեպ	շոք անգամ	Անձանօթ	չգիտցուած

Ֆ Ր Ա Ն Ք Լ Ի Ն

1. Այս երևելի Ամերիկացի փիլիսոփան
 ծնաւ 1706 Յունուար 17ին Միացեալ Նա-
 հանգաց Պոսդոն քաղաքը , և պատանեկու-
 թեան ատենը տպագրիչի քով աշակերտ էր :
 Յետոյ իբրև խմբագրապետ ինք կը հրատա-
 րակէր Ամերիկայի առաջին թերթերէն մին :
 Ժուժկալութեամբն , աշխատասիրութեամբը
 և իննայողութեամբը շարունակ իր ուսմանը

պարապելով՝ իր դարուն ամենէն երևելի փիլիսոփան եղաւ :

2. Ֆրանքլին երբ տպագրութեան պաշտօն կը վարէր, անխոնջ աշխատութեամբ օրը երկու հազար հինգ հարիւր օրինակ, կամ որ նոյն է՝ հազար երկու հարիւր յիսուն՝ երկու երեսնէ բաղկացեալ թերթ կը տպէր : Ժամանակ մը ետքը Նափիէրի մամուլը դործածուիլ սկսաւ, որ ժամը հազար օրինակ կը հանէր : Աւելի մօտ ատեններս Նոր Եորք քաղքէն Պարոն Հօ մամուլ մը հնարեց որ ամէն դառնալուն չորս օրինակ կը հանէ, և այնպիսի արագութեամբ կը դառնայ որ ժամը տասը հազար թերթ կը տպէ :

3. Երբ Ֆրանքլին տպագրիչ էր, ընդ ամէնը երկու երեք լրագիր կը հրատարակուէր Ամերիկայի մէջ, իսկ Եւրոպայի մէջ շատ քիչ էր : Հիմա երեք հազարէն աւելի լրագիր կայ Միացեալ Նահանգաց մէջ միայն, և ասոնց գրեթէ երեք հարիւր հատը օրական թերթեր են, այսինքն բաց ի Պիրակիէն ամէն օր կը հրատարակուին : Ուրիշ քանի մը լրագիրներ կան որոնցմէ ամէն անգամ երկու հարիւր հազար օրինակ կը հրատարակուի :

4. Բոլոր Եւրոպա տարածուեցաւ այս իմաստնոյն համբաւն անոր հնարած ելեքտրականութեան գիւտերովը : Փորձով դտաւ մինչև

այն ատեն անծանօթ եղող բան մը, այսինքն կայծակին ելեքտրականութիւն ըլլալը, և հնարեց շանթարգելը, որով կայծակէ զերծ կը մնան այն տեղուանք ուր որ կը դրուի : Ասիկա մեծ օրհնութիւն է այն երկիրներուն մէջ, ուր սաստիկ փոթորիկներ կ'ըլլան ստէպ, և շատ տուներ, նաւեր, նաև մարդիկ կայծակնահար ըլլալէ զերծ կը մնան :

5. Ասոր վրայ գրեթէ ութսուն տարի անցաւ, երբ ելեքտրական հեռագիրը հնարուեցաւ, ասիկա գտնողն ալ Ամերիկացի մըն է, Պարոն Մօրս անուն՝ Նոր Եորք քաղքէն : Ֆրանքլին այս զարմանալի գիւտին հայրը կոչուելու արժանի է : Ասով հարիւրաւոր մղոն իրարմէ հեռու անձինք կրնան անմիջական հաղորդակցութիւն ունենալ մէկմէկու հետ, օգնութեամբ պղնձէ թելերու, որոնց վրայէն ելեքտրական զօրութիւնը կ'անցնի և կը դարձնէ մեքենայ մը որով զրկուած խօսքերը թուղթի վրայ կը տպուին :

6. Անգղիացիք և Ամերիկացիք հիմա հեռագրական թելեր իջեցուցած են Ատլանտեան Ովկիանոսին յատակը Անգղիայէն մինչև Ամերիկա, այնպէս որ Լոնտօն և Նոր Եորք, որ իրարմէ երեք հազար մղոնէն աւելի հեռու են, մէկմէկու հետ ամէն օր կը խօսակցին : 1848 ին Սուլթան Ապտիւլ Մէճիտ գեղեցիկ

անդամներէս շքանշան ու հրովարտակ մը
 դրկեց Պարոն Մօրսին ի պատիւ իր հնարած
 ելեքտրական հեռագրի զիւտին: Պրանքլին
 շատ տարիներ Միացեալ Նահանգաց կողմն
 նէ Գաղիոյ Տէրութեան մէջ դեսպանութիւն
 ըրաւ, և միշտ պատուով կը յարգէին զանի
 փարիզու մէջ: Այս երեւելի անձն ութսուն
 ու չորս տարեկան մեռաւ յամի Տեառն 1790:

Հարցումներ: 1. Պրանքլին ո՞ր ծնած է: 2. Ժամանակ մը
 ի՞նչ պաշտօն վարեց: 3. Այն ատեն լրագրաց վեճակն ի՞նչ
 պէս էր: 4. Ի՞նչ զիւտ հնարեց: 5. Ուրի՞շ մը ինչ հնարեց:
 6. Մօտերս ի՞նչ ընելու ջանքեր կ'ըլլան: Պրանքլին քանի՞
 տարեկան մեռաւ:

Գ Ա Ս 11

Վայրկեան	բողէ	Հաւասար	նճան
Արագ	լուս	կենդանի	լուսն ոսկեցող
Հասակ	Բարձրութեան	Ահարկու	Չափ չգող
Հաճոյ	սիրելի	Բազմաթիւ	լաք
Օղակ	օշ	Զարմանալ	սպիտի
Ծառայ	սպասար	Զօրութիւն	ոճ

Ա Ր Ա Գ Ա Շ Ա Ր Ժ Ո Ի Թ Ի Ի Ն

1. Երեւիլ ըսուած փոքրիկ որդը զարմա
 նալի արագութեամբ կը շարժի, և բնազդն
 նինք կը վկայեն թէ մէկ մանրերկրորդին մէջ
 հինգ հարիւր, և մէկ վայրկենին մէջ երեսուն

հազար քայլ կ'ընէ: Եթէ ձին այս որդին
 սէս արագաքայլ ըլլար, ժամը հազար ութ
 հարիւր մղոն ճամբայ պիտի առնէր, հազար
 քայլը մղոն մը հաշուելով, և Իւսկիւտարէն
 մինչև Եւրոպիա տասնուհինգ վայրկենի մէջ
 պիտի հասնէր:

2. Ուրիշ միջատ մըն ալ կայ որ ամենուս
 ընտանի է. և թէպէտ մեզի հաճելի չէ, սա
 կայն ընազննին աչաց հաճոյ և հետաքրքրա
 կան բան մըն է:

3. Սնունն է լու. արագաշարժութեանը
 կողմանէ ըստ մասին կը հաւասարի Երեւիլին,
 սակայն ուժին նկատմամբ, որ անհամեմատ է
 իր հասակին, չկայ կենդանի մը որ կարենայ
 անոր հաւասարիլ:

4. Երբ խոշորացոյցով նայիս, կը տեսնես որ
 լուն շատ գեղեցիկ, փառաւոր և ահարկու
 է, և բոլոր մարմինը զրահով զինեալ կ'երևի:
 Գլուխը պզտիկ, աչքերը խոշոր, մարմինը մա
 քուր և փայլուն է, և բոլոր մարմինը պա
 տած է բազմաթիւ սուր և փայլուն մազերով:

5. Բոլոր շարժումներն արագութիւն և զօ
 րութիւն կը ցուցնեն, և այնպիսի տարօրի
 նակ շղային զօրութիւն ունի որ մարդ կը
 զարմանայ, և գիտցուած չէ ուրիշ կենդանի
 մը, որուն ոյժը, մեծութեանը հետ բազդատ
 ուելով, այս կենդանուցն ուժին հաւասարի:

Քանզի լուն բաղդատմամբ իր երկայնութեանը երկու հարիւր անգամ հեռու կրնայ ցատքել, և իր մարմինէն հարիւրապատիկ ծանր շղթայ մը կրնայ քաշել :

6. Վարպետ ժամագործ մը, որ քանի մը տարի առաջ Լոնտրա կը բնակէր, հասարակութեան փողոսկրէ պզտիկ կառք մը ներկայացուց որ չորս անիւ ունէր և մէջը ամէն կարեւոր բաները կային, և սնտուկի մը վրայ շինծու մարդ մը նստած էր իբրև կառավար. բոլոր այն բաները միայն լու մը կը քաշէր :

7. Ուրիշ կառք մըն ալ շինեց առջևէն վեց ձիով, կառավար մը սնտուկի վրայ նստած՝ քո՞ղն ալ շուն մը, կառքին մէջ ալ չորս մարդ, ետևի կողմը երկու սպասաւոր կեցած, և ձիաւոր մըն ալ առջևի ձիերուն մէկուն վրայ նստած. այս ամէնը մէկ լու զիւրութեամբ կը քաշէր : Նաև պղնձէ շղթայ մը շինեց երկու մատնաչափ երկայն՝ որ ունէր երկու հարիւր օղակ, մէկ ծայրը կեռ մը և միւս ծայրը բանալիով կղպանք մը, որոնց ամէնը լուն կը քաշէր կը տանէր :

Լուն իր ծանրութեանը տասնապատիկ կերակուրը կ'ուտէ օրը :

Հարցումներ : 1. Երևիլ ինչդիսի՞ որդ է : 2. Անոր նման ուրիշ ի՞նչ միջատ կայ : 3. Ի՞նչ կը կոչուի, և ի՞նչ բանի մէջ ուրիշ կենդանիներէն վեր է : 4. Եթէ խոշորացուցով

զննուի, ի՞նչ կը տեսնուի վրան : 5. Ի՞նչ ոյժ ունի : 6. Լոնտրա ժամագործ մը ի՞նչ ըրաւ : 7. Ուրիշ ի՞նչ բաներ շինեց և լուին լծեց :

Գ Ա Ս 12

Օգուտ	չահ	Անկողն	դառնելու գէշ
Տեսակ	խէրդ	Տարակոյս	խախտ
Տանջել	լարլարել	Հակառակ	դէճ
Վտանգ	խորջանտ	Արտաքին	Դժոխ
Գանգատ	դրոշմ	Կարճատես	ուրբ քիտ
Նախնիք	առջի մեծ հայրերէ	Սրատես	ուրբ ոգրոտ

ԱՌՏՈՒՆԵՐԸ ԿԱՆՈՒԽ ԵԼԼԵԼ

1. Սուտունները անկողնէն ուշ ելլելուն վնասները, և ընդ հակառակն, կանուխ ելլելուն բնական և բարոյական օգուտները շատ աղէկ կը նկարագրէ Գերմանացի մատենագիր մը սա խօսքերով. « Չափէն աւելի անկողնոյ մէջ մնալ ու քնանալը ոչ միայն թուրութիւն կը բերէ մարդուս, այլ նաև շատ տեսակ հիւանդութեանց պատճառ կ'ըլլայ՝ որ ջղացաւութեան անուսով մինչև ցմահ զմարդ կը տանջեն :

2. Եւ որովհետև այս տեսակ հիւանդութեանց պատճառը շատ անգամ չգիտցուիր, և դեղերն օգուտ չեն ըներ, ուստի կ'երևի թէ ասոնց բուն պատճառը շատ քնանալն է, որովհետև այսպիսի հիւանդութեանց պատ-

ճառը մարմնոյն տկարանալն է, որով հոգին և միտքը կը թուլնայ, և մարդս մինչև ցմահ այլևայլ ցաւերով կը տանջուի :

3. Ուստի մեծ փոյթ տարուելու է տղայոց քանի որ պղտիկ են, և մասնաւոր զգուշութիւն ընելու է որ այսպիսի վտանգներէ զերծ մնան : Թերևս շատերուն անհաւատալի պիտի թուի այս ըսածս, սակայն անոնց տարակոյտը բժշկական փորձերով կրնայ պարզուիլ : Կան նաև ուրիշ շատ հիւանդութիւններ որոնց գալը չի կրնար առաջուրնէ գիտցուիլ :

4. Սրգեօք ի՞նչ է պատճառը որ մեր նախնիք մեզի պէս չէին գանգատեր այս տեսակ հիւանդութեանց համար, և ասկէ հաբիւրաւոր տարի առաջ գրուած գիրքերէն և ոչ միոյն մէջ չղացաւի վրայ բան մը կը կարդանք : Տարակոյտ չկայ որ զեղխութիւնն ալ, որ մեր ատենները աւելի շատցած է, այս կերպ հիւանդութեանց պատճառ կրնայ ըլլալ. բայց կը կարծեմ թէ անկէ աւելի անկողնոյ մէջ երկար ատեն և անօգուտ տեղը պառկելն է պատճառ հիւանդութեանց :

5. Մեր նախնիք առտուները շատ կանուխ կ'ելլէին անկողնէն, ուր ընդ հակառակն իրենց զաւկները շատ ուշ կ'ելլէն. ասով հարկաւ անոնց ջիղերը կը թուլնան, ուժէ կ'լնան և անոնց մտաւորական կարողութիւնը

կը տկարանայ, և այսպէս մարդս գիւրաւ մեղամաղձոտութեան մէջ կ'ընայ :

6. Շէյն անուն երևելի բժիշկը կ'ըսէր թէ, տկար կազմուածք ունեցող կամ ընթերցասէր և մտածող մարդու համար երկար ատեն անկողնոյ մէջ մնալէն աւելի վնասակար բան չկայ : Վասն զի մէկ կողմէն միւս կողմը դառնալով, շարունակ յօրանջելովն ու ձկտելով հարկաւ ներսի հիւթերը կ'ապականին, անդամները կը թուլնան և բոլոր մարմինը կը տկարանայ :

7. Սյն արտաքին մաքուր օդը զոր կը ծծենք, և անկողնէն ելած ժամանակ մեր մարմինը կը զովացնէ, պաղ ջուրով լուացուածի չափ օգուտ ունի : անով հիւթերը աւելի շուտ շրջան կ'ընեն և կը մաքրուին, մարմնոյն անդամներն աւելի ևս կը զօրանան և կը հաստատուին. ընդ հակառակն չափէ դուրս տաքութեամբ կը ցնդին հիւթերը. և ասոր ապացոյց է մարդուս ակտրիֆակը, որ երբ կանուխ կ'ելլէ անօթութիւն կը զգայ :

8. Շատ քնանալուն կամ թէ անկողնոյ մէջ կենալուն մէկ վնասն ալ այս է, ինչպէս կը հաստատէ Ուիլլի բժիշկը, որ մարդուս աչքին տեսութիւնը կը տկարացնէ, և մարդս կարճատես կ'ընէ : Երբ պատանի էի, աչքերս երթալով տկարացան, իսկ երբ սկսայ ամէն

օր շատ կանուխ ելլել, տասը տասուերկու տարուան մէջ զօրացան և սրատես եղայ:

9. Մէնսֆիլտ անուն երևելի Սնդղիացի օրէնագէտը շատ ծերերու ապրելուն կերպը քննելով՝ տեսեր է որ մինչև խոր ծերութեան հասնողներն ընդհանրապէս անոնք են, որ առտուները կ'անուխ կ'ելլեն: Այս իրական փաստերը ուրիշ ամէն փաստերէ լաւ կը հաստատեն մեր խօսքերը:

Հարցումներ: 1. Ի՞նչ է ուշ ելլելուն վնասը: 2. Հիւանդութիւններն ընդհանրապէս ինչէ՞ն յառաջ կու գան: 3. Տղայոց ի՞նչ մասնաւոր փոյթ տարուելու է: 4. Հին աստնները կայի՞ն այժմու հիւանդութիւնները: 5. Ի՞նչ է ուշ ելլելուն ուրիշ մէկ վնասը: 6. Ո՞ր մարդոց աւել կը վնասէ շատ քնանալը: 7. Ի՞նչ է կանուխ ելլելուն օգուտը: 8. Աչաց ալ վնաս է շատ քնանալը: 9. Ո՞ր մարդիկ երկար կեանք կ'ունենան:

ԳՍՍ 13

Պառկել	անխոշիւ ճոխել	Օգտակար	չահասոր
Առողջ	զօրասոր	Զօրութիւն	ուժ
Կարօտ	պէտք ունեցող	Անդանդաղ	չանասցող
Անդին	գին լուսեցող	Իմաստուն	եւեցօի
Ազուշ	պիմար	Բանաստեղծ	գառ շնոր
Հասակ	գարիտ	Հեղինակ	գիրտի ճշ շնոր

ԱՌՏՈՒՆԵՐԸ ԿՍՆՈՒԽ ԵԼԼԵԼ

1. Ֆիլիփ անուն Սնդղիացի բժիշկը իր գրուածներէն մէկուն մէջ կը հաստատէ թէ

առջի իրիկունէ թէև կանուխ պառկին օգտակար է տկար մարդոց, սակայն անկողնոյ մէջ չափէն աւելի երկար ատեն մնալը շատ վնասակար է: Եթէ կ'ուզես քանի մը օր փորձի համար սովորականէն մէկ կամ երկու ժամ կանուխ ել, պիտի տեսնես որ նոր զօրութիւն և ուժ պիտի առնես, զոր ուրիշ կերպով չէիր կրնար ստանալ:

2. Անոնք որ շատ տկար չեն՝ պէտք է որ անդանդաղ անկողնէն ելլեն, և թէպէտ առջի բերան ծանր պիտի դայ անոնց, որովհետև տե տկարն առողջէն աւելի քնոյ կարօտութիւն ունի, բայց անոնց երկրորդ իրիկուան քունն աւելի խորունկ և անոյշ կ'ըլլայ: Երկար ատեն անկողնոյ մէջ մնալը ոչ միայն վնասակար և թուլացուցիչ է, այլ և անգին ժամանակին մեծ կորուստ, քանզի եթէ մարդս շարժմամբ այն ժամանակն անցունէր, առողջութիւնն աւելի պիտի զօրանար:

3. Անոնք որ առտուները կանուխ կ'ելլեն, առողջ, հարուստ և իմաստուն կ'ըլլան, կ'ըսէ Ֆրանքլին: Մարդկային կենաց բոլոր թշուառութեանց և մինչև իսկ կենաց կարճնալուն միակ պատճառը ծուլութիւնը և անհոգութիւնն է, որ սաստիկ աշխատանքներէն աւելի մարդս կը փճայնէ:

4. Բոլոր մեծամեծ մարդիկ գիշերուան մէկ

քանի ժամը միայն քնանալով կ'անցունէին ,
և պետք եղածէն աւելի չէին քնանար , ու
րով իրենց կենաց մէկ մասն ալ կը շահէին :
Մարդս շատ քիչ քնոյ կարօտութիւն ունի ,
և այս պատճառաւ շատ քնացողները ապուշ
կ'ըլլան , կ'ըսէր Լոք փիլիսոփան :

5. Ֆրանսիացի Գաղիացին , որ հարիւր տա
րի ապրեցաւ , ամէն իրիկուն շատ կանուխ
կը պառկէր , և առտուները կանուխ կ'ել
լէր , և մինչև ճաշի ատեն կ'աշխատէր , այս
ինքն կէսօրուան երկու կամ երեք ժամ մնա
ցած , և իրիկունները կը հանդչէր կամ առան
ձին պտտելով , և կամ երևելի մարդոց հետ
տեսնուելով :

6. Մեծ բարիք կ'ընեն ծնողք իրենց որդ
ւոցը , եթէ զանոնք իրենց տղայական հա
սակէն վարժեցնեն առտուները կանուխ ել
լելու . անով անոնց առողջութիւնը կը զօրա
նայ , աշխատասիրութիւնը կը քաղցրանայ ,
զուարթութիւննին կ'աւելնայ , և անոնց միտ
քը ամէն տեսակ կրթութիւն առնելու կը
վարժուի , շատ բաներու գիւրաւ տեղեակ
կ'ըլլան , և աշխարհիս մէջ լաւ կեանք կ'ան
ցունեն : Ուստի ծնողք փոյթ տանելու են ի
րենց զաւկները կանուխ պառկեցնելու և առ
տուները կանուխ արթնցնելու :

7. Միլտոն Անգղիացի հռչակաւոր բանաս


տեղծը ձմեռ ատեն ամէն օր շատ կանուխ
կ'ելլէր , իսկ ամառը թռչնոց հետ մէկտեղ
կամ քիչ մը ետքը , և կը սկսէր երևելի հե
ղինակաց գիրքեր կարդալ կամ կարդացնել ,
մինչև որ միտքը յոգնէր , և կամ յիշողու
թիւնը օգտակար նիւթերով լցուէր . այնու
հետև կը սկսէր օգտակար աշխատութեանց
հետ ըլլալ , որով միշտ հաստատուն պահեց
իր առողջութիւնը և կազմուածքը :

8. Մեծն Փրեդերիկոս առաջ սաստիկ քնա
սէր էր , բայց 1747ին երբ թագաւոր եղաւ ,
պատուէր տուաւ իր սենեկապետին որ ամէն
առտու չլուսցած զանի արթնցնէր . և որով
հետև անով ալ չէր կրնար ելլել , պատուիրեց
որ արթննալուն պէս՝ երեսին վրայ թրջած
լաթ մը կամ ուրիշ բան մը ձգէր , մինչև որ
կամաց կամաց վարժուեցաւ կանուխ ելլելու :

9. Սուրբ Գրոց մէջ շատ տեղեր կանուխ
ելլելուն օգուտները և ուշ ելլելուն վնասնե
րը ցուցուած են . ինչպէս Սողոմոն Առակաց
Գիրքին մէջ կ'ըսէ , « Ով ծոյլ , մինչև ե՞րբ կը
պառկիս , քունէդ ե՞րբ պիտի արթննաս :
Քիչ մը քնանաս , քիչ մը նիրհես , ու քիչ մը
ձեռք ձեռքի վրայ դնես ննջելու համար .
անատենը քու աղքատութիւնդ ճամբորդի
պէս պիտի գայ , ու կարօտութիւնդ՝ սպա
ռազինեալ մարդու պէս :

10. Միով բանիւ մարդուս կենաց պատուական դրամագլուխը մի միայն իր անցուցած ժամանակն է. այն մարդը միայն շատ և երկար կ'ապրի, որ իր ժամանակն ամենևին պարսպ և անպտուղ չանցնէր, այսինքն այն որ իր կենաց երրորդ մասը հազիւ քնոյ համար կը կորսնցնէ :

Հարցումներ : 1. Բժիշկ մը կանուկ պառկելուն վրայ ի՞նչ կը գրէ : 2. Որո՞նք աւել շատ ելլելու են անկողնէն . ինչո՞ւ : 3. Ի՞նչ բանէ յառաջ կու գայ թշուառութիւնը : 4. Փիւստոփայ մը ի՞նչ ըսել սովոր էր : 5. Ֆրանսիացի քանի՞ տարի ապրեցաւ . ի՞նչպէս կ'անցունէր ժամանակը : 6. Ծնողք ի՞նչ ընել պարտին իրենց զաւկներուն : 7. Միլտոն ի՞նչ ընել սովոր էր : 8. Մեծն Փրեդերիկոս ի՞նչ կերպով վարժուեցաւ կանուկ ելլելու : 9. Սուրբ Գիորգ ի՞նչ կ'ըսէ ուշ ելլելու նկատմամբ : 10. Երկար կեանք ունենալու միջոցն ի՞նչ է :



Պ Ա Ս 14

Փափաք	Բողոքանք	Մտածել	Տարփանք
Գետին	Երիւր	Պատանի	Ճանչ
Ծածկել	Գոյել	Շառաւիղ	Ճիւղ
Առու	Պարտիք	Յիրուցան	Գարբաղահատ
Ազնիւ	Կարճատև	Նունենի	Նորի ծառ
Որդի	Կասկ	Ուսուցիչ	Վարժարան

ՀՐԱՇՔ ՏԵՄՆԵԼՈՒ ՓԱՓԱՔ

1. Սողոմոն պատանեկութեանը ատեն դարձնան որ մը հօրը պարտէզին մէջ արմաւեն

ւոյ մը ներքեւ նստած, աչքը դետինը տնկած խոր մտածութեան մէջ ընկղմած էր : Նա թան, անոր դաստիարակը, քովը մօտենալով հարցուց, « ինչո՞ւ նստեր կը մտածես : » Պատանին դուրսը վեր վերցուց և պատասխանեց, « Նաթան, շատ կը փափաքիմ հրաշք մը տեսնել : » « Այդպիսի փափաք մը ես ալ ունէի, երբ տղայ էի : » « Փափաքդ կատարուեցա՞ւ, » հարցուց աճապարանօք Արքայորդին :

2. Պատասխան տուաւ Նաթան ըսելով, « Այր Աստուծոյ անուն մարդ մը ինձի մօտենալով և ձեռքի նուան կուտ մը ցուցնելով ըսաւ, « Աղէկ նայէ, տես սա կուտն ի՞նչ պիտի ըլլայ : »

3. Այսպէս ըսելէն ետքը մատովը ծակ մը բացաւ, կուտը մէջը դնելով վրան հողով ծածկեց : Հազիւ թէ ձեռքը քաշեց, և ահա երկու մանր տերևներ դուրս ցցուեցան : Եւ դեռ անոնց տերև ըլլալը չնշմարուած՝ իրարմէ բաժնուեցան, և մէջտեղէն շառաւիղ մը ելաւ կեղևով պատած և հետզհետէ բարձրացաւ և հաստցաւ :

4. Ասոր վրայ Աստուծոյ մարդն ինձի ըսաւ, « Նայէ », և երբ նայեցայ՝ եօթը ոտ ելան այն շառաւիղէն, սեղանին վրայի աշտանակին եօթը աստղերուն պէս : Սբան

չացայ . բայց Աստուծոյ մարդը . քովս եկաւ ,
և ինծի պատուիրեց որ լուռ կենամ ու դի-
տեմ : ‘Նայէ՛ ,’ ըսաւ , ‘նոր ստեղծուածներ
պիտի երևին :’

5 . ‘Այս խօսքին վրայ գնաց մօտակայ ա-
ռուէն ավովը ջուր բերելու և այն նորաբոյս
ծառը ջրեց : Մէյ մ’ալ նայիս որ բոլոր ոս-
տերը կանանչ տերևներով լեցուեցան , այն-
պէս որ զովասուն հովանի եղաւ վրաս և ա-
նոյշ հոտեր բուրեցին չորս գին : Ուստի՞ է
այս անուշահոտութիւնը և զովարար շուքը ,
գոչեցի : ‘Չե՞ն տեսներ՛ , պատասխանեց Աս-
տուծոյ մարդը , ‘այն կարմիր ծաղիկները որ
կանանչ տերևներուն տակէն կը բացուին խիտ
առ խիտ :’

6 . Երբ կը պատրաստուէի պատասխան
տալու , մէյ մին ալ զովիկ հով մը փչելով տե-
րևները թոթովեց և ծաղիկները մեր բոլորտի-
քը ցանեց , ինչպէս աշնան սաստիկ հովերը
չորցած տերևները ծառէն վար կը թափեն և
ցիրուցան կ’ընեն : Ծաղիկները թափուածին
պէս մէյ մ’ալ նայիս որ գեղեցիկ գոյներով
կարմիր նուռեր կախուած էին՝ Ահարոնին գա-
ւազանին վրայ բուսած ընկոյզներուն պէս :
Աստուծոյ մարդուն ըրած այս բանը տեսնե-
լով ասի ի բերան ապշեցայ մնացի :”

7 . Հոս Նաթան խօսքը վերջացուց . իսկ

Սողոմոն անմիջապէս հարցուց , “Ի՞նչ է այն
մարդուն անունը . դեռ կենդանի՞ է . ո՞ր
կը բնակի :” “Դաւթի որդի , քեզի պատմածս
երազ էր ,” պատասխանեց Նաթան : Իսկ Սո-
ղոմոն այս խօսքը լսածին պէս սիրտը թռնտ
ելաւ և ըսաւ , “Ի՞նչպէս կրցար զիս խա-
բել :” “Որդի Յեսսէի , ես քեզ չսաբեցի ,”
կրկնեց Նաթան : “Ահա հօրդ պարտեզին մէջ
բոլոր պատմածներս կրնաս տեսնել : Միթէ
բոլոր նունենեաց միւսնոյն բանը չի՞ պատահիր ,
ինչպէս նաև ուրիշ ծառոց :”

8 . “Այո” , ըսաւ Սողոմոն , “բայց այն-
պէս կամաց կամաց և այնչափ երկար ատենի
մէջ , որ մենք չենք զգար :” Պատասխան
տուաւ Նաթան ըսելով , “Ուրեմն Աստուծոյ
գործքերուն մէկը կրնայ՝ պզտիկ բան սեպ-
ուիլ՝ կամաց կամաց և անզգալի կերպով ըլ-
լալուն համար : Բնութիւնը քեզ ուսուցիչ ը-
րէ , և անոր գործողութիւնները սորվելու
հետամուտ եղիր , անատեն դիւրաւ կը հաւա-
տաս Տէրոյն գործքերուն մէջ եղած հրաշից
բարձրագոյն զօրութեանը , և մարդու ձեռ-
քով գործուած հրաշք տեսնելու պիտի չփա-
փաքիս :”

Հարցումներ : 1. Սողոմոն պարտեզը նստած ատեն ո՞վ ե-
կաւ անոր քով , և ի՞նչ ըսաւ . Սողոմոն ինչ պատասխանեց :
2. Նաթան ի՞նչ պատմեց անոր : 3. Յետոյ ի՞նչ ըրաւ , և

Ի՞նչ եղաւ : 4. Ի՞նչ տեսած էր Նաթան : 5. Ուրիշ ի՞նչ տեսաւ : 6. Ծառին վրայ ի՞նչ տեսնուեցաւ : 7. Ասոր վրայ Սողոմոն ի՞նչ պատասխան տուաւ : 8. Ի՞նչ կերպով համոզեց զՍողոմոն :

Պ Ա Ս 15

Պալատ	Տէժ սոռն	Վաղեմի	Հին
Կահիճ	ցաս	Միասին	Ձէլքեշ
Գնչու	էնէնեանէ	Թափառել	ասրիս անդին յըջիւ
Խնջոյք	հանդէս	Պատուհաս	պատիժ
Յանկարծ	Ձէլէն	Համադամ	համոյ
Հրդեհ	չրաչ	Անձկուծիւն	արտի նեղութիւն

ԾԻՆԵԼՈՅՁ ՄԱՔՐՈՂՆԵՐՈՒՆ ՏՕՆԸ

1. Եւստիանակաւ Լոնտրայի մէջ ամէն տարի մայիսի առջի օրը քաղաքին ծիններոյց մաքրողներուն համար մեծ տօն կ'ըլլար Մոնթէկու ընտանեաց պալատը : Կ'ըսուի թէ այս սովորութիւնը հետեւեալ պարագաներէն սկիզբ առած է : Մոնթէկու տիկինն ամառ ատեն, ըստ սովորութեան, ամառանոցը դացած ըլլալով, սովոր էր ամէն օր իր տղան պատել զրկելու ծառային հետ որուն խստիւ պատուէր տրուած էր տղան աչքին առջևէն չկորսընցնելու :

2. Սակայն օր մը ծառան վաղեմի բարեկամներէն միոյն հանդիպելով ի միասին գինետուն դացին, և տղան մինակ մնացած աս-

դին անդին կը վազվրտէր : Եւստիանակ մը գինետան մէջ մնալէն ետքը, ծառան դուրս ելաւ տղան վնասելու որ ճաշի տանէր, սակայն չգտաւ զանի : Անիկա բոլոր գիշերը թափառեցաւ, ամէն տեղ, ամէն կողմ հարցուց, այլ ի զուր. Եդուարդ չգտնուեցաւ :

3. Կրնաք երեւակայել թէ խեղճ մայրը տղուն ուշանալը տեսնելով ո՞րչափ ցաւօք և անձկութեամբ լեցուեցաւ : Բայց անհնար է նկարագրել անոր կսկիծը և յուսահատութիւնը, երբ սպասաւորը դարձաւ և տղուն եկած փորձանքը պատմեց անոր : Ամենուրեք մարդիկ զրկուեցան տղան վնասելու, ամէն լրագրաց մէջ ծանուցումներ գրուեցան, Լոնտրայի և Անգղիոյ շատ քաղաքներուն մէջ թուղթեր փակցուելով՝ տղան բերողին կամ անոր վրայ տեղեկութիւն տուողին մեծագումար խոստումներ եղան, սակայն ամէն ճիգ և խնամ անօգուտ եղաւ. հետեւապէս կասկած ըրին թէ գուցէ տղան լիճն ինկած էր, և կամ գնչուները գողցած ըլլալով պատուհասուելու վախով չէին բերեր զանի :

4. Տիկին Մոնթէկու այսպիսի դառն անստուգութեան մէջ երկու տարի անցուց, և հակառակ սովորութեանը, ձմեռը Լոնտրա չվերադարձաւ, այլ գիւղը մնալով բոլոր ժամանակը կսկիծներու և միայնութեան մէջ

անցուց : Հուսկ յետոյ քոյրերէն մին ամուսնացաւ , և շատ ընդդիմութիւններէն ետքը տիկին Մոնթէկու հաւանեցաւ պարահանդէս և հարսանեաց խնճոյք մը տալ իր տունը :

5. Հանդէսին պատրաստութեանց խնամ տանելու համար Լոնտրա վերադարձաւ , և մինչ կերակուրները կ'եփուէին , յանկարծ տան մէջ հրդեհի ձայներ լսուեցան : Կ'երևի թէ խոհարարացմին կաթսան ձգած ըլլալով ծրխնելոյզը բռնկած էր : Ծխնելոյզ մաքրող փրնառեցին և տղայ մը գտնելով վեր հանեցին զանի , սակայն սաստիկ մուխէն խեղդուելու պէս եղած վառարանին մէջ ինկաւ : Տիկին Մոնթէկու ձեռքը քացախ և շիշ մը ողեկեց հեղուկ առած վաղեց եկաւ , և սկսաւ տըղուն քունքն ու վիզը շիբել , երբ յանկարծ « Ո՛հ , Եղուարդ իմ , » գոչեց , և տախտակամածին վրայ ինկաւ անզգայ : Շուտ մը սթափեցաւ , և տղան բազկացը վրայ առնելով գրկեց զայն ըսելով , « Մյո իմ սիրելի Եղուարդս է , իմ կորսուած զաւակս : »

6. Կ'երևի թէ վզին վրայի նշանէն ճանչցած էր զանի : Երբ վարպետին հարցուցին թէ ուստի առած էր տղան , ըսաւ թէ , տարի մը առաջ գնած էր զայն գնչու կնիկէ մը որ կ'ըսէր թէ անիկա իմ զաւակս է : Տղան սա միայն կը յիշէր թէ քանի մը մարդիկ անոր

պտուղ բերին և ըսին թէ պիտի առնէին մօրը պիտի տանէին զանի , և թէ երկար ատեն էշով ճամբորդելէն և շատ ժամանակ անոնց քով մնալէն ետքը , տղուն ըսած էին թէ , « Գուն այսուհետեւ քու հօրդ՝ ծխնելոյզ մաքրողի մը քով կենալու ես , » և երբ անգամ մը մօրը և գեղեցիկ տանը վրայ խօսեցաւ , այնպէս սաստիկ ծեծեցին զանի որ միտքն անգամ բերելու կը վախնար : Տղան ըսաւ նաև թէ իր վարպետը շատ աղէկ նայած էր անոր :

7. Տիկին Մոնթէկու առատապէս վարձատրեց այն մարդը , և այն ժամանակէն սկսեալ ամէն տարի մայիսի առջի օրը , այն է պզտիկ Եղուարդին ծննդեան տարեդարձին , բոլոր քաղքին ծխնելոյզ մաքրողներուն մեծ խնջոյք կու տար , և ամէն տեսակ համադամ կերակուրներով սեղան մը կը պատրաստէր որուն գլուխը Եղուարդ կը նստէր :

8. Շատ տարիներ առաջ եղած է ասիկա . թէ մայրը և թէ տղան մեռած են , սակայն ամէն տարի մայիսի առջի օրն իբրև տօնի օր կը բռնեն ծխնելոյզ մաքրողները , և մինչև ցայսօր Լոնտրայի ամէն կողմ կը տեսնես որ անոնք ժապաւէններ դրած և այլևայլ զարդարանքներով զարդարուած գրեթէ ամենուն դրան առջև կը պարեն և իրենց դուրծիքներովը կը չալեն ու կ'երգեն :

Հարցումներ : 1. Ատենօք ի՞նչ տօն կ'ըլլար Լոնտրա : 2. Օր մը ի՞նչ պատահեցաւ : 3. Մայրը տղան դտնել տալու համար ի՞նչ ըրաւ : 4. Վերջապէս ի՞նչ պատճառաւ մայրը Լոնտրա դարձաւ : 5. Ի՞նչպէս բռնկած էր ծխնելոյղը : 6. Մայրը տղան ինչէ՞ն ճանչցաւ . տղան ի՞նչ պատմեց : 7. Մայրը տղուն վարպետին ի՞նչ ըրաւ . ծխնելոյղներուն ինչ հանդէս տուաւ : 8. Կայ տակաւին այն սովորութիւնը :

Պ Ա Ս 16

Պատուէր	հրաման	Հայրենիք	Ծնած Խեղճ
Չղեստ	հագոսսոս	Հպատակ	հնալանդոռ
Հանդէս	բօն	Ինքնակալ	Լագոսոր
Ծաղիւ	էլէլ	Աղաղակ	Յայն
Սեննակ	իտոց	Քաղցրաձայն	անոյլ Յայնոյ
Իշխան	Կերո-Բէան	Սեծերը	Ժող

ՉԻՆՍՅ ՈՐԴԻՍԿԱՆ ՍԷՐԸ

1. Որդիական սէրը Չինաց ազգին մէջ ոչ միայն բնութեան տուրք և պարտք համարուած է, այլ նաև կրօնական պարտաւորութիւն և հաստատ պատուէր է : Այս սէրը Չինաց տէրութեան կառավարութեան ամենէն մեծ կապը կրնայ ըլլալ, և անոր ուժին ու երկար դիմանալուն պատճառ կրնայ համարուիլ :

2. Կրնանք ըսել թէ որդիական սէրը Չինաց թագաւորութեան ոգին է, ինչպէս որ հայրենեաց սէրը հին ատենուան հասարակա-

պետութեանց ոգին էր : Այս դեղեցիկ սիրոյ զգացմունքը Չինաց երկրին մէջ ընդհանուր է . թագաւորն իր հպատակներուն իբրև իր որդւոցը վրայ կը նայի, և հպատակները թագաւորին իբրև իրենց հօրը վրայ կը նային, և թագաւորը կ'անուանեն Հայր և Մայր թագաւորութեան :

3. Չինաց թագաւորները որդիական սիրոյ պարտուց օրինակ տալու համար իրենց հօրը աթոռը չեն նստիր, մինչև որ անոնց վախճանեալ հօրը մահուան սուգի ժամանակը չլեցուի, որ երեք տարի կը քչէ, և նոյն միջոցին Մանտարիններուն խորհրդարանը կը կառավարէ տէրութիւնը :

4. Ինքնակալը իր հպատակներուն օրինակ պիտի ըլլայ թէ կրօնական պաշտամանց, և թէ առ մայրն ունեցած որդիական պարտուցը մէջ, որուն համար ամէն տարւոյն առջի օրը մասնաւոր հանդէս մը կը կատարուի, զոր համառօտ կերպով կը դնենք հօս :

5. Տարւոյն առջի օրն արևը ծագելուն պէս ըոլոր Մանտարինները հանդէսի զգեստներ հագած կը ժողվուին թագաւորին պալատը, և իրենց աստիճանին համեմատ սրահին մէջ կը շարուին : Յետոյ թագաւորական իշխանազունք հագուած նոյն տեղը կու գան . անատեն թագաւորն աթոռին վրայ նստած՝ սենեակէն

դուրս կը հանեն իր մօրը սենեակը կը տանին որ զանի ողջունէ . գաւիթը ծողվուած հանդիսականք ալ մէկտեղ կ'երթան :

6 . Երբ թագուհւոյն սենեակին դուրս սրահը կը հասնին , թագաւորն աթոռէն վար իջնելով նոյն սրահը կ'երթայ : Այն միջոցին Մանտարին արարողագետ մը ներս կը մտնէ և թագուհւոյն առջև ծունկ չոքած թագաւորին կողմանէ աղերսագիր մը կը ներկայացնէ անոր որ հաճի դուրս ելլել , և անոր մատուցուելիք պատիւներն ընդունել :

7 . Անատեն թագուհին հանդիսիւ դուրս կ'ելլէ . արարողութեանց պաշտօնատէրը կ'երթայ թագաւորին և առջևը ծունկ չոքած կ'աղաչէ որ երթայ իր մօրը որդիական պատիւն ընէ . այնուհետև թագաւորը մօրը ներկայանալով շիտակ և ձեռուըները կախուած կը կենայ . նոյնպէս կ'ընեն նաև Մանտարիններն ու հանդիսականք . անատեն երգիչները կը սկսին քաղցրաձայն երգել :

8 . Մէյ մ'ալ Մանտարիններէն մին «Ծունկ չոքեցէք» կ'ըսէ . խոյն թագաւորը, Մանտարինները և իշխանք ծնկան վրայ կուգան . քիչ մը ետքը դարձեալ « Մինչև գետին խոնարհեցէք » կը դռչէ . և ամէնքը դիմացնին նայելով կը ծռին . ետքը նորէն « Ելէք , » կ'աղաղակէ , և ամէնքը ոտք կ'ելլեն . այսպէս

1291

երեք անգամ ծունկ կը չոքին , կը ծռին և կ'ելլեն :

9 . Այս արարողութիւններէն ետքը նոյն առջի Մանտարինը կ'երթայ թագաւորին կողմանէ թագուհւոյն աղերսագիր մը կը ներկայացնէ աղաչելով որ իր սենեակը դառնայ . անատեն նուագարաններով կ'երթայ թագուհին , և հանդէսը կը վերջանայ : Բաց աստի թագաւորը պարտական է ամէն հինգ օր անգամ մը իր մօրն այցելութեան երթալ :

Հարցումներ . 1 . Ձինաց ո՞ր սերը սաստիկ է : 2 . Թագաւորը հպատակացը վրայ ի՞նչ աչքով կը նայի : 3 . Ե՞րբ հօրն աթոռը չի նստի : 4 . Ի՞նչ է թագաւորին պարտաւորութիւններէն մին : 5 . Ի՞նչ հանդէս կը կատարեն , և ի՞նչ կերպով : 6 . Յետոյ ի՞նչ կը ներկայացնեն անոր : 7 . Թագաւորը որ՞ն կը ներկայանայ : 8 . Յետոյ ի՞նչ արարողութիւն կ'ըլլայ : 9 . Վերջապէս ի՞նչ կերպով կը վերջանայ հանդէսը :

Գ Ա Ս 1 7

Առիւծ	ինչքանեաց Լագուորը	Գաւազան խոյր
Որսալ	Բունէլ	Չարաչար Գել Իերդոլ
Հանդերձ	Հագուստ	Յարձակիլ լրան ցառիլ
Ուժղին	ո՞՞՞՞	Հետեիլ Գունալէն Երթալ
Գազան	Չայրէնի անասան	Յուսահատ յոյսը Խորոծ
Պարզև	Ընծայ	Նաւաստի նառն Բարդ

Ա Ռ Ի Ի Ծ

1 . Սփրիկէի հարաւային կողմերը , ուր Օթենթացիները կը բնակին , առիւծը շատ հա-

սարակ է, և տեղացիք շատ նեղութիւն և փնաս կը կրեն անոր երեսէն : Իրիկուն մը Օթենթացի մը կը տեսնէ որ առիւծ մը ետեէն կու գայ զինք որսալու : Մարդուն սիրտն ահ ուղողով կը լեցուի, սակայն կը խորհի հնարք մը գտնել ազատուելու : Կը վազէ բլուրի մը գահալէժ ծայրը կ'ելլէ և հոն ցած տեղ մը կը պահուրտի . գլխարկն ու հանդերձը դաւազանի մը կ'անցնէ և գլխէն վեր կը բռնէ, ու ասդին անդին կը շարժէ գաւազանը առիւծը խաբելու համար :

2. Առիւծը որ կատաղաբար կու գար, դըլխարկն ու հանդերձը մարդ կարծելով՝ արագութեամբ և ուժգին կը ցատքէ գաւազանին վրայ, և գլխիվայր կը կործանի և չարաչար կը վիրաւորուի : Այս կերպով Օթենթացուոյն կեանքը կ'ազատի :

3. Ուրիշ Օթենթացի մը կովերը ջուր խըմքնելու տարած ատենը կը տեսնէ որ առիւծ մը պառկած է գաշտին մէջ : Մարդը կը կարծէ թէ առելի կովերուն վրայ պիտի յարձակի . բայց կը սխալի, քանզի առիւծը կովերը թողլով մարդուն վրայ կը սկսի գալ : Օթենթացին հազիւ կարող կ'ըլլայ մօտը գտնուած ծառին վրայ ելլել . առիւծը կու գայ, և քանի մը անգամ ծառն ի վեր ցատկելէն ետքը, կը տեսնէ որ պիտի չկրնայ ձեռք ձգել որսը,

և ծառին ներքև քսանուչորս ժամ կը սպասէ :

4. Վերջապէս ծարուելով կ'երթայ ջուր խմելու . երբ աղէկ մը կը հեռանայ որ ալ չի կրնար ծառը տեսնել, մարդը ծառէն վար կ'իջնէ և կը փախչի : Խսկ առիւծը ջուր խմելէն ետքը առջի տեղը կը դառնայ . և երբ կը տեսնէ որ մարդը փախած է, կը սկսի մարդուն հետքին հետեիլ, և չգտնելով զայն յուսահատ կը դառնայ :

5. Կ'երեւի թէ առիւծն անցած բաները միտքը կը պահէ, և տեսածները ետքը կը յիշէ և կը ճանչնայ : Ատենօք Պարոնին մէկը առիւծ մը կը պահէր : Օր մը քանի մը նաւաստիներ այս կենդանին տեսնելու կ'երթան : Առիւծն այն ժամանակ առջևը դրուած միսը կ'ուտէր, ուստի շատ խոժուեցաւ և կատղեցաւ, երբ այս մարդիկ զայն անհանգիստ կ'ընէին : Նաւաստիներէն մին առիւծին մօտենալով ըսաւ, « Ներոն, խեղճ Ներոն, զիս չե՞ս ճանչնար ? »

6. Առիւծն այս ձայնը լսելուն պէս մէկէն կերակուրը թողուց, և ուրախութեան նշաններ ցուցնելով՝ սկսաւ նաւաստուոյն մօտ երթալ . նաւավարն ալ շոյեց անոր գլուխը . առիւծը կատուի պէս անոր առջևը կեցած շատ կ'ախորժէր անկէ : Ընկերներն ասիկա տեսնելով շատ զարմացան, և պատճառն

իմացան թէ քանի մը տարի առաջ այս կենդանին նաւաստւոյն հետ մէկ նաւու մէջ էր, և մարդը կը կերակրէր զանի, անոր համար իր բարերարին ձայնը առնելուն պէս սկսեր է այնպէս ուրախանալ:

7. Ուրիշ պատմութիւն մըն ալ ընեմ՝ առիւծին երախտագիտութիւնը ցուցնելու համար: Իբր երկու հազար տարի առաջ Հռովմայեցի մը իր գերւոյն հետ այնպէս չարաչար կը վարուէր՝ որ անոր համբերութիւնը հատնելով տիրոջը տունէն փախաւ. և չգտնուելու համար անտառը դնաց, և հոն քարայրի մը մէջ պահուրտեցաւ: Արդեօք ո՞րչափ վախցաւ խեղճ գերին, երբ խմացաւ որ այն քարայրը առիւծի որջ էր, և անդին ստակալի առիւծ մը տեսաւ որ դէպ իրեն կու գար: Տարակոյս չկայ որ խեղճ մարդը սաստիկ վախցաւ, և կարծեց թէ պատառ պատառ պիտի ըլլար առիւծին ճիրտններուն մէջ:

8. Իսկ առիւծը, ընդհակառակն, կամաց կամաց մարդուն մօտեցաւ, և հառաչանքով ոտքը վերցոց գերւոյն դէմը բռնեց. գերին ալ քննեց տեսաւ որ ոտքը փուշ մտած էր, զգուշութեամբ բռնեց դուրս քաշեց զայն: Առիւծը ցաւէն ազատուելով՝ սկսաւ իր բարերարին մօտ երթալ, և ոտքն կննալով շան պէս քծնիլ:

9. Այս գերին ատեն մը փախտական ապրելէն ետքը բռնուեցաւ, և վճիռ եղաւ որ գազանի առջև ձգուի և սպաննուի, ինչպէս որ հին ատենները մահապարտները այս կերպով մեռցնել սովորութիւն էր: Ուստի այս խեղճ գերին հրապարակ հանուելով, նոր բռնուած առիւծի մը առջև ձգեցին: Բոլոր հանդիսատեսք կը կարծէին թէ այն կատաղի առիւծը խեղճ գերին մէկէն պիտի պատառէր. սակայն ի՞նչ մեծ եղաւ անոնց զարմանքը, երբ տեսան որ առիւծը դլուխը ծըռած՝ կամաց կամաց գերւոյն մօտ գնաց, և փոխանակ ուտելու՝ շան պէս սկսաւ քծնիլ անոր առջևը:

10. Այս այն առիւծն էր, որուն ոտքէն փուշը հանած էր գերին ատենօք. ուստի կենդանին ալ հիմա իր բարերարին զլաս մը չէր տար: Կայսրը այս բանը տեսնելով շատ զարմացաւ, գերւոյն ազատութիւն շնորհեց, և առիւծը անոր պարգևեց: Գերին առիւծը Հռովմայի մէջ պտտցնելով և ժողովուրդին ցուցնելով՝ շատ ստակ շահեցաւ:

Հարցումներ: 1. Օթենթացոց երկիրը ի՞նչ վնասակար կենդանի կայ. Օթենթացի մը ի՞նչպէս աղատեցաւ առիւծի մը ձեռքէն: 2. Ի՞նչ հնարք խորհեցաւ: 3. Ուրիշ մը ի՞նչ ըրած ատենը դէմը առիւծ կ'ելէ: Ի՞նչպէս կ'ազատի: 4. Քանի մը նաւատիներ ի՞նչ տեսնելու գացին. ի՞նչ պատահեցաւ: 5. Ուստի՞ կը ճանչնար զանի: 6. Հռովմայեցի գերի-

Ներէն միոյն ի՞նչ պատահեցաւ : 7. Գերին ըռնուեցամ . ի՞նչ կերպով ազատեցաւ : 8. Ինչո՞ւ առիւծը մարդուն չլնասեց . գերին ի՞նչ ըրաւ առիւծը :

Գ Ա Ս 18

Որդեակ	զսասի	Առաջնորդ	Ճամբայ ցոյցող
Դաշոյն	սուր	Յաճախել	սպէտ երկաւ
Խորհուրդ	Տէր	Կատարել	ընել
Գանդատ	արարանջ	Տարակոյս	խախտ
Յետին	վերջին	Առանձին	մէտի
Բարի	արէի	Խոստանալ	խօստ արել

ՆԵՐՈՂԱՄԻՏ ՀԱՅՐ ՄԸ

1. Բարեպաշտ հայր մը՝ որ շատ խնամ կը տանէր իր որդւոյն բարեխաւութեանը և աստուածապաշտութեանը վրայ , ամէն միջոց ի դործ կը դնէր զանի կրթելու համար : Տղան , թէև աչքին առջև ունէր բարի օրինակ , բարեպաշտական կրթութիւններ և վարժութիւններ , սակայն իր երիտասարդական չար համարտութիւնները զինք մտրոցուցին , և ամէն անկարգութեանց մէջ ձգեցին , որով իր ծնողացը սիրտը դառնապէս կը վշտանար :

2. Այս անկարգ տղան կը յաճախէր չարութուն ընկերութեանը , և օրէ օր անոնց պէս կ'ըլլար . մինչև իսկ իր չար ընկերոջը տուած չար խորհուրդին անսաց , և միաքը գրաւ որ իր հօրը կեանքը վերջացնելու խորհուրդը

կատարէ , որպէս զի կարող ըլլար ստացուածքի տէր ըլլալ և ազատօրէն հետեւիլ իր անուակութեանը :

3. Այս ցաւալի լուրը հօրը ականջը կը հասնի , և երբ ճշմարտիւ կը ստուգէ իր որդւոյն խորհուրդը , կայծակնահար կ'ըլլայ : Եւ սակայն ուզեց վերջին ճիշդ թափել տղան ճամբայ բերելու համար , ուստի ըսաւ անոր , « Որդեակ իմ , կ'ուզե՞ս քիչ մը շրջագայիլ ինծի հետ . քու ընկերութիւնդ ինծի սիրելի է : » Տղան ընդունեցաւ հօրը խնդիրը , թերևս չար խորհուրդը կատարելու մտօք :

4. Մէկտեղ ճամբայ ելան , և երբ անտառի մը մէջ մտան , հայրը մէկէն կեցաւ և տղուն ըսաւ , « Որդեակ իմ , լսեցի որ զիս սպաննել կ'ուզես , և այս բանին վրայ տարակոյս չունիմ : Թէպէտև ես քեզի դէմ շատ իրաւացի դանդաւաններ ունիմ , սակայն դուն իմ որդիս ես , քեզ կը սիրեմ , և կ'ուզեմ իմ սիրոցս վերջին մէկ նշանն ալ տալ . ուստի այս անտառը բերի քեզ , այս առանձին տեղը , ուր մարդկային աչք մը չի կրնար տեսնել : Ինչ , և մարդ ալ չիմանար քու յանցանքդ : »

5. Ետքը քովէն դաշոյն մը հանելով ըսաւ տղուն , « Ահա , որդեակս , ահա քեզի դաշոյն մը , կատարէ կամքդ . գլուխ հանէ քու անագորոյն խորհուրդդ որ իմ կենացս դէմ

ունեցած ես. սպաննէ զիս ինչպէս որ կ'ուզես : Զիս հոս սպաննելովդ գուցէ մարդկային արդարութեան ձեռքն լյնալէն ազատիս. այս պիտի ըլլայ իմ սիրոյս վերջին նշանը. իմ յետին նեղութեանս մէջ այս ինծի մխիթարութիւն է որ ես քու կեանքդ պիտի ազատեմ, ուր դուն իմն կը սպաննես :”

6. Տղան կեցած տեղը կայծակնահար եղաւ, և ապշած մնաց, և չկրնալով ինքզինք զսպել՝ բարձրաձայն լաց մը փրցուց, և ինկաւ հօրը ոտքը՝ իր չար խորհուրդներուն համար թողութիւն խնդրելու, խոստանալով որ ալ այնուհետև իր վարքը բոլորովին փոխէ, և իր բարի ու մարդասէր հօրը մխիթարութիւն և ուրախութիւն ըլլայ : Այս իր խոստմանը վրայ հաւատարիմ կեցաւ տղան. ձգեց իր մոլութիւնները և չար ընկերները, և եղաւ իր հօրը ուրախութիւնն ու մխիթարութիւնը, որով իր առջի տուած վիշտերը և տրտմութիւնները սկսան փարատիլ :

Հարցումներ : 1. Յղայ մը, հակառակ հօրը խրատուցն, ի՞նչ ըրաւ : 2. Ընկեր մը ի՞նչ խորհուրդ տուաւ անոր : 3. Հայրը տղուն ի՞նչ ըրաւ, երբ անոր չար խորհուրդը լսեց : 4. Ո՞ւր գացին, և հայրն ի՞նչ ըսաւ : 5. Ետքը ի՞նչ ըրաւ : 6. Որդին խորհուրդէն ետ կեցաւ. ի՞նչ վարք ունեցաւ :



ՊԱՍ 19

Անշունչ	չունէ չունէցող	Շնչաւոր	չունէ ունէցող
Միակ	ձէլ հասիլ	Անհետեւ	անձուհի
Չարիք	գեղութիւն	Ժանտալեց	գէշ
Կատարդ	չհոռի	Ոխակալ	գէշ պահող
Մոլար	սխալ	Բազմաթիւ	շատ
Կարծիք	գաղափար	Առասպել	սոսա պատմութիւն

Ա. Կ. Ն. Հ. Ա. Ր. Ո. Ի. Թ. Ի. Ի. Ն.

1. Ակնհարութեան (նաղար) հաւտալն այնպէս սովորական է արևելքի և արևմուտքի առմկաց մէջ, որ շատ դժուար պիտի ըլլայ անոնց հասկցնել թէ բոլորովին անհիմն և սուտ կարծիք է այս : Ընդհանուր մտրութիւնն այս է թէ, որևիցէ մարդ կրնայ ուրիշը կամ ուրիշի ունեցած բանն աչիւնէլ, այսինքն այնպիսի կերպով մը նայիլ վրան որ է թէ շնչաւոր է կը հիւանդանայ կամ կը մեռնի, եթէ անշունչ է կ'աւրուի կամ կը կորուի և կամ կը կորսուի :

2. Այս անհետեւ կարծեաց կերպով մը մեկնութիւն տալ ուզելով՝ սովորաբար կ'ընեն թէ աչիւնը կամ նաղար րոտող մարդուն աչքէն տեսակ մը թոյն կ'ելլէ և կ'երթայ դիմացի բանը կը թունաւորէ. սա համոզումն ալ ունին թէ ասոր առջևն առնելու միակ դեղն է կապուտ ուրունք (պոռնոն) և կամ լաթ ու

սխտոր կախել աչքի չզարնուելու համար :

3. Այս կարծիքը շատ սխալ է . մարդուս աչքը ժանտալից կրնայ ըլլալ, ինչպէս որ նախանձոտ, ռիսակալ, չարասիրտ, բարկասիրտ և անզգամ մարդոց աչքերէն կ'երևի, բայց անվախ և անմեղ մարդոց ամենեւին չի կրնար փնասել : Որովհետև դժբաղդաբար աշխարհիս մէջ նախանձոտ և չարասիրտ մարդիկ աւելի բազմաթիւ են քան թէ անմեղ և բարեսիրտ մարդիկ, այսօրուան օրս անմեղ մարդ պիտի չմնար աշխարհիս վրայ, և անմեղները կամ նաև մեղաւորներն իրենց թշնամիներէն աչքիլուելով՝ ոչ առողջութիւն պիտի ունենային, ոչ հարստութիւն, ոչ յաջողութիւն, ոչ ընտանիք և ոչ իսկ կենդանութիւն :

4. Բայց պիտի ըսեն թէ ի՞նչ է պատճառը որ երբ մարդիկ տան մը աչք տան, կը տեսնես որ այն տունը կամ կը փլչի, կամ կ'այրի և կամ պատուհանները կը կոտորուին : Ասիկա անկարելի է . քանզի մարդուս աչքերէն ոչ թէ թոյն՝ այլև սատանայ ալ ելլէ, չի կրնար մէկու մը չարիք հասոյնել : Սակայն դիցուք թէ անոր աչքերէն սատանայական զօրութիւն մը կ'ելլէ և ասոր անոր կը փնասէ . կապուտ ուլունքը կամ սխտորի պճեղն ի՞նչ ուժ պիտի ունենայ ակնհարութեան դէմ : Ո՛րչափ նորաչէն տուներ տեսած եմ որոնց անկիւնէն

քանի մը պճեղ սխտոր և քանի մը կապուտ ուլունք կախուած էին, և վրան շարաթ մը շանցած ուրիշ տուներու հետ այրեցան մոխիր դարձան թէ այն տուները և թէ անոնց յուռութիւնքը (Քուրբան) :

5. Ծնողքներ կան որ սաստիկ սէրէն իրենց զաւկներուն վրայ կը դողդղան . մէյ մ' ալ յանկարծ անոնց վրայ հիւանդութիւն կու գայ, նայիս որ, վա՛յ, տղուս աչք տուին, աչքիլեցին, անգար տուին ըսելով՝ շուտ մը պառաւ մը կը կանչեն, ինչ ազգէ ինչ հաւատքէ կ'ուզէ թող ըլլայ, տղան կը ցուցնեն . անիկա ալ կը նայի, և, հա՛, այնպէս է, կ'ըսէ, տղադ սիրուն ըլլալուն համար աչքի եկած է :

6. Դիմացը կ'անցնի, քանի մը աւելորդապաշտական բաներ կը փսիսայ, իրը թէ կ'աղօթէ, երբեմն երբեմն վրան կը թքնէ, դարձեալ կ'աղօթէ, երբեմն ալ երեսն ի վեր կը փչէ, ու տղան մօրը կը յանձնէ, բան չկայ, կ'անցնի, կ'ըսէ : Այս հեթանոսական սովորութիւնները շատ փնաս կու տան բարեպաշտ քրիստոնէից . քանզի Աստուած արգելած է այսպիսի բաները :

7. Քանի մը տեսակ ակնհարութիւններ ալ դնենք հոս՝ ընթերցող տղայոց զուարճութեանը համար : Հին ատեները կարծիք մը կար թէ լիւրիկեցի կախարդներուն մէկ աչքին մէջ

երկու բիւ կար . ուստի որուն վրայ որ այն աչքով նայէին , անիկա մէկէն կը մեռնէր : Պոնտոսի կողմերը կախարդներ կային , որոնց մէկ աչքին մէջ նոյնպէս երկու բիւ կար , կ'ըսեն , միւսին մէջ ալ ձիու կերպարանք : Իտալոյ կախարդները մէկ նայուածքով մարդոց սիրտը կ'ուտէին և ձմերուկներուն միջուկը կը չորցնէին : Սպանիացւոյն մէկն այնպիսի չար աչք ունէր որ տան մը պատուհաններուն վրայ ուշի ուշով նայելուն պէս՝ բոլոր ապակիները կտոր կտոր կ'ըլլար : Ուրիշ Սպանիացի մըն ալ , թէ կամայ թէ ակամայ՝ ո՛ր մարդուն վրայ որ նայէր , անիկա մէկէն կը մեռնէր : Ուրիշ մը դաշտին մէջ շատ մը հաւեր ժողվել տալով , մէկ նայուածքով ամէնքն ալ կը սպաննէր :

8. Սյսպիսի առասպելաց թիւն անհամար է տգէտ և միամիտ ժողովրդոց մէջ , բայց զարմանալին սա է որ , տակաւին կը գրտնուին այսպիսի բաներու հաւատացողներ , և չեն ալ հարցներ թէ ինչո՛ւ հիմա չեն գրտնուիր այնպիսի փորձանաւոր աչք ունեցող պառաւներ : Քանզի պատասխանը սա պիտի ըլլայ թէ , որովհետեւ հիմա այնպիսի բաներու հաւատացող քիչ մարդ կայ : Փափաքինք , ջանանք ուրեմն որ օր մը առաջ բոլորովին ջնջուին այնպիսի մոլար կարծիքները . անատեն

անշուշտ ակնհարութիւնն ալ կ'անհետանայ :

Հարցումներ . 1. Ռամկաց մէջ ի՞նչ սխալ կարծիք կայ : 2. Ի՞նչ է ակնհարութիւնը : 3. Եթէ այս կարծիքն ուղիղ ըլլար՝ աշխարհս ի՞նչ կ'ըլլար : 4. Ակնհարութեան դէմ անոնց դործածած բաներն օգուտ ունի՞ն : 5. Տղէտ ծնողք ի՞նչ կ'ընեն երբ անոնց զաւկներէն մին կը հիւանդանայ : 6. Կախարդն ինչ կ'ընէ : 7. Ի՞նչ պատմութիւններ կը պատմուին : Սպանիացի մը ի՞նչ կ'ընէր : 8. Այսպիսի առասպելաց հաւատացող կայ տակաւին :

Գ Ա Ս 20

Պարկէշտ	սճօթիտօթ	Դանդաղիւ	սնսնու
խոստում	խօս+	Փափաքիւ	Բարձու
Շինիւ	չարճիւ	Մեծութիւն	հարստութիւն
Ցնակ	պղտի քոռն	Պահանջիւ	ուղիւ
Ձանալ	ջան+ ընել	Անպիտան	անլահ
Աղբատ	իւղճ	Փշկիւ	սիրտէ ելիւ

Ա.Ղ.Ք.Ս Ս.Ղ.Ձ.Ի.Կ ՄԸ

1. Կոստավոս Գ. Շվետի թագաւորը օր մը ձիով դիւղէ մը անցած ատենը պարկէշտ աղքատ աղջիկ մը տեսաւ որ ճամբուն վրայ աղբիւրէն ամանը կը լեցնէր : Թագաւորը ձին դէպ աղբիւրը քշելով աղջկան ըսաւ որ քիչ մը խմելու ջուր տար իրեն : Աղջիկն առանց դանդաղելու ջուրին ամանը վեր առաւ , և պարզութեամբ թագաւորին բերնին մօտեցուց :
 2. Թագաւորը խմեց և շնորհակալ ըլլալով

ըսաւ անոր, « Սղջիկս, եթէ ինծի հետ քաղաքը դաս, կը շանամ աղքատութենէ ազատել քեզ, և աղէկ վիճակի մէջ դնել: »

« Ո՛հ, տէր իմ, » պատասխանեց աղջիկը շիկնելով, « քու խոստումդ չեմ կրնար ընդունիլ: Չեմ փափաքիր մեծութեան հասնելու, Աստուած ինչ վիճակի մէջ որ դրած է զիս դու համ անկէ: Բայց եթէ մեծութեան փափաքէի ալ, բան մը կայ որուն պատճառաւ չեմ կրնար դալ ձեզի հետ: »

3. « Ինչո՞ւ պիտի չկրնաս դալ, » հարցուց թագաւորը զարմանօք: « Մնոր համար որ, » ըսաւ աղջիկը շիկնելով, « մայրս յետին ծայր աղքատ և հիւանդ է, և ինծմէ զատ չունի մէկը որ անոր օգնէ և բազմաթիւ նեղութեանցը մէջ զանի մխիթարէ: Գիտցիր, տէր իմ, որ երկրաւոր մեծութիւնները չեն կրնար զիս համոզել որ մայրս ձգեմ, և կամ զանց ընեմ պարտաւորութիւններս զորս որդիական սէրն ինէ կը պահանջէ: » « Մայրդ ո՞ւր է, » հարցուց թագաւորը:

4. « Սա հիւղին մէջ է, » պատասխանեց աղջիկը՝ մատովը հին տնակ մը ցուցնելով: Սղջկան շտրհալի խօսքերէն թագաւորը փղըձկեցաւ, և ուզեց հիւղը մտնել. տեսաւ որ տարիքն առած կին մը պառկած էր գետնի վրայ և անկողնի տեղ ներքեւ քիչ մը խոտ

կար միայն: « Խաթուն, շատ կը ցաւիմ քեզ հոս մինակ և խեղճ վիճակի մէջ տեսնելու համար, » ըսաւ թագաւորը:

5. « Աւաղ, տէր իմ, » պատասխանեց կինը, « յերաւի ես աւելի ևս խեղճ կ'ըլլայի, եթէ ազնիւ և ծնողատէր աղջիկս չըլլար, անիկա է որ կ'աշխատի ամէն կերպով օգնելու ինծի, և նեղութեանցս մէջ զիս մխիթարելու: » Թերևս թագաւորը բոլոր կենայր մէջ այս պիտի խղճալի բան մը տեսած չէր, ուստի սիրտն այնպէս ելաւ այն վայրկենին որ այն խեղճերուն ի՛նչ ընելը չէր գիտեր:

6. Թագաւորը կարող ըլլալով անոնց ամէն կերպով օգնելու, քսակ մը ոսկի հանեց և աղջկան ձեռքը դրաւ և « Հոս կեցիր, ինչպէս որ կ'ուզէիր, մօրդ նայէ, ես քեզ շուտ մը կարող պիտի ընեմ զանի աւելի աղէկ նայելու. մնաս բարով, սիրելի աղջիկս, թագաւորիդ խօսքին վրայ վստահ եղիր, » ըսելով մեկնեցաւ: Թագաւորը պալատը հասածին պէս պառաւին ամսական կապեց մինչև ցմահ, և մեռնելէն ետքը նոյն ամսականը աղջկանը ժառանգ մնաց:

Հարցումներ: 1. Թագաւոր մը գիւղէ մ'անցած ատենն ի՞նչ տեսաւ, և ի՞նչ ուզեց: 2. Աղջկան ի՞նչ ըսաւ. աղջիկն ի՞նչ պատասխանեց: 3. Ի՞նչ պատճառաւ աղջիկը չէր կրնար երթալ: 4. Ի՞նչ ցուցուց. թագաւորը ներս մտնելով ի՞նչ տես-

սաւ, և ի՞նչ ըսաւ: 5. Պառաւ կինն ի՞նչ ըսաւ: 6. Թա-
գաւորն ի՞նչ տուաւ աղջկան. պառաւ կնո՞ջն ինչ ըրաւ:

Պ Ա Ս 21

Ոճիր	յանցան+	Մանկութիւն	դաշտութիւն
Իշխան	Տէ՛ծ Տարդ	Ամբարիշտ	Գէշ
Խորհուրդ	Տէր	Թափառիչ	աստի՛ն անդին դարձի
Աթոռ	Գահ	Հայրենիք	Ծնած որդի
Բոկոտն	Բոբի՛ն որորչ	Իմաստուն	Ինչուցի
Փափաք	Բաշխան	Ապստամբ	Կնադանդող

Ա Բ Ի Ս Ո Ղ Ո Մ

1. Արխողոմ որդի էր Դաւիթ մարգարէին որ Խորայեւրացոց թագաւորն էր: Տարակոյս չկայ թէ Արխողոմ այնպիսի մարդու մը զաւակ ըլլալով կը վայելէր ամէն տեսակ երկրաւոր բարիք որոնցմէ զուրկ էին աղքատք: Արխողոմ գեղեցիկագէմ էր, և շատ ալ սիրելի հօրը. ուստի հաւանական է որ հայրը շատ հող-չտարաւ զանիկա մանկութենէն կրթելու, ուրով եղաւ անկիրթ և անասնձ պատանի մը:

2. Առաջին դործը եղաւ իր եղբօրը կեանքը վերցնել: Այս սոսկալի ոճիրը գործելէն ետքը՝ վախէն տունէն փախաւ և ստիպուեցաւ կռապաշտ երկիրներու մէջ բնակիլ, ուր ճշմարիտ Աստուածը չէին ճանչնար: Սողոմոնին սա խօսքը յարմար կու գայ անոր.

«Ամբարիշտը առանց մէկու մը հալածելուն կը փախչի:» Ո՞վ կրնայ պատմել չարագործին խղճին տուած թշուառութիւնը և անհանգըստութիւնը:

3. Երեք տարի կռապաշտ երկիրներու մէջ թափառելէն ետքը, Դաւթի իշխաններէն միոյն, Յովթարին, միջնորդութեամբը հայրենիքը գարձաւ, և հայրն ալ ներեց անոր: Երբ Արխողոմ թագաւորին քովը գնաց, երեսի վրայ կնեալով երկրպագութիւն ըրաւ. թագաւորն ալ համուրեց զանի:

4. Արխողոմ փոխանակ երախտագէտ ըլլալու հօրմէն ընդունած մարդասիրութեանը և շնորհացը, ընդհակառակն շուտ մը խորհեցաւ հայրն աթոռէն իջեցնել և տեղն ինքնստիլ: Ուստի սուտ խոստումներով Խորայեւրացիները խաբեց և զանոնք իր կողմը գարձնելով հօրը դէմ ապստամբեցաւ:

5. Դաւիթ թագաւորը երբ այս դաւաճանութիւնն իմացաւ, պարտաւորեցաւ պալատը և թագաւորանիստ քաղաքը ձգել և իր անզգամ Արխողոմին երեսէն փախչիլ: Ո՞հ, ինչ ցաւալի պատմութիւն է որ կը կարդանք այս ծեր և բարեգործ թագաւորին վրայ թէ, «Դաւիթ Ձիթենեաց լեռնէն վեր կ'ելլէր, ու ելլելով կու լար. և գլուխը ծածկեր էր, ու անիկա բոկոտն կը քալէր. և անոր հետ եղող

բոլոր ժողովուրդն ալ՝ ամէնքը իրենց գլուխը ծածկեր էին, ու լալով կ'ելլէին :”

6. Բայց աստուածային նախախնամութիւնն այս չար զաւակին սրտին խորհուրդները խափանեց, և անոր խրատ տուող իմաստուններուն խորհուրդները փճացուց : Անոր զարդն ու հպարտութիւնն էր որ անոր կորստեանը պատճառ եղաւ . քանզի երբ Աբխաղոմ ջորիին վրայ հեծած կ'երթար, ջորին գնաց կաղնի ծառերուն մէջ մտաւ, և Աբխաղոմին մազերը ոստերուն պըլլուեցան, ջորին ալ տակէն անցաւ գնաց, և Աբխաղոմ մազերէն կախուեցաւ :

7. Երբ կախուած կեցած էր, սոսկալի տեսարան մը բացուեցաւ բոլոր ապստամբներուն և անհնազանդ զաւակներուն առջև . Յովաբ քաջեց աղեղը, երեք նետ նետեց ապստամբ Աբխաղոմին սրտին, և հոն գտնուողները զարկին սպաննեցին զանի, և ետքը ծառէն վար առնելով անտառին մէջ ձգեցին զանի : Այս կերպով վերջացաւ այն անհնազանդ և ապրտամբ Աբխաղոմին կեանքը՝ որ իսրայելացւոց բարեպաշտ թագաւորին, Դաւիթ մարգարէին, տղան էր :

8. Սիրելի ընթերցողք, Աբխաղոմին գլուխը եկածը ձեզի խրատ ըլլայ : Զդուշացէք, սիրելիք, վրէժխնդրութեան ոգիէն . չըլլայ որ

մէկուն վնաս ընելու խորհուրդ ընէք . ուր որ այս չար ոգին կը բնակի՝ հոն կուիւ, սպանութիւն և ուրիշ շատ չարիք անպակաս են : Սիրելիք, զդուշացէք նաև հպարտութենէ . ո՛րչափ տկարամիտ են այն պատանիները որ իրենց դեղեցկութեանը վրայ կը հպարտանան :

9. Դարձեալ զդուշացէք փառասիրութենէ : Մեծութեան հասնելու փափաքն էր որ զԱբխաղոմ հօրը դէմ ապստամբեցուց, սակայն Աստուծոյ արդար դատաստանը շուտ հասաւ և չարաչար կորսուեցաւ անի : Յիշեցէք Սուրբ Գրոց այն խօսքը որ կը սորվեցնէ որևիցէ վիճակէ գոհ ըլլալ և քիչով բաւականալ : Սիրելի ընթերցող, լաւ է բարի և առաքինի ըլլալ, քան մեծութեան հասնիլ :

Հարցումներ : 1. Աբխաղոմ որո՞ն տղան էր, և ի՞նչ վեճակ ունէր : 2. Ի՞նչ մեղք գործեց . յետոյ ո՞ւր փախաւ : 3. Որո՞ն փջնորդութեամբը հօրը հետ հաշտուեցաւ : 4. Աբխաղոմ ուրիշ ի՞նչ խորհուրդ յղացաւ : 5. Հայրը ո՞ւր փախաւ : 6. Զորիով գացած ատեն Աբխաղոմ ի՞նչ եղաւ : 7. Ո՞վ զարկաւ զանի : 8. Ո՞ր ոգիէն զգուշանալուէք : 9. Աբխաղոմը ապստամբութեան առաջնորդը բանն ի՞նչ էր :

Դ Ա Ս 22

Նախանձ	չար աչք	Ածածոթ	լգիտցասծ
Օտար	ուրիշ աչքի	Նաւարկել	նաւով ճամբորդել
Աւատ	չար	Իմաստուն	խելացի

Եռանդ	Վաստակ	Մտաւարդ	Կարգ
Պատուէր	Հրահան	Գաղթական	Կեղծ ճշմարտութիւն
Բնիկ	Կեղծիք	Բարեբար	Կեղծիքն ընդ

Ք Ո Լ Ո Մ Պ Ո Ս

1. Ամերիկա ատենօք անծանօթ երկիր մըն էր, իսկ 1492ին ֆրիստափոր ֆոլոմպոս այն կողմերը նաւարկելով՝ գտաւ զանի : Քոլումպոս հայրենեօք ճենովացի էր . բայց Սպանիոյ Ֆէրտինանտոս թագաւորը և իզապել թագուհին պէտք եղած ձեռնառուութիւնն ըրին անոր այս մեծ գիւտը գլուխ հանելու : Քոլումպոս բարեբարոյ և խմաստուն մէկն էր :

2. Սպանիացիք Քոլումպոսի վրայ ծուռ աչքով կը նայէին օտարական ըլլալուն համար, սակայն Սպանիոյ մեծ հարստութիւն և փառք բերաւ, և Ամերիկայէն վերագառնալուն մեծ պատուով ընդունուեցաւ, սակայն յետոյ թագաւորը շատ անիրաւութիւն ըրաւ և ապերախտութիւն ցուցուց անոր : Շատ անգամ կը պատահէ որ մարդկային ազգին մեծամեծ բարերարները սոյն օրինակ անիրաւութիւն կը կրեն :

3. Ամերիկայի գտնուիլը մեծ ազդեցութիւն ըրաւ Եւրոպիոյ վրայ : Մեքսիքոյի առատ ոսկին և ֆէրուի առատ հանքերը հարստութեան եռանդով վառեցին մարդոց

միտքը : Նաւարկութեան և նաւաշինութեան օգտակար արուեստներն աւելի մեծ պատիւ և փառք ստացան : Եւրոպայէն Ամերիկա երթալու համար երեք հազար մղոն լայնութեամբ Ովկիանոսէ մը անցնել հարկ էր, սակայն այս բանը կարող չեղաւ այն դարուն ողին վճատեցնել :

4. Պապը օրհնութիւն տուաւ այն առաջին ձեռնարկողներուն, որոնք ելան «Նոր աշխարհ» երթալու, զանի իրենց հպատակեցնելու և անոր հարստութիւնը գրաւելու համար . և պատուէր եղաւ անոնց որ հոն տեղի բնիկները ստիպեն Պապական կրօնքն ընդունելու, և եթէ դէմ կենարու ըլլան՝ ամէնքն ալ գեղեցի ընեն : Ճշմարիտն ըսելով ասոնց երկուքն ալ գործադրեցին, քանզի դառն տանջանքներով բռնադատեցին զանոնք ֆրիստոնէութիւնն ընդունելու, և նոյն ատեն բազմաթիւ գերի ալ առին անոնցմէ :

5. Մեքսիքոյ, քանի մը արդաւանդ և գեղեցկանիստ կղզիներ և գրեթէ բոլոր Հարաւային Ամերիկա Սպանիացի գաղթականութեանց հպատակ եղան մեծ արիւնհեղութեամբ և սարսափելի անգթութեամբ, և Պապական կրօնքը նոյն տեղերը հաստատուեցաւ : Սակայն այն երկիրներուն և ոչ մին յաջողութիւն գտաւ : Մինչև ցարդ հոգևորա-

պէս խաւարի և տգիտութեան մէջ են, և մէկ քանիներուն մէջ գրեթէ ամէն տարի յեղափոխութիւն կ'ըլլայ :

6. Ամերիկա գտնուելէն հարիւր քսանութ տարի ետքը, Միացեալ Նահանգաց առաջին գաղթականներուն մէկ մասը ցամաք ելան փլիմուտ 1620 թուականին : Ասոնք աստուածովախ Սնդղիացի Բողոքականներ էին, որոնք հալածանքէ փախած ըլլալով հոն ապաստանեցան՝ սրտի մտօք զԱստուած պաշտելու ազատութիւնը վայելելու համար : Հիմա Միացեալ Նահանգներուն բնակիչը հիւսիսային և հարաւային Ամերիկայի բնակչաց չափ կայ . նաև գիտութեանց և արուեստից մէջ շատ ծաղկած է :

Հարցումներ : 1. Ամերիկա երբ, և որուն միջոցով գտնուեցաւ : 2. Սպանիացիք ի՞նչ աչքով կը նայէին Քոլումպոսի : 3. Այս դեւան ի՞նչ ազդեցութիւն ըրաւ Եւրոպիոյ վրայ : 4. Պապն ի՞նչ ըրաւ հոն առջի գացողներուն : 5. Ի՞նչ բռնաբարութիւն եղաւ : 6. Միացեալ Նահանգաց գաղթականները երբ ցամաք ելան . անոնց բնակիչը մըջափ է :

Պ Ա Ս 23

Ցամաք	չոր	Կիսամերկ	Տարիներ չէ՞ Գոյ
Յիմար	ի՞նչ	Տոչորել	այնէ
Առոյգ	խոյստ	Արեզակ	արև
Ճարտար	յաջողակ	Կերակուր	ուրեքի
Խղճալ	ցուրտ	Երջանիկ	Քիճակի Գոյ
Զարմանք	տխուր	Հոյակապ	Յեծ

ԱՐԱՊ ԵՒ ԱՐՄԱԻՆՆԻ

1. «Երբ Ապուշէհիլի ընտներուն մէջ ինկած՝ չոր և ցամաք անապատներուն վրայ կը նայէի,» կ'ըսէ ճամբորդ մը, « և կիսամերկ ու սևամորթ մարդիկն ու կնիկները կը տեսնէի որ արեգակին կիզիչ տաքութեան մէջ կ'այրէին, գրեթէ արմաւէն զատ ուրիշ կերակուր ալ չունենալով, սիրտս կը հալէր անոնց վիճակին վրայ : Ինծի կը թուէր թէ այն վիճակին մէջ անոնց ցուցուցած գոհունակութիւնը և զուարթամտութիւնը մարդկային վսեմութեան արժանի չէր :»

2. «Միտարկոյս այս մարդիկը,» ըսի ընկերիս, « չեն կրնար այնչափ յիմար ըլլալ որ ինքզինքնին երջանիկ համարին այսպիսի թշուառ և խեղճ վիճակի մէջ : Կ'երևի թէ առոյգ և ուշիմ ազգ մըն են . կարելի՞ է արդեօք որ ճարտար և իմաստուն ըլլալով չզգան իրենց վիճակը : Ուրիշ երկիրներու վրայ չե՞ն լսեր . նախանձ չունի՞ն ասոնք . յառաջագիմութեան փափաք չունի՞ն :» Ծերունի ընկերս ժպտելով մը պատասխան տուաւ . «Բանը քու կարծածիդ պէս չէ . անոնք շատ երջանիկ ժողովուրդ մըն են, և ուրիշներուն վիճակին չնախանձելէն զատ, անոնց վրայ կը խղճան ալ : Պատմութիւն մը ընեմ քեզի ցուցնելու



համար թէ ինչէն յառաջ եկած է անոնց այս զգացումը :”

3. « Ատենօք Ապուշէհրցի կին մը պարօնի մը ընտանեացը հետ Անդղիա գնաց : Այս կինը չորս տարի ձեր երկիրը կենալէն ետքը , երբ հայրենիքը դարձաւ , բոլոր ժողովուրդը գլուխը գիզուեցան՝ Անդղիայի վրայ ունեցած հետաքրքրութիւննին լեցնելու համար . և սկսան հարցումներ ընել , ի՞նչ տեսար Անդղիա . երկիրը գեղեցիկ է . ժողովուրդը հարօճատ է , երջանիկ է , և այլն .՝ կինը պատասխան տուաւ թէ , Անդղիա զարդարուն պարտէզ մըն է . ժողովուրդը հարուստ է . գեղեցիկ հանդերձներ , հոյակապ տուներ , քաջ ձիեր , և փառաւոր կառքեր առատ են հոն . և շատ ալ խելացի ու երջանիկ են :”

4. « Լսողներուն նախանձը շարժեցաւ Անդղիոյ վրայ , տրտմութիւնը զանոնք պատեց , որով իրենց վիճակէն տժգոհութիւն կը ցուցնէին : Միտքերնին դրած էին հոն երթալ , եթէ կինը պատահամաք ըսած չըլլար թէ , Բայոյ Անդղիա բանի մը կարօտութիւն ունի :՝ ի՞նչ է , ի՞նչ է այն ,՝ մէկէն հարցուցին : Բոլոր երկրին մէջ արմաւենի մը անգամ չկայ ,՝ պատասխանեց կինը : ի՞նչ կ’ըսես , աղէկ գիտես ,՝ սկսան ըսել չորս կողմէն : Այո , շատ աղէկ գիտեմ որ հատ մըն ալ չկայ անկէ՝

ըսաւ պառաւ կինը . « բոլոր հոն եղած ժամանակս ուրիշ բանի այնչափ կարօտութիւն չքաշեցի որչափ ասոր . շատ ալ փնտուեցի , բայց ի զուր :՝ Երբ այս խօսքը լսեցին՝ մէկէն անոնց զգացումները փոխուեցան , և փոխանակ նախանձելու՝ սկսան խղճալ անոնց վրայ . յետոյ ելան տեղերնին դացին զարմանքի մէջ մնալով թէ մարդիկ ինչպէս կրնան ապրիլ արմաւենի չեղած տեղը :”

Հարցո՞հեր : 1. Ճամբորդ մը զացած տեղերուն վրայ ի՞նչ կը պատմէ : 2. Ընկերօջն ի՞նչ ըսաւ : 3. Ծերունին ի՞նչ պատմութիւն ըրաւ : 4. Կնկան ըրած պատմութիւնն ի՞նչ ազդեցութիւն ըրաւ լսողաց վրայ . ի՞նչ ընել խորհեցան . ինչո՞ւ անոնց զգացումները փոխուեցան :

Գ Ա Ս 24

Պայծառ	Ժայռն	Ճանապարհ	Ճամբաց
Զուարթ	որախ	Արեգակ	արև
Ուժգին	ուժով ճը	Սոսկալն	ձախնալս
Արագ	ըրա	Շնչապառ	ընչը հասարած
Հանգչիլ	հանգստանալ	Գերազանց	չափէ Դորր
Յանկարծ	Դէլէն	Բարձրաձայն	Բարձր ձայնով

ՍՈՒՐԲ ԲԵՌՆԱՐԴՈՍԻ ՇՈՒՆԵՐԸ

1. Զուխցերից և Սաւղայի մէջ երևելի լեռ մը կայ , որուն գլուխը շինուած է Սուրբ Բեռնարդոսի վանքը : Այս լեռան բոլորափքը եղած ճամբաները շատ վտանգաւոր են :

Ճանապարհորդները շատ անդամ յանկարծա-
կի փոթորկալից հովերու կը բռնուին՝ նաև
բաց ու պայծառ օրերը :

2. Երբ արեգակը պայծառ և համայն
բնութիւնը զուարթացած է, օդը պարզ և
հանդարտ է և ճամբորդներն ալ ուրախու-
թեամբ և զուարթութեամբ կը ճամբորդեն,
նայիս որ երկինքը կը սկսի մթննալ, ամպերը
կը հաւաքին և մէկէն սոսկալի փոթորիկ մը
կ'ելլէ, և ճամբաներն այնպէս կը ծածկուին
ձիւնէն որ անկարելի կ'ըլլայ անկէ անցնիլ :

3. Լեռներուն գլխէն կը փրթին մեծամեծ
ձեան հիւսեր, և այնպէս ուժգին և արագ
կը գլորին, որ ահագին քարեր, մարդ, տուն
և ինչ որ կը պատահի, կը քշեն կը տանին :
Վանքին հիւրասէր միաբանները թէպէտ աղ-
քատ են և քիչ եկամուտ ունին, սակայն
այսպիսի ձախորդութեան ատեն կը բանան
վանքին դռները և սիրով կ'ընդունին օտա-
րական և տառապեալ ճամբորդները :

4. Յոգնած և ցուրտէն դողացող ճամբորդ-
ները ընդունելութիւն կը գտնեն անոնց յար-
կին ներքև և կը մխիթարուին, և անոնց օգ-
նութեամբ կը հանգչին ու ախորժելի խօ-
սակցութեամբ կը զուարճանան : Միաբաննե-
րը ասով միայն չեն գոհանար, այլև կը հար-
ցնեն որ եթէ ճամբորդներէն մէկը դժբաղ-

դաբար վտանգի մը պատահած է, շուտ մը
անոր ալ օգնութեան կը հասնին : †

5. Վանքին մէջ տեսակ մը շուներ կան որ
իրենց քաջութեամբ և զարմանալի ճարտա-
րութեամբը շատ անդամ դժբաղդ ճամբորդ-
ները մահուանէ կ'ազատեն : Շնչասպառ եղած
և ցուրտին սաստկութենէն բոլոր զգայա-
բանքները թմրած և անզգայ՝ կ'լինայ կը մնայ
ողորմելի ճամբորդը . ձիւնի մեծ կտորներ վրան
կը դիզուին և կը ծածկեն խղճալին . անատեն
այս զարմանալի շուներուն սուր հոտառու-
թիւնը և դերազանց ճարտարութիւնը յայտ-
նի կ'ըլլայ :

6. Թէև կորսուած մարդը տասը տասուեր-
կու ոտք խորութեամբ թաղուած ըլլայ ձիւ-
նին ներքև, շուներն իրենց սուր հոտառու-
թեամբը կ'երթան կը գտնեն զանի, և ոտ-
քով ձիւնը մէկդի ընելով կը բանան . ետքը
ամէնքը մէկէն կը սկսին բարձրաձայն հաչել
մինչև որ վանքէն անոնց ձայնը լսելով օգ-
նութեան կը հասնին :

7. Միաբանները անոնց ձայնը լսելուն պէս,
օգնութեան կը հասնին, և ոգելից խմելիք-
ներ խմցնելով մարած մարդուն խելքը դը-
լուխը կը բերեն, նաև հաստ բրդեղէն վե-
րարկուով կը փաթթեն մարդը և վանքը կը
տանին :

Հարցո՞՞նէր : 1. Լերան մը վրայ ի՞նչ կայ , և ստէպ ի՞նչ կը պատահի հոն : 2. Ի՞նչպէս փոթորիկ կ'ելլէ : 3. Լեռնէն ինկած ձիւներն ի՞նչ ֆլաս կու տան : 4. Միաբանք ճամբ բորդներուն ի՞նչ կ'ընեն : 5. Վանքին մէջ ի՞նչ օգտակար կենդանի կայ : 6. Կորսուած մարդն ի՞նչպէս կը գտնուի : 7. Ի՞նչ կերպով մարդը կը սթափեցնեն . ո՞ր կը տանին զանի :

Պ Ա Ս 25

Կախարդ	խոռչ	Ուրուական	Չեւէլի պապիէր
Երազ	տնոյ մէջ	Մնապաշտ	խոռճ Բանի հապապոյ
Անթիւ	շապ	Անվայել	պփէշ
Փորձանք	խորհո-լիան	Առասպել	սոպ պապճո-լիան
Կարծիք	գաղափար	Երեւոյթ	դրսէն պէսնոսածը
Տարբեր	շապ	Աւերակ	էլիւծ

Ա Ի Ե Լ Ո Ր Դ Ա Պ Ա Շ Տ Ռ Ի Թ Ի Ի Ն

1. Աւերորդապաշտութիւն կ'ըսուի այն մնտախ հաւատքը որ կու տան մարդիկ այն պիտի բաներու զոր ոչ Աստուած պատուիրած է և ոչ բնութեան լոյսը կը սորվեցնէ . զորօրինակ , մեռելոց ուրուականի հաւատալը , յաւերժահարսի , կախարդութեան , երազի , ընթերցմանց , չարագուշակ և բարեգուշակ օրերու , սատանայ կամ դև տեսներու , և ուրիշ անթիւ մանր մուկնր մնապաշտութեանց , որոնց ամէնքն ալ Աստուծոյ հրամանին դէմ են , և իմաստուն ու ֆրիստոնեայ մարդուն անվայել է անոնց հաւատալ : Հիմա պիտի

խօսինք սատանայ կամ դև երևնալուն վրայ , որ տաճկերէն ճն , պէլ , փէրէ կ'ըսուին :

2. Չենք ըսեր թէ սատանայ չկայ . վասն զի Սուրբ Գիրքը կը սորվեցնէ մեզի , թէ ինչպէս որ բարի հրեշտակներ կան որ Աստուծոյ հրամանովը մեզի կը սպասաւորեն և մեզ փորձանքներէ կը պահեն , այսպէս ալ չար հրեշտակներ կամ սատանաներ կան որ կը ջանան զմեզ մեղքի մէջ ձգել , և հոգևոր ու մարմնաւոր վնասներ ընել : Մեր խօսքը հիմա այն է թէ բոլորովին սուտ և շինծու առասպել է այն որ կ'ըսեն թէ այս ինչ կամ այն ինչ տան մէջ սատանայ կայ , գիշեր կայ որ խողէ կամ գարածածօլը կը պտտի , ջրերու քով կամ պարտէզներու մէջ յաւերժահարսոսնէ կը քայլեն , և ասոնց նման աւերորդապաշտական խօսքեր :

3. Ասոնք բոլորն ալ կուսապաշտութենէ մնացած կարծիքներ են , որոնց հաւատալը մեծ մեղք է ֆրիստոնէի մը համար : Ճշմարիտ ֆրիստոնեան սատանայ չի տեսներ , և տեսնէ ալ չվախնար . իսկ սուտ քրիստոնեան սատանաներէն վախնալով , և կամ ուրիշներուն պատմած սատանայական երևոյթներու հաւատալով՝ յայտնի կ'ընէ թէ ինք ֆրիստոնէական հաւատքն ու պարտքերը չի ճանչնար , և չի գիտեր թէ ֆրիստոնեայք ինչով կը տարբերին անհաւատներէն և կուսապաշտներէն :

4. Տուն մը որչափ ալ հին, որչափ ալ աւերակ ըլլայ, սատանան հոն բան չունի. և սակայն աւելորդապաշտ ժողովուրդներու մէջ շատ տուներ կը տեսնես որ, ասոնց մէջ սատանայ կայ ըսելով իրարու կը ցուցնեն: Եթէ տանտիրոջը հարցնես, «Ես ուրիշ տուն ունիմ, անոր համար հինը երեսօի վրայ ձգեր եմ», կ'ըսէ, ուստի կամ այն է որ տանն անունը աւրած ըլլալով՝ զայն վարձող չի գտնուիր, կամ այն է որ ինք վարձող չգտնելուն համար ուրիշները՝ մէջը սատանայ կայ ըսելով անունը աւրած են:

5. Սատանան միայն մարդոց մէջ կրնայ քնակիլ զանոնք խարեւու և մոլորցնելու համար. հին տներուն և աւերակներուն մէջ սատանան ի՞նչ բան ունի: Այս աւելորդապաշտութեան գէժ շատ պատմութիւններ կը պատմուին, բայց մենք երկու հատը միայն բաւական համարինք հետեւեալ դասին մէջ պատմելու:

Հարցումներ: 1. Ի՞նչ է աւելորդապաշտութիւնը: 2. Ի՞նչ սատանայ կայ: 3. Ճշմարիտ քրիստոնեան ի՞նչ բանէ չի վախնար: 4. Ի՞նչ պատճառաւ շատ տուներ պարապ կը մնան: 5. Սատանան ո՞ւր աւերի կը քնակի:

Պ Ա Ս 26

Սենեակ Իո-յ Ոտնաձայն ոտի յայն
 Եածուկ Գալստ-ի Բաջութիւն Կարճո-Բիւն

Սանդուխ	սսսիճան	Գաւազան	Հայ
Եառայ	սսսսսսսս	Տնեցիք	Կան Տարրիք
Դեղէլ	իւսնի իւսն զնէլ	Բահանայ	Կէրպէր
Վանտել	Ճամբայ Կալ	Դատաւոր	Կաշիքն Մեծը

1. Ստենօք Պօլիս ազնուական տան մը մէջ մեծ շփոթութիւն կ'իյնայ սա պատճառաւ, որ ամէն իրիկուն կէս դիշերուան մօտ սաստիկ որոտմունքի պէս ոտնաձայներ և դղրդումներ կը լսուին, մանաւանդ մէկ պարապ սենեակը որ միւսներէն բարձր էր: Խեղճ տնեցիք կարծելով թէ տանը մէջ սատանայ կայ, տակնուվրայ եղած՝ այս փորձանքն իրենց մէկ բարեկամին կը պատմեն:

2. Մարդը երևակայութիւն է ըսելով շատ կ'աշխատի անոնց մտքէն հանելու այս վախը, բայց երբ կը տեսնէ որ ամէնքն ալ կը պնդեն, հոս բան մը ըլլալու է ըսելով՝ քաջութիւնը ձեռք կ'առնէ. այս իրիկուն ես կու գամ այն սենեակը կը մտնեմ կը պառկիմ, բայց ձեզ մէջ զատ ուրիշ մարդ չգիտնայ, կ'ըսէ: Հետը հասա գաւազան մը առած ծածուկ մը կ'երթայ կը սպասէ:

3. Մէյմին ալ կը տեսնէ որ իրօք կէս դիշերուան մօտ սոսկալի դղրդումներով սանդուխներէն վեր ելլելու ոտնաձայն մը կայ. կը ցատքէ վեր կ'ելլէ, և ձեռքի փայտովը ներս մտնողին դիտուն մէկ երկու հարուած կու տայ:

և սատանան սանդուխներէն վար վազելով աներևոյթ կ'ըլայ : Յետոյ մարդը հանգիստ սրտով կ'երթայ կը պառկի :

4. Առտու կ'ելեն և կը տեսնեն որ տան ծառաներէն մէկուն գլուխը կապուած է , և երբ պատճառը կը հարցնեն , պատասխան կու տայ թէ , այն գիշեր սատանաներէն ծեծ կերած էր . տնեցիք ասիկա լսելուն պէս կ'իմանան թէ այն անզգամն է որ իբրև սատանայ գիշերները տունին մէջ կը պտտի և տնեցիքը վախոյնելով կը զուարճանայ : Շուտ մը վառնտեցին զանի , և շատ շնորհակալ եղան իրենց բարեկամին որ ազատեց զանոնք վախէն :

5. Գերմանիոյ գիւղերէն մէկուն եկեղեցին օր մը քանի մը գողեր կը մտնեն պատուհանէն , շատ մը զարդարանքներ և զգեստներ իրարու վրայ գիզելով առանց բան մը առնելու կը ձգեն կ'երթան : Առտու լուսարարը եկեղեցին բանալով կ'ապշի կը մնայ երբ եղածը կը տեսնէ , և քահանային խնայ կու տայ , այն ալ դատաւորին :

6. Մէկ երկու ամիսէն ետքը քանի մը գողեր ձեռք կ'իյնան . քննութեան ատեն իրենց ըրած այլևայլ գողութիւնները խոստովանելէն ետքը , երբ դատաւորը կը ստիպէ զանոնք որ ըսեն թէ արդեօք եկեղեցիէն ալ բան գողցած էին , գողերը կը խոստովանին թէ իրաւ

ուզած էին գողնալ , բայց չէին կրցած . վասն զի երկայն եղջիւրներով և կրակէ աչուրնէրով սատանայ մը ելած էր անոնց առջևը , և այնպէս վախեցուցած էր զանոնք որ բան մը վերցուցած չէին . և երդում ըրած էին որ մէյ մ'ալ եկեղեցի չմտնեն բան գողնալու : Քահանան ասիկա լսելով , հասկցաւ որ սատանայ ըսածնին իր եղնիկն (կէն) էր որ ընտանեցած ըլլալով ժամին քովերը կը պտտէր , և այն գիշերը գիպուածով եկեղեցւոյն մէջ մնացած էր :

Հարցումներ : 1. Պօլիս տան մը մէջ ի՞նչ կար : 2. Մարդ մը ի՞նչ հնարք խորհեցաւ : 3. Կէս գիշեր ի՞նչ պատահեցաւ : 4. Ո՞վ էր անոնց սատանայ կարծածը : 5. Գերմանիոյ մէջ անգամ մը քանի մը գողեր ո՞ւր մտան : 6. Գողերն ի՞նչ խոստովանեցան :



Գ Ա Ս 27

Աթոռ	գահ	Կենդանի	լուսն ասեցող
Գազան	վայրենի անասուն	Անօրէն	օրէնս լուսնեցաւ
Հացկերոյթ	Մեծ սէշան	Չարչարանք	սուջակ
Ջանալ	աշխարհի	Արարած	սքեղծութեամբ
Յիշել	Միտք Բերել	Կերակուր	սքեղծութեամբ
Միջատ	դրոշմ ճճի	Երջանիկ	ձեռնակն գուն

ԿԵՆԴՍՆԵՍՑ ՎՐԱՅ ԱՆԳԹՈՒԹԻՒՆ

1. Շատ տարի առաջ պզտիկ տղայ մը կար որ շատ կը զուարճանար ճանճերը բռնելով և

անոնց ոտքերն ու թևերը վրցնելով, և կ'ախորժէր տեսնել անոնց տանջուիլն ու նեղուիլը : կարծեմ թէ քանի մեծցաւ ուրիշ աւելի մեծ կենդանիներ ալ կը չարչարէր : Այս սովորութիւնը կամաց կամաց այնպէս անոր սիրտը կարծրացուց որ ալ այնուհետեւ բնաւ ցաւ չէր զգար կենդանեաց տանջուելուն վրայ :

2. Երբ այս տղան մեծցաւ, Հռովմայի կայսրութեան աթոռը նստաւ, և կը կոչուէր Ներոն կայսր : Այն ատենները Հռովմի մէջ շատ քրիստոնեաներ կային որ աներկիւղ համարձակութեամբ զՅիսուս Քրիստոս Աստուած կը դաւանէին, և փոխանակ Հռովմայեցւոց կուռքերը պաշտելու՝ Քրիստոսի երկրպագութիւն կը մատուցանէին : Այս անօրէն կայսրը, Ներոն, խեղճ քրիստոնեաները շատ կը չարչարէր, և անոնց կրած չարչարանքը տեսնելով մեծապէս կը զուարճանար :

3. Չանոնք ձիերու կապել կու տար՝ որ դեռնէ գետին զարնուելով կտոր կտոր ըլլային, և վայրի դաղաններու առջև ձգելով բղիկ բղիկ ընել կու տար, ցիցերու կը կապէր և կ'այրէր զանոնք : վերջապէս ծանր և երկարատե մահուամբ զանոնք տանջելու և սպաննելու համար ամէն հնարք կը մտածէր և ի գործ կը դնէր : Մինչև անգամ երբեմն այր և կին միասեղ ձիւթով և իւզով պատել տալով՝ մեծ

հացկերոյթներու ատեն իր պարտէզին բոլոր տիքը դնել կու տար զանոնք որ ջահի (հաշա) պէս վառէին :

4. Երբ այսպիսի անգթութիւններ կը լսէք, տակնուվրայ կ'ըլլաք, այնպէս չէ՞ : Սակայն զարմանալին սա է որ, այն որ տղայութեան ատենը կենդանեաց անգթութիւն ըրած է՝ ընկերներուն ալ նոյն կ'ընէ, երբ անոնց վրայ իշխանութիւն կ'ունենայ :

5. Ուստի, ով ընթերցող տղաք, կը խրատեմ զձեզ որ ջանաք ամէն կենդանի արարածներու վրայ զթած ըլլալ : Յիշեցէք թէ Աստուած ստեղծած է անոնց ամէնը. և թէ՛ թէպէտե մեզի թոյլտուութիւն տուած է որ մեր կեանքին, հանգստութեանը և սուսցուածքին վնասակար եղողները ջնջենք, սակայն ոչ երբէք կը հաճի նայիլ իր որ և իցէ արարածներուն տրուած չարչարանքներուն վրայ : Անասուններուն և միջատներուն ունակութիւնները ձեզի դիտողութեան նիւթ ըլլէք և Աստուծոյ անոնց տուած բնական ազգումին զարմանալի զօրութիւնը նկատեցէք, անատեն անոնց վրայ այնչափ սէր պիտի ունենաք որ ամենափոքր կենդանեոյ մը անգամ պիտի չվնասէք :

6. Այն միջիւնի բոյնին հողակոյտը կրնաս անպզու չու թեամբ կոխել անյնիլ, և քու ոտ

քիդ մէկ հարուածողն այն փոքրիկ և ժիր աշխատողներուն բոլոր շինածն աւրել կործանել. բայց եթէ նկատես և տեսնես թէ լինչպէս ամէնը մէկտեղ կ'աշխատին, ոմանք աւազի հատիկ դուրս կրելով, ոմանք իրենցմէ շատ մեծ բեռ քաշելով՝ իրենց ձագերուն կերակուր պատրաստելու համար, ոմանք դուրս ելլելով՝ որ երթան յողեսած մէկուն օգնութիւն ընեն՝ որուն բեռը իրենց կարողութեանէն վեր է, անոնց վրայ սէր պիտի ձգես և հոգացողութիւն մը պիտի դայ վրադ՝ որ չըլլայ թէ անզգոյշ ճամբորդի մը ոտքին տակ անոնց բնակարանը ոտնակոխ ըլլայ:

7. Աստուածաշունչն այս փոքրիկ արարածներուն կը զրկէ մեզ որ երթանք անոնցմէ իմաստութեան և աշխատասիրութեան դաս առնենք: Սուրբ Գրոց մէջ ո՛րչափ պատուէրներ և խրատներ կան, որոնց մէջ կենդանիներուն, թռչուններուն և միջատներուն ունակութիւնները յիշուած են: Դարձեալ կ'ըսեմ, գթած և փափուկ զգացում մը ունեցիր Աստուծոյ ստեղծած ամէն բանին վրայ, ամառեն աւելի երջանիկ և ուրիշներուն աւելի սիրելի պիտի ըլլաս, և այն օրհնութիւնը որ « ողորմածներուն » խոստացուած է, բոլ վրադ ալ պիտի դայ:

Հարցումներ: 1. Պզտիկ տղայ մը ի՞նչ ընել սովոր էր: 2.

Ի՞նչ եղաւ մեծնալէն ետքը: 3. Ի՞նչ կերպով քրիստոնեաները կը նեղէր: 4. Աղէ՞լ բաներ են ասոնք: 5. Տղայք ի՞նչ ընել պարտին: 6. Մըջնոց վրայ ի՞նչ կրնաս ըսել: 7. Աստուածաշունչն ի՞նչ կ'ըսէ մեզի մըջնոց նկատմամբ:

Գ Ա Ս 28

Տեսակ	օճշ	Ազահով	Զախէ առաք
Արագ	չոփ	Թեաւոր	Բն ունեցող
Միջատ	պղտի՛ն անասուն	Պարապիլ	Դժարիլ
Զնջուիլ	խորտուիլ	Ազաղակ	Յայն
Փղբրիկ	պղտի՛ն	Ուտելք	Իբրախիմ
Ճարտար	խելաճի	Արարած	սպէղծուած

Ա Ն Գ Թ Ո Ի Թ Ի Ի Ն

1. Կան թռչուններ որ շատ վրաս կու տան արտերուն և պարտէզներուն, և զանոնք մէջտեղէն վերցնելով մեր կեանքը կ'ապահովցընենք. սակայն ծիծեռնիկն այն տեսակներէն է, և վրասակար չըլլալէն զատ, շատ ալ օգուտ ունի:

2. Երբ օդը ճեղքելով սրընթաց կը թռչափ և այնպէս արագ արագ առաջ ետ կ'երթայ կու դայ որ հազիւ մարդուն աչքը կրնայ տեսնել անոր ըրած շարժումները, այն ատեն զբաղած է օդին մէջ գտնուած կերպ կերպ թեաւոր միջատներ բռնելու: Հազարաւոր, միլիոնաւոր ճանճեր այս կերպով կը շնջուին:

որոնք եթէ ողջ մնալու ըլլային, օգն այնպէս պիտի լեցնէին և ապականէին որ շատ փաստակար հետևութիւններ պիտի ծագէր անոնցմէ : Ուստի շնորհակալ ըլլալու ենք ծիծեռնիկին որ այդ ձանձրալի հիւրերուն թիւը կը պակսեցնէ :

3. Սա ալ յիշել պէտք է թէ ծիծեռնիկները երբ մեր երկիրը կու գան, բոյն դնելու և ձագ հանելու համար է : Ուստի մեր սահմանները հասնելուն պէս այս գործին կը պարապին, և երբ անոնց ձագերը թռչելու չափ կ'ըլլան, անոնց ամէնքն ալ կը թողուն ուրիշ տեղ կ'երթան : Ուստի հնար չէ ծիծեռնիկ մը մեռցնել առանց քանի մը մանր ձագեր որք թողլու :

4. Էգ ծիծեռնիկն ամառ իրիկունները բոյնէն ելլելով, բերանը ճանճով կը լեցնէ . բայց այդ որսորդութիւնը միայն իրեն համար չըներ . իր փոքրիկ բնակարանին մէջ շատ մը ձագեր ունի կերակրելու . և օգին մէջ միշտ որսացած միջոցին զանոնք բնաւ միտքէն չի հաներ :

5. Բերանը կերակրով լեցուն բոյնը դառցած ատենը մէյ մ'ալ յանկարծ անզգամ տղու մը հարուածին կը հանդիպի, և դետինը կ'ընայ կը մեռնի : Ողորմելի ձագերն այն դիշեր առանց կերակուրի կ'անցնեն և մինչև

առաւօտ տրտում տխուր կ'աղաղակեն . արուծիծեռնիկը կը շփոթի, չգիտեր թէ ինչպէս խաղաղցնէ զանոնք, երբ կը տեսնէ թէ առանց իր ընկերոջը մինակ մնացած է :

6. Բոլոր գիշերն անհանգիստ անքուն անցընելէն ետքը, առտուանց կ'ելլէ քանի մը ճանճ բռնելու, թէպէտև ինք էգ ծիծեռնիկին չափ ճարտարութիւն չունի ձագերը կերակրելու . սակայն իրիկուն չեղած ուրիշ տղայ մը զանիկա ալ կը զարնէ կը սպաննէ : Սնօթութենէն ձագերը կը սկսին մարիլ, բերաննին բաց կը ճչեն կը սպասեն . բայց մայր չկայ որ դայ ուտելու բան տայ անոնց : Կը տեսնեն որ ծեր թռչունները իրենց մօտը եղած բոյները կու գան կ'երթան, բայց բնաւ կարգն իրենց չի դար : Գիշերը կը մսին . իրենց մայրը սովորութիւն ունէր թեւերովը և կուրծքին փափուկ փետուրներովը ծածկել զանոնք, բայց հիմա անպատասպար երեսի վրայ թողուած են :

7. Առտուանց մէջերնէն մէկ երկուքը մեռած կը գտնուին : Միւսներուն ճիչը հետզհետէ կը նուաղի . այն փոքրիկ գլուխներն ալ չեն տեսնուիր բոյնէն դուրս երկնցած՝ կերակուրի համար . ողորմելի արարածներն իրարու վրայ գլորելով կը դողդղան և կը սարսուխ, և քանի մը ժամէն ետքը բոլորն ալ անօթութենէ

կը մեռնին . իրենց ծնած բոցն իրենց գերեզմանը կ'ըլայ՝ անզգոյշ և անխորհուրդ տղու մը պատճառաւ :

Հարցո՞ւնէր : 1. Ծիծեռնիկն ի՞նչ տեսակ թռչուն է : 2. Թռած ատենը ի՞նչ կ'ընէ : 3. Երբ երկիր մը կ'երթան ի՞նչ կ'ընեն հոն : 4. Մայր ծիծեռնիկն ի՞նչպէս կը կերակրէ իր ձագերը : 5. Չար տղայոց պատճառաւ ի՞նչ կ'ըզայ անոնց վեճակը : 6. Արու ծիծեռնիկն ի՞նչ կ'ընէ . ձագերն ի՞նչ կ'ըլան : 7. Աերջապէս ինչէ՞ն կը մեռնին :



Պ Ա Ս 29

Ճարտար	Իելացի	Զօրաւոր	ուժով
Գազան	Չայրէնի անասուն	Ատեղք	խեղճութիւն
Անճիթ	պարծ	Պատերազմ	խռով
Ոտիս	Բնամի	Նրբամիտ	Ինքն բարոյ
Անփոյթ	անհոգ	Ծաղրական	Ինքնալուր
Կսկիծ	ցաւ	Շարունակ	Գնաց

ՓՂԻՆ ԶՕՐՈՒԹԻՒՆԸ

1. Փիղն աշխարհիս մէջ գտնուած գազաններուն ամենէն մեծն ու զօրաւորն է , և դիւրաւ կ'ընդերանայ : Ասիկա Ասիայի և Ափրիկէի մէջ միայն կը գտնուի . բարձրութիւնն ութ ոտնաչափէն մինչև տասնուչորս ոտնաչափ կը հասնի : Երկու մեծ ալուայ ունի բերնին երկու կողմէն դուրս ցըցուած , և մեծ կնճիթ (հօրթո՞ւ) մը զոր ուղածին պէս կ'երկնցնէ և կը կարճեցնէ :

2. Ասիկա այնչափ հարկաւոր և դորժածական անդամ մըն է անոր համար , ինչպէս է մեր ձեռքը մեզի . անով գետնէն շատ փոքր բաներ կրնայ ժողվել կամ վերցնել , իր ուտելիքն անով բերանը կը տանի , անով չուանի մը կապը կրնայ քակել , դուռ բանալ գոցել , և եթէ պէտք ըլլայ անով իր թշնամեաց հետ նաև կը պատերազմի : Փղին նրբամտութիւնը և ճարտարութիւնը շատ է , ինչպէս որ կ'երևի մէկ քանի փոքր պատմութիւններէ զոր հոս կը գնենք :

3. Հնդկաստանի մէջ Գաղղիացի զօրաց հետ փիղ մը կար որ բանակին կը ծառայէր : Անգամ մը պատերազմի մէջ փղապանը շատ յորդորանք ըրաւ անոր որ ամենայն ճիգով աշխատէր , և փոխարէն մեծամեծ վարձքեր կը խոստանար . բայց վերջը ըրած խոստմունքին անփոյթ ըլլալով , փիղը հասկցաւ որ խաբուեր էր , և կրած նախատանայը չկրնալով տանիլ՝ յանկարծ զարկաւ մեռցուց մարդը :

4. Փղապանին կլինը երկանն անակնկալ մահուանը վրայ ունեցած սաստիկ կսկիծէն յուսահատութեամբ մը առաւ իր երկու զակըները և տարաւ փղին ոտքին տակը ձգեց ըսելով , «Գոխային վրէժինդրութեամբդ այրս սպաննեցիր , ուրեմն զիս ալ զակներս ալ սպաննէ որ մենք ալ անոր քովը երթանք :»

Փիղը տղաքը ոտքին տակը ինկած տեսնելով կեցաւ, և իբր թէ խղճալով իր տէրոջը որդ որդուոցը վրայ՝ մեծ տղան կնճիթովը վերցուց և գլխուն վրայ դրաւ. և այն օրէն ի վեր զանիկա իրեն կառավար ընդունեց, և միշտ կատարեալ հնազանդութիւն կ'ընէր անոր:

5. Հասարակ զինուոր մը որ շատ անգամ քիչ մը խմելիք կու տար փղի մը, օր մը յանցանք մը գործելով՝ հրաման եղաւ որ բռնեն զանի բանտ դնեն. մարդը փախաւ զնաց փղին տակը պահուրտեցաւ: Անոր ուր ըլլալն իմանալով եկան զանի բռնելու, սակայն փղը թող չտուաւ, և եկողներուն ամէնն ալ վռնտեց կնճիթովը: Երբ ամէն մարդ զնաց, սկսաւ կնճիթովը յորդորել զինուորը և ճամբայ ցուցնել որ երթար, իբր թէ ըսել կ'ուզէր՝ թշնամիներդ գացին, ելիւր, գլխուդ ճարը տես, և ուր որ պիտի փախչիս գնա:

6. Մարդուն մէկը որ փիղ կը պահէր, իրիկուն մը մէկ քանի բարեկամները հրաւիրեց փիղը տեսնել գալու: Երբ անոնք եկան՝ փղին ջուր խմելու ատենն էր, և սպասաւորը աման մը ջուր բերաւ փղին խմցնելու. բայց ուզելով եկող պարոնները քիչ մը զուարճացնել, երբ փիղը կնճիթը կ'երկնցնէր ջուր խմելու՝ սպասաւորը ջուրին ամանը կը շարժէր տեղէն: Այսպէս փիղը քանի մը ան-

գամ խաբուելով չկրցաւ տանիլ անոր այս ծաղրական վարմունքին և կնճիթովն այնպէս ապտակ մը իջեցուց սպասաւորին երեսին՝ որ մարդը գինովի պէս գետինը փռուեցաւ: Եկող հիւրերուն ծաղրը աւելի ասոր վրայ շարժեցաւ, բայց սպասաւորը միտքը դրաւ որ ուրիշ անգամ այն կերպ խաղով չզուարճացնէ մէկը:

7. Պատկերհան մը կ'ուզէր փղի մը պատկերը քաշել, բայց միտք ունէր կնճիթը վեր տնկած և բերանը բաց նկարել զանի, ուստի փղին քով մէկը կայնեցուց շարունակ բան նետելու անոր բերանը որ բաց մնար և ինչ ձև որ ունի՝ ճիշդը գծագրէր: Իսկ մարդը կէս մը զուարճութեան համար կէս մ'ալ կենդանին խաբելու մտօք՝ շատ անգամ ձեւքը պարապ տեղը կ'երեքցնէր՝ առանց բան նետելու: Փիղը չախորժելով այս մարդուն ըրածէն և հասկնալով որ պատճառը պատկերհանն է, կնճիթէն դուրս այնպէս ջուր մը նետեց պատկերհանին թուղթին և ներկերուն վրայ որ ամէն բան աւրեց անպիտան ըրաւ, և այսպէս չթողուց որ մարդն իր գործը գլուխ հանէր:

8. Փիղ մը քաղքին մէջ օր մը պտտելու ատենը դերձակի մը խանութին առջև եկաւ, և խանութին պատուհանը բաց գտնելով՝ կըն-

ճիթը ներս երկնցուց . դերձակներէն մէկն ալ քիչ մը զուարճանալ ուզելով՝ ասեղին ծայրովը սկսաւ կնճիթը ծակծկել : Փիղը բարկացաւ , և միտքը դրաւ վրէժ առնել դերձակէն . ուստի դնաց քիչ մը աղտոտ ջուր փընտուելու . շուտ մը գտաւ ուզածը , և աղէկ մը լեցուց կնճիթը և դերձակին խանութը գալով պատուհանէն ներս աղտոտ ջուրի հեղեղ մը թափեց հոն նստողներուն գլխուն , յետոյ առաւ քայլեց :

Հարցումներ : 1. Փիղն ինչպիսի՞ անասուն է : 2. Ո՞րն է անոր կարեոր անդամը , և անով ի՞նչ դործ կը տեսնէ : 3. Փիղ մը ի՞նչ ըրաւ իր տիրոջը . ինչո՞ւ համար : 4. Փղապանին կինն ի՞նչ բերաւ առջևը և փիղն ի՞նչ ըրաւ : 5. Զինուեր մը ո՞ւր փախաւ . փղին ձեռքովն ազատեցա՞ւ : 6. Մարդ մը իր բարեկամներէն մեկ քանին ո՞ւր տարաւ , սպասաւորին ըրածին համար ի՞նչ ըրաւ փիղը : 7. Պատկերհան մը ի՞նչ կերպով կ'ուզէր նկարել փիղ մը . փիղն ի՞նչ ըրաւ : 8. Ուրիշ փիղ մը խանութի մը առջև կեցած ատենը ի՞նչ ըրին անոր . փիղն ինչ ըրաւ :

Պ Ա Ս 30

Որսորդ	Յուլան Բոնոլ	Ծերունի	ալեոր
Սողալ	ժորին յրայ +ալել	Ապառաժ	Ժայռ
Արառ	ըստ	Սոսկալի	Վախճալու
Հանդարտ	հանգիստ	Ցարակոյտ	Հասէած
Ջանալ	աշխատիլ	Կարելի	հնարատոր
Յոպէ	վայրէջան	Դանդաղիլ	փնորու

ԹՌԶՈՒՆ ՈՐՍԱԼՈՒ ՎՏԱՆԳՆԵՐԸ

1. Սկովտիոյ մօտ եղած կղզիներուն բնակիչները սովոր են ծովային թռչնոց որսորդութիւն ընել որ շատ վտանգաւոր է , ինչպէս հետեւեալ պատմութենէն կը տեսնուի :

2. Ծերունի մը երկու որդւոցը հետ որսորդութեան դնաց , և իրենց հետ չուան տանելով բարձր ապառաժի մը կապեցին զայն անկէ սողալով ծովեզերք իջնելու համար : Վար իջան և կրցածնուն չափ թռչուն և հաւկիթ ժողկելէն ետքը , երեքը մէկտեղ չուանին վաթթուելով սկսան վեր ելլել . առջևէն մեծ տղան , անոր ետեւէն կրտսեր տղան և ամենէն ետքը ծերունին՝ իրարմէ երկու գըրկաչափ վարէն կախուած :

3. Բաւական վեր ելլելէն ետքը , մեծ տղան աչքը վեր վերցուց և տեսաւ որ չուանը սուր քարի մը քսուելով կտրուելու վրայ էր . անմիջապէս այս բանը միւսներուն խմացուց : “ Արդեօք մինչև որ վեր ելլենք կը դիմանայ չուանը ,” հարցուց ծերունին : “ Հազիւ թէ վայրկեան մը կը դիմանայ ,” պատասխանեց տղան , “ երեքնուս ծանրութենէն չուտ չուտ կը խզի չուանը :” Մէկ մարդ կը վերցնէ՞ ,” հարցուց հայրը : “ Անոր ալ կասկած ունիմ ,” ըսաւ տղան :

4. « Ուրեմն գոնէ մեզմէ մէկն ազատի, »
 ըսաւ ծերունին հանդարտ և անխռով սրտով,
 « հանէ դանակդ և վարի կողմէն չուանը կըտ-
 րէ . սիրտ ըրէ, ջանացիր, կարելի է որ դուն
 ազատիս և մօրդ մխլթարութիւն ըլլաս : »
 Տղան երբ տեսաւ որ դանդաղելու ժամանակ
 չկար, անդամ մըն ալ վեր նայեցաւ, տեսաւ
 որ չուանէն քանի մը թեւ մնացեր էր կտըր-
 ուելու, քաշեց դանակը և չուանը կտրեց .
 հայրն ու եղբայրն ահագին բարձրութենէն
 գահաձիթելով չարաչար կորսուեցան :

Հարցումներ : 1. Ո՞ր տեղ ստեպ որսորդութեան կ'ելեն :
 2. Ծերունի մը տղոցը հետ ո՞ր դնաց, և ի՞նչպէս : 3. Չուա-
 նէն վեր ելած ատենը մեծ տղան ի՞նչ տեսաւ . հայրն ի՞նչ ը-
 սաւ : 4. Ծերունին մեծ տղուն ի՞նչ խրատ տուաւ . ո՞վ ազա-
 տեցաւ, և որո՞նք կորսուեցան :



Դ Ա Ս 31

Յամառ	պէնս Գլուխ	Վամակոր	Համբը Հասարող
Դիւրաւ	Դիւրին Իերպով	Վարժապետ	Դասապոս
Ուղղուել	Լսիչուի	Աղաչանք	Կողմաստ
Վանոն	օրէնք	Անխրաւ	Իրաւունք Լուսնեցող
Թրջել	Բաց ընել	Պատժուիլ	Կասկէ Իրէւ
Հեղեղ	սասիւի Զոր	Սպառնալ	Լսի սուլ

ԶՈՒՍՐՃՍԼԻ ԴԵՊՔ ՄԸ

1. Դպրոցի մը մէջ երկու եղբայրներ կային

մէկը տասնումէկ՝ միւսը տասուերկու տարե-
 կան : Սյս տղոց մին շատ մը խրատներ լսե-
 լէն ետքը տակաւին կամակոր և յամառ մնաց :
 Վարժապետն անոր ըսաւ որ եթէ վարքը չփո-
 խէր մեծ պատժոյ պիտի ենթարկուէր և զոր
 դիւրաւ պիտի չմոռնար . վարժապետը տես-
 նելով որ տղան այս սպառնալիքէն ալ չուղ-
 զուեցաւ, պատրաստուեցաւ զանի պատժե-
 լու : Նոյն միջոցին Պօղոս անուն մեծ եղբայ-
 րը յառաջ գալով աղաչեց վարժապետին որ
 փոխանակ եղբօրը զինք պատժէր :

2. Մնատեն վարժապետն ըսաւ անոր, « Սի-
 րելի Պօղոսիկս, դուն բարի տղոցմէն մէկն ես
 և պատժուելու բան մը չունիս և սիրտդ
 շատ փափուկ է, ուստի չեմ կրնար յանխրա-
 վի ցաւցնել քեզ, սիրելի զաւակս : » Տղան ա-
 սոր պատասխան տալով ըսաւ, « Որչափ մեծ
 ըլլայ քու խնձի տալու պատիժդ, անկէ ա-
 ւելի մեծ պիտի ըլլայ զգացած ցաւս՝ եղբօրս
 պատժուիլը տեսնելով, քանզի անիկա տղայ
 է, և տարիքով ինծմէ պզտիկ և տկար է,
 ուստի կ'աղաչեմ, տէր իմ, որ անոր տալու
 պատիժն ինձի տաս . ինչ պատիժ որ տաս սի-
 րով կը տանիմ : Ո՞հ, տէր իմ, եղբօրս տեղը
 զիս պատժէ : »

3. Վարժապետը տղուն կրտսեր եղբօրը
 դառնալով ըսաւ, « Ուրեմն ի՞նչ պիտի ըսես

հիմա, Յակոբ, քու ազնիւ եղբօրդ, Պօղոսին, ըրած աղաչանքին.” անիկա ալ եղբօրը երեսն ի վեր նայեցաւ առանց պատասխան մը տալու, և վարժապետը լուռ կը կենար: Բայց Պօղոս տակաւին կը բռնադատէր վարժապետը որ զինք պատժէր, և կու լար: Վարժապետն ըսաւ, « Լսած ես երբէք, Պօղոս այնպիսի մէկու մը վրայ, որ ուրիշին յանցանքին պատիժն կրած ըլլայ:” « Այո, տէր:” պատասխանեց Պօղոս, «մեր Տէրը, Յիսուս Քրիստոս, որ զինք ծեծողներուն կռնակ չըդարձուց, մեզի պէս խեղճ մեղաւորներուն համար, և անոր ծեծ ուտելովը մենք բժշկուեցանք, և մեր մեղքերը ներուեցան: Կ’աղաչեմ, ներէ Յակոբիկին յանցանքը, ես կը քաջեմ անոր պատիժը. ես կրնամ անկէ աւելի տանիլ:”

4. « Բայց քանի որ եղբայրդ ինծմէ ներում չի խնդրեր, դուն ինչո՞ւ այսչափ փափաք կը ցուցնես այս բանին համար, սիրելի Պօղոսիկա, չե՞ որ ինք պատժուելու արժանի է:” « Իրաւ է, տէր իմ, որովհետեւ դպրոցին օրէնքը կտարեց, և քանի մը անգամ խրատ լսելէն ետքը, դուն ըսիր թէ զանի պատժելու է, ուստի ես ալ դիտնալով որ դուն շիտակ չեղած բան մը չես խօսիր, և պէտք է որ դպրոցին կանոնները ճշդիւ պահուին,

և եղբայրս ալ յամառ է և չապաշխարեր, ի՞նչ ճար կայ ասոր, տէր, կ’աղաչեմ զիս անոր տեղը դիր, քանզի ես անկէ ուժով եմ:”

5. Անտեն տղան եղբօրը վիզը փաթթուելով անոր երեսը թըջեց արցունքով: Ասիկա այնպիսի բան մըն էր որ խեղճ Յակոբին կարողութենէն վեր էր. ուստի աչքէն հեղեղի պէս արցունք թափելով սիրտը ելաւ, ներում խնդրեց և եղբօրը փաթթուեցաւ: Վարժապետը երկուքն ալ բազկացը մէջ առնելով զանոնք օրհնելու համար աղօթք ըրաւ Անոր որ «մեր անօրէնութիւններուն համար ծեծուեցաւ:”

Հարցո՞ւմեր: 1. Դպրոցի մը մէջ տղայ մը ի՞նչ ընթացք ունէր. այն տղուն եղբայրն ի՞նչ ըսաւ վարժապետին: 2. Վարժապետն ի՞նչ պատասխան տուաւ: 3. Յանցաւոր տղուն ի՞նչ ըսաւ. Պօղոսին ի՞նչ հարցուց, և ի՞նչ պատասխան առաւ: 4. Ուրիշ ի՞նչ խօսեցաւ: 5. Վերջապէս Յակոբիկ ի՞նչ կերպով ըրածին վրայ զըջաց:

Գ Ա Ս 32

Նամակ	Գրութիւն	Գեղեցիկ	աղօր
Անփորձ	Գէտ	Զարմանալ	աղիւ
Երազ	Ինչ մէջ Գէտ	Արեգակն	արև
Հարուած	Դարձուիլ	Երջանիկ	հանգիստ
Որսալ	Բան Բռնել	Զօրաւոր	ոժով
Բարի	Գէտ	Չափահաս	Էրիտասարդ



ՃԱՆՃԷ ՄԸ ՆՍՄԱԿ

1. Պարոններ, ես պղտիկ ճանճ մըն եմ. կ'աղաչեմ որ խօսքերուս և վշտալի պատմութեանցս ունկն դնելու բարեհաճիք: Յունիս ամսոյն մէջ տաք և գեղեցիկ օր մըն էր երբ աշխարհ եկայ: Շուրջս գտնուած գեղեցիկութիւնը տեսնելով զարմացայ մնացի: Կեցած տեղւոյս գեղեցիկութիւնը, արեգական հազար ու մէկ ճառագայթներուն գեղեցիկութիւնը և լսած տեսակ տեսակ ձայները միտքս յափշտակեցին: Երբ անկիւն մը քաջուած կեցեր էի, զարմանօք կը դիտէի իմ տեսակէս եղողներուն արագաշարժութիւնը և ճարտարութիւնը որով տեղէ տեղ կը թռչտէին:

2. Ո՛հ, կ'ըսէի ինքնիրենս, այս ի՞նչ երջանիկ են ասոնք. քանի մը օրէն թեքս ալ պիտի մեծնան ու զօրանան և զիս թռցնելու բաւական պիտի ըլլան. անատեն ես ալ միւսներուն պէս արևուն ճառագայթներուն մէջ որսորդութիւն պիտի ընեմ, և այնուհետև միշտ ուրախ զուարթ ասդին անդին պիտի թռչտիմ: Ո՛րչափ ուրախ էի ճանճ ծնելուս համար:

3. Գեռահասներն ու անփորձք միշտ այսպէս կը խորհին. կեանքն անոնց համար երջանկութեան քաղցր երազ մը կ'երևի: Ինչ և

իցէ օրեր անցան և ես մեծցայ ու զօրացայ: Մայրս թողուց զիս և սկսայ ես ինձի հոգ տանիլ, և ազատութեանս վրայ հպարտացած սկսայ սենեակին մէջ թռչտիլ որ այն ատեն աշխարհի չափ մեծ կ'երևէր ինձի:

4. Օր մը երբ այսպէս ուրախ զուարթ կը զբօսնուի, յողնութենէս դացի կնկան մը գըլխոյն վրայ կեցայ: Բայց ի՞նչ մեծ եղաւ զարմանքս անոր ցուցուցած ընդունելութեանը վրայ, երբ անգթութեամբ վրձինի հարուած մը ընդունեցի անկէ որ հազիւ կարող եղայ փախչիլ և քովի աղջկան գլխոյն վրայ հանգչիլ. բայց հոն ալ չկրցայ վայրկեան մը հանգչիլ և հարուած մը ուտելով թողուցի փախայ: Ստոր վրայ զարմանալով սկսայ խորհիլ, և ուզեցի պատճառն իմանալ, ուստի անմիջապէս մօրս գացի որուն վրայ մեծ վստահութիւն ունէի:

5. Երբ գլխոյս եկածը պատմեցի, «Սիրելի աղջիկս» ըսաւ մայրս, «գիտցիր որ մենք մարդկային ազգին առջև յանիրաւի կը նախատուինք և վնաս կը քաշենք. ամենէն մեծ թշնամիդ մարդն է: Ձիշելով այն մեծամեծ ծառայութիւնները զոր կ'ընենք անոնց՝ օգին մէջ եղած ապականիչ բաները որսալով, որ անոնց առողջութեանը վնասակար է և հիւանդութիւն կը բերեն, չեն դադրիր մեզի

զնաս հասցնելէն, երբ քիչ մը կը մօտենանք անոնց :

6. Սմէն հնարք կը բանեցնեն, ամէն որոգայթ կը լարեն մեզ սպաննելու համար : Միայն բարի մարդ մը գիտեմ որ անդամ մը երբ վըզվըզ հօրեղբայրս անոր վրայ կեցաւ, բըռնեց զանի և թևերը բանալով թող տուաւ զանի, և թռչած ատենն ըսաւ ետեէն, « Գնա, թռիւր, աշխարհիս մէջ քեզի ալ ինծի ալ բաւական տեղ կայ պատելու : » Անկէ զատ ուրիշ աղէկութիւն մը տեսած կամ լած չեմ անկէ :

7. Հազիւ թէ մայրս խօսքը ըմբօց, վերոյիշեալ աղջեկը գիրկը տղայ մը առած մօտեցաւ մեզի և « Բռնէ ճանճը, բռնէ, սիրելիս, » ըսաւ տղուն. մէյնի ալ նայիմ որ խեղճ մայրս պզտիկ տղուն ձեռքին մէջ կտոր կտոր եղաւ : Իսկ ես ահուգողով լցուած գժբաղղմօրս մահուանը վրայ դառնապէս ողբացի : Կը ցաւիմ ճանճ ծնելուս վրայ, քանզի միշտ ենթակայ եմ մարդոց անգթութեանը :

Հարցումներ : 1. Ճանճ մը աշխարհ եկած ատենը ի՞նչ տեսաւ : 2. Ի՞նչ կը խորհէր : 3. Երբ մեծցաւ ի՞նչ եղաւ : 4. Օր մը ո՞ր նստաւ, և ի՞նչ եղաւ անոր : 5. Որ՞նչ գնաց գլխոյն եկածը պատմելու. մայրն ի՞նչ ըսաւ անոր : 7. Նոյն միջոցին ո՞վ եկաւ, և ի՞նչ ըրաւ :



Գ Ա Ս 33

Ծնողք	Հայր Ժայր	Անդադար	Քրտ
Խորհուրդ	Տրամբուր	Թերութիւն	պաշտօնութիւն
Քաղցր	անուշ	Յիշատակ	Քրտ Բերելու Բան
Աճիլ	Ձեռնալ	Մտադիր	Քրտ ունենալու
Սնունդ	ուժ քոտու	Մեծարանք	պատիւ
Տեսակ	լէրտ	Երկիւղած	Վարդու

ԵՂԲԱՅՐԱԿԱՆ ՍԷՐ

1. Գուն եղբայրներ և քոյրեր ունիս : Չեղքեղ եկածին չափ ջանք ըրէ որ քեզի նման մարդոց ինչ սէր որ պարտական ես ցուցնելու՝ կատարեալ կերպով սկսիս նախ երեցընել ծնողացդ վրայ, ետքը անոնց որ եղբայրութեանց մէջ ամենէն մօտաւոր առնչութեամբ հետդ կապուած են, այսինքն անոնց որ քեզի հետ նոյն ծնողաց զաւկներ են : Եղբայրսիրութեան աստուածային գիտութիւնը լաւ սորվելու, և ամէն մարդիկ ինչպէս որ պէտք է սիրելու սկզբունքը ընտանեաց մէջ սկսելու ես սորվիլ :

2. Սա խորհուրդը թէ մէկ մօր զաւկներ ենք՝ ո՞րչափ քաղցր է : Ի՞նչ անոյշ է մտածել թէ աշխարհ եկածնուս պէս՝ մէկտեղ նոյն անձինքը գտած ենք՝ ուրիշներէն աւելի սիրով մեծարելու համար զանոնք : Եղբարց և քերց արենակից և բնաւորութեան կողմանէ

չատ բանի մէջ նման ըլլալը՝ բնականապէս սաստիկ սէր կը ձգէ մէջերնին, այնպիսի սէր մը որ չի կրնար դիւրաւ մարիլ :

3. Կ'ուզե՞ս աղէկ եղբայր ըլլալ. ինքնա՛հաւանութենէ զգուշացիր և առաջագրէ որ ամէն օր եղբարցդ և քերցդ հետ վարուելու ատենդ վեհանձն ըլլաս : Թող անոնցմէ ամէն մէկը հասկնայ որ դուն անոնց շահն ալ քու շահուդ պէս կը մտածես : Եթէ անոնցմէ մէկը թերութիւն մը ընէ՝ ներողամիտ եղիր : Ուրախացիր անոնց առաքինութեանցը վրայ . հետեւէ անոնց, և բարի օրինակովդ առաջ տար զանոնք, այնպէս որ քեզի պէս եղբայր ունենալու համար փառք տան Աստուծոյ :

4. Բազմաթիւ անուշ յիշատակներ կան սիրալիր կարօտանաց, գովելի երկիւղածութեան, որոնցմով եղբայրական սէրն անդագար սնունդ կ'առնէ և կ'աճի : Բայց գէթ մտադրութիւն ընելու է անոնց վրայ . ապա թէ ոչ շատ անդամառանց իմացուելու կ'անցնին կ'երթան . պէտք է որ մարդս ինքզինք բռնադատէ այն բաներն զգալու : Փափուկ զգացմունք ունենալու համար հաստատ և եռանդազին կամք պէտք է : Ինչպէս որ մէկը չի կրնար բանաստեղծ և նկարիչ ըլլալ առանց մասնաւոր կերպով սորվելու, այսպէս ալ ոչ ոք կրնայ եղբայրական սիրոյն կամ

ուրիշ որ և իցէ ազնիւ զգացմանց համն առնել՝ եթէ հաստատուն կամօք չաշխատի զայն զգալու :

5. Նայէ որ ընտանեկան մտերմութիւնը երբէք պատճառ չըլլայ քեզի՝ եղբարցդ հետ անքաղաքավար ըլլալու : Նայէ որ աւելի մարդավար ըլլաս քոյրերուդ հետ : Անոնց բնութիւնը զօրաւոր անուշութիւն մը ունի, և անով սովորաբար բոլոր տանը մէջ սքանչելի զուարթութիւն մը կը տեսնուի, անհամութիւնները կը հեռանան, հայրական կամ մայրական խրատներուն սաստկութիւնը կը մեղմանայ : Կանացի առաքինութեանց քաղցրութիւնն անոնց վրայ տես և մեծարէ զանոնք . բնութիւնդ մեղմացնելու ազդեցութիւնը տես և ուրախացիր : Եւ որովհետեւ Աստուած զանոնք քան զքեզ տկար և զգայուն ստեղծած է, նայէ որ աւելի մտադիր ըլլաս մխիթարելու զանոնք երբ տրտմութեան մէջ են :

6. Անոնք որ իրենց եղբարցն ու քերցը հետ չարասրտութեամբ և կոպտութեամբ վարուիլ սորված են՝ որ և իցէ մարդու հետ ալ կոպիտ կերպով և չարասրտութեամբ կը վարուին : Ընտանեկան վիճակն այնպէս գեղեցիկ, այնպէս սուրբ պիտի ըլլայ որ երբ մարդս տնէն դուրս ելլէ՝ հետը պիտի տանի ուրիշ ընկերութեանց մէջ ալ այն մեծարանաց և սիրոյ գեղե

ցիկ ջանքը և այն համարումն առաքինութեան վրայ՝ որ ազնիւ զգացմանց արգիւնքն է :

- Հարցումներ : 1. Եղբայրական սերն ո՞ր աղէկ կը սորվուի :
- 2. Ի՞նչ կողմանէ եղբայրական սերը սաստիկ է :
- 3. Մէկը ի՞նչ կերպ վարմունք ցուցնելու է եղբարցը :
- 4. Մարդս ի՞նչ կերպով պահելու է սիրոյ զգացումը :
- 5. Որո՞նց հետ աւելի քաղաքաւ վարութեամբ վարուելու ենք :
- 6. Ի՞նչպէս կը տեսնուի եղբայրական սերը :

Գ Ա Ս 34

Գազան	Վայրենի անասուն	Բարերար	աղէկութիւն ընող
Անմահ	ան սր չմեռնիք	Արարած	ստեղծութիւն
Բաղրակ	լիև	Ընթերցող	խորհրդասու
Խնդրել	ուղեւ	կատարել	ընել
Հանդերձ	հագոսս	Բարկանալ	նշանալ
Խնամք	հոգ	Բանական	մտա ունեցող

Ճ Ն Ճ Ղ Ո Ի Կ

1. Մեր ամենօրհնեալ Փրկիչը, Յիսուս, ճնճղուկին օրինակովը մեզի քանի մը օգտակար դաս կու տայ : Կը տեսնէք որ Աստուած ո՞ր չափ բարերար է ամենատկար արարածնե՛րուն անգամ. լերան գազանները, օգին թռչունները, և մինչև անգամ փոքրիկ ճնճղուկն անոր տեսութենէն հեռի չեն : Զանոնք ստեղծող Աստուածը չմոռնար ամէն օրուան կերակուրը տալ անոնց. անոնք որչափ շատ ըլլան ամենուն համար բաւական կերակուր պատրաստուած է :

2. Մեր երկնաւոր Հայրն ամենուն բարեւոր է, և իր ամենողորմ գթութիւնը բոլոր իր գործքերուն վրայ է : Արդ այն որ այսպէս կը կերակրէ երկնից թռչունները, և կը զարդարէ դաշտին ծաղիկներն այնպիսի գեղեցիկ գոյներով, անտարակոյս անոնցմէ աւելի պիտի հոգայ զձեզ. քանզի ինք ըսաւ, «Մի վախճաք. ինչու որ շատ ճնճղուկներէն լաւ էք դուք :» Այո, դուք շատ ճնճղուկներէն լաւ էք. և ինչո՞ւ համար. անոր համար որ դուք անմահ հոգի ունիք. հոգի մը որ յաւիտեանս պիտի ապրի : Երբ գազաններն ու թռչունները կը մեռնին, անիկա անոնց վերջն է, բայց ձեր հոգիները պիտի ապրին նաև ձեր մարմնոյն մեռնելէն ետքը :

3. Դուք անոնցմէ լաւ էք, քանզի երջանիկ վախճանի մը համար ստեղծուած էք, ուսկէ զուրկ են բոլոր կենդանիները : Դուք ստեղծուած էք զԱստուած ճանչնալու և անոր ծառայելու համար հոս երկրի վրայ, որ կարող ըլլաք անոր հետ բնակելու երկնից մէջ և երջանիկ ըլլալ յաստեացս փոխուելէն ետքը : Թռչունները չեն գիտեր, ճնճղուկները չեն գիտեր և չեն ճանչնար զիրենք ստեղծող Աստուածը և անոր ամենակարող բազուկը որ կը հոգայ և կը խնամէ զանոնք. բայց դուք կրնաք ճանչնալ ձեր Արարիչը, և խորհիլ

անոր վրայ : Կարող էք սիրել զԱստուած, որ կը կերակրէ զձեզ և կը հագուեցնէ . կրնաք աղօթել Աստուծոյ և խնդրել անկէ ձեր պիտոյքը . կրնաք անոր ապաւինիլ իբրև ձեր երկնաւոր Հօրը . և անիկա բնաւ զձեզ չմոռնար և երեսէ չի ձգեր :

4. Կը տեսնէ՞ք սիրելիներ, ո՞րչափ առաւել էք երկնից թռչուններէն, երկրիս գաղաններէն, և դաշտի ծաղիկներէն, և եթէ Աստուած կը հոգայ զանոնք, ո՞րչափ ևս աւելի զձեզ պիտի հոգայ : Մի վախնաք, ձեր երկնաւոր Հայրը առանց հանդերձի և առանց կերակրոյ չի ձգեր զձեզ : Այն որ փոքրիկ ճընճ զուկին ձայնը կը լսէ, ձեր աղօթքներն ալ աւելի կը լսէ : Աղքատ էք . մի վախնաք, քանզի Դաւիթ կ'ըսէ, « Աղքատը աղաղակեց, ու Տէրը լսեց անոր, և զանիկա իր բոլոր նեղութիւններէն փրկեց : » Ո՞րք էք . մի վախնաք, քանզի Աստուած որբերուն Հայրն է : ✠

5. Ձեր ծնողքը ինամբ չե՞ն տանիր ձեզի . մի վախնաք, Տէրը պիտի ընդունի զձեզ : Ինք գիտէ ձեր կարօտութիւնները և ձեզի պատահած ամէն բաները . քանզի առանց անոր կամքին և գիտութեանը ձեզի բան մը չի պատահիր : Հիւանդ էք . մի վախնաք, քանզի Տէրը ձեր բոլոր հիւանդութիւնները բժշկելու կարող է : Եւ որպէս զի աղէկ հասկնաք

թէ Աստուած զձեզ կը սիրէ, կը հոգայ և կը կերակրէ՝ այսպէս ըսաւ, « Ձեր գլխուն բոլոր մազերն ալ համրուած են : » Ուրեմն, սիրելի ընթերցողք, եթէ ձեր երկնաւոր Հայրը զձեզ այսպէս կը հոգայ, ալ ի՞նչ բանէ կը վախնաք . բնաւ վախնալու բան մը չունիք, միայն թէ Աստուծոյ հաճոյ ըլլաք :

6. Այն ատեն վախցէք, երբ մեղք կը դործէք . բայց եթէ սիրէք զԱստուած և անոր կամքը կատարէք, անատեն վախ չէք ունենար թէ Աստուած ձեզի կը բարկանայ . քանզի Աստուած կը բարկանայ չարերուն և մեղաւորներուն : Գիտնաք որ Աստուած ձենէ շատ աւելի ծառայութիւն կ'ուզէ, քան թէ երկնից թռչուններէն . քանզի անոնց միտք ու բանականութիւն չտուաւ, բայց ձեզի տուաւ, անոր համար կ'ուզէ որ դուք հնազանդ և խոնարհ զուկներ ըլլաք :

7. Յիշեցէք որ Աստուած այնպէս սիրեց այս աշխարհս՝ մինչև իր միածին Որդին տուաւ, որ մենք մեղաւորներս և խեղճերս յաւիտենական կեանաց արժանի ըլլանք մեր Տէր Յիսուսի միջոցով : Տեսէք, սիրելիք, Աստուծոյ սէրը, տեսէք անոր ողորմութիւնը, տեսէք անոր անճառելի գթութիւնը որով այցելութիւն կ'ընէ : Բարձրաձայն գոչեցէք, փոքրիկ բարեկամներս, « Մարդը ի՞նչ է՝ որ

զանիկա կը յիշես, կամ մարդու որդին՝ որ անոր այցելութիւն կ'ընես:՝ Դու բարերար ես ամենուն և քու գթութիւնդ ամէն արարածներուդ վրայ է:

Հարցո՞ւմէր: 1. Աստուած ի՞նչ օրինակով էր սերը կը յայտնէ մեզի: 2. Ինչո՞ւ համար Աստուած մեզ թուզուններէն աւելի կը հոգայ: 3. Մենք ի՞նչ բանի համար ստեղծուած ենք: 4. Աստուած ի՞նչ խրախոյս կուտայ մեզի: 5. Մեր ծնողքն երէն աւելի մեզ հոգացող զմ՛կ ունի՞ր: 6. Ե՞րբ վախնալու ենք Աստուծմէ: 7. Ինչո՞ւ համար Աստուած էր միածին Որդին տուաւ:



Գ Ա Ս 35

Աղմուկ	սաստիչ Յայն	Խանդարել	սարել
Ննջել	քնանալ	կաթնատու	չալի քոռոշ
Դադրիւ	չէնալ	Պատերազմ	չոխ
Միջին	Չէջեղի	Սուրհանդակ	նամաչ քանոշ
Գործել	Բանել	Զօրաւոր	ո՜ժոշ
Զաստուած	սոսի սաստած	Զափաղանց	լսիչն սուլի

Ի Ո Ի Ն

1. Մտաւոր աշխատութիւն ունեցողը պէտք չէ որ քունը եկած ատենը զայն փախցնելու ջանք ընէ. որովհետեւ այն տեսակ մարդոց վրայ այն ատեն միայն քուն կու գայ, երբ անհրաժեշտ է՝ անոնց առողջութիւնը չխանդարուելու համար: Ճշմարիտ է որ քսանուչորս ժամն անգամ մը քնանալը այնպէս էական

բան մըն է մարդուն և ամէն տեսակ կաթնատու կենդանեաց, ինչպէս է ամէն ընկերութիւնը:

2. Քնանալու ամենէն անցարմար վիճակ ունեցողն անգամ չի կրնար զայն արգելել: Երբեմն կառավարը կառքը վարած ատենը կը քնանայ, ինչպէս նաև սուրհանդակը ձիոյն վրայ, զինուորն ալ պատերազմի դաշտին մէջ թնդանթնեբուն ձայնին և պատերազմին աղմուկին մէջ քուն կը քաշէ: Կ'ըսուի թէ անգամ մը Անգղիացւոց զօրքերը պատերազմի դաշտէն դարձած ժամանակ զինուորներէն չատերը քալած ատեն կը քնանային:

3. Ամենէն սաստիկ կիրքերը և մտաց գործիւք զօրաւոր մտքի տէր մարդիկն անգամ քնանալէ չեն կրնար ետ կեցնել, զորօրինակ Մեծն Աղեքսանդր Սրպելայի պատերազմին ատեն և Նարոլէոն Օսթրիլիցի դաշտին վրայ քնացաւ: Մինչև անգամ ծեծն ու տանջանքը չեն կրնար քունն արգելել, ինչպէս որ մահապարտաց քնանալը տեսնուած է տանջանարանի վրայ:

4. Սաստիկ աղմուկներ որ մարդուն քունը կը փախցնեն, քիչ ատենուան մէջ մարդ անոնց ալ կը վարժուի և կը սկսի առաջուան պէս հանդիստ ննջել. ասկէ է որ գիշերուան մէջ կառքով ճամբորդած ատեն քնացող ճամբորդ

ները մէկէն կ'արթննան, երբ ձիերը փոխե-
լու համար կառքերը կը կայնին : Երկաթ թա-
փելու և ծեծելու գործարաններուն մօտ քնա-
ցող մարդուն մէկը գիշեր ատեն երբ պատ-
ճառով մը գործարանը չգործէր և ձայները
դադրէին, մէկէն կ'արթննար :

5. Հիւանդ ջաղացպան մը՝ որուն աղօրիքը
մարդուն հիւանդութեանը պատճառաւ դադ-
րած էր, շատ գիշեր քնահատ մնաց, մինչև
որ աղօրիքը գործել սկսելով սովորական ձայ-
ներ շարունակեց : Հոմերոս իր գրած Եղիակա-
նին մէջ վեհմ' կերպով կը ներկայացնէ մարդ-
կային կենաց այս կարևոր պէտքը . «Քունը ,»
կ'ըսէ, «մարդիկ և մինչև անգամ չաստուած-
ները, բաց յԱրամազդէն, կը յաղթէ :»

6. Երկար ատեն քնանալ ամէն մարդու
համար միեւնոյն չէ . ոմանց աւելի երկար ա-
տեն պէտք է ննջել, և ոմանց աւելի քիչ,
սակայն մէկու մը երկար քնանալէն անոր մտա-
ւորական զօրութիւնը և աշխուժութիւնը չի
կրնար հասկցուիլ : Վեցէն մինչև ինը ժամ է
միջին չափը . սակայն Հռովմայեցւոց Կալի-
կուլա կայսրը միայն երեք ժամ կը քնանար .
Բրուսիոյ Մեծն փրեդերիկոս թագաւորը չորս
հինգ ժամ միայն կը հանդէսէր, և Սկիպիոն՝
ուլթը ժամ : Հարուստ և ծոյլ մարդը տաս-
նէն մինչև տասուերկու ժամ կը քնանայ ա-

մէն օր : Քունը տղայութեան ատեն ամէն
ժամանակէն երկայն և ծանր կ'ըլլայ : Կնիկ-
ներն ալ էրիկ մարդոցմէ աւելի կը քնանան,
և երիտասարդները ծերերէն աւելի :

7. Քունը կը փախչի հիւանդութենէ նոր
ելած ատեն և երկար հիւանդութենէ մը ետ-
քը, երկար ատեն անօթի մնալով և չափազանց
սուրճ գործածելով : Գիշերները ծերոց չքնա-
նալուն պատճառը յայտնի է : Կ'երևի թէ
մսակեր կենդանիները խոտակեր կենդանիներ-
րէն աւելի երկար ատեն կը քնանան, որովհե-
տև անոնց ջիղերը շատ աշխատելով յոգնելուն
պատճառաւ կազդուրուելու համար աւելի
հանգիստ կը պահանջեն :

Հարցումներ : 1. Ի՞նչ է մարդոց ամենէն անհրաժեշտ բա-
նը : 2. Մարդս կրնայ քունն արգելել . Ի՞նչ կ'ըսուի Անգղիաց-
ւոց զօրաց համար : 3. Ի՞նչ բուսած է քանի մը թագաւորաց
և մահապարտներու համար : 4. Աղմուկը կրնայ մէկուն քունը
խանգարել : 5. Զաղացպանի մը համար ի՞նչ կ'ըսուի : 6. Եր-
կար ատեն քնանալ օգուտ է . քանի մը թագաւորաց համար
ի՞նչ կ'ըսուի : 7. Ո՞ր ատեն մարդուս քունը կը խանգարի :

Գ Ա Ս 36

Խօրտիկ	աղնի- չերախոբ	Մեծատուն	Հարուստ
Յիմար	իւնդ	Չեղխութիւն	Տախտաւորութիւն
Ատեան	դասուելու փէշ	Համարամ	Կամով
Պարզև	ընծայ	Խոհարար	Չերախոբ է ինչ
Տնանկ	աղտապ	Թանկագին	սուշ
Սննեակ	խոց	Որովայն	խոր

ՄԱՐՄՆԱՊԱՇՏ ԵՐԻՏԱՍԱՐԴ ՄԸ

1. Անցեալ դարուն Անգղիոյ մէջ մարմնապաշտ երիտասարդ մը կար, որուն պատմութիւնը հետեւեալն է : Մեծատուն մարդ մը միայն որդի մը ունէր, և զրկեց զանի բոլոր Եւրոպա պտտելու և տեսնելու : Ճամբորդութեան ատեն այս թեթեամիտ երիտասարդն ուրիշ բանի հոգ չտարաւ, բայց միայն ամէն ազգաց անուշահամ խորտիկները, և նորանոր շուայրութեամբ և զեղխութեամբ ուտելու և խմելու կերպերը սորվելու տուաւ ինքզինք :

2. Հայրենիքը չգարձած հայրը կը մեռնի, և իրեն մեծ գումար մը ժառանգութիւն կը թողու. նաև քիչ մը գետին : Շուայլ երիտասարդն այս ժառանգութեան տէր եղածին պէս, բացաւ իր յիշատակարանը խմանալու համար թէ ո՛ւր կը գտնուէին համադամ կերակուրներ և վարպետ խոհարարներ, տանը մէջ ունեցած սպասաւորներն ամէնք ալ խոհարար էին, ինչպէս նաև մտռանապետը, հետը պտտող սպասաւորը, ձիադարմանը, կառավարը և ախոռապետը որոնց ամէնքն ալ խոհարար էին :

3. Երեք իտալացի խոհարար ունէր, մէկը Ֆլորէնցա քաղքէն, միւսը Սիէնայէն, և

Երրորդը Վիթէուպոյէն : Փոքր Բրիտանիոյ և Լոնտոնի մէջտեղ մարդ գրած էր տեսակ մը թանկագին թռչունի հաւկիթներ ժողվելու և բերելու համար անոր : Անգամ մը ճաշի մը համար յիտուն և ութը քրտ ^{սիւր} ^{սիւր} ծախք ըրաւ, թէև ինք միայն նստաւ սեղանը և ճաշն ալ միայն երկու տեսակ կերակուրէ կը բաղկանար :

4. Ինը տարիէն ետքը երբ տեսաւ որ աղքատնալու վրայ է, մեղամաղձոտութեամբ հիւանդացաւ : Եւ երբ ունեցած հարիւր հազար լիրա սթեռլինը վատնելով բոլորովին սնանկացաւ, բարեկամին մէկը անոր մէկ լիրա սթեռլին տուաւ սովամահ չըլլալու համար : Քիչ մը ետքը երբ անոր աղքատիկ սենեակը մտան, տեսան որ քաղցրահամ և մեծագին թռչուն մը կը խորովէր հոն իր ձեռքովը :

5. Այս յիմար մարդը քանի մը օրէն ետքը ինքզինք զարկաւ սպաննեց, և այսպէս առանց հրամանի և հրաւերի դիմեց գնաց Անոր ատենանը, որուն պարզեած այնչափ բարեքները յիմարութեամբ վատնած էր : Առաքեալին խօսքն այսպիսիներուն շատ յարմար կու գայ, որ կ'ըսէ, « Որ անոնց վերջը կորուստ է, որոնց Աստուածը իրենց որովայնն է, ու անոնց փառքը իրենց ամօթն է. որոնք միայն երկրաւոր բաները կը մտածեն : »

Հարցո՞ւմնէր : 1. Երիտասարդ մը ո՞ւր ճամբորդէց ինչ ընե-
լու : 2. Գուրս եղած առենը ի՞նչ պատահեցաւ . քովի մար-
դիկն ի՞նչ էին : 3. Ուրիչ ի՞նչ ունէր : 4. Միշտ հարուստ
մնաց . իր բարեկամին տուած ստակն ի՞նչ ըրաւ : 5. Աւերջա-
պէս ի՞նչ եղաւ անոր վախճանը :

Գ Ա Ս 37

Պանդոկ	էջնէլու Կէշ	Իմաստուն	Խելացի
Վատնէլ	Տսիւել	Ըմպելք	Խժեւե+
Մերժել	Չարիւել	Ծաղրաշարժ	Խնդրանոյ
Յիմար	Խէնդ	Հոտոտել	Հոյսմասլ
Անմահ	ան որ չժեռնիր	Անհետեթ	Կգել
Ժուժկալ	համբերոյ	Չափազանց	խորհէ Դո՛րս

ԻՄԱՍՏՈՒՆ ԱՅԾ ՄԸ

1. Քանի մը երիտասարդ սովոր էին ամէն
իրիկուն պանդոկ մը ժողովիլ և ըմպելի խմել :
Այս կերպով իրենց ժամանակն ու ստակը կը
վատնէին , իրենց առողջութիւնը կը կորսնցը-
նէին և հոգինն կորստեան կը մատնէին :
Պանդոկին մէջ գեղեցիկ և կայտառ այժ մը
կար , որ զուարճալի և ծաղրաշարժ կերպե-
լովը կը զբօսցնէր զանոնք :

2. Իրիկուն մը երբ գինին այս պատանի-
ներուն գլուխը զարկեր էր , մէջերնէն մէկն
ըսաւ , “ Ահ , եկէք Պիլին (այս էր այժին ա-
նունը) բռնենք և քիչ մը գինի տանք անոր :”

“ Աղէկ ըսիր ,” ըսաւ ուրիշ մը , և այժը բըռ-
նելով գաւաթ մը գինի խմցուցին անոր : Այժն
առջի բերան գինին քանի մը անգամ հոտոտե-
լէն ետքը սկսաւ խմել , և շատ ալ ախարժե-
ցաւ :

3. Այժը կենացը մէջ երբէք ոգեղէն ըմ-
պելիք խմած չըլլալով՝ այս նոր ըմպելիքն
այնպէս ազդեց անոր որ սկսաւ անհետեթ
չարժումներ ընել : Բոլոր իր առջի վեհանձ-
նութիւնը , վայելչութիւնը և ծանրութիւնը
կորսնցուց , և սկսաւ ետեւի ոտքերուն վրայ
խաղալ , և այնպիսի միմոսական շարժումներ
կ'ընէր որ չափազանց կը խնդացնէր զանոնք :

4. Ստոր վրայ հոն կեցողները խօսք ըրին
երկրորդ օրը գարձեալ հոն ժողովուելու , Պի-
լին գինովցնելու և զուարճանալու համար :
Ուստի և հետեւեալ իրիկունը հաւաքուեցան ,
և երբ գլուխնին տաքցաւ՝ սկսան Պիլին
փնտռել , իսկ երբ կ'ուզէին այժն իրենց սեն-
եակը մտցնել , կենդանին չուզեց ներս մըս-
նել և անոնք ստիպուեցան բռնութեամբ ներս
առնել , և գինի խմցնել անոր , իսկ այժը զայ-
րացմամբ մերժեց զայն , և թէպէտև սաստիկ
կը ստիպէին որ խմէ , սակայն այժն այնպէս
ուժով գոցած էր բերանը , որ անհնար եղաւ
քիչ մը գինի խմցնել անոր : Կարծես թէ միտ-
քը դրած էր մէյ մըն ալ ինքզինք յիմարու-

թեան չտալ, և զուարճութեան նիւթ չըլլալ այն յիմար մարդոց՝ որ կ'ուզէին կենդանին ալ նուաստացնել և իրենց հաւասար ընել:

5. Պարագ տեղը ջանալէն ետքը, թողուցին այծը և տեղերնին գացին: Տուն դառնալէն ետքը այս պատանիներէն մին այծին իմաստուն որոշմանը և վարուցը հետեւելու առաջադրութիւն ըրաւ ըսելով, «Եթէ այս այծը երկրորդ անգամ չգլինովալու համար այնչափ բռնադատելէս ետքը քաջութեամբ դէմ դրաւ, այս ի՞նչ յիմարութիւն, ի՞նչ խելագարութիւն է որ ես բանական և անմահ էակ մը ըլլամ և նոյն փորձութեան մէջ ստէպ կ'յնամ. ալ այսուհետեւ երբէք պիտի չլամբ:» Այսպէս այս պատանին այծի մը օրինակին հետեւելով՝ բարեպաշտ և ժուժկալ մարդ մը եղաւ:

Հարցումներ: 1. Քանի մը երիտասարդ պանդուկի մը մէջ ի՞նչ բանով կը զուարճանային: 2. Իրիկուն մը զինովութեան մէջ ի՞նչ ըրին: 3. Այծը ի՞նչ ըրաւ: 4. Ի՞նչ ընել խորհեցան: 5. Այծը ի՞նչպէս դէմ կեցաւ. պատանի մը այծին օրինակէն ի՞նչ պտուղ քաղեց:

Պ Ա Ս 38

Յիմար	Խենդ	Անհետեւ	Կգել
Հանդէս	Կօն	Ընծայել	Կալ
Դժբաղէ	Խեղճ	Ընտանի	Վարժուած

Սողուն	Ժորին շրայ Կալոյ	Հանդերձեալ	Գալու
Կարող	Կրօղ	Երջանիկ	Հանգիստ
Զաստուած	Խոսք Խոսքուած	Յագնալ	Զլսանալ

Ս Ն Ա Պ Ա Շ Տ Ո Ի Թ Ի Ի Ն

1. Ափրիկէի ծովեզերեայ կողմերը բնակող տղէտ ազգերուն սոսկալի և անհեթեթ կռապաշտական մէկ յիմարութիւնն ալ կէտ ձուկերուն ընծայած յարզն է: Պոնա քաղքին մէջ տեսակ մը կէտ ձուկեր կան՝ որ շատ են և բնակիչներէն այնպէս մեծ պատիւ գտած են, որ բոլորովին ընտանի եղած են:

2. Տեղացիք ճե՛նճե՛ն կը կոչեն զանոնք, և այնպէս կը հաւատան թէ ով որ կէտ ձուկէ մը սպաննուի, հանդերձեալ աշխարհին մէջ երջանիկ կ'ըլլայ, իսկ ով որ կէտ ձուկ մը սպաննէ, ինք ալ գալու աշխարհին մէջ պիտի պատժուի:

3. Տարին երեք կամ չորս անգամ տօնախմբութիւն կ'ընեն, և այն օրերը նաւակներով գետին մէջտեղ կ'երթան, և այս շատակեր չաստուածոց աղաչանքներ ընելով՝ նաւին մէջէն կը նետեն այծեր, հաւեր, և այլն, մինչև որ այն տեղուանքը եղող բոլոր կէտերը յարգենան: Տարին անգամ մը ինը կամ տասը տարեկան տղայ մը կը զոհեն կէտերուն:

4. Մեծ հանդէսով գետին ջուրերուն քաջ

ուած ժամանակ, փոսի մը մէջ ցիցի կը կապեն դժբաղդ տղայ մը, և երբ նորէն ջուրը կը բարձրանայ կէտերը կարող կ'ըլլան զոհին հասնելու: Այս պատճառաւ կէտերը շատ համարձակութեամբ կը յարձակին, և երբեմն քանի մը ոտք դուրս կը ցատկեն ջուրէն՝ նաւուն գլուխը գտնուող մարդիկը յափշտակելու համար:

5. Միւսնոյն յարգը կ'ընծայեն նաև Կուսնա ըսուած սողունին որ գարշելի մողես մըն է, և կը պաշտեն զանիկա սնասպաշտական յարգանք, և անոր ներկայութիւնը պատիւ կը համարին:

Հարցումներ: 1. Ափրիկեցոց սնասպաշտութեանց մին ի՞նչ է: 2. Ի՞նչ կը կոչուի այն ձուկը, և մարդիկ ի՞նչ գաղափար ունին անոր վրայ: 3. Անոր համար ինչպիսի՞ տօն կը կատարեն: 4. Ուրիշ ի՞նչ կ'ընեն: 5. Ո՞ր սողունին նաև յարգ կ'ընծայեն:



Գ Ա Ս 39

Փափաք	Բաղձան+	Կարևոր	պեպի
Ուսեալ	Գիտան	Իմաստուն	Ինչոքի
Յիմար	Ինչոք	Երեկոյթ	Իրիտան ուրախութիւն
Գանդաս	Կրպուշ	Թառամիլ	Լորսլ
Գոչել	Կրպուլ	Չարաչար	Գեւ իբրոլ
Արբած	Իմած	Արբենալ	Գիտալ

ԶՈՒՐԻՇԸ ԽՐԱՏԵԼՈՒ ՕՐԻՆԱԿ

1. Շատ մարդ կ'ուզէ ինքզինք բժիշկ ցու-

ցընել, բայց բժշկութեան արուեստը չգիտնալուն համար՝ փոխանակ բժշկելու աւելի վնաս կը հասցնեն, և շատ մարդիկ կը գտնուին որ ուրիշները խրատելու փափաք ունին, բայց անոնց խրատը՝ օգուտ ընելու տեղ վնաս կ'ընէ: Այսպիսիները աղէկ կ'ընեն եթէ սա կարևոր կանոններուն միտք դնեն, այսինքն նախ, խրատը երբէք սաստիկ կամ կծու ըլլալու չէ. երկրորդ՝ ժամանակին յարմար ըլլալու է. երրորդ՝ գիմացիներին հասակին կամ վիճակին համեմատ ըլլալու է, այնպէս որ ծերին տրուելու խրատը տղուն չտրուի, և ոչ տղուն տրուելու խրատը ծերուն, ոչ իմաստունինը տղէտին, և ոչ տղէտինը ուսեալին, ոչ արթուն մարդու տրուելիքը գինովին, և ոչ իմաստնոյնը յիմարին: Ո՛վ որ այս կանոնները չի պահեր, ի զուր կը գանգատի իր խրատին անօգուտ ըլլալուն համար. թէ նոյն կանոնները պահողը որչափ օգուտ կը քաղէ՛՛հ տևեալ գէպքէն յայտնի կ'երևի:

2. Մովիէռ անուն հուշակաւոր կատակեր գալը օր մը գիւղի մէջ իր մէկ քանի բարեկամներուն երեկոյթ մը կու տայ. և որովհետև տե ինք սովորութիւն ունէր կանուխ քնանալու, թողութիւն կը խնդրէ իր բարեկամներէն, և դեռ սեղանը չլմնցած կ'երթայ կը պառկի: Տանտէրը երթալէն ետքը ասոնց ու-

րախուժիւնը չպաղիր . իրաւ թէև անոնք կար-
գացող և գիտուն մարդիկ էին , բայց գինի
խմելով քանի կ'երթայ գլուխնին կը տաք-
նայ , և խօսքը աշխարհիս ունայնութեան և
թշուառութեանցը վրայ կու գայ . ո՛րը այս ինչ
թշուառութեանը վրայ կը խօսի , ո՛րը այն ինչ
գժբադդութեանը վրայ , որը փշոտ վարդի
մը կը նմանցնէ մարդուս կեանքը որ առաւօ-
տը կը բացուի՝ և իրիկունը կը թառամի , ո՛րը
սուտ երազի մը որ մարդս քիչ մը ատեն կը
խարէ , ետքը չարաչար կը տանջէ . վերջապէս
խօսքը հոս կը բերեն թէ աղէկ է որ մարդ
մեռնի ազատի այս կեանքէն , և անդին յա-
ւիտեանս երջանիկ ըլլայ :

3 . Ս.յս արբեցութեան փիլիսոփայութեա-
նը վրայ մէյ մէկ գաւաթ նորէն կը խմեն , և
գլորելով ոտք կ'ելլեն և մէկ բերան կը կան-
չեն , “ երթանք , բարեկամներ , քաջութեամբ
մեռնինք .” այս ըսելով կը սկսին գէպի գե-
տը երթալ որ մէջը նետուին խեղդուին : Մէ-
ջերնին մէկը , որ քիչ արբած էր , վարպե-
տութեամբ մը կը բաժնուի անոնցմէ , և կը
վազէ բանը Մոլիէռին կը հասկցնէ : Մոլիէռ
սարսափած կը ցատքէ անկողնէն , շուտ մը վե-
րարկուն վրան կ'առնէ , կը վազէ միւսներուն
ետեէն . կ'երթայ կը տեսնէ որ անոնք գետին
քովը նաւակ մը գտած և մէջը մտած էին որ

մէջտեղը երթային խեղդուէին . մէկ քանի գե-
ղացիներ և դրացիներ ալ ասոնց միտքը հասկը-
նալով՝ կ'աշխատին որ ետ կեցնեն զանոնք :

4 . Ստոնք իրարու հետ կուռած ատեն Մո-
լիէռ վրայ կը հասնի , “ ի՞նչ է այս ,” կը գոչէ ,
“ ի՞նչ կուի է ըրածնիդ :” “ Նայէ ասոնց ը-
րածը ,” կ'ըսեն անոնք , “ չեն թողուր որ գե-
տին մէջտեղը երթանք խեղդուինք , դուն խե-
լացի մարդ ես , Մոլիէռ , ըսէ , իրաւունք ու-
նինք թէ չէ , այս սուտ աշխարհիս վրայ ապ-
րելէն ի՞նչ կ'ելլէ , աւելի աղէկ չէ՞ որ ժամ
մը առաջ մեռնինք ազատինք :” “ Շատ աղէկ
մտածեր էք ,” կ'ըսէ Մոլիէռ , “ շատ խելացի
բան . բայց ես զձեզ ինծի բարեկամ կը կար-
ծէի . կարելի՞ բան է որ դուք հանդերձեալ
աշխարհը երթաք և զիս ձեր երջանկութենէն
զուրկ թողուք այս աշխարհիս վրայ :” “ Ի-
րաւունք ունի Մոլիէռ ,” գոչեց մէկը , “ այս
կարելի չէ . թողութիւն ըրէ , սխալեցանք ,
բարեկամ , եկուր դուն ալ և մէկտեղ խեղ-
դուինք :” “ Ինչո՞ւ չէ ,” ըսաւ Մոլիէռ , “ իմ
ուզածս ալ այն է . բայց կեցէք մէյ մը մտա-
ծենք թէ ի՞նչ է ըրածնիս . մենք մեզի անուն
կ'ուզենք հանել , և այսպիսի փառաւոր գոր-
ծողութիւնը գիշեր ատեն կ'ընենք . ասիկա
խելք չէ . լսողները պիտի ըսեն թէ ով գիտէ՝
կերակուրէն ետքը գինին գլուխնին զարկեր

է, բան մըն է ըրեր են : Չէ, սիրելիք, վազը, անօթի փորանց, ցորեկ ատեն, ամենուն առջևը պէտք է նետուինք ջուրը :” « Խելացու թիւնն ալ այդ է ” դոչեց մէկը . ուրիշ մ’ալ « Շիտակը Մոլիէն մեզմէ շատ խելացի է, ” ըսաւ : Գնացին ամէնքն ալ պառկեցան . երկրորդ օրը ալ հարկ չեղաւ ջուրը նետուելու համար կռուիլ :

Հարցումներ : 1. Խրատ տալու մէջ ի՞նչ զգուշութիւն ընելու է : 2. Մոլիէն օր մը զորո՞նք հրաւիրեց իր տունը . միւսներն ի՞նչ ըրին : 3. Գինովալէն ետքը ի՞նչ ընել որոչեցին : 4. Նոյն միջոցին ո՞վ եկաւ, և ի՞նչ ըսաւ . վերջապէս Մոլիէն ի՞նչ կերպով ազատեց զանոնք :

ԳՍՍ 40

Վտակ	պարիչ վարան ջուր	Տարածիլ	Էրի՞նալ
Մացառ	Լուռ	Շրջակայ	Տօպ գոնոտող
Սոսկում	սասիչ վախ	Գահակէծ	Բարձրէն ինչալը
Տաքնապ	սրի դող	Պողոտայ	Ճաճօայ
Յանկարծ	Չէ՛նէն	Ահարկու	Վախալու
Կայնիլ	Յենալ	Անհար	Էլլալու Բան

Վիրգիւնիոց Մէջ ԿՍՍ ՈՒՐԶ

1. Աշխարհիս բնական մեծամեծ զարմանալեաց մէկն ալ Ամերիկայի վիրգիւնիա Նահանգին Ռօքպորիճ դաւառաբաժնին բնական կամուրջն է : Ասիկա կրաքարէ մեծ կամուրջ

մըն է խոր ձորի մը վրայ ձգուած, որուն մէջէն փոքրիկ վտակ մը կ’անցնի : Զուրին երեսէն կամարին ունեցած բարձրութիւնը երկու հարիւր տասնուհինգ ոտնաչափ է, և լայնութիւնը ութսուն ոտքի չափ : Այս խորածորը մղոններով տեղ կը տարածի և այս կամուրջէն դատ ուրիշ անցնելու տեղ չկայ . շրջակայ տեսարանը վայրի և շքեղ պատկեր մը ձևացուցած է : Կամուրջին վրայ նայած ատենդ կը կարծես թէ բնութիւնն իր գործքերուն մէջ օգտակար ըլլալն ալ կը մտածէ, ինչպէս նաև շքեղութիւնը և գեղեցկութիւնը :

2. Կամուրջին վրայ հասարակաց պողոտայ մը կայ շինուած, երկու դին ծառերով և մացառներով ու թուփերով զարդարուած : Կառքով անցնող ճամբորդ մը կրնայ դիւրութեամբ անցնիլ վրայէն՝ առանց ինչ ըլլալը հասկնալու, մինչև որ յատուկ ուշադրութիւն չընէ կամուրջին : Տարուէ տարի հազարաւոր անձինք, որոնք կը սիրեն բնութեան մեծ և զարմանալի բաները տեսնել, այն տեղ այցելութեան կ’երթան : Կամուրջին եզերքէն վար նայելն ահարկու բան մըն է . շատ մարդիկ որոնք չեն կարող եզերքն ի վար նայիլ, հարեանցի տեսութիւն մը միայն կրնան ունենալ անոր բարձրութեանը վրայ՝ եզերքին քովերը նստելով և դիտելով զայն :

3. Ասկէց վար դէպի վտակը կ'իջնուի ու լորուն և դահալէժ ճամբով մը, և երբ վտակին քովը կը հասնիս և դէպի վեր կը նայիս բարձր կամարին, չես կրնար անոր բարձրութիւնը լաւ կըռել մինչև որ աչքդ չդարձնես վտակին երկու դին բուսած բարձր ծառերուն վրայ, և չտեսնես թէ որչափ ցած ինկան են անոնք կամուրջին տակը: Խորածորին մէկ կողմը կրաքարին վրայ շատ մը ճամբորդներու անուններ փորագրուած են որոնք ուղեւոր իրենց յիշատակը թողուլ բնութեան այդ հսկայածե շէնքին վրայ, հոն իրենց անունը դրոշմած են: Քսանուհինգ ոտնաչափ բարձրը վոչինկթոնին անունը կայ իր ձեռքովը փորագրուած:

4. Քանի մը տարի առաջ երիտասարդ մը կեանքը վտանգի մէջ գրաւ՝ իր անունն ամենէն բարձր տեղ մը փորագրելու համար: Վեր ելաւ և իր նպատակին հասաւ. բայց վար իջած ատենը սոսկումը պատեց զանի, երբ տեսաւ որ անհնարին էր իջնել. ընելու բանն էր միայն կամուրջին վրայ ելլել: Ուստի շատ մտածելէն ետքը՝ ճարը հատած սկսաւ դառն աշխատութեամբ ոտքերուն կոխելու տեղեր բանալով ժայռին վրայ՝ կամաց կամաց վեր ելլել. բայց կրած տաղնապը և անհնարին յոգնութիւնը մահու չափի վնաս տուին անոր:

5. Տաճկաստանի մէջ դիտողութեան արժանի բնական կամուրջ մը կայ Կիւմիւշ խանէի և Տրապիզոնի մէջտեղ շարք մը լեռան խիստ դժուարին անցքի մը մէջ, որուն տակէն արագահոս գետ մը կը վազէ: Նախ ճամբան գետին արևելեան կողմէն է, և ճամբորդը յանկարծ կը զարմանայ, երբ առանց գիտնալու այդ գետին ուսկէ անցնիլն ինքզինք արևմտեան կողմը կը գտնէ: Ասիկա այն բնական կամուրջին միջոցովն է, որ այնչափ լայն և խոտով ու թուփերով ծածկուած է, որ վրայէն անցած ատենը չիմացուիր: Ասիկա տեսնելու, և բնական տեսարանները սիրողներուն մասնաւոր քննութիւն ընելու արժանի տեղ մըն է:

Հարցումներ: 1. Վերջինից մէջ ի՞նչ կայ: 2. Կամուրջին վրայ ի՞նչ կայ: 3. Հոն ի՞նչ բաներ գրուած են: 4. Ի՞նչ պատահած է: 5. Տաճկաստանի մէջ սուր նման ո՞ր կամուրջ կայ:

ԴԱՍ 41

Ծանօթ	Գիտցուած	Քարանձաւ	Գարի մէջ այր
Ձուլէժ	Բարձրէն Բաթոնոշ Չոր	Ընդարձակ	լայն
Ձեղուն	***սպառ	Սրբավայր	***Բ Խէշ
Հանդէս	Կոն	Կայարան	Ֆէնալու Խէշ
Դաղաղ	ճաշ	Երաժիշտ	Երգող

Քէնթըլֆիի ՀՌՁԱԿԱՒՈՐ ԱՅՐԸ
1. Այս այրն Ամբրիկայի Միացեալ Նա-

հանդերձն ֆէնթըքի կոչուած հահանդին մէջ է, և մեզի ծանօթ եղող այրերուն ամենէն մեծը և զարմանալին է: Կ'ըսուի թէ այրին մէջ երկու հարիւր քսանուվեց սենեակ, քառասունուեօթը գմբէթ, ութը ջրվէժ և քսանուերեք փոս կայ, և ասոնցմէ զատ շատ մը գետեր: Մէջի սրահներուն, անցքերուն և սենեակներուն տարածութիւնը երեք հարիւր մընէն աւելի է: Չայն տեսնելու համար հոն գացող ճանապարհորդ մը այսպէս կը նկարագրէ զայն:

2. «Խորտուբորտ ճամբով քարէ աստիճաններէ վար իջանք, երեսուն ոտքի չափ խորը, և այրին բերանը հասանք: Արմատներ, ծառերու ճիւղեր և որթեր կախուած են այս այրին մուտքին վրայ, և սոսկալի երևոյթ մը ունի: Ներսը մտնելուդ պէս պաղ օդի հասանք մը կը զարնէ երեսիդ, և քիչ մը ետքը կը կորսնցնես այն զովութիւնը: Նշանաւոր բան է որ այս այրին բարեխառնութիւնն ամառ ձմեռ միևնոյն է, և Յարէնհայտի ջերմաչափով յիսունուինը աստիճանէն աստիճան մը չի տարբերիր: Մէջի օդը խիստ մաքուր է, և մարդ մը աւելի աշխատութեան կրնայ գիմանալ այն այրին մէջ քան թէ գուրսը:»

3. «Վար իջնելու ատեն մեզ առաջնորդող մարդը կանթեղները վառեց և առջևնիս իյ-

նալով մեզ բաւական տեղ տարաւ և քանի մը վայրկեանէն այրին վայրագաւիթը եկանք, որ հարիւր վաթսուն ոտք ցած է գետնէն: Ասիկա երկայնաձև բոլորչի տեղ մըն է՝ իբր երկու հարիւր ոտք տրամագծով, և վաթսուն ոտք բարձրութեամբ. ձեղունը հարթ և մէկ կտոր ժայռէ շինուած է: Այս ահագին ապառաժը վեր բռնելու սիւն կամ ուրիշ բան չկայ. այս բանը զանիկա կանդնող հզօր ճարտարապետին իբր մէկ զարմանալի յաղթանակը կ'երևի մարդուս աչքին:»

4. «Այս սենեակին մէջ երկու անցք կայ, որոնց մին «Մեծ Չղջասենեակ» կը կոչուի, մէջը գտնուած անհամար չղջիկներուն համար, որոնք այնչափ շատ են որ պատերն ու ձեղունը դրեթէ ծեփած են. միւսը կ'ըսուի «Մեծ Ճեմելիք», որուն երկայնութիւնը հինգ մըն է և լայնութիւնը յիսունէն հարիւր ոտք, և ձեղունին միջին բարձրութիւնը յիսուն ոտք է: Կ'ըսուի թէ աշխարհիս մէջ գիտցուած ստորերկրեայ քարանձաւներուն ամենէն ընդարձակն է այս:»

5. «Ասկէ ետքը տեսնելու արժանի տեղն է «Եկեղեցին», որ մեծ սենեակ մըն է, վաթսուն հինգ ոտք բարձր, և հարիւր ոտքէն աւելի տրամագծով և քանի մը հազար հոգի ժողովուրդ առնելու բաւական է: Մէկ կող-

մանէ մեծ ժայռ մը դուրս ցցուած է ամպլոնի պէս, և անոր ետևը երգէոնի և երգիչներու յարմար տեղ մը կայ : Շատ անգամ հոս աստուածային պաշտօն կատարուած է շատ ժողովրդով : Այս ստորերկրեայ սրբավայրին ձևն ու կազմուածքն այնպէս յարմարութիւն ունի որ մեղմ ձայն մը հանուելու ըլլայ՝ բոլոր սենեակը կը լեցնէ և ամենէն հեռու տեղէն աղէկ կը լսուի :

6. « Ընդհակառակը քանի մը հարիւր կանգուն անդին « Պարասենեակ » կոչուած տեղ մը կայ որ երաժշտական հանդէսներ կատարուելու շատ յարմար դիրք մը ունենալով՝ այս անունը տրուած է այն տեղւոյն, և իբր երկու հարիւր ոտք տրամագիծ ունի և անոր համեմատ բարձրութիւն : Բնական կայարան մը կայ մէջը, ուր հարիւր երաժիշտք հանգիստ կրնան նստիլ . դիմացի կողմն ալ հանդիսականաց վերնատան նման բարձր տեղ մը կայ : »

7. « Պայս սենեակէն քիչ մը հեռու կը տեսնես մեծ ժայռ մը գետինը պառկած, որ « Հըսկայի Դադաղ » կը կոչուի, և ճիշդ դադաղի կը նմանի, և յիսունուեօթը ոտք երկայն է : Քիչ մը անդին պատին մէջ ծակ մը կայ, ուսկէ ցած սենեակ մը կ'երթրցուի, իբր հարիւր ոտնաչափ քառակուսի, որուն « Փայտեղէն տաշա » կ'ըսեն, տաշտի ձև ունենալուն համար : »

Հարցումներ : 1. Քէնթըբի այրն ի՞նչ կողմանէ նշանաւոր է : 2. Ճամբորդ մը ի՞նչպէս մտեր, և ի՞նչ բաներ տեսեր է : 3. Մէջի մեծութիւնը որչափ է : 4. Ի՞նչ տեղեր կան ներսը, և ի՞նչ կը կոչուին : 5. Ուրիշ ի՞նչ կայ : 6. Պարասենեակ կոչուած տեղն ի՞նչ է : 7. Ուրիշ ի՞նչ բաներ կան, և ի՞նչ կը կոչուին :

Գ Ա Ս 42

Յանկարծ Դէլէն Ի Դէ	Խորխորատ Խորունկ Ժոս
Ծագիւլ Ելլել	Առաջնորդ Ճամբայ ցորցող
Անդունդ շաք Խորո-Բիւն ունէցող	Հարունակ Քիպ
Խաւար Դո-Բ	Ահարկու Լաի Գգող
Սարափ սասիէ Լաի	Անթեթեթ անձորի
Աղօտ Գնչաղ	Հոյակապ Ձեծ

1. « Յետոյ Ժամանակաց զառիւլայր կոչուած տեղէն քսան ոտքի չափ վար իջանք Սմայի խուց ըսուած տեղը, որ տխուր և դժոխատեսիլ վայր մըն է, գետնին վրայ մեծ պատուածքներ և խորխորատներ կան որոնցմէ զդուշանալու խրատ կու տար մեզի մեր առաջնորդը : Ասոնց ամենէն մեծին անունն է կողմնական թամբ, որ իբր վաթսուն ոտք խորունկ է, և քովը շարունակ վազող ջուրի ձայն կը լսուի, բայց չտեսնուիր : Յետոյ երկայն սանդուխով Լաբիւրինթոս ըսուած տեղն իջանք, ուր շատ մը պտոյտ ձամբաներէ և դարձուածքներէ անցանք, և շատ երկար ատեն քայլելն ետքը, վերջապէս հասանք Կորանի

գմբէթ անուն տեղը, որ այս այրին գլխաւոր տեղերէն մին է :”

2. “Այս գմբէթաւոր տեղին մէկ կողմը պատին վրայ երկու երեք ոտք մեծութեամբ բացուածք մը կար. մեր առաջնորդը մեզ հոն տարաւ, և յանկարծ աներևոյթ եղաւ : Մէկ մ’ալ պայծառ լոյս մը ծագելով լուսաւորեց ներսի կողմը : Ամէնքս կարգաւ այն պատուհանին բերանը գացինք նայելու : Հոն այնպիսի ահարկու տեսարան մը դէմդ կ’ելլէ որ կը վախնաս նայելու . վերէն վար անհետիւթ և ահեղատեսիլ պատուուածք մը կայ, և այնչափ խոր է որ աչք չի կրնար չափել անոր խորութիւնը, և այնչափ բարձր որ հազիւ ծայրը կը տեսնես : Ասոր բարձրութիւնն ու խորութիւնը երեք հարիւր ոտք կը հաշուուի, և մեր կեցած տեղը յատակէն հարիւր վաթսուն ոտք բարձր էր : Այս ահագին քարանձաւին գեղեցկութիւնը ոչ միայն անոր մեծութիւնն, այլ նաև ներսի գեղեցիկ շինուածքը և ամէն կողմ դտնուած քարացեալ շուրերէ անձաւներն ու զարդերն այնպիսի զարմանալի տեսարան մը կ’ընծայեն մարդուս աչքին որ խօսքով չի նկարագրուիր :”

3. “Յետոյ դարձանք մեր առջի լաբիւրինթոսը, և վար իջանք մինչև Անյատակ գութին բերանը. ասիկա անհաւատալի խորու-

թեամբ սարսափելի անդունդ մըն է : Քիչ մը դիւրավառ թուղթ վառեց մեր առաջնորդը, և վար նետեց որ չմարած աչքերնէս անյայտ եղաւ :”

4. Յիշեալ ճանապարհորդը ուրիշ զարմանալի անցքեր, ճամբաներ, ապառաժուտ տեղեր, երեք հարիւր տասնուհինգ ոտք երկայնութեամբ և տասնութը մատնաչափ լայնութեամբ ապառաժի մը մէջէն անցնող նեղ և երկայն ճամբայ մը, զոր հոս կը դնենք, նկարագրելէն ետքը կու գայ բլրածե տեղ մը, “Ուսկէ կամաց կամաց վար իջանք,” կ’ըսէ, “և դետինը ողողուած ըլլալով տղմուտ է : Բլուրին ստորտը կ’երևար լայն անդունդ մը, որ Մեռեալ Ծով կը կոչուի, և ջուրը ամենէն շատ տեղատուութեան ժամանակ քսանուհինգ ոտք խորութիւն ունէր : Ասիկա մեր կեցած տեղէն ութսուն ոտք վար էր. հրավառ թուղթ նետեցինք վար, և լայնածաւալ սևադոյն ջրակոյտ մը տեսանք, որուն նային անգամ մարդուս սարսափ կը բերէ :”

5. Յիշեալ ճամբորդը կը նկարագրէ նաև Գոթացի քարանձաւ ըսուած տեղը, որ սիւնազարդ և կամարակապ տեղ մըն է երկու մըն երկայնութեամբ, մէջի Գոթացի մատուռը, Արձանագրութեան սենեակը՝ ուր այցելութեան գացողներն իրենց անունը կ’ար-

ձանագրեն, և Աստղալից սենեակ անուն գեղեցիկ տեղ մը զոր « Բնութեան պալատին ամենէն հոյակապ և վսեմ անձաւը կ'անուանէ. և վեց ժամ այրին մէջ պտտելէն ետքը՝ առջի օրուան զննութեանց վերջ կու տան, և հետևեալ օրը կ'իջնեն Սթիքս գետը պտտելու:

6. « Առտու գացինք, » կ'ըսէ, « շիտակ Սթիքս գետին բարձր եզերքը, որ փէնթըքիի այրին հռչակաւոր մէկ մասն է. զառիվայրէ մը իջանք ջուրին ափունքը. գետը մտնելու տեղին վրայ անհետեթ և ահագին ժայռերով կամար մը ձևացած է. և ամէն կողմ մութ ըլլալով մեր աղօտ ճրագները չէին կրնար թափանցել այն թանձր մթութիւնը, որ վաղազոյրի պէս կախուած էր մեր աչքին առջև: Նաւակ մը մտանք, և կանթեղներն անոր յատակը գրինք որ լոյսը վեր զարնէր, և սկսանք այս սևաթոյր ջրերուն երեսը պտտիլ: Լոյսը կամաց կամաց ձեղունին վրայ զարկաւ, որուն տակէն լուութեամբ կը նաւարկէինք, և մերթ ընդ մերթ ճեղքուածներու կը պատահէինք, որոնց մէջ թանձր խաւար մը կը տիրէ: »

Հարցումներ: 1. Ուրիշ ո՞ւր գացին: 2. Ի՞նչ տեսան հոն: 3. Ե՞տքը ո՞ւր դարձան, և ի՞նչ ըրին: 4. Ուրիշ ի՞նչ կը պատահէ այն ծամբորդը: 5. Ի՞նչ անուններով տեղեր կային հոն: 6. Անկէջ ո՞ւր գացին, և ինչով պտտեցան:

Գ Ա Ս 43

Քառորդ	Լորսի Ժէլ	Գետափունք	Գեղեղեր+
Շրջիկ	Կարիւ	խորափիտ	Բարձր-ած Ժոս
Ջրվէժ	Բարձրէն Բախող Ժէջ ջուր	Աստիճան	Գարգ
Խոտոջ	Ջուրի վաղելու- յայն	Ելէէջ	Ելել Ինչել
Իրուաք	Կիտուած	Տարտարոս	սարսարայի պեղ
Բիւրեղ	Կիւր	Ապառաժ	Խարժր Կար

1. « Քառորդի մը չափ նաւակով երթալէն ետքը, հասանք դիմացի եզերքը: Հոն աւազուտ և ապառաժուտ գետափանց վրայ քիչ մը տեղ քալեցինք և ուրիշ աւելի մեծ նաւակ մը գտանք որով լէթ գետին վրայ պիտի շրջէինք: Այս գետը երբեմն յիսուն ոտքի չափ կը բարձրանայ, և իր փրփրալից ջրվէժներն ու մեծամեծ խորափիտներուն մէջ թափուող ջուրերուն խոխոջներն ահեղ կերպարանք մը կու տան անոր: »

2. Այս անցքը գրեթէ մղոն մը երկայնութիւն ունի: Միւս ծայրը կայ Արձագանդի գետը, որ ջուրերուն բարձրացած ատենը լէթին հետ կը միանայ: Այս գետին մուտքին վրայ կամարակապ դրան ձևով ժայռ մը կայ, և այնչափ ցած է որ եթէ ջուրերը սակաւ ինչ բարձրանալու ըլլան նաւակ չանցնիր տակէն, և ջուրին ու վրայի ժայռին մէջտեղ հազիւ թէ երեք ոտք միջոց կը մնայ: Բարեբաղդարար մենք կրցանք նաւակնիս անցընել,

և դիմացի կողմն անցնելով՝ ելանք դետին ընդարձակ տեղը, ուր գլուխնուս վրայ ժայռեր կը բարձրանային :

3. Յիրաւի շատ նշանաւոր է հոս ձայնը, որ արձագանգը, և ձայնի մը տուած արձագանգը տամնուհինգ մանրերկրորդի չափ կը տեէ. նախ սաստիկ ձայն կու տայ և քանի հեռանայ աստիճանաբար կը նուաղի և երաժշտական մեղմ ներդաշնակութեան կը փոխուի:” Գետին դիմացի եզերքն անցնելէն ետքը, յիշեալ ճամբորդը հինգ մղոնի չափ տեղ քալեր է, և դժուարանցիկ ճամբաներէ ու խորտուբորտ ելեէջներէ անցնելով այս հրաշալեաց աշխարհին վերջին ծայրը տեսեր է :

4. Այս շրջագայութեան մէջ մեծ քարանձաւ մը տեսեր է երկու մղոն տարածութեամբ, և խորունկ քարանձաւ մը Տարտարոսական վայրք անուամբ, նաև ահագին ապառաժներով տեղ մը՝ մէկ ու կէս մղոն երկայնութեամբ : Յետոյ քսանուհինգ աստիճան սանդուխով մը ելեր է Մարթայի այգին որ չորս դին գեղեցիկ զարդարուած էր փարփլուն պաղանձաւէ դրուագներով, խաղողի ողկոյզներու նման՝ ամէն կողմէն կախուած : Պատեր է նաև վոշինկթոնի սրահը, և յետոյ Մլեւէլանտի քարանձաւը, որ այրին երևելի մէկ տեղն էր, երեք մղոն երկայնութեամբ :

5. Վերջապէս հասեր է Ապառաժ լեռները, որոնց բնական շքեղութիւնը դժուար է նկարագրել կ'ըսէ : Ասիկա անբաւ լայնութեամբ և բարձրութեամբ սենեակ մըն է ներսի դրան կողմէն և ամիլիթէատրոնի ձեւով մինչև ձեղունը բարձրացած է : Յիսուն վաթսուն ոտք ապառաժներէն վեր ելլելէն ետքը, դիմացի կողմը տեսեր են ահագին և մութ խորխորատ մը : “Աշխարհիս մէջ ասկէ աւելի տխուր, մութ և ամայի տեղ չես կրնար երևակայել,” կ'ըսէ, “որ մարդուս սիրտը սուրբ երկիւղով լեցնէ, երբ անգամ մը դիտես այն խաւար և անթափանց վայրը, անհամար ժայռի հատուածներ և բեկորներ կը տեսնուին հոն որ ամէն կողմանէ ինկած են անոր բերանը :”

6. Քիչ մը հեռու ֆրոկանի սրահը դացեր են, որ այրին վերջի ծայրն էր, ցորեկուան լոյսէն ինը մղոն հեռու : Ասոր ալ բիւրեղէ զարդարուած ձեղունն ու պատերը զննելէն ետքը, և սրահին մէջտեղի սաթի դոյն քարը, որ կղէտպատրայի ասեղ կը կոչուի, աչքէ անցնելէն ետքը ետ դարձեր են : Ի դարձին լէթ անուն գետէն անսլ կոչուած ձուկ բռնելու աշխատեր են, բայց չեն յաջողեր : Տեսնողները կ'ըսեն թէ այն ձուկերը կէս մատնաչափէն մինչև երկու մատնաչափ երկայնու-

Թիւն ունին , բողոքովին ճերմակ և կէս Թափանցիկ են , բայց անոնցմէ չեն տեսեր :

7. Ի՞նչ սքանչելի են Աստուծոյ գործքերը . երկիրս լի է անոնցմով : Ոչ միայն աշխարհիս մէջ , այլ նաև գետնի տակ խաւար և ամայի տեղերու մէջ կը տեսնենք անոր մատանցը հրաշալիքը :

Հարցումներ : 1. Նաւակով ո՞ր գացին , և ի՞նչ տեսան : 2. Ի՞նչ դէտ կար հոն : 3. Ի՞նչ նշանաւոր բան կար : 4. Տեսած տեղերնին ի՞նչ կը կոչուէին , և ինչպիսի՞ տեղեր էին : 5. Ապառաժ լեռներն ի՞նչ են : 6. Քրոկանի սրահն ի՞նչպէս էր : 7. Ասոնց ամէնն ալ որո՞նէ գործքերն են :

Պ Ա Ս 44

Ցանջել	հեղել	Ոխակալ	տէն պահող
Յիշել	Դրո՛ւ Բերել	Դիւական	սարահայի
Ուրախ	Խնորմ էրեսով	Յազենալ	կշահաւալ
Խնդրել	ուղել	Նախատել	Գէշ Խօսիլ
Պայծառ	գայլուն	Բաւական	հերիտ
Չուարթ	ուրախ	Հեզութիւն	Խոնարհութիւն

Ո Խ Ա Կ Ա Լ Ո Ի Թ Ի Ի Ն

1. Հեռացուր քեզմէ ռխակալութեան վատ խորհուրդները : Ոխակալութեան ոգին դիւական ոգի է . չկայ բան մը որ մեզ դեւերու աւելի նմանցնէ և քրիստոնէական կրօնքին այնչափ հակառակ ըլլայ , որչափ ռխակալութիւնը :

Եթէ ռխակալութիւնդ չյագենայ , զքեզ չարաչար կը տանջէ հոս , իսկ եթէ յագենայ՝ ալ աւելի պիտի տանջէ քեզ ետքը : Ոչ ոք ինքզինք այնչափ կը տանջէ , ինչպէս չարասէր և ռխակալ մարդը՝ որ իր բնութեան մէջ պահուած թոյնն իր վրայ կը թափէ :

2. Այս նիւթիս վրայ քրիստոնէական վարդապետութիւնն այս է . «Արևը ձեր բարկութեանը վրայ մարը չմտնէ .» և այս վարդապետութիւնն իր նիւթական նշանակութիւնով կը գործածէին Պիւթագորեան փիլիսոփաները , ինչպէս Պլուտարքոս կ'ըսէ , « Անոնք երբ պատահամբ կիրքով իրարու նախատական խօսքեր կ'ընէին , արևը մարը չմտած կ'երթային իրարու ձեռք կը բռնէին , և անով ամէն թշնամութիւն անոնց մէջէն կը վերնար , և իրարու հետ հաշտուելէն ետքը կը բաժնուէին :»

3. Ասիկա կը յիշեցնէ ինձի պատուաւոր մարդու մը վրայ պատմութիւն մը , որ անդամ մը իր քրիստոնէայ եղբօրը բարկացած էր : Բարկութեամբ խօսած ատենն ուրիշ մը անոր խօսքերը լսելով վերոյիշեալ քրիստոնէական կանոնն յիշեցնելով ըսաւ անոր , « Բարեկամ , արևը հիմա մարը կը մտնէ :» Այս յանդիմանութիւնը բաւական եղաւ անոր , և իբրև ճշմարիտ աշակերտ հեզահոգի Յիսուսի՛

գնաց իր եղբայրը վնասեց դատաւ, և անոր հետ հաշտուեցաւ : Յետոյ գնաց զինք յանդիմանող մարդուն տունը, և շնորհակալ ըլլալով ձեռքէն բռնեց և ըսաւ, « Հիմա ունիմ պատրաստութիւն արեգական մարը մրտնելուն : »

4. Այս երկուքին ալ վարմունքը մեզի բարի օրինակներ են անոնց հետևելու, թէ սիրով և իմաստութեամբ խրատ տուող ընկերոջը և թէ հեզութեամբ ու խոնարհութեամբ յանդիմանութիւնն ընդունողին :

Հարցումներ : 1. Ոնակալութեան փեսան ի՞նչ է : 2. Հին փիլիսոփաները որ խօսքը միշտ կը յիշէին : 3. Ի՞նչ պատմութիւն կրնաս յիշել մեկու մը վրայ : 4. Ասոնցմէ ի՞նչ պտուղքաղելու ենք :



Պ Ա Ս 45

Արձան	Գարե ղիհասծ պարտէր	Ճշմարիտ	Ղեկավար
Ցեսակ	ցեղ	Կենդանի	ապրող
Բարի	աղէի	Կուստուն	չորսի պէշ
Անգուծ	սիրտը Գարե	Բաղմամբիւ	լսա
Խնդրել	որդել	Ոնակալ	Գէն պահող

Կ Ռ Ա Պ Ա Շ Տ Ո Ի Թ Ի Ի Ն

1. Սիրելի տղայք, դուք Քրիստոնէից մէջ ծնած և մեծցած էք, և ձեր ծնողքներէն ու դաստիարակներէն սորված էք որ միայն ճշմարիտ Աստուծոյ երկրպագութիւն ընելու է :

միմիայն կենդանի Աստուածը պաշտելու է որ երկինքն ու երկիրը ստեղծեց, և թէ բաց անկէ ուրիշ բանի երկրպագութիւն չմատուցուիր :

2. Արդ եթէ դեռ սորված չէք, պիտի իմացնեմ ձեզի թէ աշխարհիս մէջ չորս հինգ հարիւր միլիոն մարդիկ, կանայք և տղայք կան որ սուտ աստուածներու կամ թէ չաստուածներու երկրպագութիւն կ'ընեն, և իրենց պաշտած չաստուածներուն նմանութիւնը կամ պատկերը կամ արձանը կը շինեն, և զանոնք իրենց կուստուններուն մէջ դնելով անոնց խնկարկութիւն կ'ընեն, զոհեր կը մատուցանեն և անոնց երկրպագութիւն ընելով աղօթք կ'ընեն քարէ, փայտէ, ոսկիէ և արծաթէ կուռքերու, որոնք ոչ կը լսեն, ոչ կը տեսնեն, ոչ կը քալեն և ոչ կը խօսին : Այս չաստուածները բազմաթիւ, և անոնց կուռքերն անհամար են :

3. Սիրելի տղայք, եթէ դուք մեծնալէն ետքը Չինաստան կամ Հնդկաստան երթաք, պիտի տեսնէք որ այն ժողովուրդները մէկ միլիոնէն աւելի չաստուածներ ունին, տեսակ տեսակ, աստիճան աստիճան և ցեղ ցեղ : Պիտի տեսնէք որ իմաստութեան, հարստութեան, առողջութեան, զուարճութեան, անձրեի, փոթորիկի, և այլն, չաստուածներ կան :

նաև զլիաւոր չաստուածներ, և անոնցմէ ստորիններ, և աւելի վար աստիճանի հասարակ չաստուածներ. պիտի իմանաք թէ բարւոյ և չարի աստուածներ կան, ինչպէս նաև ռիսակալութեան, նախանձու, վրէժխնդրութեան, և այլն : Ասոնցմէ զատ կան նաև անգութ չաստուածներ, որոնց առջև մարդ կը զոհուի, և երբեմն մարդիկ իրենք զիրենք անոնց կը զոհեն :

4. Արդ, փոքրիկ ընթերցողք, չէ՞ք ցաւիր բոլոր այն տղայոց որ այս կռապաշտ ծնողաց հետ կռատուն կ'երթան և անոնց քով կենալով իրենք ալ կը վարժուին այն սուտ աստուածներուն և կուռքերուն առջև երկրպագութիւն ընել և անոնցմէ բարիք խնդրել : Այս կերպով այն անմեղ մանկունքը փոխանակ ճշմարիտ Աստուածը ճանչնալով իրենց հօրը անօրէնութեանը պատճառաւ իրենք ալ քարէ, փայտէ, ոսկիէ և արծաթէ սուտ աստուածներու պաշտօն կը մատուցանեն, որոնք ոչ կը լսեն և ոչ խնդրուածք կը կատարեն և մարդու ձեռքով շինուած են :

5. Սիրելի տղայք, կ'աղաչեմ որ եկեղեցի գացած ատեն և տան մէջ աղօթքի ժամանակ միշտ միտքերնիդ բերէք այն բիւրաւոր մարդիկ, կանայք և տղաքները, որոնք զԱստուած և զՅիսուս Քրիստոս, աշխարհի Փրկւ

կիչը, չեն ճանչնար, և անոնց համար միշտ աղօթեցէք որ Աստուած իր ճշմարտութեան լոյսը շնորհէ անոնց, որ անոնք ալ ճշմարիտ և կենդանի Աստուծոյ երկրպագուներ ըլլան :

6. կուռքերուն պաշտօն մատուցանել Աստուծոյ դէմ ստութիւն և յանցանք է : կուռքերուն բազմութիւնն Աստուծոյ միանձնութեանը դէմ ստութիւն է. և անոնց նիւթական բնութիւնն Անոր պարզ և անտեսանելի հոգեւորութեանը դէմ ստութիւն է : Անոնց սահմանեալ և տեղական բնակութիւնն Աստուծոյ ամէն տեղ գտնուելուն և անպարագրելի ըլլալուն դէմ է : Անոնց սահմանաւոր վիճակը կամ իշխանական սահմանները Անոր տիեզերակալ իշխանութեանը դէմ է : Անոնց յիմարութիւնները և տկարութիւններն Աստուծոյ անսահման իմաստութեանը դէմ է : Անոնց թերութիւնները և մոլութիւններն ու ոճիրներն Անոր սրբութեան և կատարելութեանը դէմ են :

Հարցումներ : 1. Որո՞նք պարտինք երկրպագութիւն ընել : 2. Ո՞րչափ կռապաշտ կայ աշխարհիս վրայ, և անոնք ի՞նչ կ'ընեն : 3. Քանի՞ չաստուածներ ունին : 4. Ի՞նչ ընելու կ'երթան կռատունք : 5. Անոնց համար ի՞նչ ընել պարտինք : 6. Կռապաշտութիւնը ճշմարիտ Աստուծոյ որ բաներուն հաւառակ է :

Անյագ	ԱՆՄԱՅՈՂ	Հողակեր	Հող ուսուցիչ
Փափաք	Բարձրահո	Ցամաքիչ	Լորնալ
Պարարտ	Գեր	Չօրուծիւն	ուծ
Առատ	լափ	Աղտեղի	աղտոփ
Անկախ	աղտոփ	Փսիաթ	Իւսիւր
Ծածկել	Գոցել	Չօրաւոր	ուծուլ

ՀՈՂԱԿԵՐ ԺՈՂՈՎՈՒՐԴ

1. Փորձով գիտցուած է որ այրեցած գօտւոյն տակ բնակող ժողովուրդներէն ոմանք անյագ փափաք մը ունին հող ուտելու, մանաւանդ տեսակ մը պարարտ կաւ որ սաստիկ ալ հոտ ունի: Հողակերները կը գտնուին Նոր ֆալեստինիոյ, Ճաւա կղզոյն, կինէայի և ֆէրուի մէջ, բայց գլխաւորապէս անոնք Ամերիկա կը գտնուին: Հումպոլթին տուած մանրամասն ու ճիշդ տեղեկութիւններն ալ կ'ապացուցանեն ասիկա:

2. Ամենէն աւելի այս զարմանալի ախորժակի տէր եզոյն Օթթոմաք ըսուած ժողովուրդն է որ Օրինոքոյ գետին եզերքը կը բնակի: Երբ գետին ջուրերը ցած են, ձկով և կրիայով կը կերակրին, բայց երբ ջուրերը կը բարձրանան և որս չըլլար, Օթթոմաքները կը սկսին այն պարարտ և իւղային հողն ուտել, որ բրտի կաւի կը նմանի և ժանգի գոյն ունի:

3 Այս կաւը նկանակի պէս կը շաղուեն և մաղմաղ կրակով կ'եփեն, և իրենց հիւղերուն մէջ դիզելով, երբ ուզեն անկէ ուտել նախ կը թրջեն զայն և այնպէս կ'ուտեն. սովորական չափով, կ'ըսէ Հումպոլթ, մէկ հողի օրը լիարէ մը հողին չորսին երեքը կամ հինգին չորսը կ'ուտէ: Մեծ հոգ կը տանին հողին վրայ, վասն զի շատ համով կու գայ անոնց, անոր համար երբ գետը կը ցամքի, թէպէտև առատ ձուկ ունենան, ամէն օր կերակուրէն ետքը կ'ուտեն իբրև անուշեղէն այն նկանակները:

4. Թերևս անոնք անօթութեան պատճառաւ ուտելով այն կաւը վարժուած են. թէ հողը սնունդ տալու զօրութիւն ունի, թէ չէ, ասիկա փորձերու կարօտ է. սա միայն ստոյգ է որ Օթթոմաքներն աղտեղի և սոգեղ ժողովուրդ մըն են՝ որ կերակրոց հոգ չեն տանիր:

5. Օրինոքոյ գետին բերնին մօտ անկախ ժողովուրդ մըն ալ կայ որ եզական սովորութիւն մը ունի. այս ժողովուրդը կուարանի կ'ըսուի և անձրևային եղանակներուն մէջ երբ երկիրը ջրով կը ծածկուի՝ կապիկներու պէս ծառերուն վրայ կը բնակին: Հովանոցի ձևով Մաւրիտեան ըսուած արմաւենին թէ կերակրոյ և թէ բնակութեան կը ծառայէ անոնց: Այս ծառին տերեւներէն փսիաթ կը հիւսեն և

3. Զեղիս և համադամ խորտիկներն անոր սեղանը ծածկած են, երաժշտութեան քաղցր ձայները ծառոց շուքին մէջ անոր յոգնած մտքին հանգիստ կու տան, անոր ծծած օդն անուշահոտութիւն կը բուրէ, և Գանդէսի սաղի զովարար փետուրներն անոր խաղաղ քուն կը շնորհեն: Երաւային կը հրամայէ, և ծառան կը հնազանդի, ինչ որ կ'ուզէ՝ անմիջապէս կը կատարուի, բոլոր շուրջը եղողները կը հնազանդին անոր, և հետը խօսողները կը շոքորթեն զանի:

4. Ո՛րչափ տարբեր է քու վիճակդ, ով Օրթոկրուլ, որ մատնուած ես մշտնջենաւոր տանջանաց փափաքներուդ որոնց բնաւ չես համնիր, և չունիս զուարճութիւն մը որ քու խորհուրդներդ քեզմէ հեռացնէ: Կ'ըսեն թէ իմաստուն ես, բայց ի՞նչ օգուտ քանի որ աղքատ եմ: Ոչ ոք աղքատին հաճոյ ըլլալ կ'ուզէ, իմաստունն ալ ինքզինք շոքորթութելու շատ քիչ կարողութիւն ունի:

5. Ամենէն թշուառ մարդն այն է որ իր յանցանաց և յիմարութիւններուն մէջ կ'ապրի, և չունի մէկը որ զինք գովէ և յարդէ: Ժամանակ մը մտքի խաղաղութիւն փնտռեցի և չգտայ. այսուհետև պիտի ջանամ հարուստ ըլլալ: Օրթոկրուլ այս նոր առաջադրութեամբ կը մտնէ սենեակը և վեց ամիս

հոն կը կենայ՝ խորհելով թէ ինչ հնարքով հարուստ ըլլար: Մերթ խորհեցաւ Հնդկաստանի թագաւորին խորհրդականներէն մին ըլլալ, և մերթ կողոնտայի հանքերէն աղամանդ ժողովել:

6. Օր մը երբ այսպէս խորհելէն միտքը յոգնեցաւ, և կամաց կամաց քունը կոխեց, աթոռին վրայ պառկեցաւ: Քնոյ մէջ երազ տեսաւ որ անապատ երկրէ մը անցնելով մէկը կը փնտռէր որ իրեն հարուստ ըլլալ սորվեցնէր, և երբ բլուրի մը ծայրը կեցած կը խորհէր թէ ո՛ր կողմը երթար, յանկարծ հայրը դէմը ելաւ և ըսաւ «Ով Օրթոկրուլ, տարակուսանքդ գիտեմ, մտիկ ըրէ հօրդ, և դարձուր աչքդ դիմացի լեռանը վրայ:»

7. Օրթոկրուլ նայեցաւ և տեսաւ հոսանք մը որ ժայռերը կը գլորէր և որոտաձայն ուժգին կը հոսէր անտառներուն մէջէն և չորսգին կ'ողողէր: «Հիմա նայէ», ըսաւ հայրը, «սա բլուրներուն մէջի ձորին վրայ:» Օրթոկրուլ նայեցաւ և տեսաւ պզտիկ աղբիւր մը ուսկէ փոքրիկ առուակ մը կը հոսէր: «Արդ ըսէ ինձի», կրկնեց հայրը, «վայրկենական առատութեամբ կը ցանկաս՝ այն լեռան հոսանքին պէս, թէ այն ձորին մէջէն հոսող առուակին պէս քիչ քիչ բայց յարատև աճման:»

8. «Շուտով հարստանալ կը փափաքեմ»,

պատասխանեց Օրթոկրուլ, « ոսկեղէն առուն արագընթաց և առատ թող ըլլայ : » « Անգամ մըն ալ շուրջդ նայէ, » ըսաւ հայրը : Օրթոկրուլ նայեցաւ և տեսաւ որ լեռնէն վազող շուրին անցքը չորցած և ցամքած էր . իսկ ձորին մէջէն սահող պզտիկ առուակը կ'երթար կը լեցնէր լիճ մը՝ որ այն հանդարտաքայլ առուին շարունակ վազելովը միշտ լեցուն կը մնար : Սրթնցաւ քունէն և միտքը գրաւ որ յարատե աշխատութեամբ և կամաց կամաց հարստութիւն գիղէ :

9. Ուստի ծախեց իրեն ինկած ժառանգութիւնը, և վաճառահանութեան ետևէ եղաւ . և քսան տարի ետքը գետին գնելով, Պաղտատի մէջ տեսած փոխարքային պալատին պէս մեծ և փառաւոր տուն մը շինել տուաւ, և հրաւիրեց բոլոր Հեշտութեան ծառաները՝ յուսալով թէ երևակայած երջանկութիւնները հարստութեամբ պիտի կրնար վայելել : Անգործութենէ շուտով ձանձրացաւ, և կը փափաքէր ինքզինք մեծ և երջանիկ համարել : Առատ պարգևներ կու տար բոլոր անոնց որ իրեն հաճոյ էին և կը շողոքորթէին զինք :

10. Օրթոկրուլ ձանձրացաւ ալ մտիկ ընել լէ պատառարոյծներուն շողոքորթութիւնները, քանզի չէր կրնար անոնց հաւատալ : Խիղ-

ճը սկսաւ ցուցնել անոր թերութիւնները, և յանդիմանել զանի իր յանցանքներուն համար : « Ո՛հ, ի՞նչ երկար ժամանակ է այս, » աղաղակեց հառաչանքով, « որ ի զուր աշխատեցայ հարստութիւն գիղելու, որ վերջապէս անօգուտ եղաւ : Թող այսուհետեւ հարստութեան չցանկայ մարդ մը որ շողոքորթութիւնը ճանչնալու իմաստութիւն ունի : »

Հարցումներ : 1. Օրթոկրուլ ի՞նչ ազգէ էր, և ո՞ւր կը գտտէր : 2. Երբ ներս մտաւ, մտքէն ի՞նչ ըսաւ : 3. Թագաւորին մը բաներուն կը նախանձէր : 4. Ինքնիրեն ի՞նչ գանգատ կ'ընէր : 5. Ո՞վ է ամենէն թշուառ մարդը . ի՞նչ առաջադրութիւն ըրաւ : 6. Հարստանալու ի՞նչ միջոց կը փորձէր . դիմացը ո՞վ ելաւ : 7. Օրթոկրուլ ի՞նչ տեսաւ . հայն ի՞նչ ըսաւ անոր : 8. Օրթոկրուլ ի՞նչ բանի կը փափաքէր : 9. Ի՞նչ շննել տուաւ : 10. Միշտ երջանիկ մնաց, և իր հարստութենէն գո՞հ էր :

Պ Ա Ս 48

Ստել	սոսի	Նուիրել	Էնծայ ԷնԷ
Որդեակ	գաւի	Ձիւտոր	Յիւլ Տարդ
Ծաղրել	ման խնդալ	Աւազակ	Գոռ
Աւար	յադգամիւսած Բան	Կողոպտել	Խալել
Գաղտնի	Գաղտնի	Առաջնորդ	սոքեէն Գաղտնի
Գոչել	պոսալ	Գլխաւոր	ամենէն մեծ

ՃՇՄԱՐՏՈՒԹԵԱՆ ԶՕՐՈՒԹԻՒՆԸ

1. Պարսից պատմութեան մէջ գրուած է թէ Ապտուլ Քատիր կիլանցին իր պատմանէ

կութեան ատենը երազ տեսաւ որ հրաման առած էր Պաղտատ երթալու և զինք Աստուծոյ ուխտելու համար. ուստի մօրը աղաչեց որ իրեն հրաման տար: Այս որ լսեց մայրը, սկսաւ լալ, և ութսուն մեծ ոսկի տալով՝ ըսաւ տղուն, «Դուն եղբայր մըն ալ ունիս, այս ոսկիներուն կէսն անոր կ'ընայ. և կէսն ալ քու ժառանգութիւնդ է:»

2. Երբ այն ոսկիներն իբրև ժառանգութիւն տղուն տուաւ, «մենեւնի սոսոր զիստեւ» երգում ընել տուաւ անոր և ըսաւ որ այս խրատն իբրև մօրմէն ընդունած բարոյական ժառանգութիւն պահէր, և անկէ բաժնուելու ատեն ըսաւ, «Գնա որդեակս, և ինքզինքդ Աստուծոյ նուիրէ. մէյմըն ալ զիրար պիտի չտեսնենք մինչև դատաստանին օրը:»

3. Ապտուլ ֆատիր ճամբայ ելաւ, և երբ Համատանի մօտերը հասաւ՝ վաթսուն ձիաւոր աւազակ կարաւանին վրայ յարձակելով, սկսան զայն կողպտել: Աւազակներէն մին Ապտուլ ֆատիրին հարցուց, «Ի՞նչ ունիս վրագ?» «Քառասուն ոսկի ունիմ», ըսաւ, «լաթերուս մէջ կարուած:» Աւազակը խնդաց՝ կարծելով թէ ծաղր կ'ընէր զինք: «Ի՞նչ ունիս քովդ», հարցուց ուրիշ մը. անոր ալ նոյն պատասխանը տուաւ:

4. Աւազակները յափշտակած աւարը բաժ-


նած միջոցին՝ Ապտուլ ֆատիրը բարձր տեղ մը կանչեցին, ուր իրենց մեծը կը կենար: «Ի՞նչ ունիս վրագ, տղայ», հարցուց աւազակապետը: «Քու մարդիկներէդ երկուքին ըսի իմ ունեցածս», պատասխանեց պատանին, «քառասուն ոսկի ունիմ զոր լաթերուս մէջ զգուշութեամբ կարած եմ:» «Մերկացուցէք սա տղան», ըսաւ աւազակապետը, և ահա տեսան որ ըսածը շիտակ էր:

5. «Ի՞նչ զարմանալի բան է որ քու դաղտնի պահած բանդ այսպէս կը յայտնես», ըսաւ մարդը զարմանքով: «Անոր համար որ», ըսաւ պատանին, «ես իմ մօրս խօսք տուած եմ ընաւ չստել: «Տղայ», գոչեց ծեր գողը, «այդ ի՞նչ ըմբռնում է որ այդ փոքր հասակիդ մէջ ունիս քու մօրդ ունեցած պարտականութեանդ վրայ, ես այս տարիքս եկած եմ և բոլորովին անզգայ եմ առ Աստուած ունեցած պարտքերս կատարելու: Ո՞վ անմեղ տղայ, ձեռքդ ինձի տուր, և երդում ընեմ որ ապաշխարեմ, և այսուհետև գողութիւն չընեմ:»

6. Ըսածին պէս ըրաւ մարդը, և անոր հետևողներն ալ տղուն առաքինութեանը վրայ զմայլած իրենց մեծին ըսին, «Ինչպէս որ մեզաց մէջ մեզի առաջնորդ դուն էիր, այնպէս ալ հիմա արդարութեան ճամբուն մէջ մեզի

առաջնորդ եղիր :” Նոյն ատեն իրենց գլխաւորին հրամանաւը բոլոր յափշտակած բաները ետ դարձուցին , և ապաշխարելու ուխտ ըրին :

Հարցումներ : 1. Ազտուլ քաաիբի վրայ ի՞նչ կ'ըսուի : 2. Մայրն ի՞նչ երգում ընել տուաւ անոր , և ի՞նչ ըսաւ : 3. Ճամբան ի՞նչ պատահեցաւ : 4. Ի՞նչ հարցուեցաւ տղուն , և ի՞նչ պատասխան տուաւ : 5. Ասոր վրայ աւազակապետն ի՞նչ ըսաւ : 6. Տղուն ճշմարտախօսութիւնն ի՞նչ ազդեցութիւն և արդիւնք ունեցաւ աւազակաց վրայ :



Գ Ա Ս 49

Գարշիլ	դպո՛ւիլ	Ստախօս	սոսա ըսող
Անարգ	ցած	Դիւական	սոսախօսի
Երկչոտ	լախիոս	Ծաղղեղ	խնդալու
Ներկայ	հիմախօսան	Երկդեմի	երէն երէս
Գովել	մէկը մեծցնէլ	Համարձակ	սոսանց լախիալու
Յիմար	իւնիբ	Ճողոպրել	սղապոսիլ

Ս Տ Ա Խ Օ Ս Ո Ի Թ Ի Ի Ն

1. Ստախօս անձէն ո՞վ չի գարշիր և զզուիր , և ինչո՞ւ համար . պատճառը յայտնի է : Ստախօս անձը որդի է Սատանայի , որուն համար Սուրբ Աւետարանը կ'ըսէ թէ ինք սկիզբէն ստախօս էր , և ճշմարտութեան մէջ չմնաց : Սատանան ոչ միայն ստախօս , այլ նաև հայր է ստույթեան : Աշխարհիս մէջ եղած անթիւ և անհամար ստախօսութեանց ամենէն առաւ

ջինը Սատանան խօսեցաւ Եւային , երբ Եդեմական դրախտին մէջ էր , և բոլոր աշխարհ անկէ սորվեցաւ ստել փոխանակ ճշմարիտ խօսելու :

2. Արդարև չկայ բան մը այնչափ անարդ և այնչափ ծաղրելի , ինչպէս է ստույթիւնը : Ստույթիւնը կամ չարութենէ , կամ երկչոտութենէ և կամ ունայնասիրութենէ յառաջ կու գայ , և սովորաբար ստախօսին ընելու շահն այս երեք բանին պատճառաւ կը կորսուի , վասն զի ստույթիւնը կանուխ կամ ուշ յայտնի կ'ըլլայ :

3. Եթէ չարութեամբ սուտ ըսես ի վրաս մէկու մը շահուն կամ անուանը , արդարև կըրնաս ատեն մը վրաս տալ անոր , բայց գիտնալու ես որ վերջապէս դուն ալ վրաս պիտի կրես , վասն զի սուտդ բռնուելուն պէս , ինչպէս որ անշուշտ պիտի ըլլայ , անուեղ պիտի աւրուի չարութեանդ համար , և այնուհետև ինչ որ ըսես մէկու մը դէմ՝ զրպարտութիւն պիտի կարծուի , թէև ըսածդ ճշմարիտ ալ ըլլայ :

4. Եթէ սուտ խօսիս և երկդիմի խօսքեր գործածես ինքզինքդ բանի մը համար արդարացնելու և կամ ըրած գործիդ վնասէն կամ ամօթէն ազատուելու համար , ասով ոչ միայն ստախօսութիւնդ երևան կ'ելլէ՝ այլ

նաև երկչոտութիւնդ : Այս կերպով մարդոց մէջ վատ և անարդ վարուց տէր ըլլալը կը յայտնես, և տարակոյս չունիմ որ ամէն մարդ դէշ աչքով պիտի նայի քեզի :

5. Երկչոտութեամբ՝ փոխանակ վտանգէ մը ազատուելու, երկու վտանգը մէկէն վրադ կու գայ : Եթէ մարդ մը դժբախտութեամբ յանցաւոր դտնուի, վեհանձնութիւն է համարձակ իր յանցանքը խոստովանիլ : Ասիկա ամենէն գովելի բանն է : Ներկայ վտանգէ կամ դժբախտութենէ մը ազատուելու համար երկդիմի, խառն և շփոթ խօսքեր գործածել շատ դէշ բան է, և այս կերպ վարմունք ունեցողը միշտ կը խայտառակուի և չարիքներու կը պատահի :

6. Ուրիշ կերպ սուտեր ալ կան որոնք այնչափ վնաս չեն տար, բայց ծաղրելի են. ըսել կ'ուզեմ այն սուտերը որ ունայնասիրութենէ յառաջ կու գան, և վերջապէս յայտնուելով՝ մեծ անարդութիւն և խայտառակութիւն կը բերեն խօսողին վրայ : Ատոնք պատմական սուտեր են, որոնցմով խօսողը կ'ակնկալէ մեծ պատիւներ իր ունկնդիրներէն : Միշտ իր վրայ մեծամեծ բաներ կը պատմէ. Շատ վտանգներ անցուցեր եմ, կ'ըսէ, այնպիսի փորձութիւններէ ազատեր եմ, որ եթէ ուրիշ մէկն ըլլար իմ տեղս՝ անհնար

էր ճողոպրիլ : Այնպիսի կերպով մը կը պատմէ որ կարծես թէ աչքովը տեսած է և ուրիշները միայն լսած կամ կարդացած են զանոնք : Կը պարծիլ թէ մէկ օրուան մէջ այնչափ ճամբայ ըրած է, որ արագընթաց սուրհանդակ մը հաղիւ երկու օրուան մէջ կրնայ ընել : Անոր յարմարցուցած սուտերուն ամէնը վերջապէս երևան կ'ելլեն, և անատեն խայտառակութիւն և յիմարութեան նախատինքը միայն կը մնայ անոր :

7. Ուրեմն բոլոր կենացդ մէջ քու խորհուրդդ սա ըլլայ թէ ճշմարտութիւնը միայն կրնայ քեզ և քու պատիւդ անվնաս պահել : Ճշմարտախօսութիւնը ոչ միայն պարտականութիւնդ է, այլ նաև քու շահդ ալ անկէ կ'ախում ունի :

Հարցումներ : 1. Ի՞նչ է ստախօսը : 2. Ստախօսութիւնն ինչէ՞ն առաջ կու գայ, և ի՞նչ է անոր վնասը : 3. Ստախօսն ի՞նչ կ'ըլլայ : 4. Ստախօսութիւնը կրնայ ծածկուիլ : 5. Չանարդուելու համար ի՞նչպէս խօսելու է մարդ : 6. Ուրիշ ի՞նչ տեսակ սուտեր կան, և ի՞նչ օգուտ ունին մարդուս : 7. Ի՞նչ կերպով մարդ կը պահէ իր պատիւը :

Պ Ա Ս 50

Փափաք	Բարձրան	Յազենալ	Հլասեալ
Փղըր	Կլարի	Երևոյթ	Դրուի պէսնոսած
Ծագիլ	Ելիկ	Շարունակ	Դիպ

Շահել	Հասարակ	Հետամուտ	Քանի ճշ էփեէ էյնոյ
Ունայն	դարսոյ	Երկրաւոր	աշխարհի
Արագ	շոփ	Շնչասպառ	շունչը չբռնած

ՈՒՆԱԹՆ ՀԵՏԱՄՏՈՒԹԻՒՆ

1. Մարդուս միտքն արէկոծեալ ծովու նման երբէք հանդիստ չունի: Հակամիտութիւն մը ունի իր փափաքներն այս կամ այն բանով յադեցնելու, բայց չի կրնար. թէպէտև ամէն օր անոր այս յոյսն ի դերև կ'ելլէ, սակայն իր ընթացքը փոխելու չի խրատուիր:

2. Եթէ մեր բաղձանաց հասնելու ալ ըլլանք, տակաւին չենք յադեցնար: Աշխարհիս մէջ բնականապէս առարկաները որչափ մեզ մէ հեռու են՝ այնչափ փոքր կ'երևին. բայց բարոյականապէս ընդ հակառակն է: Մեր բաղձանաց առարկաներուն վրայ որչափ հեռուէն նայինք, այնչափ մեծ կ'երևին աչուընուս, և քանի կը մտտենանք անոնց, այնչափ դոյզն կ'երևի անոնց տալու ուրախութիւնն ու երջանկութիւնը, և անոնց երևոյթն անյայտ կ'ըլլայ աչքերնէս. անատեն կ'իմանանք թէ անոնք շուրի վրայ պղպջակներ են որոնց երբ դպչուի իսկոյն կ'ոչնչանան:

3. Զարմանալին սա է որ շարունակ փորձը կ'առնենք, և շարունակ կը խարուինք: Ամէն անգամ որ մեր բաղձանքներուն հաս-

նելու յոյսէն կը զրկուինք, նոր բաղձանքներ կը ծագին մեր սրտին մէջ, և նոր ջանքեր կ'ընենք աւելի հեռու բանի մը հասնելու: Եթէ մեծ յաջողութիւն ալ ունենանք, տակաւին չենք յադեցնար, և եթէ բոլոր աշխարհս չափինք, ուրիշ աշխարհներու կը բաղձանք:

4. Փափաք մը ունինք ամէն բանի հետամուտ ըլլալու որ երջանիկ ըլլանք: Երկրաւոր բաներու անգամ հետամուտ ըլլալը երջանկութիւն է, և ասիկա կ'ըլլայ երբ մեր բաղձացած բանին ետևէ կ'ըլլանք, ոչ թէ այն փափաքներուն հասնելէն ետքը: Ո՛րչափ ունայն է մեր երջանկութիւնը, երբ բանի մը հասնելու կամ զայն վայելելու յոյսով կ'ուրախանանք, և զայն ձեռք բերելէն ետքը՝ ալ մեր աչաց ոչինչ կ'երևի: Եւ ինչո՞ւ համար. քանզի այն բանը չի կրնար իրական երջանկութիւն տալ մեզի:

5. Ասիկա կը նմանի մարդու մը որ բոլոր կենացը մէջ ասպարէզը գրուած նշանի մը կը վազէ՝ վազելն անոր սիրելի ըլլալուն պատճառաւ և կամյուսալով որ այն նշանին հասնելով վարձք պիտի առնէ, և երբ կը հասնի՝ ամէն վարձքէ կը զրկուի: Արագ վազելով շնչասպառ կը հասնի իր կենացը ասպարէզին վերջը, փոխանակ իր բաղձանացը նպատակին հասնելու, և ահա իր կեանքը չափող ժամացոյցին ա-



ւազը կը հատնի, և աչքերը կը բանայ կը տես-
նէ որ նոր աշխարհի մէջ է. անատեն արե-
գակին ներքեւ ըրած աշխատութիւններէն ի՞նչ
մնացած կ'ըլլայ անոր ձեռքը:

Հարցումներ: 1. Մարդու միտքն ի՞նչ վիճակի մէջ է: 2.
Մեր փափաքները երբ մեծ կ'երևին, և երբ պղտիկ: 3. Մար-
դու փափաքները երբ կը յադենան: 4. Մարդս ուրիշ ի՞նչ
բանի հակամէտ է: 5. Ի՞նչ բանի կը նմանին մարդու փա-
փաքները:



Գ Ա Ս 51

Յիմար	իեիի	Կատարել	ընել
Յարգանք	պարի-	Հաւաքել	ժողովել
Բնիկ	պեղայի	Սրբազան	սուրբ
Վաճառք	ծախո-ելի- Բան	Ունկնդիր	Տարի ընող
Սուտ	լապ	Հետևող	էպեւն գացող
Սարսափ	սասպիի լաի	Վաճառել	ծախել

ՀՆԴԿԱՍՏԱՆԻ ՏՕՆԵՐԸ

1. Շատ ազգերու մէջ սովորութիւն կայ
որ սուրբ համարուած այլևայլ տեղեր ուխ-
տադնացութեան կ'երթան և հանդիսաւոր
տօներ կը կատարեն տարւոյն մէջ որոշուած
ժամանակ մը: Այս սովորութիւնը Հնդկաս-
տանի ամէն կողմը կը տիրէ, և յիմար ու
տղէտ ժողովուրդը շատ հեռաւոր տեղերէ
այն սուրբ համարուած տեղուանքը կու գան
տօնախմբութիւն ընելու, ինչպէս հոչակաւոր

կուռքի տաճար մը, սուրբ գետ մը, և այլն:

2. Այս սրբազան տեղերուն մէջ Գանդէս
և Ճումա գետերուն իրարու խառնուած տե-
ղը սրբազան յարգանք կը պաշտուի, և ամէն
տարի Հնդկաստանի շատ կողմերէն բազմա-
թիւ ուխտաւոր կը հաւաքուի հոն մեծ տօն
կատարելու: Քարոզիչ մը, որ աչքովը տեսած
է այս տօնը, հետեւեալ կերպով կը նկարա-
գրէ զայն, ուսկէ կը տեսնուի Հնդկաստանցւոց
կրօնքին ինչ անդուծ ըլլալը, և թէ որչափ
կարևոր է այն կրօնքին հետևող տղէտ ժո-
ղովրդեան քարոզել քրիստոսի կրօնքը, որուն
լուծը արդարեւ քաղցր է, և բեռը թեթեւ:

3. « Հնդկաց կրօնական գիրքերը,» կ'ըսէ,
« պարտականութիւն կը համարին Գանդէս և
Ճումա գետերուն իրարու խառնուած տեղը
լուացուիլ:»

4. « Պէնարէս, Ալլահապատ, Գաունփոր և ու-
րիշ շատ տեղերէ Հնդիկ վաճառականներ կու
գան խրճիթներ կը շինեն և խանութներ կը բա-
նան հոն տօնախմբութեան ատեն, և ամէն կերպ
բնիկ վաճառք ու մանր մունր զարդեր կը ծա-
խեն որոնք շատ կը քշուին. և այս կերպով
առևտրական գործերն ալ կրօնականին պէս
արդիւնաւոր կ'ըլլան: Երկու մեծ փողոց կայ
դէմ առ դէմ, և իւրաքանչիւրին մէջ երկու
կարգ խանութներ կան կարգաւ: Հազարաւոր

անձինք կ'երթան հոն բնակելու այս տօնին ատենը որ Մեւ կ'ըսուի, և ամիս մը կը տևէ :”

5. « Գետերուն միացած տեղն աւազուտ եզերքին երկու կողմը քառակուսի հողաբլուրներ շինուած են . ասոնք Բոսորէնէրոն (կրօնագիտաց) նստելու տեղն է : Իւրաքանչիւր ոք մէյակէ հողաբլուր ունի երեք ոտնաչափ բարձրութեամբ, ուր նստած իրենց կրօնական գիրքէն ժողովուրդին քարոզ կուտան, ունկնդիրներն ալ գետնի վրայ անոնց բողբոխքը նստած խորին ուշադրութեամբ մտիկ կ'ընեն անոնց ըսածները :”

6. « Ստոնց ճիշդ ետեւը ջուրերը միանալով անկիւն մը կը ձևացնեն, և քիչ մը անդին ճամբուն երկու կողմը կուռքեր շարուած են, որոնք տեսակ տեսակ են, և մարմարիօնէ պղնձէ, քարէ, կաւէ են, և գրեթէ ամէնքն ալ սոսկալի գէմքերով և բնականէ դուրս ձուերով շինուած են : Ընդհանրապէս կնիկները սպասաւորութիւն կ'ընեն կուռքերուն, և իւրաքանչիւր կուռքի քով մէկ երկու հոգի կեցած են անցնողներէն նուէրներ հաւաքելու համար :”

7. « Սակէ բարձրկեկ տեղ մը կ'երթուի, ուր այլևայլ կարգի Փոփոքեր կան : Ստոնց իւրաքանչիւրն աւազին մէջ իրեն համար ծակ մը բացած է քանի մը ոտնաչափ քառակուսի,

որուն մէջ կը նստի, և միայն գլուխը կ'երևայ : Հարիւրաւոր քաղերներ կը տեսնես որ փոսերուն մէջ կը նստին, մերկ, ծոյլ և անհոգ, վրանին մոխրտած և փոշտած, դոյնզդոյն ներկուած, մազերնին երկայն երկայն թողուցած, երեսնին կախած, և այնպէս զզուելի գէմք ունին որ նայողին վրայ սարսափ կուգայ :

Հարցո՞ւմեր : 1. Շատ ազգերու մէջ ի՞նչ սովորութիւն կայ : 2. Գանդէս գետին մտ ի՞նչ տօն կը կատարուի : 3. Ի՞նչ աւերորդապաշտութիւն կայ : 4. Այն տօնին համար մարդիկ ուտի՞ կու գան հոն : 5. Գետեզերքն ի՞նչ կայ : 6. Կուռքերն ո՞ր դրուած և ի՞նչ բանէ շինուած են : 7. Պատէր ըսուածներն ո՞ր կը բնակին, և ինչպիսի՞ մարդիկ են :

Գ Ա Ս 52

Ծածկել	Գոցել	Կարծրանալ	Կնքանալ
Ծածկոյթ	Ղրան գոցելու	Բան Գիշակեր	Դի ուսող
Շահել	Չասուիլ	Ուղղակի	Դիպի
Իակ	ան որ իայ	Չափազանց	Կսկէն ասելի
Նուէր	Կրոնած Բան	Հիանալ	Կպիլի ճաւ
Յիմար	Ինչի	Մահճակալ	անխոշի Կնէլու Կիւ

1. « Ստոնցմէ ոմանք հաստ չուան մը կը փաթթեն մէջքերնին, և այնչափ ամուր կը կապեն որ չուանն անոնց մարմնոյն մէջ թաղուելով գրեթէ կը ծածկուի . ոմանք վիզերնէն շղթայ մը անցունելով թևերնուն մէջէն կ'առնեն զայն, որ բնականապէս սաստիկ ցաւ կու

տայ մարմնոյն . մէկ քանին ալ բոլորովին մերկ
և առանց ծածկութի են :”

2. « Ֆազիրներուն մէջ շատ մարդիկ իրենց
վրայ ապաշխարանք կը դնեն տարիներով մի-
կնոյն դիրքի մէջ մնալ , մէկ ձեռքը կամ եր-
կուքն ալ վեր բռնելով՝ այնպէս կը մնան մին-
չև որ չորնան և կարծրանան , և մատուընե-
րուն ըզունդներն այնչափ կ'երկըննան և ի-
րարու մէջ կ'անցնին որ գիշակեր թռչնոց ճան-
կերուն պէս երկայն և տձև կ'ըլլան : Խեղճ
մարդուն մէկը մեր մօտերը վերստին մէջ կե-
ցած էր , ուր ամէն մարդ կը տեսնէր զանի ,
և մէկ ձեռքը կապուած դիրքով պիտի մնար ,
մինչև որ թեւը կարծրանար և անշարժ ըլ-
լար : Չուան մը թեւերուն տակէն անցու-
ցած առաստաղէն դերանի մը կապուած էր
որ յոգնած ատենը անկէ կախուած ինքզինք
բռնէր :”

3. « Չորս տարի մնացած էր այս դիրքին մէջ
և միտք ունէր տակաւին տասնուերկու տա-
րի մնալ այնպէս : Կը կարծէր թէ այս յիմա-
րական խստակեցութեամբն անցուցած տաս-
նուվեց տարուան մէջ շատ առաքինութիւն
պիտի չահէր , և թէ երկինքը մեծ ժառան-
գութիւն պիտի շնորհուէր անոր իբրև վարձք
իր բարի գործքերուն : Ինքզինք գեր ի վերոյ
էակ մը կը կարծէր , և մեզի հետ խօսելու

կամ մեզի պատասխանելու անդամ չէր զի-
ջաներ : Անոր շուրջը պատող սոգէտ և աւելոր-
դապաշտ բազմութիւնը կը հիանար վրան , և
մեծամեծ գովեստներ կու տար անոր :”

4. « Ֆազիրներ ալ կան որ իրենք զիրենք
չլթաներով ծառերու կը կապեն՝ երեսնին դէպ
արեւելք դարձուցած , ուր երբեմն այն դիր-
քով տարիներով կը մնան , եթէ մահը չազատէ
զանոնք իրենց տանջանքէն , և նոյն վիճա-
կին մէջ նուէրներ կ'առնեն անապաշտ ճամ-
բորդներէ , որոնք անոնց քով կ'երթան քա-
չած ճգնութիւննին տեսնելու , և յարգանօք
ծառայութիւն կը մատուցանեն անոնց՝ կա-
տարեալ սուրբ համարելով զանոնք :”

5. « Կան նաև որ սրածայր դամբրով լե-
ցուն մահճակալներու վրայ երկնցած դամբ-
րու վրայ կը պառկին , թէև դամբրն անոնց
մարմինը ծակելու չափ սուր չեն : Այս կեր-
պով Ֆազիրները տեսակ տեսակ շարշարանք-
ներով այն աստիճան կը տանջեն իրենք զի-
րենք որ անհաւատալի կը թուի շտեսնողին :”

6. « Տեսածներէս մէկն ալ պատմեմ , և
խօսքիս վերջ տամ : Իրիկուն մը երբ մեր սե-
ղը կը դառնայինք , մարդու մը հանդիպե-
ցանք որ դէմքէն երեսունուհինգ տարուան
կ'երևէր . ասիկա հեռու տեղէ մը կու գար
ճամբան մարմնովը չափելով , երկար բարակ

գետինը պառկելով և գլխուն կողմէն նշան մը ընելով՝ ոտքը մերթ անդին ասդին կը գնէր և մերթ կը պառկէր : Չկրցանք հասկընալ թէ որչափ հեռու տեղէ մինչև հոն եկած էր այս կերպով, որովհետև չափազանց սրբութենէն այնպէս արհամարհանօք կը նայէր մեզի որ հետերնիս չէր խօսեր, և ետևէն եկող խուռն բազմութիւնն այնպէս բարձրաձայն կ'աղաղակէր և յիմարաբար կը պաշտէր զանի որ չկրցանք որոշ պատասխան մը առնել. սա միայն իմացանք թէ շատ հեռու տեղէ կու գար այս կերպով, և կը կարծէր թէ շատ արդարութիւն ստացած էր :”

Հարցումներ : 1. Ֆազիւրները մեջքերնին ի՞նչ կը կապեն : 2. Ի՞նչ կերպով ապաշխարանք կ'ընեն : 3. Անոնցմէ մին ի՞նչ ըրած էր, և ի՞նչ յուսով : 4. Ուրիշ ի՞նչ տեսակ ապաշխարանքներ կան : 5. Գամերով շինուած անկողինն ինչո՞ւ համար է : 6. Այս պատմութիւնն ընողն իրիկուն մը ի՞նչ տեսաւ, և ինչո՞ւ համար չկրցաւ բան մը հասկնալ :

Գ Ա Ս 53

Թերի	պախաս	Դատաւոր	Դաստապահ ընող
Անմեղ	յանցանք չունեցող	Անստոյգ	Կարախոսախն
Պանդոկ	պատէլեղոս փեշ	Ընթերցող	Հարգարդ
Խնդրեւ	ողբել	Արթննալ	Գոնէն ելլել
Սոսկալ	շատ վախաւ	Խոհանոց	Հեռախօս երկրափեշ
Փողոց	ճամբոց	Չմեղն	Կրօնի իրող

ՍԻՍԼ ԴՍՏԱՍՏԱՆ ՄԸ

1. Շատ անգամ կը կարդանք և կը լսենք դատաստանական քննութիւններ և վճիռներ զորս դատաւորք անստոյգ և թերի վկայութեանց նայելով կու տան : Այսպիսի վճիռներով մերթ անմեղք կը պատժուին, և մերթ յանցաւորք ըստ արժանւոյն չքննուելով կը մնան անպատիժ : Կրթեալ ազգերը վորձիւ սորվեցան անստոյգ վկայութեանց չհաւատալ : Անիրաւ վճուոյ օրինակ մը տալու, և ընթերցողները յանդուգն դատողութիւններէ զգուշացնելու համար, առադաստադործ երիտասարդի մը պատմութիւնը կը գնենք հոս :

2. Այս երիտասարդն իր վարպետէն հրաման առաւ Լոնտրա երթալ իր մօրը : Արդէն թանչի հիւանդութենէ կը նեղուէր, քիչ մ'ալ ճամբան յոգնելով, իրիկուան պանդոկ մը իջաւ, և կը խնդրէր հոն անցունել այն գիշեր : Պանդոկապետն իմացուց թէ անկողին չունէր անոր համար, քանզի անկողիններն արդէն բռնուած էին, բայց, « եթէ կ'ուզես, » ըսաւ, « կրնաս պառկիլ հօրեղբօրս հետ որ Հնդկաստան գացող նաւերէն միոյն նաւապետն է և նոր եկած է : » Երիտասարդն ուրախութեամբ ընդունեցաւ պանդոկապետին առաջարկութիւնը, և իրիկունը երկու նոր

բարեկամք սիրով տեսութիւն ընե՛լէն ետքը անկողին մտան :

3. Կէս գիշերուն երիտասարդին խիթը բռնեց, և իր անկողնակիցն արթնցնելով պարտեզ երթալու ճամբան հարցուց անոր : Ընկերն ըսաւ . « Խոհանոցէն կ'երթուի , բայց որովհետեւ դուռը դժուարաւ կը բացուի , դըրպանէս զմելինն առ , անով գիւրաւ կրնաս բանալ դուռը : » Երիտասարդն այնպէս ըրաւ , և դուրսը կէս ժամու չափ մնալէն ետքը անկողին դնաց , և մեծապէս զարմացաւ երբ ընկերը չգտաւ հոն : Եւ որովհետեւ կը փութար իր մայրն ու քոյրերը տեսնել , առաւօտուն կանուխ ճամբայ ելաւ : Պանդոկապետը գիտնալով որ երիտասարդն առտուն կանուխ ճամբայ պիտի ելլէր , չփնտռեց զանի , բայց տեսնելով որ հօրեղբայրն ալ չելաւ սենեակէն , գնաց զանի արթնցնելու :

4. Երբ հօրեղբայրն անկողինը չգտաւ , և անկողինն արիւնոտ տեսաւ , սոսկաց : Եւ որովհետեւ սենեակէն մինչև փողոցը , և անկէ մինչև նաւամատոյցը տեղ տեղ արեան նշաններ կը տեսնուէին , կարծուեցաւ թէ պանդոկապետին հօրեղբօրը քով պառկող երիտասարդը գիշերը մեռցուցած էր զանի , և մարմինը ծով նետած էր :

5. Իսկոյն մարդիկ զրկուեցան երիտասար-

դին ետեէն , որ իր մօրը տունը գտնուելով բռնուեցաւ : Քննուելով հանդերձին վրայ արեան նշաններ տեսնուեցան , դուրպային մէջէն ալ հանուեցաւ զմելին մը և արծաթ դրամ մը , որոնց համար պանդոկապետը երդմամբ կը հաստատէր թէ իր հօրեղբօրն էին , և թէ երիտասարդին պառկած իրիկունը զանոնք հօրեղբօրը քով տեսած էր : Այս պարագաները զօրաւոր փաստեր համարուելով դժբախտ երիտասարդն իբրև մարդասպան դատապարտուեցաւ :

Հարցո՞ւմ էր : 1. Ինչո՞ւ համար երբեմն անմեղը կը պատժուի փոխանակ յանցաւորին : 2. Երիտասարդ մը ո՞ւր երթալու հրաման առաւ . ո՞ւր անցուց գիշերը : 3. Գիշեր ատեն ի՞նչ պատահեցաւ : 4. Պանդոկապետն ի՞նչ տեսաւ հօրեղբօրը սենեակին մէջ : 5. Որո՞ւ վրայ կասկած եղաւ , և երիտասարդն ի՞նչ եղաւ :



Գ Ա Ս 54

Ջանալ	պիտաբի	Չօրաւոր	ո՞ժով
Ազգու	ոսսաբի	Սպաննել	Ձեռոցնել
Դագաշ	ճաշ	Կախաղան	Տարդ ֆախելու փայտ
Հանդերձ	հագոսպ	Հայրենիք	Ձէ՛րո՞՞ Տը ծնած Կեղծ՝
Հանձար	Իելի	Ցարածուիլ	Ծասալիլ
Սափրիչ	սծիւղ	Մարդասպան	Տարդ դարնող

1. Երիտասարդը ջանաց ինքզինք արդարացնել , բայց չկրցաւ ըսել թէ ուստի էին հանդերձներուն վրայ արեան նշանները , միայն

կ'ըսէր թէ պարտեզէն անկողին դառնալէն ետքը անկողնոյն մէջ եղան : Չկրցաւ նաև ըսել թէ ինչպէս եղաւ որ արծաթ դրամն իր քով գտնուեցաւ : Ուստի անոր խօսքերը դոհացուցիչ չերևցան դատաւորին : Նաւապետին աներևոյթ ըլլալը, և մինչև նաւամատոյց արեան նշաններն այնպէս զօրաւոր փաստեր և վկայութիւններ էին, որ դատաւորը վճիռ տուաւ երիտասարդը երեք օր ետքը կախելու : Երիտասարդն իր անմեղութիւնն այնպիսի ազդու խօսքերով կը պաշտպանէր կախազանին վրայ, որ շատերուն սիրտը կը շարժէր, սակայն ոչ ոք կ'ըսէր թէ յանիրաւի դատապարտուեցաւ :

2. Հին ատենը մահապարտները կախող դահիճք ճարտար չէին իրենց արուեստին մէջ, ոչ ալ այժմու զգուշութիւնները կ'ըլլային : Երիտասարդը երկայնահասակ ըլլալով երբեմն գետինը կը կոխէր, երբեմն ալ անոր մօտ կեցող բարեկամները զանի վեր կը բռնէին երբ կախուած կը մնար : Վերջապէս երիտասարդին մարմինը կախաղանէն վար առնուելէն ետքը անոր բարեկամները դադաղով տարին զանի, և քանի մը ժամ ետքը երիտասարդը ողջնցաւ : Երբ բաւական զօրացաւ, բարեկամներուն խրատովը դիշերանց հայրենիքը թողլով փորթամուրթ փախաւ և հոն մտաւ պա-

տերազմական նաւ մը որ քիչ մը ետքը ճամբայ պիտի ելլէր :

3. Երիտասարդն անունը և հանդերձը փոխելով իր ուլ ըլլալը ծածկեց : Քանի մը տարուան մէջ իր բարի վարուքը և հանճարովն այնչափ առաջ գնաց որ երկրորդ նաւապետ եղաւ ; և իր նաւը թողլով արևմտեան Հընդկաստանի մէջ, քանի մը մարդոց հետ ուրիշ նաւ գնաց դործ փնտուելու : Բայց ի՞նչ զգաց, և ի՞նչպէս յուզուեցաւ, միանդամայն որպիսի մեծ ուրախութեամբ լեցաւ, երբ տեսաւ որ նաւապետն այն մարդն էր որուն պատճառաւ ինք այնչափ դատաստաններու և հարցուփորձի մատնուած և իբրև մարդասպան մահուան դատապարտուած էր հինգ տարի առաջ : Նաւապետն ալ մեծապէս զարմացաւ երբ վերոյիշեալ դէպքին պատմութիւնը լսեց անկէ :

4. Միատեն ամէն բան երևան ելաւ և հասկցուեցաւ որ նաւապետն այն օրը արիւն առնել տուած էր, և պանդոկապետը չէր գիտեր այս բանը : Երբ դիշերանց երիտասարդը զանի արթնցուց, մարդը տեսնելով որ վէրքին կապը քակուած էր և արիւն կը վազէր, վախէն անմիջապէս սափրչի մը գնաց որ փողոցին միւս կողմը կը բնակէր : Բայց փողոց ելլելուն պէս տէրութեան նաւերուն

համար մարդ բռնողներու պատահելով բռնունուեցաւ, և մակուկով տարուեցաւ նաւ մը որ դէպ արևելեան Հնդկաստան պիտի երթար:

5. Գլխաւոր պարագաներն ասոնք էին: Իսկ երիտասարդին քով գտնուած արծաթ դրամին համար կարծուեցաւ թէ, երբ երիտասարդը նաւապետին գրպանէն զմեկինն առաւ, գրամը, որ զմեկինին մէջ մտած էր՝ անոր հետ մէկ կտեղ յանդէտս ծոյր դրաւ: Նաւապետը մինչև այն ժամանակ Անդղիա գրած չէր իր աներեւոյթ ըլլալուն պատճառը: Երբ Անդղիա դարձան, դատաւորին իմացուցին այս պատմութիւնը, և այսպէս ամէն գաղտնիք յայտնուեցաւ: Ծուտով ամէն կողմ տարածուեցաւ այս լուրը, և բոլոր լսողները կ'որախանային:

Հարցումներ: 1. Երիտասարդն ինչո՞ւ համար չկրցաւ ինքզինք արդարացնել: 2. Ինչպէ՞ս ողջ մնաց, և ետքը ո՞ւր փախաւ: 3. Ի՞նչ կերպով առաջ գնաց, և ուրիշ նաւու մէջ զո՞վ գտաւ: 4. Նաւապետին ի՞նչ պատահած էր: 5. Վերջապէս երիտասարդին անմեղութիւնը ճանչցուեցա՞ւ:

Դ Ա Ս 55

Հաճոյք	դոսարճութիւն	Բռնաւոր	անդգամ
Պայծառ	խայլուն	Համադամ	համոզ
Պնակ	Խաղախ	Մեծագին	սող
Առատ	լսփ	Հոտաւէտ	անոյշ հոսող
Իսկոյն	լոփ ճը	Ըմպելք	խմուելու բան
Խորտիկ	համոզ քերտոր	Շողջողուն	խայլուն

ԲՈՒՆԱՒՈՐԻՆ ԱՊԵՐՋԱՆԿՈՒԹԻՒՆԸ

1. Դիտնեսիոս, Սիկիլիոյ բռնաւորը, շատ հեռի էր երջանկութենէ, թէև շատ հարուստ էր և ամէն տեսակ հեշտութիւն կը վայելէր: Անոր պալատականներէն մին, Դեմոկղէս անուն, Դիտնեսիոսի փառքը և մեծութիւնը տեսնելով, դնաց ուրախակից ըլլալ անոր, և ըսաւ, «Չկայ քան զքեզ մեծ և երջանիկ իշխան մը:»

2. «Ով Դեմոկղէս», պատասխանեց թագաւորը, «կ'ուզե՞ս գիտնալ թէ ի՞նչ երջանկութիւն կու տայ ինձի այս իշխանութիւնը զոր դուն այնպէս մեծ կը համարիս:» «Կ'ուզեմ գիտնալ, տէր», պատասխանեց Դեմոկղէս ուրախութեամբ: Թագաւորն իսկոյն հրամայեց իր ծառաներուն մեծ ճաշ մը պատրաստել, ոսկիէ և արծաթէ սննակներով զարդարուած սեղան, հրաւիրելոյն համար ալ փառաւոր աթոռ մը դնել սրահը, կոչել նաև գեղեցկագէմ տղայք սպասաւորել հրաւիրելոյն:

3. Ծուտ մը հոտաւէտ իւղեր և ծաղիկներ բերուեցան, և սեղանն ամէն տեսակ խորտիկներով և քաղցրահամ ըմպելեօք զարդարուեցաւ: Դեմոկղէս այսպիսի շքեղութենէ և զուարճութենէ շլացեալ ինքզինք աստուածոց

մէջ կը կարծէր: Բայց մինչ այն զեղխութեան մէջ զինք երջանիկ համարելով կ'ուրախանար, շողշողուն սուր մը տեսաւ որ ձեղունէն շատ բարակ թելով մը կախուած էր ճիւղ աւնոր գլխուն վրայ:

4. Այս մեծ վտանգը տեսնելով Դեմոկղէս ամէն ուրախութիւն մոռցաւ: Սրահին շքեղութիւնը, ոսկեղէն և արծաթեղէն պնակներուն պայծառութիւնը և համադամ կերակուրներն այլևս չերեցան անոր աչքին:

5. Չեռքը սեղան երկնցներու կը սոսկար. ծաղկանց փունջերը մէկդի ընելով աճապարեց այն վտանգաւոր տեղէն ելլել, և խընդրեց թագաւորէն զանի իր առաջին վիճակը դարձնել, «Բանդի» ըսաւ, «այլիս չեմ փափաքիր այսպիսի վտանգաւոր երջանկութեան»: Դիոնեսիոս այս կերպով հասկցուց Դեմոկղէսին թէ ի՞նչպէս ապերջանիկ էր այնչափ հարստութեան և արքունական փառաց և պատիւներու մէջ:

Հարցումներ: 1. Դիոնեսիոս ինչպիսի՞ թագաւոր էր, և ի՞նչ վիճակ ունէր. ո՞վ եկաւ անոր ուրախակից ըլլալու: 2. Թագաւորն ի՞նչ ըսաւ անոր, և ի՞նչ ընել հրամայեց իր ծառաներուն: 3. Սեղանն ի՞նչ բաներով զարդարուեցաւ. Դեմոկղէս ի՞նչ տեսաւ: 4. Շատ յուզուեցա՞ւ: 5. Թագաւորն այսպէս ընելով ի՞նչ հասկցնել ուզեց անոր:



Դ Ա Ս 56

Տաղնապ	նէդո-լիւն	Չրպարտել	գէլ իօսիւ
Խորհիլ	ճրածել	Հաճութիւն	դոսրձո-լիւն
Համբաւ	անան	Գժտութիւն	խոխ
Նախանձ	գըղգանձլըգ	Յամբարայլ	խմայ փալոլ
Գազան	վայրէնի անասուն	Պատկերհան	պապիւր զինոլ
Խղել	փոխել	Պապանձեցնել	Բերանը գոցել

Ձ ր Պ Ա Ր Տ Ո Ի Թ Ի Ի Ն

1. Չրպարտութիւնն է ուրիշներուն վրայ սուտ ամբաստանութիւն ընել: Գժբախտաբար այս ախտը գրեթէ ամէն մարդ ունի, և շատերը չեն տեսներ անոր վնասները: Տղայք մանաւանդ են թակայ են այս ախտին, և հաճութիւն կը զգան երբ կը տեսնեն որ իրենց ընկերները կը սիրեն ուրիշներուն վրայ գէշ խօսքեր լսել. չեն խորհիր թէ այն հաճութիւնը յառաջ կու գայ իրենց չար նախանձէն:

2. Չրպարտութեան չարութիւնն ասկէ յայտնի է որ զրպարտիչք ընդհանրապէս զուրկ են որևիցէ առաքինութենէ: Չրպարտիչք չեն խորհիր թէ իրենց կը վնասեն մանաւանդքան ուրիշներուն, վասն զի զրպարտութենէ սա միայն կը շահին որ մարդիկ անոնց չար ըլլալն հասկնալով վերջապէս պատիւ չեն ըներ անոնց: Արդարև գրեթէ չկայ մարդ որ զրպարտիչք չատէ, եթէ ուրիշ մոլութիւն ու

նեցողը քիչ շատ արդարացնող կը գտնուի, զրպարտիչն արդարացնող չկայ :

3. Մեր Տէրը երանի կու տայ անոնց որ յանիրաւի կը զրպարտուին, ուստի և զրպարտիչներուն ալ հարկաւ վայ կու տայ : Զրպարտութիւնը թոյն է որ շատերուն համբաւը կը սպաննէ, մարդը գաղան կ'երեցնէ, հրեշտակը՝ սատանայ : Ո՛րչափ բարեկամներ զրպարտութեան պատճառաւ խզած են իրենց բարեկամութիւնը և իրարու թշնամի եղած են : Ո՛րչափ տուններ ուր խաղաղութիւն և սէր կը տիրէին՝ դժտութեանց բոյն եղան : Դատերուն շատերը զրպարտութենէ յառաջ կու գան, և հազարաւոր մարդիկ այս պատճառաւ տագնապ և կորուստ կը կրեն :

4. Մարդիկ զգոյշ ըլլալու են չխաբուիլ չարխօս լեզուներէ : Զրպարտիչները պայանձեցնելու լաւագոյն կերպն է առ ոչինչ համարել անոնց խօսքերը : Ազնիւ պատանիք, ջանացէք ճանչնալ զրպարտիչները և չհաւատալ անոնց թունալից խօսքերուն : Յանձն առէք մեռնիլ մանաւանդ քան զրպարտել ուրիշ մը :

5. Ապեղէս Յոյն պատկերհանը սա կերպով նկարած է զրպարտութիւնը : Պատկերին աջ կողմը դրած է Դիւրահաւանութիւնը երկայն ականջներով և բաց բազուկներով, որպէս թէ

կ'ուզէ Զրպարտութիւնը գրկել : Դիւրահաւանութեան քով դրած է Տգիտութիւնը կոյր կնոջ կերպարանքով, և անոր քով կասկածը, որ կ'ուրախանայ որպէս թէ նոր բան մը գտաւ : Զրպարտութիւնը պատկերին ճիշդ մէջտեղն է, գեղեցկագէմ, բայց դժնէհայեաց . ձախ ձեռքն ունի վառուած ջահ մը, և աջովը մազերէն բռնած է Անմեղութիւն անուն մանկան մը, որ ձեռուըները դէպ երկինք վերցնելով զԱստուած վկայ կը կոչէ :

6. Խորակն և տժգոյն Նախանձը Զրպարտութեան առջևէն կ'երթայ, իսկ ետևէն՝ Խարդախութիւնն ու Շողքորթութիւնը : Հեռուէն կը տեսնուի ճշմարտութիւնը որ յամբաւը կու գայ Զրպարտութեան ետևէն և հետը կը բերէ սգազգեաց Զղումը որ արտասուալից և գլխակոր երեսը ձեռուըներովը կը ծածկէ : Ազնիւ պատանիք, թող այս պատկերը ձեր սրտին մէջ այնպէս տպաւորուի որ անհնաչտ թշնամի ըլլաք զրպարտութեան և հալածէք զայն մինչև ի դժոխս ուստի ելած է :

Հարցո՞ւմեր : 1. Ի՞նչ է զրպարտութիւնը : 2. Որո՞նք այս ախտին հակամէտ են, և ի՞նչ փաստ կը բերեն իրենց : 3. Ի՞նչ փաստներ յառաջ կու գան զրպարտութենէ : 4. Ի՞նչ կերպով դէմ դնելու ենք անոր : 5. Պատկերհան մը ի՞նչպէս նկարած է զրպարտութիւնը : 6. Պատկերին մէջ նախանձն ի՞նչպէս նկարուած է, և ճշմարտութիւնն ի՞նչ կ'ընէ : Մենք ի՞նչ աչքով նայելու ենք զրպարտութեան :

Գ Ա Ս 57

Բողկուկ	դուսի էրջի-ր	Մեղրագործ	Ջեր շինու
Պատիճ	խօրխո-ճ	Մեղրականոց	Ջերտի Բոյն
Խնամ	հոգ	Գործաւոր	աշխատող
Անխոնջ	չափ աշխատող	Մեծապէս	խիստ
Խոռոջ	ծախ	Մեղրաւորոյծ	Ջերտ աստուղ
Անգործ	դատարի	Բազմաթիւ	չափ

Մ Ե Ղ Ո Ի

1. Մեղրուները քանի մը տեսակ են, բայց ամէնքն ալ բարակ մազերով բոլորաձև գլուխ և կարճ բողկուկ ունին : Անոնց բերանը պատճի ձև և, ետևի ոտուրներն ալ բահի ձև ըլլալով ծաղիկներէն հիւթ ժողվելու և տանելու շատ յարմար են : Մեղուք մեղրով կ'ապրին, և գրեթէ ամէնքն ալ տեսակ տեսակ հիւթերէ մամ կը շինեն, այն մոմով ալ կը շինեն մազեր կամ փեթակներ որոնց բլիշները կամ ծակերը կը լեցունեն մեղրով որ, ինչպէս ըսինք, անոնց կերակուրն է : Մեղրով լեցուն փեթակ մը խորխոս մեղու կամ մեղրախորխոս կը կոչուի :

2. Մեղրագործ մեղուք զարմանալի և կանոնաւոր կառավարութիւն ունին և շատ աշխատասէր են : Մեղուք իրենց մոմնոյն ու մեղրովը մեծապէս օգտակար են մարդոց, և այս պատճառաւ ամէն տեղ խնամ կը տարուի մե-

ղուաց և մեղուանոցներու : Երբ մեղուաբոյծ չկայ, մեղուք բազմութեամբ անտառներու մէջ կ'ապրին և իրենց փեթակները խոռոչներու մէջ կը շինեն : Անոնց միմիայն զէնքն է իրենց խայթոցը զոր կը գործածեն իրենց մեղուանոցները պաշտպանելու իրենց թշնամիներուն դէմ :

3. Իւրաքանչիւր մեղուանոցի մէջ երեք տեսակ մեղու կայ, արու, էգ և գործաւոր մեղու : Ամէն մեղուանոց ունի էգ մեղու մը որ թագուհի կը կոչուի, և զոր միւս մեղուք կը յարգեն : Թագուհին դիւրաւ կը ճանչցուի, վասն զի հասարակ մեղուէ մը մեծ և երկայն է մարմնով, ունի խարտեչագոյն փոր որ լայն ըլլալով թևերէն դուրս կը տարածուի, և շէկ ոտուրներ. իսկ խայթոցը զոր դուն ուրեք կը գործածէ խայթելու՝ քիչ մը կոր է :

4. Մեղուանոցաց մէջ արու մեղուք բազմաթիւ են, ընդհանրապէս աւելի քան հազար արու մեղու կայ մեղուանոցի մը մէջ : Արու մեղուք այսու կը տարբերին միւս մեղուներէն որ քան զնոսա մեծ են մարմնով, թըլխագոյն և թաւամազ, խայթոց չունին, անգործ կեանք կը վարեն և դուն ուրեք դուրս կ'ելլեն, այս պատճառաւ գործաւոր մեղուք կը մեռցնեն զանոնք աշնան վերջերը :

5. Գործաւոր մեղուք ևս աւելի շատ են .

երբեմն մեղուանոցի մը մէջ աւելի քան քսան հազար կը գտնուի ասոնցմէ : Գործաւոր մեղուք փոքր են քան զարուս , բահի ձև ոտք ունին և սուր խայթոց , որուն ետեւ կայ փոքր թունալից փամփուշտ մը ուստի թոյն կը թափեն խայթուածին մէջ : Երբ մեղու մը կը խայթէ , շատ անգամ անոր խայթոցը խայթուածին մէջ կը մնայ , վէրքը կ'ըռուի , սաստիկ կը ցաւի , երբեմն նաև վտանգաւոր կ'ըլլայ , բայց խայթող մեղուն կը սատակի :

Հարցումներ : 1. Մեղուք ի՞նչ ձև ունին : 2. Ի՞նչ կերպով , և ո՞ր կ'ապրին : 3. Մեղուանոցի մը մէջ քանի՞ տեսակ մեղուք կան : Թագուհին ի՞նչ է , և ի՞նչպէս կը ճանչցուի : 4. Արու մեղուք ի՞նչպէս են , և ի՞նչ կ'ընեն : 5. Ո՞ր տեսակ մեղուք աւելի շատ են . երբ մեղու մը կը խայթէ ի՞նչ կը պատահի :

Գ Ա Ս 58

Բջիջ	Ֆեմիտի Ժա՛	Ազակի	Ճա՛
Թրթուր	որդ որ ԼիԼեա ի՛լուայ	Խնամել	հոգ ասնիԼ
Բժոժ	լեբաֆի ասնի՛	Առաջնորդ	ասջևէն Գաջող
Ծածկել	գոյել	Գաղթական	սեղե Կեղ Գաջող
Վաստակ	ալխասասնի՛	Թառամիլ	Ըոոսիլ
Զարդել	չոբրսել	Յարձակիլ	լեան երբալ

1. Գործաւոր մեղուք շատ զարմանալի են : Մնոնք մեծ աշխատութեամբ կը շինեն մոմ և մեղր , և մարդիկ կը վայելեն այն բաները : Մեղուք մեղրը կը շինեն իրենց ստամոքսին

մէջ , և յետոյ կը պարպեն բլիճներուն մէջ , և իրենց ետեւի ոտուրներովը որ , ինչպէս ըսինք , բահի ձև են՝ ծաղիկներէն փոշի ժողվելով կը տանին իրենց մեղուանոցը և մեղրին հետ կը պահեն զայն : Մոմն ալ ծաղկանց փոշիներէ կը շինեն իրենց ներսիդին մոմի ստամոքս կոչուած տեղ մը , և ետքը քրտան պէս դուրս կու տան զայն :

2. Եթէ մեղուանոցն , ինչպէս ոմանք ըրած են , ապակիէ ըլլայ , մեղուաց ամէն գործողութիւնը կրնայ տեսնուիլ : Մեղուք իրենց շէնքը միշտ ձեղունէն կը սկսին , և իրարու մօտ մինչև վար փեթակներ կը շինեն : Մէկ փեթակը կատարելէն ետքը , կը սկսին միւսը շինել : Բոլոր փեթակները միօրինակ են և իւրաքանչիւր փեթակի մէջտեղ երկու մեղուի համար կենալու միջոց կայ : Բլիճները վեցանկիւնի են , և իւրաքանչիւր մեղուանոցի մէջ աւելի քան յիսուն հազար բլիջ կայ որոնց մէկ մասին մէջ մեղրը կը պահուի , և մնացածները ձաղերու համար կը պատրաստուին , իսկ թագուհւոյն համար կը պատրաստուին իբր հնդետասան բլիջք որ քան հասարակ բլիջ մը մեծ են :

3. Թագուհին փետրուարէն սկսեալ մինչև հոկտեմբեր ընդհանրապէս իբր վաթսուն հազար ձու կ'ածէ : Այն միջոցին որ թագուհին

ածելու վրայ է, գործաւոր մեղուք ամէն կերպով կը խնամեն զանի: Չուերը երկու կամ երեք օր ետքը թրթուր կ'ըլլան իրենց բլիշներուն մէջ, և գործաւորք կը սնուցանեն զանոնք, բայց տասներորդ օրը թրթուրք բժոժներու մէջ կը մտնեն և գործաւոր մեղուք անոնց բլիշներուն բերանը կը ծածկեն մեղրով: Թրթուրք քսանումէկ կամ քսանուչորս օր այսպէս մնալէն ետքը մեղու կ'ըլլան, և իրենց բժոժները պատուելով, և գլխով բլիշները բանալով, դուրս կ'ելլեն: Պարպուած բլիշներն խոկոյն կը մաքրուին և ուրիշ ձագերու համար կը պատրաստուին:

4. Երբ ձագերն այնչափ կը շատնան որ մեղուանոցը նեղ կու գայ անոնց, խումբ խումբ կը բաժնուին, և իւրաքանչիւր խումբ թագուհի առաջնորդ մը ունենալով գաղթականներու պէս ուրիշ տեղ կ'երթան և առանձին տէրութիւն կը կազմեն: Մեղուք կը հնազանդին իրենց թագուհւոյն և անոր ետեւէն երթալով կ'իջնեն ուր որ թագուհին կ'իջնէ, և իրարու ոտքէն կախուած կը մնան. ուստի մարդիկ գիւրաւ կրնան առնել զանոնք և մեղուանոց դնել: Իւրաքանչիւր խումբի մէջ իբր երեսուն հազար մեղու կայ:

5. Երբ մեղուներն աշնան այսպէս խումբ խումբ կը բաժնուին, և ծաղիկները թառա-

մած ըլլալով չեն կրնար անոնց հիւթերէն մեղր շինել, գործաւոր մեղուք կատաղութեամբ արուաց վրայ յարձակելով կը սկսին զանոնք ջարդել, որպէս զի անգործ արուք բոլոր ձմեռը միւսներուն վաստակը չսպառեն:

6. Բլիշներուն մէջ նորածին արուներն ալ մեղուանոցէն դուրս կը նետուին: Այս ջարդը երկար ժամանակ կը տևէ, մինչև որ բոլոր արուք կը ջնջուին: Եթէ մեղուք աղէկ խնամուին, մանաւանդ ձմեռները, տասնէն մինչև երեսուն տարի կ'ապրին, ինչպէս որ շատ անգամ տեսնուած է:

Հարցումներ: 1. Գործաւոր մեղուք ի՞նչ կողմանէ զարմանալն են: 2. Ի՞նչ կերպով, և ի՞նչ ձև կը շինեն իրենց շէնքը: 3. Աժող մեղուն ո՞րն է, և ե՞րբ կ'ածէ. ձուերն ի՞նչ կ'ըլլան: 4. Նորահաս մեղուք ինչո՞ւ համար կը բաժնուին, և իւրաքանչիւր խումբ ի՞նչ կ'ունենայ: 5. Աշնան ի՞նչ կը պատահի մեղուաց մէջ: 6. Մեղուաց ո՞ր տեսակը կը ջնջուի: մեղուք քանի՞ տարի կրնան ապրիլ:

ՊԱՍ 59

Ստոյգ	շխալ	Արտարին	դրօժ
Անօթ	ածան	Նկանակ	հաց ճը
Բաղարջ	խամուրտուդ	Խմբուն	Տայալը
Թրեւ	շաղուէլ	Ծակոտկէն	Ծախիւծ
Ընթրեք	Իտիոսան հաց	Անդրանիկ	առջիկէլ զասալ
Բաշխել	Բաժնել	Բարունի	խախտ

ՀՐԷԻՑ ՊԱՍԵՔԸ

1. Հրէից այժմու ծէսերուն մէջ գիտնալու



արժանի շատ բաներ կան : Այս բաները Մովսիսական օրէնքէն դուրս են և իբրև հին սովորութիւն կը պահուին : Ասոնցմէ մին է զատիկը կամ բաղարջակերաց տօնը որոյ ծէսերն ստոյգ աղբիւրէ առնելով կը դնենք հոս : Բաղարջակերաց տօնը Նիսան ամսոյն , այսինքն մարտի կամ երբեմն ապրիլի , 15 ին կու գայ : Այս Տօնը Եբրայեցերէն կը կոչուի Փետի որ է Պասեք կամ Պասքա , և Հայերէն՝ Զատիկ :

2 . Պասեքէն առաջ կ'ըլլան մեծամեծ պատրաստութիւններ որ ոչ թէ հոգեւոր , այլ արտաքին արարողութիւններ են : Բարունիք աւելցուցած են նաև շատ արարողութիւններ զորս մանր նկարագրել երկար է :

3 . Կանայք Պասեքէն քանի մը օր առաջ իրենց տուները կը մաքրեն , անօթները տաք ջրով կը լուան և որչափ հաց և խմորուն բան կայ տանը մէջ՝ դուրս կը թափեն : Նաև երկաթէ և պղնձէ անօթները կրակէ անցունելով կը սրբեն , և խմորի հոտ անգամ չեն թողուր : Եթէ այս զգուշութիւններէն մին մոռցուի , մեղք կը համարուի :

4 . Բաղարջի համար յատուկ ալիւր կը պատրաստեն , ցորենն աղացուած ատեն մեծապէս կը զգուշանան ալիւրը թանալէ և տաքցնելէ որպէս զի չխմորի : Իսկ բաղարջը սա կերպով կը շինեն . ալիւրը թրելով հայս

ընելէն ետքը ծակոտկէն նկանակներ կը շինեն որք փռան մէջ կ'եփուին : Զատկին ութ օրը Հրեայք այն նկանակները միայն կ'ուտեն : Ոմանք հաւկթով կամ շաքարով խառն բաղարջ կը շինեն վատառողջաց համար :

5 . Պասեքէն երկու օր առաջ տան անկիւնները հացի կտորուանք կը դրուին , և տանուտէրն այն իրիկուն սկաւառակ մը և գրիչ մը առնելով ճրագով հաց կը վնտուէ տան մէջ , և երբ կը գտնէ գրչովը սկաւառակին մէջ կը դնէ զայն , և վրան ծածկելով կը թողու մինչև հետևեալ առաւօտ : Հետևեալ օրը փողոց կամ գաւիթ կ'ելլեն և խուրներով կրակ վառելով հացի կտորուանքն անոր մէջ կը նետեն , սա խօսքերն ըսելով Քաղղէարէն . « Տանս մէջ ինչ խմոր որ կը գտնուի , տեսնուած և չտեսնուած , վերցուած և մնացած , բոլորն ալ ոչինչ և փոշոյ պէս ըլլայ » : Այն վայրկենէն մինչև զատիկ Հրեայք այլևս խմորուն հաց չեն ուտեր :

6 . Այն օրը բոլոր անդրանիկ տղայք ծով կը կենան ի յիշատակ Հրէից անդրանկաց սգատութեանը որ եղաւ երբ հրեշտակը կը սպաննէր Եգիպտացւոց առջինեկները : Կէս օրէն ետքը այլևս չեն գործեր և պատրաստութիւն կը տեսնեն ընթրեաց որ է Զատիկը : Արևը մարը մտնելէն չորս ժամ առաջ

հասարակ բաղարջներէն մանր բաղարջներ չի ներլով, ընթրեաց համար իւրաքանչիւր աղքատ տան եօթնական նկանակ կը բաշխեն : Իրիկուան դէմ կ'երթան Սինակոկա աղօթք ընելու, և Եգիպտոսէ ելից վրայ յօրինուած երգերն ու Սաղմոսները երգելէն ետքը տուն կու գան զատիկ ընելու :

Հարցոյններ : 1. Հրէից զատիկը երբ կու գայ, և ի՞նչ կ'ըսուի : 2. Հրեայք նախ քան զտոն զատիկն ի՞նչ կ'ընեն : 3. Անոնց կանայք ի՞նչ կ'ընեն : 4. Բաղարջն ինչո՞վ, և ի՞նչպէս կը շինուի : 5. Ցան մէջ ի՞նչ ծէս կը կատարուի : 6. Ո՞վ ծով կը կենայ. ո՞ր կ'երթան աղօթելու :



Պ Ա Ս 60

Մետաքս	Էէէէ	Նստարան	Նստելու պէշ
Դառնիճ	Կինսիպոս	Ըմպելի	Խմելի
Կարոս	Կերէվիդ	Պատուիրել	սպասարել
Նախնիք	սուշի հայրերը	Քաղցրահամ	շաքի համով
Քաղցնուլ	անօթեհալ	Համառօտ	չարճ
Ըմպել	խմել	Ակնարկել	Իմացել

1. Իւրաքանչիւր ընտանիք իր կարողութեանը համեմատ սեղան կը պատրաստէ : Սեղան նստողները կակուղ նստարաններու վըրայ բազմելով և մետաքսէ բարձերու կը թնելով կը ճաշեն : Սեղանին վրայ կը գրուին գոց սկաւառակ մը որուն մէջ կայ գառլին կամ ուլան միս, երեք փոքր բաղարջ, դառնիճ,

կարոս և ուրիշ կծու խոտեր, նաև անուշ գինի և քաղցրահամ միրգերէ պատրաստուած ըմպելի մը որ Եբրայեցերէն Խարուսի կը կոչուի, և որուն մէջ Հրեայք քիչ մը աղիւսոյ փոշի կը դնեն ի յիշատակ իրենց նախնեաց ծառայութեանը զոր ըրին յԵգիպտոս փարաւունի ժամանակ :

2. Բաբունիք խստիւ կը պատուիրեն ամէն մարդու այն իրիկուն գաւաթ մը գինի ըմպել : Ի սկզբան ճաշուն սեղանը կ'օրհնուի, և յետոյ իւրաքանչիւր ոք ձախ թևովը բարձին կը թնելով առջևը գրուած գինւոյ գաւաթը կը խմէ ի յիշատակ Հրէից ազատութեանը Եգիպտոսէ : Գինին խմելէն ետքը, բազմականք կը լուացուին, և տանուտէրը գինւոյ մէջ քիչ մը կարոս դնելով՝ սա համառօտ աղօթքը կ'ընէ, « Օրհնեալ լիցիս դու, Աստուած մեր, թագաւոր աշխարհի, որ ստեղծեցիր երկրիս բերքը : » Ասոր վրայ բազմականք գինւոյ մէջ թաթխուած կարոսը կ'ուտեն՝ բարձին կը թնած ըլլալով : Յետոյ տանուտէրը մէջտեղի բաղարջն առնելով կը բաժնէ երկու մաս, որոց մին կը դնէ երկու բաղարջներուն մէջտեղ, և միւսը սեղանին ծածկոցին ներքև :

3. Այս ընելէն ետքը տանուտէրը վեր կը վերցնէ սկաւառակը, և բազմականք իրենց աջ ձեռքն անոր տակ դնելով բարձրաձայն

կ'ըսեն սա խօսքերը ֆաղգէարէն . « Այս է չարչարանաց հացը զոր մեր հայրերը կերան Եգիպտացւոց երկրին մէջ : Ով որ քաղցած է թող գայ և ուտէ , ում պիտոյ է՝ թող գայ զատիկ ընելու գառն ուտելով այս տարի և միւս տարի իսրայէլի երկրին մէջ : Այս տարի հոս ծառայ ենք , իսկ գալ տարի իսրայէլի երկրին մէջ ազատ պիտի ըլլանք : »

4. Յետոյ ելից գիրքէն քանի մը գլուխ կը կարդացուի Եբրայեցերէն , և երբ ընթերցումը կը հասնի տասն հարուածոց , կոնք մը կը բերուի և անոր մէջ գաւաթով կաթիլ կաթիլ գինի կը հեղուի սա խօսքերով . « Ասոնք են տասն հարուածները զորս Աստուած զրկեց Եգիպտացւոց վրայ : » Տասն հարուածներն ալ կը յիշուին , և իւրաքանչիւրին համար քանի մը կաթիլ գինի կը թափուի : Այն միջոցին բազմականք գինւոյն երկրորդ գաւաթը կ'ըմպեն :

5. Դարձեալ կը լուացուին , և տանուտէրը երկրորդ բաղարջը և կտրուած բաղարջին միւս մասն առնելով կ'ըսէ , « Օրհնեալ եղիցիս դու , Աստուած մեր , թագաւոր երկրի , որ հրաման տուի մեզի բաղարջ ուտելու . » այս ըսելով երկու բաղարջէն ալ կ'ուտէ , և միւսներուն կու տայ . յետոյ տանուտէրը դառնճի տերև մը գինւոյ մէջ թաթխելով կ'ըսէ ,

« Օրհնեալ եղիցիս դու , Աստուած մեր , թագաւոր աշխարհի , որ հրաման տուի մեզի դառն խոտ ուտելու , » և անկէ ալ ուտելով միւսներուն կու տայ : Վերջապէս երրորդ բաղարջը բոլորած և կը կտրէ և դառնճով պատառ մը կ'ուտէ անկէ , իսկ մնացածը միւսներուն կը բաժնէ և յետոյ կը սկսին ընթերիքն ուտել :

6. Ընթերիքէն ետքը , տանուտէրը ծածկոցին տակ դրուած կէս բաղարջը հանելով Աֆիկօն կոչուած պատառն ինք կ'ուտէ , և մնացածը միւսներուն կը բաժնէ : Յետ ընթերեաց շնորհակալութիւն կը մատուցանեն Աստուծոյ , և գինւոյն երրորդ գաւաթը կ'ըմպեն , և տանուտէրը Սաղմոսէն սա տունը կը կարդայ . « Թափէ քու բարկութիւնդ այն ազգերուն վրայ որ քեզ չեն ճանչնար , » և իսկոյն նզովից գինւով լեցուած կոնքը բերելով տանուտէրը փողոց կը թափէ զայն : Հրեայք այս խօսքերով կ'ուզեն հասկննել թէ Աստուած կ'անիծէ անոնք որ դուրս են Հրէից ազգէն , մանաւանդ ֆրիստոնեայք :

7. Գանի մը Սաղմոս և երգ ըսուելէն ետքը չորրորդ գաւաթը կը խմուի : Երկրորդ օրն ալ միւսնոյն բաները կը կատարուին : Թէպէտ զատիկն ութ օր կը տևէ , Հրեայք առաջին և վերջին երկու օրերը մեծարոյ կը համարին ,

խսկ մնացեալ չորս օրերն՝ իբրև առուտուրի օր:

Հարցումներ: 1. Ո՞ւր կը նստին ընթերցու, և սեղանի վրայ ի՞նչ կը դրուի: 2. Իւրաքանչիւր ոք ի՞նչ ընել պարտի, և լուացուելէն ետքը ի՞նչ արարողութիւն կը կատարուի: 3. Երբ սկսուած կը վերցուի, բազմականք ի՞նչ կ'ընեն: 4. Ի՞նչ կը կարդացուի, և ի՞նչպէս կը յիշատակուին տասն հարուածները: 5. Ուրիշ ի՞նչ աղօթքներ կ'ըլլան, և յետոյ ի՞նչ կ'ընեն: 6. Հրեայք ի՞նչ կ'ակնարկեն Սաղմոսին այն խօսքերովը: 7. Չատիկը քանի՞ օր կը տևէ, և ո՞ր օրերն իբրև տօն կը պահուին:



Գ Ա Ս 61

Ծագել	էլիէ	Չիջանիլ	Յակըշալ
Կակազ	էէէէ	Կռուարար	Յոուբար
Ծաղրել	իրան ինդալ	Նսխատել	Գէլ իօստէր բալ
Չարիք	Գէլ-ի-ի-ի	Չայրանալ	Բարիանալ
Բարիք	աղէի-ի-ի-ի	Արգելել	առջևն առնել
Սպունգ	սիանիէր	Արշաւանք	Չարել

Բ Ա Ր Ո Յ Ա Վ Է Պ

1. Ոչ ոք կրնայ երևակայել թէ ո՞րչափ կռիւներ, վէճեր և խռովութիւններ կը պատահին ամէն օր: Բոլոր այս դէշուութիւնք մարդոց իրարու չզիջանելէն և զիրար չհասկնալէն յառաջ կու գան: Չնչին պատճառէ մը ստեպ մեծամեծ կռիւներ կը ծագին, և երբ կռուարարք զիրար կը հասկնան, նաև իրենք ալ ըրածնին կը ծաղրեն, բայց ի՞նչ օգուտ, զիրար նախատելէն և իրարու վնասելէն ետքը:

Հետևեալ դէպքն իբրև օրինակ կը դնենք հոս:

2. Կակազ մարդ մը ճամբայ չգիտնալուն պատճառաւ փողոցին վրայ մէկուն միւսին երթալու ճամբան կը հարցնէր, բայց դժբախտաբար ոմանք փողոցը չէին գիտեր և ոմանք անոր կակազութեանը պատճառաւ լեզուն չէին հասկնար: Այն միջոցին ուրիշ կակազ մը դէմը ելլելով՝ անոր ալ հարցուց. այս վերջինը սկսաւ սորվեցնել անոր ճամբան: Առաջինը երբ տեսաւ որ դիմացինն ալ իրեն պէս կը խօսէր, սաստիկ զայրացաւ՝ կարծելով թէ անիկա զինք կը ծաղրէր:

3. Միւսն ասոր բարկութեան պատճառն հասկնալով ջանաց զինք արդարացնել, բայց քանի կ'աշխատէր ուղիղ խօսիլ, կակազութիւնն աւելի ևս կը սաստկանար, և երկուքն ալ այնպէս զայրացան որ սկսան իրարու զարնել: Այն միջոցին ուրիշ կակազ մը վրայ հասնելով կռուողներն իրարմէ դժուարաւ բաժնեց, և կակազելով հարցուց անոնց կռուելուն պատճառը: Առաջին երկուքը կարծելով թէ անիկա զիրենք ծաղր կ'ընէր, վրան յարձակեցան, և եթէ ուրիշ մարդիկ չհասնէին, չարաչար պիտի ծեծէին զանի: Վերջապէս հասկցուեցաւ, բայց ուշ, թէ երեքն ալ թոթովախօս էին. ասոր վրայ հանդարտեցան և իրենց ըրածին վրայ մեծապէս ծիծաղեցան:

4. Իմաստունք կ'ըսեն, «Երբ չես կրնար արդեւել չարիք մը, նայէ որ անկէ բարիք հանես» Շատ անգամ մտքէ չանցած բաներ պատահամա մը կը յաջողին. ուրեմն մարդ աւելի մտօք քան ուրիշ բանով չարիքէն բարիք կըրնայ հանել: Հետեւեալը կը դնենք իբրև օրինակ ըստ դիպի յաջողութեան:

5. Ապեղէս անուն պատկերհանր նկարեց բարձրալիզ, հրաչէկ աչօք և ծխաշունչ ձի մը՝ իբր թէ պատերազմէ նոր դարձած: Պատկերին մէջ կը թուէր թէ ձիոյն ուժգին արշաւանքէն գետինը կը թնդար, և վրան նըստողը հազիւ կը զսպէր զձին: Միայն բան մը մնաց Ապեղէսի շինել, այն է արիւնախառն փրփուրները որ ընդհանրապէս սանձէն կամ ձիոյն կատաղութենէն յառաջ կու գան և արևուն լուսէն գոյնզգոյն կը փայլին:

6. Ապեղէս ջանաց իբրև բնական նկարել այն փրփուրները, բայց քանի մը անգամ չյաջողելով աւրեց և դարձեալ ջանաց նկարել զանոնք. վերջապէս իր այս անյաջողութեանէն յուսահատելով բարկութեամբ նետեց գոյնզգոյն ներկուած սպունգը որ պատկերին հանդիպելով՝ ճիշդ իբրև բնական նկարուեցան այն փրփուրները: Ատոր վրայ Ապեղէս շատ ուրախացաւ, քանզի այն բանը զոր աշխատութեամբ չկրցաւ ձեռք բերել, դիպուածը տուաւ անոր:

Հարցումներ: 1. Գոռներուն զլխաւոր պատճառն ի՞նչ է: 2. Թոթովախօս մը ի՞նչ հարցուց. որո՞ւ դէմ զայրացաւ, և ինչո՞ւ համար: 3. Ո՞վ բաժնեց զանոնք, և անոր ի՞նչ եղաւ. վերջապէս ի՞նչ ըրին: 4. Մարդ ինչով յաւէտ գործ տեսնելու է: 5. Ապեղէս ի՞նչ ձեռով ձի նկարեց: 6. Ի՞նչ շինել ջանաց, և վերջապէս ի՞նչ կերպով ձեռք բերաւ զայն:



Պ Ա Ս 62

Գափնի	Բէֆնէ	Աներկիւղ	չվախող
Նուսաս	ցած	Մեծարոյ	դաստաւար
Համբաւ	անոն	Յաղթական	յաղթող
Ժուժկալ	համբերող	Ոռոգել	ջրէլ
Սորշի	էք + աւրիւ	Անհետեւ	դիւր
Ուղիւղ	չիտի	Ճարտասան	ձարդեք խօսող

Ճ Շ Մ Ա Ր Ի Տ Պ Ա Տ Ի Ը

1. Մարդուս պատիւը չի կայանար անոր զարմանալի գործքերուն և զօրութեանը վրայ: Մարդ կրնայ իր քաջութեամբն համբաւաւոր ըլլալ, այլ ոչ պատուաւոր: Երբ քաջ մարդոց պատմութիւնը կը կարդանք, զարմացմամբ կը լեցուինք: Պատմութեանց մէջ մեծամեծ գովեստներ կը տրուին անոնց, սակայն հանդերձ այսու խորին յարգանօք չենք մեծարեր զանոնք:

2. Բաց ի քաջութենէ և աներկիւղ մտաց ուրիշ բան պէտք է մեծարոյ ըլլալու համար: Յաղթականին դափնիէ պսակը կրնայ արեամբ ներկուած և որբոց ու որբեւարաց արտասուօ



քը որոգուած ըլլալ, սակայն եթէ այն մարդը հարստահարութեամբ ձեռք կը բերէ այն պսակը, և ինքզինք ազահուութեամբ և անառակութեամբ կ'ապականէ, այնպիսին շուտով կը նուաստանայ :

3. Շատ բաներու հարեանցի նայելով կը զարմանանք անոնց վրայ, բայց երբ այն բաներն ուշի ուշով կը դիտենք, կը խորշինք անոնցմէ. զորօրինակ, հսկայածե արձան մը որ հեռուէն գեղեցիկ է, մօտէն անհեթեթ բան մը կ'երևի : Միևնոյն դիտողութիւններն ընելու ենք նաև թէ քաղաքական դործոց, թէ քաղաքավարութեան և թէ գիտութեան միջոցով ձեռք բերուած համբաւոյ վրայ : Գիտութիւնք և արուեստք զմարդիկ իրարմէ աւելի բարձր և համբաւաւոր կ'ընեն, մանաւանդ անոնք որ մարդկային ազգին մեծապէս կ'օգտեն : Նոյնպէս համբաւն ու պատիւն ալ որոշուելու են իրարմէ :

4. Քաղաքագէտք, ճարտասանք և բանաստեղծք կրնան համբաւաւոր ըլլալ՝ միանգամայն անարժան պատուոյ : Երբ անոնց տաղանդը, քաջութիւնը, գիտութիւնը և ուրիշ բարի յատկութիւնները կը տեսնենք՝ կը նախանձինք անոնց և կ'ուզենք այն բաները մենք ալ ունենալ, սակայն չենք ուզեր զանոնք նախագաս քան զմեզ համարել :

5. Ուստի ճշմարիտ պատիւը դնելու չենք բախտին յաջողութեան և ձիրքերու, այլ այն բաներուն վրայ որ մարդս կատարեալ արդարասէր կ'ընեն, այն է մարդուս հոգին և միտքը. միտք մը՝ որ աննկուն է և զերծ անձնասիրութենէ. միտք մը՝ որ ունի ուղիղ սկզբունք. միտք մը՝ որ թէ յաջողութեան և թէ ճախողութեան մէջ անփոփոխ է և ամէն բանի մէջ անվեհեր : Այսպիսի միտք մը կը վստմացնէ զմարդ և ազնիւ կ'ընէ :

6. Անիկա որ կենաց որեւիցէ վիճակի մէջ իր պարտականութիւններն աներկիւղ կը կատարէ, հաւատարիմ է Աստուծոյ և ունի սէր առ ընկերս և առ մարդիկ. անիկա ներող է թշնամեաց, անշահասէր և նախանձաւոր հասարակաց երջանկութեանը :

7. Այնպիսին նաև վեհանձն է առանց հպարտութեան, խոնարհ առանց նուաստութեան, անաչառ առանց խստութեան, ժուժկալ և ըստ ամենայնի վստահելի : Վերջապէս այս բարի յատկութիւններն ունեցողը մարդոցմէ կը յարգուի, ամէն ոք իբրև բարեկամ կը վստահի անոր և իբրև եղբայր կը սիրէ զանի : Այսպիսի անձ մը արժանի է պատուոյ և ջերմ յարգանաց :

Հարցումներ : 1. Շատ անգամ ինչպիսի՞ մարդոց վրայ կը կարգանք պատմութեանց մէջ : 2. Ի՞նչ կերպով ձեռք կը

բերուի ճշմարիտ պատիւը : 3. Ի՞նչպէս կը ճանչցուի այն : 4. Ե՞րբ մարդուս նախանձը կը շարժի : 5. Ի՞նչ է ճշմարիտ պատիւը : 6. Ի՞նչ են մարդուս պարտականութիւնները : 7. Այս բարի յատկութիւններն ունեցողն ուրիշ ի՞նչ կ'ունենայ :

Պ Ա Ս 63

Պանդուխտ շարիտ	Անձանօթ	լգի արդաստ
Գաղթել	սէշէ սէշ երթալ	Թափառիլ աստի՛ն անդի՛ն երթալ
Հզօր	ո՜ժո՛շ	Նուազել Ինչալ
Հասու	հասչո՞ղ	Ուժաթափ ո՜ժէ ինչա՛ծ
Փոքր	պոփի՛ն	Սպառիլ Ժճանալ
Պաշար	ճամբո՜ւ Իերախո՛ւր	Տառապանք Եեղո՛ւթի՛ն

Պ Ա Ն Դ Ո Ի Խ Տ Հ Ա Ր Ք

1. Պանդուխտ հարք Անդղիայէն գաղթելով գացին Ամերիկայի Միացեալ Նահանգաց Մասսաչուսէց գաւառին փլայմութ կոչուած տեղը : Ասոնք 1620 դեկտեմբերի 23ին ճամբայ ելան , արք , կանայք և տղայք , ընդ ամէնն իբր հարիւր մէկ հոգի : Եղանակը ձմեռ ըլլալով գետինը ձիւնով ծածկուած էր և ոչ զորմելի ճանապարհօրդք անտառներու մէջ մնացին անպատասպար և առանց կերակրոյ : Ասոնք են անոնք զորս Ամերիկացիք կը կոչեն «Պանդուխտ հարք» , քանզի անոնք անձանօթ երկրի մէջ պանդխտելով երկար ատեն թափառեցան , մինչև որ հաստատեցին գաղթականութիւն մը որ յետոյ հզօր ազդ մը եղաւ :

2. Ասոնք Անդղիացի բարեպաշտ քրիստոնէաներ էին որք Աւետարանին պատճառաւ հալածուելով թողուցին իրենց բնիկ երկիրը և օտար երկիր գացին հոգևոր ազատութիւն վայելելու և զԱստուած ճշմարտապէս պաշտելու համար : Անոնց կրած վիշտերն անթիւ են : 1621 տարւոյն առաջին ամիսը խրճիթներ շինելու ձեռնարկեցին , բայց ձմեռը սաստիկ ըլլալով շատերը հիւանդացան և աչխատելու անկարող եղան :

3. Անոնց գլխաւորը և ուրիշ շատեր ճամբան մեռան , և տարի մը ետքը հարիւր մէկ հոգիէն հազիւ յիսուն հոգի մնաց : Ժամանակ եղաւ որ միայն եօթը հոգի մնաց առողջ , իսկ մնացեալ մարդիկ դառն աշխատութեանց պատճառաւ հիւանդացան , և այն եօթը մարդիկ հազիւ հիւանդներու կրնային նայիլ և մեռելները թաղել : 1621 թուականին անոնց դժուարութիւնները փոխանակ նուազելու աւելի ևս շատցան : Ողջ մնացողներն հազիւ թէ քիչ մը զօրացան , անոնց եղբայրներէն նոր գաղթականութիւն մըն ալ եկաւ Անդղիայէն որք պաշար բերած չէին , ուստի հետևեալ ձմեռն աւելի մեծ սով եղաւ : Անոնցմէ մին այսպէս կը գրէ . « Աչքովս տեսայ , » կ'ըսէ , « զօրաւոր մարդիկ որք անօթութենէ ուժաթափ եղած չէին կրնար քալել : »

4. Երրորդ տարին ուրիշ եղբայրներ ալ գաղթեցին հոն որք նոյնպէս պաշար չունէին : Անոնց մշակած երկրին այն տարուան բերքն հազիւ կը բաւէր անոնց : Ծանր էր այն պանդըխտաց համար տուն շինել, և գետին պարաստելով սերմանել, մանաւանդ որ առաջին տարուան հունձքը շատ քիչ ըլլալով՝ սերմի կարօտութիւն ունէին : Ժամանակ մը բոլոր գաղթականութեանը մէջ լիպրա մը կամ հարիւր քառասուն տրամ ցորեն կար, այն ալ սպառեցաւ :

5. Եւ սակայն անոնք Աստուծոյ յուսալով չլիսատեցան, և այն սաստիկ տառապանաց մէջ ձկնորսութիւն և որսորդութիւն ընելով ապրեցան : Անոնք հարստանալու կամ համբաւ ունենալու համար չգացին Ամերիկայի վայրի անտառները, այլ փրիստոսի Աւետարանն ազատօրէն վայելելու և մոլեռանդ եկեղեցականաց բռնութենէն զերծ ըլլալու համար գաղթեցին հոն : Անոնք աղօթիւք և պահօք ձեռնարկեցին այս գործին և անոնց յոյան ու զօրութիւնն էր Աստուած : Ամէն տարի անոնցմէ կէսը կը մեռնէր, սակայն յուսակտուր չեղան, և տարուէ տարի գաղթողներուն թիւը շատցաւ :

6. Անոնք կենդանի հաւատքով ընդունած էին Աստուծոյ խօսքն իբրև իրենց առաջ

նորդ : Աստուածավախ և իմաստուն Պ. Բոպինսըն անուն երէցը հետևեալ պատուէրը տուաւ առաջին անգամ գաղթողներուն : «Կը պատուիրեմ ձեզի առաջի Աստուծոյ և հրեշտակաց հետևիլ փրիստոս Յիսուսի ինչպէս ես հետևեցայ : Տէրը դեռ ճշմարտութիւններ ունի ձեզի յայտնելու իր սուրբ խօսքէն : Արդարև Լուտեր և Կալվին իրենց դարուն պայծառ ջահեր եղան, սակայն անոնք հասու չեղան Աստուծոյ խորհրդոյն : Կ'աղաչեմ ձեզի յիշել որ ուխտած էք եկեղեցւոյ պատրաստ ըլլալ ընդունելու ինչ ճշմարտութիւն որ կը յայտնուի ձեզի Աստուծոյ խօսքէն, ևն :»

7. Այս գաղթականութիւնն աւելի քան երկու հարիւր տարի առաջ եղաւ և հիմա հզօր ազդ մը եղած է : Միացեալ նահանգներն իբր քառասուն և հինգ միլիոն բնակիչ և քան զԱնգղիացիս նաև ունին և ուրիշ տէրութիւններէն աւելի երկաթուղի և հեռագրական թել : Անգղիա և Ամերիկա շատ տարիներ առաջ ծովուն տակէն թելեր դնելով ամէն օր կը հաղորդակցին իրարու հետ :

Հարցաձևեր : 1. Պանդուխտ հարք ե՞րբ, և ուստի՞ գաղթեցին : 2. Անոնք ի՞նչ ազգէ էին, և ի՞նչ պատճառաւ թողուցին իրենց հայրենիքը : 3. Ճամբան ի՞նչ պատահեցաւ, և քանի՞ հոգի ողջ մնաց : 4. Ուրիշներ ալ գաղթեցի՞ն հոն, և ի՞նչ վիճակ ունեցան : 5. Ի՞նչ էր անոնց գաղթելուն բուն նպատակը : 6. Ո՞վ էր անոնց երէցը, և ի՞նչ պատուէր տուաւ

անոնց : Դ. Գաղթականութիւնը քանի՞ տարի առաջ եղաւ ,
և հիմա ի՞նչ վեճակ ունի :

Գ Ա Ս 64

Տարբեր	ո-րիւ իերո	Մտակեր	Տն ուսող
Դիտել	չաչել	Ձովանալ	Կաշ շալիլ
Հանդերձ	հագո-սո	Կատարել	Ընել
Գարան	սոլսո	Պատուիրել	սպարել
Առանցք	Տիլ	Մուրացիկ	Տորացիան
Գոգուել	լոյել	Մթագնիլ	Տրնալ

Շ Ո Ւ Ն

1. Կենդանեաց մէջ մարդուս ամենէն ըն-
տանի և հաւատարիմ շունն է : Այս կենդա-
նին իբր քառասուն տեսակ է , և ամէնքն ալ
միւսնոյն բնաւորութիւնն ունին : Եունը մաս-
կեր կենդանի է , և ստամոքսը տաք ըլլալով
նաև ոսկր ալ կը մարսէ : Անիկա տարին երկու
անգամ կը ցկնի և երբեմն տասուիրեք կորիւն
կը բերէ : Եունը որչափ յողնի երբէք չի քրտ-
նիր , այլ լեզուն դուրս ձգելով կը զովանայ :
Թեթև հիւանդութիւն մը ունեցած ատենը ,
շանխաղող ուտելով կ'առողջանայ : Եունը
կըթուելով մեծամեծ ծառայութիւններ կ'ընէ
իր տիրոջը : Այս կենդանւոյն գովելի յատկու-
թիւններն են իր տիրոջը վրայ սէրը , հաւա-
տարմութիւնը , արթնութիւնը և ճարտարու-
թիւնը : Հոս մէկ քանի դէպքեր կը գնենք

շան հաւատարմութիւնը և ճարտարութիւնը
ցուցնելու համար :

2. Հովիւ մը օր մը իր շունն ու երեք տա-
րեկան տղան առնելով դաշտը տարաւ , և ինք
լեռ ելլելով հոն թողուց տղան պատուիրելով
անոր չհեռանալ անկէ : Հագիւ թէ հովիւը
լերան գագաթն հասաւ , երկինքն ամպոտե-
ցաւ և օդը գիշերուան պէս մթագնեցաւ :
Հովիւը շուտով լեռնէն դաշտ իջնելով գնաց
իր տղան առնելու , բայց օդն այնպէս մթագ-
նած էր որ բան մը չէր տեսնուեր , ուստի
և ստիպուեցաւ այն գիշեր ժայռի մը տակ
անցունել : Հետեւեալ առաւօտ կանուխ ելաւ
իր տղան փնտուելու , բայց չգտաւ զանի . ուս-
տի գիւղ երթալով քանի մը մարդիկ առաւ
հետը և դարձեալ փնտուեց զանի , այլ ի զուր-
ճուն դառնալով իր ընտանիքէն լսեց թէ
շունն առջի գիշեր տունը եկած և պատառ մը
հաց առնելով փախած էր : Հովիւը քանի մը
օր փնտուեց տղան և ամէն իրիկուն միւսնոյն
բանը կը լսէր իր շանը վրայ :

3. Ուստի օր մը միտքը դրաւ տունը սպա-
սել իր շանը գալուն , և երբ անիկա եկաւ
և պատառ մը հաց առնելով կ'երթար , հո-
վիւն ալ անոր ետեւէն գնաց մինչև ժայռ մը
ուստի շունը վար իջնելով այր մը մտաւ , հո-
վիւն ալ անոր ետեւէն : Հովիւը տեսաւ իր

զաւակը որ հացի պատառն առած կ'ուտէր, շունն ալ խղճալի աչօք կը դիտէր զանի : Կ'երևի թէ տղան ճամբան կորսնցնելով դացած էր մինչև այն ժայռը և անկէ ալ հոն իջած էր :

4. Շաքարավաճառ մը, որ ձեռքը զանդակ փողոցներուն մէջ շաքար կը ծախէր, օր մը դեղավաճառի շան մը շաքար նետեց : Հետեւալ օր շունը զանդակին ձայնն առնելուն պէս վազեց այն մարդուն քով և անոր հանդերձէն քաշելով շաքար կ'ուղէր անկէ : Անատեն շաքարավաճառը քսակը ցուցնելով՝ շանը հասկցուց որ ստակ բերէր իր տիրոջմէն որ խանութին դրանն առջև կեցած էր : Շունը շաքարավաճառին միտքն հասկնալով իսկոյն վազեց իր տիրոջը և քծնելով ազաչեց անոր ստակ տալ իրեն : Ստակն առնելուն պէս տարաւ շաքարավաճառէն շաքար առնելու : Կ'ըսուի թէ այս առուտուրը քանի մը օր տևեց :

5. Վանքի մը մէջ սովորութիւն կար ամէն օր կերակուր տալ աղքատաց, վանքին մօտ շուն մըն ալ կար որ աւելցած կերակուրներն ուտելով կ'ապրէր, բայց շատ անգամ անօթի կը մնար : Աղքատները ճաշի կանչելու համար զանդակ կը զարնուէր, և կերակուրներն առանցքի վրայ շինուած դարանի մէջ դրուելով դրսէն ներս կը տրուէին աղքատաց : Ան-

գամ մը այս շունն անօթի մնալով, աղքատք երթալէն ետքը, բերնովը զանդակին շուանը քաշեց : Ներսէն կարծուեցաւ թէ աղքատի մը կերակուրը մոռցուած էր, ուստի դարանը կերակուր դրուելով դարձուեցաւ, և շունը զայն ուտելէն ետքը գնաց : Քանի մը օր այսպէս ընելէն ետքը շանը խաբէութիւնն իմացուեցաւ, բայց միաբանք շունը չպատժեցին, այլ անոր ճարտարութեանը փոխարէն որոշեցին ամէն օր կերակուրել զայն :

6. Շունը կ'առաջնորդէ նաև կուրաց, ինչպէս պիտի տեսնուի հետեւալ դէպքէն : Մուրացիկ կոյր մը շուն մը ունէր զոր մուրալու ատենը իբրև առաջնորդ մէկտեղ կը տանէր : Երբ մուրացիկանին ստակ կամ հաց կը տրուէր, շունը խածնելով կը տանէր զայն իր տիրոջը : Անգամ մը նաւավար մը նաւակին մէջ քնացած ատենը փոթորիկ ելաւ, և նաւակը քակուելով հեռացաւ ցամաքէն և քիչ մնաց որ ուրիշ նաւու զարնուէր, եթէ շունը, որ նաւակին մէջ էր, չարթնցնէր զանի :

7. Մարդուն մէկը պանդոկի մէջ սենեակ մը վարձեց և զինք մեծ վաճառական մը կեղծելով պանդոկապետին ծանոյց թէ այն իրիկուն սնտուկ մը պիտի բերուէր հոն և հետեւալ առաւօտ պիտի տարուէր : Արդարև այն իրիկուն բերուեցաւ սնտուկը և սենեակը

դրուեցաւ : Երբ ամէն մարդ ննջելու գնաց , շունն սկսաւ յիշեալ սենեակին առջև հաջել : Երբ սենեակին դուռը բացուեցաւ շունն իսկոյն ցատկեց սնտուկին վրայ , և սկսաւ զայն խածատել , և մերթ հաջելով կը վազէր պանդոկին մարդոցը : Անոնք կասկածեցին թէ գուցէ մարդ կար սնտուկին մէջ , ուստի խորտակելով բացին զայն , և ի՞նչ մեծ եղաւ անոնց զարմանքը , երբ սնտուկին մէջ տեսան կեղծ վաճառականը որ գիշերանց դողութիւն պիտի ընէր պանդոկին մէջ :

8. Վաճառականին մէկը ուրիշ քաղաք գնաց մէկէ մը ստակ առնելու , և շունն ալ մէկտեղ տարաւ : Ի դարձին յոգնած ըլլալով կէս ճամբան ձիէն վար իջաւ հանդիստ ընելու , քսակն ալ հանեց գետին դրաւ : Քիչ մը հանգչելէն ետքը ճամբայ ելաւ , բայց քսակն առնելու մոռցաւ : Շունն հասկնալով որ հոն թողուածը կարևոր բան էր , ուզեց առնել զայն , բայց ծանր ըլլալով չկրցաւ , ուստի և իր տիրոջն առջև վազելով սկսաւ հաջել և խածատել զանի : Վաճառականը մտազբաղ ըլլալով կարծեց թէ շունը կատաղած էր . քիչ մը կեցաւ և ինչ ընելը չէր գիտեր . բայց վախնալով որ մի գուցէ շունը վնաս հասցընէր իրեն , ատրճանակով զարկաւ խեղճ կենդանին : Շունը գետին փռուեցաւ , և ողբա-

լու ձայներ հանելով ջանաց իր տիրոջը մօտենալ :

9. Վաճառականն այս ցաւալի տեսարանին չդիմանալով մտրակեց ձին : Բայց քիչ մը երթալէն ետքը սկսաւ խեղճ շանը վրայ ցաւիլ և ինքնիրեն « Լաւ էր շունս քան այս ստակն » ըսելով՝ քսակին տեղը շոշափեց , բայց ի՞նչպէս յուզուեցաւ երբ չգտաւ զայն : Քիչ մը խորհելէն ետքը միտքը եկաւ որ ճամբան նստած տեղը թողուցած էր զայն , և շունն այն պատճառաւ կը հաջէր և կը խածատէր զանի : Ձին վազցնելով գնաց հոն և տեսաւ որ շունը կիսամեռ ինկած էր քսակին վրայ : Խեղճ կենդանին իր տէրը տեսնելուն պէս պոչը շարժելով ջանաց անոր մօտ երթալ : Վաճառականը մեծապէս ցաւեցաւ իր շանը վրայ . քիչ մը ատեն գգուեց զայն և սիրեց , բայց քանի մը վայրկեանէն ետքը կենդանին մեռաւ :

Հարցումներ : 1. Ո՞ր կենդանին հաւատարիմ է մարդու . տարին քանի՞ անգամ կը ցկնի : 2. Ի՞նչ պատահեցաւ հովուի մը : 3. Անիկա ի՞նչ կերպով գտաւ իր տղան : 4. Ուրիշ ի՞նչ կը պատմուի դեղավաճառի մը շանը վրայ : 5. Վանքի մը մէջ ի՞նչ ընել սովորութիւն կար . շուն մը այն վանուց մէջ ի՞նչ ըրաւ : 6. Մուրացիկ կոյր մը ի՞նչ ունէր իրեն առաջնորդ ուրիշ շուն մը ի՞նչ կերպով ազատեց նաւավար մը : 7. Ի՞նչ կերպով բռնուեցաւ գող մը որ սնտուկին մէջ պանդոկ գնաց : 8. Վաճառական մը տեղէ մը դարձած ատենը ճամբան ի՞նչ մոռցաւ , և շունն ի՞նչ ըրաւ : 9. Քսակն ի՞նչպէս անոր միտքը եկաւ , և վերջապէս շունն ի՞նչ եղաւ :

Հանդերձ	հագոսսփ	Անցաւոր	խոճ
Հաճոյ	սիրելի	Պճնասեր	դարդարանք սիրող
Խորշիւ	էփ չէնալ	Թանկագին	ձեռք արժէք ունէցող
Շքեղ	խառաւոր	Վերարկու	վրայի լսի
Մերժել	ւշնէլ	Յաւելուլ	աւելցնել
Պալատ	Բագասորի փռն	Զգենուլ	հաշնիլ

Հ Ա Ն Դ Ե Ր Զ

1. Հանդերձը մարդուս հանգստութեանը և պարկեշտութեանը համար է և ոչ թէ ցոյցի և սնափառութեան համար : Զգուշացէք ուրեմն ետ կենալ պճնասիրութենէ որ ձեր առողջութեանը, պարկեշտութեանը և հանգըստութեանը մըստ կու տայ : Հանդերձի շատ խնամք մի տաք, քանզի անկէ աւելի հոգալու ուրիշ շատ բաներ ունիք : Ուրիշնը ուն հաճոյ ըլլալու համար ջանացէք քան զհանդերձ լաւագոյն բան ունենալ : Եթէ կ'ուզէք պճնասիրութեամբ հաճելի ըլլալ մարդոց, այսու կը ցուցնէք թէ դուք թեթեալ միտ և ունայնասէր էք :

2. Եթէ չէք ուզեր աղքատանալ, մի փափաքիք պճնասիրութեան : Խորհեցէք որ թէ հանդերձ և թէ գեղեցկութիւն անցաւոր են, և որչափ ապրիք վերջապէս օր պիտի դայ որ բաց ի պատանաց և ամի մը հողէ ուրիշ բան

պիտի չունենաք : Մնայուն հանդերձը միայն ֆրիստոսի արդարութեան հանդերձն է որ ոչ կը հնանայ և ոչ կը մաշի, և գործածուելով աւելի ևս կը փայլի :

3. Մենք ֆրիստոնեայքս պարտինք այս հանդերձն հագնիլ և Հոգւոյն Սրբոյ շնորհքովը զարդարուիլ : քանզի ասոնք միայն կ'ընեն մեզ յարմար բնակելու երկնային քաղաքը, ուր պիտի զգենունք հրեշտակային հանդերձ : Միւս կողմանէ չափազանց պարզ և տարօրինակ հագուելու չենք, այլ միջակ, վայելուչ, մաքուր և յարմար ամէն ժամանակի և եղանակի . այն ատեն կրնանք հաճոյ ելիլ մեր ընկերակցացը :

4. Հետեւեալ պատմութիւնը կը դնենք հոս իբրև օրինակ հանդերձի պարզութեան : Կարողոս կայսրը սովոր էր պարզ հագուիլ ամէն ատեն, բաց ի արտաքոյ կարգի առիթներէն որք կը ստիպէին զանի, ըստ արքունական սովորութեան, գեղեցիկ հանդերձ հագնիլ : Անիկա սովոր էր միշտ հասարակ բրդեղէն գործածել, և վրան ջրջան կաշիէ վերարկու առած, մէջքն ալ կապոյտ գօտի կը կապէր, այնպէս որ շատ դժուար էր որոշել զանի հասարակ հպատակներէ : Կարողոս իր պալատականաց պճնասիրութիւնն ու զեղխութիւնը տեսներով ուզեց օգտակար և ազդու դաս մը տալ անոնց :

5. Առաւօտ մը երբ պալատականք, ըստ սովորութեան արքունեաց, դացին յարգանաց ողջոյնը տալ թագաւորին, ասիկա հրամայեց անոնց անմիջապէս իրեն հետ որսի երթալ այն հանդերձներով: Անոնք չէին կրնար մերժել թագաւորին հրամանը, ուստի և ստիպուեցան այն հանդերձներով երթալ: Թագաւորը կաշիէ վերարկուն առաւ՝ ցրտէն պահպանուելու համար. իսկ անոր պալատականները շքեղ և նուրբ հանդերձներով թագաւորին հետ ճամբայ ելան: Երբ որսորդութենէ դարձան, անոնց հանդերձները, բաց ի թագաւորէն, պատառ պատառ եղած և անոնց մարմինները ցրտէն թմրած էին:

6. Երբ պալատ մտան, թագաւորը հրաւիրեց զանոնք իրենց հանդերձները չորցնելու կրակի մօտ զոր անիկա դիտմամբ վառել տուած էր: Պալատականաց մետաքսէ նուրբ հանդերձները կրակին դիմաց չորնալով՝ աւելի ևս գէշցան և թագաւորը ծաղրեց անոնց թեթեւամտութիւնն ըսելով, «Տեսէք, ի՞նչ մեծ տարբերութիւն կայ ձեր զեղխութեան և իմ պարզութեանս մէջտեղ: Իմ հանդերձս կը պահպանէ զիս և կը ծածկէ, և երկար ժամանակ կը դիմանայ, և հնանալու ալ ըլլայ մեծ կորուստ չեմ ըներ. իսկ ձեր շքեղ հանդերձները քիչ օգուտ ունին և պզտիկ

բանէ մը մնասուելով մեծ կորուստ կ'ըլլայ:»

7. Իցէ թէ հարուստ և մեծամեծ մարդիկ կարողոս թագաւորին պէս մէյմէկ օրինակ ըլլային պարզութեան, բայց, ցաւալի է ըսել, ընդ հակառակը կ'ընեն, ուստի պատշաճ կը թուի սա խրատը տալ մեր ընթերցողաց. «Հանդերձի կողմանէ մի նմանիք հարուստ մարդոց.» նաև յիշեցէք երևելի հեղինակի մը սա խօսքը թէ, «Սնոնք որ բարի փափաքներով լեցուած և մեծասիրտ են, պճնասէր և ժամավաճառ ըլլալու վտանգէն զերծ են:»

Հարցումներ: 1. Հանդերձն ի՞նչ բանի համար է: 2. Պրճնասիրութիւնն ի՞նչ վնաս կու տայ մարդոց: 3. Ճշմարիտ քրիստոնեան ինչպիսի՞ հանդերձով զարդարուելու է. ինչո՞ւ համար: 4. Ո՞ր թագաւորը պարզ կը հագուէր, և ի՞նչ դաս տուաւ իր պճնասէր պալատականացը: 5. Ի՞նչ ըրաւ: 6. Երբ անոնք պալատ մտան, թագաւորն անոնց ի՞նչ ընել հրամայեց, և ի՞նչ ըսաւ: 7. Հարուստ մարդիկ ի՞նչ ընթացք ունենալու են. մենք ի՞նչ բանէ զգուշանալու ենք:



Պ Ա Ս 66

Թշուստ	Իւէղճ	Հանդերձեալ	Գալուս արարի
Հաճիլ	հաւնիլ	Մուրացիկ	Տոբացիան
Կամիլ	ոռելի	Ստացուած	ըրդալ
Խփել	Գոցել	Խնամել	հոգ պանիլ
Երկիւղ	Չախ	Ընդունիլ	սուել
Գաւաթ	Գապէհ	Մեծազին	Ձեռ արժէք ունեցող



Լ ՈՒ Տ Ե Ր

1. Լուսեր անշահասէր էր և չունէր փառասիրութիւն : Անոր մահուանէն քանի մը տարի առաջ թողուցած մէկ կտակէն կը տեսնուի թէ անիկա ո՛րչափ քիչ սէր ունէր աշխարհային հարստութեանց և փառաց վրայ, զորս ձեռք բերելու համար հազարաւոր մարդիկ իրենց կեանքը կը զոհեն և հանդերձելոյն մէջ թշուառ կ'ըլլան :

2. Բարեկարգիչը սովոր էր այսպէս աղօթել. « Ծնորհակալ եմ քենէ, Տէր Աստուած, որ հաճեցար զիս աղքատ և մութացիկ ստեղծել այս աշխարհիս մէջ : Երկրիս վրայ չունիմ ստացուած զորյետ մահու թողում, դուն ինծի կին մը և զաւկներ տուիր, զանոնք քեզի կը յանձնեմ. դուն խնամէ և պահէ զանոնք, ինչպէս զիս պահեցիր մինչև ցարդ, ու հայր որբոց և դատաւոր որբեւարաց : »

3. Լուսեր աղքատ էր, սակայն եթէ կամենար, կրնար մեծ հարուստ ըլլալ, քանզի ունէր այնպիսի միջոցներ, զորս քիչ մարդիկ ունէին : Սաքսոնիոյ կայսրընտիրը Ծնեպերկի մէջ բով մը նուիրեց Լուսերի, բայց անիկա վեհանձնութեամբ չընդունեցաւ զայն, « Բանզի, » ըսաւ կայսեր, « եթէ ձեր նուէրն ընդունիմ, դուցէ փորձած կ'ըլլամ Սատանան զիս փորձելու : »

4. Լուսերի թշնամիք անգամ գիտէին անոր անփառասէր ըլլալը : Լուսերի ժամանակակից Պապը անգամ մը կարտինայի մը ըսաւ թէ ինչո՞ւ համար ոսկւով չէին խփեր Լուսերի բերանը : Կարտինալը պատասխանեց թէ « Այն Գերմանացի գաղանն առ ոչինչ կը համարի զոսկին : » Անգամ մը խեղճ դպրոցական մը իր աղքատութիւնը Լուսերի պատմելով, Լուսեր ըսաւ կնոջը որ քիչ մը ստակ տար այն տղուն, բայց կինն խնայուց իր էրկանը որ ստակ չունէին :

5. Անտոն Լուսեր հոն մեծագին գաւաթ մը տեսնելով տղուն տուաւ զայն որ ծախէր և անոր ստակովը պիտոյքը հոգար : Լուսեր իր նամակներէն միոյն մէջ այսպէս կը գրէ. « Իբր հազար դահեկան ստակ ընդունեցի թավպէրիմէն և հինգ հարիւր Սիւրթսէն, բայց երկիւղ ունիմ որ այսչափ ստակով վարձատրուած ըլլամ, քանզի այնչափով միայն դո՛հ չեմ ըլլար : Ի՞նչ պիտի ընեմ այնչափ ստակը, կէսը Բ. Բ. ին տալով ուրախացուցի զանի : »

Հարցումներ : 1. Լուսեր ի՞նչ բարի յատկութիւն ունէր : 2. Ի՞նչ կերպով սովոր էր աղօթել : 3. Անիկա ի՞նչ վեճակ ունէր ինչո՞ւ համար : 4. Պապ մը ի՞նչ հարցուց Կարտինալը մը : Կարտինայն ի՞նչ պատասխանեց : 5. Լուսեր ի՞նչ տուաւ աղքատ ուսանողի մը :

Գ Ա Ս Ե Դ

Ձանալ	ալիսապիւ	Համոզել	Քարէ Գարշնէլ
Պղծել	աւել	Պատահել	հանդիպել
Անսալ	հախ շնէլ	Չարութիւն	Գեղութիւն
Ներքուստ	նէրսէն	Ցաւալի	Խղճալո-
Հոսանք	ազելիւ	Գետասոյղ	Գեղութիւն
Սարսափ	Գոռ	Գետեղերք	Գեղի Կենար

ՏԵՐՈՒՆԱԿԱՆ ՕՐԸ

1. Յակոբ և Մինաս, քրիստոնեայ ծնողքէ երկու եղբարք, սովոր էին կիրակնօրեայ դըպրոց երթալ, բայց շատ անգամ անոնք դըպրոցէն շիտակ տուն չէին երթար, այլ ճամբան չար աղայոց հետ կը խաղային: Չար ընկերք կը ջանային համոզել զանոնք որ փոխանակ դըպրոց երթալու անոնց հետ խաղային, և կը խրատէին զանոնք որ իրիկունը երբ անոնց հարցուէր թէ «Ուստի՞ կու գաք», անոնք «Գպրոցէն կու գանք» ըսելով՝ խաբէին իրենց ծնողքը, և այսպէս չար ընկերք խրատ կու տային անոնց թէ սուրբ օրը պղծելու և թէ սուտ խօսելու:

2. Ամառ ատեն պայծառ օր մը երբ Յակոբ և Մինաս կիրակնօրեայ դըպրոց կ'երթային, ճամբան պատահեցան իրենց չար ընկերներուն որք ջանացին համոզել զանոնք խաղալու երթալ գետեղերքը: Առջի բերան

անոնք դժկամակութիւն ցուցուցին, բայց վերջապէս փորձութենէ յաղթուելով անսացին իրենց չար ընկերներուն, և սկսան դէպ ի գետեղերք երթալ: Անոնք ներքուստ կը զգային որ Աստուած կը տեսնէր զիրենք և թէ պիտի պատժէր ինենց չարութիւնը, սակայն չանսացին իրենց խղճին: Մարդ չի կրնար երջանիկ ըլլալ չարութեան մէջ:

3. Գետեղերք հասնելուն պէս սկսան խաղալ, և Յակոբ այնչափ մօտ գնաց ջրին որ գետասոյղ եղաւ: Անոր ընկերներէն ոչ ոք սիրտ ըրաւ անոր օգնութեան երթալ, քանզի գետը շատ խորունկ էր, ուստի և Յակոբ հոսանքէ տարուելով խեղդուեցաւ:

4. Ո՛վ կրնայ նկարագրել անոր եղբօրը, Մինասին, սարսափն ու սրտի անհանգստութիւնը, զոր ունեցաւ տեսնելով իրենց անհնազանդութեան պտուղը: Անհնար է նկարագրել անոնց ծնողաց զգացած ցաւն ու կսկիծը, երբ տեսան իրենց զաւակը խեղդուած: Թող այս ցաւալի օրինակը խրատ ըլլայ մեզի պահելու Աստուծոյ պատուիրանքը և մեր ծնողացն հնազանդելու:

Հարցումներ: 1. Երկու եղբայրներ ո՞ր սովոր էին երթալ: Ինչպիսի՞ ընկերներ ունէին, և ի՞նչ խրատ կ'առնէին անոնցմէ: 2. Օր մը անոնք ո՞ր գացին: 3. Յակոբ ի՞նչ եղաւ: 4. Յակոբայ եղբայրն ու ծնողքն ի՞նչ զգացին անոր մահուանը վրայ: Մենք ի՞նչ օգուտ քաղելու ենք այս օրինակէն:

Հզօր	ո-ժո-լ	Ապացոյց	խապալ
Երկիւղ	լախ	Համարուիլ	սեպո-իւ
Խորհիլ	ճրտածել	Հանդերձեալ	գաւու-
Սահման	սինօր	Նպատակ	լուծան
Անյադ	չիտոյոռ	Ձարգանալ	ոռալ էրիալ
Թերի	ոպիտո	Ենթադրել	դնել

ՀՈԳԻՈՅՆ ԱՆՄԱՀՈՒԹԻԻՒՆԸ

1. Օր մը պարտէզի մը մէջ պտտած աւտենս միտքս զնաց հողւոյն անմահութեանը վրայ որ է հիմն բարոյականութեան և աղբիւր ամէն յուսոյ և ուրախութեան : Նախ խորհեցայ հողւոյն բնութեանը և մասնաւորապէս անոր նիւթ չըլլալուն վրայ, որ թէև բացարձակ պատճառ չէ անոր յաւիտեանս ապրելուն, կրնայ սակայն իբր հզօր ապացոյց համարուիլ անոր անմահ ըլլալուն : Երկրորդ դիտողութեան առի հողւոյն կիրքերն ու փափաքները և մանաւանդ անոր սէրն անմահութեան վրայ, մահուան երկիւղը, ընդ միշտ ապրելու յոյսը, առաքինութենէ զգացած հաճութիւնը և մոլութենէ կրած անհանգրստութիւնը, որոնցմէ կը տեսնուի թէ հողին հանդերձեալ կեանքի մը կը սպասէ :

2. Եւ երրորդ իմաստասիրեցի Աստուծոյ արդարութիւնը, բարութիւնը, իմաստութիւնը

նը և ճշմարտութիւնը որք մեծ հաստատութիւն են հողւոյն անմահութեանը : Բոլոր այս խորհրդածութեանցս մէջ հողւոյն անմահ ըլլալուն աւելի հզօր փաստ երևցաւ ինձի անոր մշտնջենաւոր յառաջադիմութիւնը դէպ ի կատարելութիւն առանց երբէք հասնելու : Մարդս ինչպէս կրնայ խորհիլ թէ մեծամեծ ձրիւք օժտեալ էակ մը որ շարունակ կը զարգանայ՝ ծնելուն պէս ի չիք պիտի դառնայ . միթէ առաջնց նպատակի են հողւոյն կարողութիւնները : Կենդանիք ունին սահման կատարելութեան որոյ երբ կը հասնին, այլևս չեն զարգանար :

3. Եթէ մարդուս հողին ալ անասնոց պէս հասնէր կատարելութեան և անոր կարողութիւնները լիով պարզուելէն ետքը այլևս յառաջադիմութիւն չընէր, անատեն պատճառ կ'ունենայինք ըսելու հողւոյն համար թէ ապականացու է : Բայց կարելի է ենթադրել թէ բանաւոր էակ մը որ շարունակ կատարելութեան մէջ կը զարգանայ, և անյադ փափաքներ ունի, այնպիսի էակ մը, կ'ըսեմ, իր Արարչին հրաշալիքը դեռ չվայելած կրնայ երբէք կորսուիլ ոչնչութեան մէջ : Երբ մարդկային կենաց վիճակը կը դիտենք, մեզի կը թուի թէ մարդուս աշխարհ դալուն միմիայն նպատակն է յետ մահուան սերունդ թողուլ

աշխարհիս մէջ, փոխանակ յաւիտենական կեանք վայելելու :

4. Կենդանիք այսպէս չեն. անոնք մեր դործածութեանը համար ստեղծուած են, և անոնց կարճատև կեանքն անցնելէն ետքը ոչինչ կ'ըլլան : Շերամը կը մեռնի բժոժ շինելէն և ձու ածելէն ետքը : Բայց մարդս իր կարողութեանը համեմատ ոչ գիտութեան կը հասնի, ոչ իր կիրքերը յագեցնելու և ոչ ալ հոգին առաքինութեան մէջ հաստատելու ժամանակ կ'ունենայ այս աշխարհիս մէջ : Կարելի՞ է որ անհուն իմաստութեամբ Աստուած մը չնչին նպատակի համար ստեղծէ այսպիսի փառաւոր արարած մը : Աստուած ի՞նչ զուարճութիւն կ'ունենար այսպիսի սակաւակեաց բանաւոր էակներէ, որոց կատարեալ ձիրքեր չնորհած է, եթէ անոնք ապականացու ըլլային :

5. Եթէ մեր հոգւոյն կարողութիւնները թերի ըլլային, ի՞նչպէս պիտի կարենայինք գաղափար ունենալ անոր իմաստուն ստեղծագործութեանը վրայ, և հաւատալ թէ այս աշխարհս հանդերձելոյն նախադուռն է և թէ այսչափ բանաւոր էակներ յաստեացս պիտի փոխուին հանդերձեալ կեանքի մը ուր պիտի ըլլան յաւիտեանս երջանիկ : Կրօնից մէջ ամենէն քաղցր և համոզիչ խորհուրդն է հոգւոյն մշտնջենաւոր յառաջագիմութեան խորհուրդը :

6. Երևակայէ անգամ մը որ հոգիդ երթալով նորանոր կարողութիւններ պիտի ստանայ, և առաքինութեան ու գիտութեան մէջ յառաջ երթալով ընդ միշտ պիտի փառաւորուի : Արդարև մարդուս հոգին մեծ սէր ունի յաւիտենականութեան երջանկութեանը վրայ. երջանկութիւն մը՝ յորում Աստուած իսկ կ'ուրախանայ տեսնել իր արարածները գեղեցկացած անոր պատկերին պէս : Սա խորհուրդը թէ սահմանաւոր էակ մը կատարելութեան պիտի հասնի, ինձի կը թուի թէ բաւական է ստորին էակները նախանձի շարժելու և գերագոյն էակաց մէջէն բառնալու արհամարհութեան ոգին :

7. Ժամանակ պիտի դայ որ մարդուս հոգին ալ հրեշտակաց պէս կատարեալ պիտի ըլլայ, և աշխարհիս բոլոր հրաշալիքն իբրև ոչինչ պիտի երևին անոր : Արդարև հրեշտակք գերի վերոյ են քան զոգիս մեր, սակայն ժամանակ պիտի դայ որ մեր հոգիներն ալ անոնց պէս գերբնական բնութեամբ զարգարեալ յաւերժական փառօք պիտի փայլին : Պարտինք ուրեմն խնամ տանիլ մեր հոգիներուն որք անսպառ աղբիւր են առաքինութեան և գիտութեան : Հիմա չենք գիտեր թէ ինչ պիտի ըլլանք յետ մահուան, և ոչ կրնանք գաղափար ունենալ այն փառաց վրայ

որոց ժառանգակից պիտի ըլլանք յաւիտե-
նականութեան մէջ : Դ՞նչ քաղցր է խորհիլ թէ
մեր հոգին միշտ մօտ պիտի ըլլայ իր Արար-
չին , և հրեշտակաց հետ լիաբերան պիտի
փառաւորէ զանի յաւիտեանս յաւիտենից :

Հարցումներ : 1. Մարդ մը պտտած ատենը ի՞նչ բանի
վրայ կը խորհէր : 2. Ի՞նչ հզօր փաստ գտաւ հոգւոյն անմա-
հուութեանը : 3. Մարդուս հոգին ինչո՞ւ համար չմեռնիր : 4.
Կենդանիք յոր՞ում կը տարբերին մարդոցմէ : 5. Մարդս ի՞նչ
յոյս ունի ապագային մէջ : 6. Մեր հոգիներն ի՞նչ փոփո-
խութիւններ պիտի կրեն : 7. Վերջապէս անոնք ի՞նչ վեճակ
պիտի ունենան :

Գ Ա Ս 69

ԵՐՈՒՍԱՂԵՄԻ ԿՈՐԾԱՆՈՒՄԸ

Երուսաղեմի կործանումը թէ Սրբազան և
թէ արտաքին պատմութեանց մէջ յիշուած
սոսկալի դէպքերէն մէկն է : Հռովմայ ահա-
ւոր վրէժխնդրութիւնը , որ եկաւ Երուսա-
ղեմի վրայ , կը յիշեցնէ մեզի Քրիստոսի սա-
խօսքերը թէ , « Ահա ձեր տունը ձեզի աւե-
րակ պիտի ըլլայ » :

Երուսաղեմի պաշարման ատեն այնպիսի
սոսկալի և դժնդակ դէպքեր պատահեցան
որոց նմանը երբէք տեսնուած չէ պատմու-
թեանց մէջ : Չկայ կատարուած մարդարէու-
թիւն մը քան զայս ահաւոր : Մեծարոյ պաշ-

տօնեայք որք հրապարակաւ սրբազան պաշ-
տամունք կը կատարէին՝ իրենց հայրենիքէն
դուրս քշուելով եղան կերակուր դազանաց-
ֆահանայք և աշխարհականք և ամէն կարգի
մարդիկ սրախողխող ըլլալով՝ սուրբ սրահնե-
րուն մէջ արեան լճեր ձևացան , և սուրբ սե-
ղանին շուրջը դիականց կոյտեր բարձրացան ,
և տաճարին ոսկեզարդ կարասիքը հրոյ ճա-
րակ եղան : Ծնողք և զաւակունք , հարս և
փեսայ , բարեկամ և թշնամի առ հասարակ
ոտնակոխ ըլլալով քարայտակներու մէջ մնա-
ցին , և քաղցեալ քահանայք մոլեգնաբար
ձգնեցան բոցերուն մէջէն փախչիլ , այլ ի
զուր . և Երուսաղեմի տաճարը , որ Բարձրե-
լոյն տունն էր՝ աւերակ դարձաւ : Միթէ
ասիկա Աբելի ժամանակէն ի վեր թափուած
արդար արիւնը չէ՞ր որ եկաւ այս ազգին վրայ .
միթէ ասիկա տխուր հետեւանքը չէ՞ր Հրէից
այն խօսքերուն թէ , « Ատոր արիւնը մեր վրայ
ու մեր որդւոցը վրայ ըլլայ » : Մահուանէ ա-
զատուողները մնացին՝ որպէս զի տեսնէին ի-
րենց ընկերներուն խաչի վրայ դառն մահը
զոր կու տային Հռովմայեցի զինուորք : Այն-
չափ շատ էր կախուողներուն թիւը որ տեղ
չկար կախաղան կանգնելու , և ոչ կախաղան՝
մարդ կախելու : Անոնք որ ազատուեցան ա-
ւելի չարաբաստիկ եղան քան զմեռեալս , երբ

գգացնին կատաղութեան մերթ ընդ մերթ խոր լուութեան արհաւիրքը, և տեսան վեց հարիւր հազար մեռելոց քաղքէն դուրս նետուիր. անոնք ազատուեցան որպէս զի ալ կանատես ըլլային բոլոր այն թշուառութեանց և աղէտից զորս անոնց բարեկամք կը կրէին անօթութեան պատճառաւ, այնպէս որ քիչ մը եղիճի և ուրիշ վնասակար խտտերու և կաթիլ մը ջրի համար զիրար կը սպաննէին. անոնք ազատուեցան ոչ թէ կեանք վայելելու, այլ տեսնելու համար այն արիւննուշտ մարդոց վիճակը որք անօթի ծարաւ կը պապակէին և կատղած շուներու պէս գլորելով կը դանդաչէին. անոնք ողջ մնացին որպէս զի լսէին անգութ մօր մը սուլէն իր զաւակն ուտելը: Գերի գացողներն այնչափ բազմաթիւ էին որ մարդ չէր գտնուեր զանոնք գնելու. փողոցներուն մէջ այնչափ մեծ արեան հեղեղներ կը հոսէին որ շատ բռնկած տուներ արեան հեղեղներով ազատեցան կրակէն: Ողջ մնացողներէն ոմանք կը վաճառուէին և ոմանք ալ ամփիթէատրոններու մէջ սուսերամարտութիւն ընելով և կամ առիւծներու հետ մարտընչելով զոհ կ'երթային: Երուսաղէմի պաշարման ատեն մեռելոց թիւն է իբր մէկ միլիոն հարիւր հազար, բաց ի յիննիսուն և եօթը հազար գերեաց որք ամփիթէատրոններու և

հանքերու մէջ կենազրաւ եղան: Երբ կը կարդանք ակնատես վկայից Երուսաղէմի կործանման վրայ պատմութիւնը, մենք ալ, անոնց պէս, սարսափով կը լեցուինք, և կը զգանք թէ Երուսաղէմ իր թիւր ազգին պատճառաւ արժանի էր թշուառութեանց և աղիտից, զորս կրեցին Հրեայք իբրև արդար պատիժ իրենց ամբարշտութեանցը:

Պ Ա Ս 70

Հ Ր Դ Ե Հ

Սիրելի երիտասարդ բարեկամներս, լսելով որ դուք հրդեհ մարելու ընկերութիւն մը կազմելու ձեռնարկած էք, կարևոր համարեցի իմ երկար փորձառութեամբս հետևեալ հրահանգները տալ ձեզի: Երբ «Հրդեհ կայ» ձայնը կը լսէք, կատուի պէս ճիչ հանեցէք: Բաց ի շխտակ կողմէն ամէն կողմ վազեցէք, քանզի ամենէն հեռու ճամբան ամենէն մօտը կ'ըլլայ կրակի տեղն հասնելու: Եթէ պատահամբ փայտի դէզի մը վրայ ելլէք, շատ աղէկ կ'ընէք, քանզի կարող կ'ըլլաք այն ատեն բոլոր մօտակայ առարկաները լաւ դիտել, և երբ լոյս մը կը տեսնէք՝ անմիջապէս հոն վազեցէք բայց միշտ զարհուրելի ձայներ հանելով, եթէ մինակ կարող չըլլաք գիշերն

աւելի սոսկալի ընել, ձեղի պատահած շու-
ներուն կից զարներով զանոնք ալ պոռացու-
ցէք. այս բանը մեծապէս կը նպաստէ հրդե-
հը մարելու: Բայց աւելի մեծ օգնութիւն է
եթէ զոյգ մը կատու պոչերնէն բռնելով սան-
դուխէն վեր քաշէք: Կրակին տեղն հասնե-
լուն պէս ջանացէք կործանել ինչ որ ձեռ-
քերնէդ կու գայ. երբ ծխներոյզը կը բռնկի,
չըհանին վրայ յարձակելով կտոր կտոր ըրէք
զայն, և ծխներուդէն վար առատ աղ թափե-
ցէք: Բոլոր այս դործողութեանց մէջ չմոռ-
նաք պոռալ որ զարմանալի ազդեցութիւն
ունի կրակը սարսափեցնելով փախցնելու, և
հետեւապէս որչափ բարձր գոչէք այնչափ օգ-
տակար է հրդեհը շուտ մարելու: Երբ ձե-
ղունին ծխիլը կը տեսնէք, քաջալերուեցէք,
աղէկ նշան է այն, և սկսեցէք նոր աշխուժիւ
աշխատիլ: Եթէ ժամանակն ամառ է՝ բակին
մէջ որչափ ծառ կայ ամէնքն ալ կտրեցէք,
որպէս զի անոնց պտուղները չխորովին կրա-
կէն: Մի ծառնա՛ պոռալ: Երբ դոմբ բռնկելու
վտանդ կայ, ներս մտէք և կենդանեաց կա-
պերը դուրս հանեցէք: Չիոյն համար անհոգ-
եղիք, ինչ որ ալ ըլլայ՝ անիկա կրնայ ողջ
մնալ, իսկ դուք ցատքտեցէք, և եթէ ձեր
սրունքը լսւ չեն կատարեր իրենց պաշտօնը,
թող պատիժնին կրեն:

Երբ վերի յարկը կը բռնկի, քարէ սան-
դուխը մըծով քակեցէք, եթէ սանդուխը
փայտէ է, անատեն կացինով խորտակեցէք
զայն և փայտերը վերի յարկը տանելով կրա-
կին դիմացը դրէք անոր առջևն առնելու հա-
մար, և եթէ կրակն անոնցմով չմարի, աթու-
ներն ալ տարէք հոն օգնութեան: Երբ որո-
ւոցի մէջ տղայ կը գտնէք, ամենէն բարձր պա-
տուհանէն վար նետեցէք զանի, սակայն կա-
տուի ձագերը զամբիւղով զգուշութեամբ վար
տարէք: Յետոյ դարակներուն վրայ բոլոր
խեցեղէնները պատուհանէն վար թափեցէք՝
հրամայելով միանգամայն վարի մարդոց աղա-
մանը շտկել, որպէս զի պղպեղը չթափուի:
Մնշուշտ հայելին պիտի տեսնէք. գիտցէք որ
որչափ հեռու նետէք զայն, կտորներն այնչափ
չատ կ'ըլլան: Բոլոր այս միջոցին չմոռնաք ա-
հարկու ձայնիւ պոռալ: Որեւիցէ պարագայի
մէջ զգուշացէք ունելին վերէն վար նետելէ,
որպէս զի չըլլայ որ անոր սրունքներէն մին
վնասուելով խեղճը ստիպուի մինչև ցմահ կաղ
մնալ, այլ ձեր ուսին վրայ առնելով զգուշու-
թեամբ վար տարէք զայն: Բոլոր այս բաներն
ընելէն ետքը կամ կրակը պիտի մարի և կամ
բոլոր շէնքը մոխիր պիտի դառնայ: Ասոնցմէ
որն ալ ըլլայ, դուք ձեր պաշտօնը կատա-
րած կ'ըլլաք, եթէ վերոյիշեալ խրատներս ի

դործ դնէք, և այլևս հրահանգի չէք կարօտիր :

Գ Ա Ս Դ Ի

ԹՇՈՒԱՌ ԱՔՍՈՐԵԱԼԸ

Երկինք առաջնորդէ թշուառ աքսորելոյն : Անիկա թափառական է երկրիս վրայ : Ես շատ երկիրներ պատեցայ և անոնց բնակիչները տեսայ, բայց չունեցայ ծանօթութիւնս անոնց հետ : Աքսորեալն ամէն տեղ մինակ է : Երբ իրիկուան դէմ խրճի մը մէջէն ծուխ ելլելը տեսայ՝ ըսի, «Երանի անոր որ իրիկունն իր տունը կը դառնայ և իր սիրելեացը հետ մէկտեղ կը հանգչի վառարանին մօտ.» իսկ աքսորեալն ամէն տեղ մինակ է :

Ուստի՞ կու գան այդ հողմավար ամպերը . ես ալ անոնց պէս քշուելով կը տարուիմ . բայց ի՞նչ փոյթ : Աքսորեալն ամէն տեղ մինակ է : Ծառերն ազնիւ են և ծաղիկները գեղեցիկ, սակայն ի՞նչ օգուտ . անոնք իմ հայրենեացս չեն, և ինծի բան մը չեն ըսեր : Աքսորեալն ամէն տեղ մինակ է : Այդ վտակը յամրաքայլ կը հոսի մարդագետնի վրայ, սակայն անոր կարկաչը չի նմանիր մանկութեանս ատեն լսած կարկաչին և չարթնցներ յիշատակ մը մտքիս մէջ : Աքսորեալն ամէն տեղ մինակ է :

Այդ երգերը քաղցը են, բայց անոնք չեն տար ինծի ուրախութիւն կամ տրտմութիւն : Աքսորեալն ամէն տեղ մինակ է : Ինծի հարցուեցաւ . « Ինչո՞ւ համար կու լսաս . » բայց երբ լալուս պատճառն ըսի, ոչ ոք լացաւ, քանզի մէկը չհասկցաւ ըսածներս : Աքսորեալն ամէն տեղ մինակ է : Տեսայ ծերունիներ որոց շուրջը պատած էին իրենց զաւկըները, ինչպէս ճիւղերը կը պատեն զձիթենին, սակայն ոչ ոք կոչեց զիս որդի և ոչ ոք զիս եղբայր ընդունեցաւ : Աքսորեալն ամէն տեղ մինակ է : Տեսայ երիտասարդներ որ սիրով կապուած զիրար կը գրկէին, որպէս թէ կ'ուզէին մէկ մարմնոց մէջ բնակիլ, սակայն անոնցմէ ոչ ոք ձեռքս սեղմեց : Աքսորեալն ամէն տեղ մինակ է : Մարդս իր հայրենեացը մէջ միայն կը գտնէ բարեկամ, կին, ծնողք և եղբայր : Աքսորեալն ամէն տեղ մինակ է :

Խեղճ աքսորեալ, սրբէ արտասուքդ, բաւական լացիր : Ամէն մարդ աքսորեալ է քեզի պէս, ամէն մարդ ունի հայր, մայր, կին և բարեկամ որք կ'անցնին կ'երթան : Մեր հայրենիքը հոս չէ, ի զուր կը փնտռենք զայն հոս . այս աշխարհը զոր հայրենիք կը կոչենք՝ միայն գիշեր մը հանգչելու տեղ է : Երկինք առաջնորդէ խեղճ աքսորելոյն . անիկա թափառական կը շրջի աշխարհիս վրայ :

ՃԱՄԲՈՐԴ ԵՐԳԻՉՆԵՐ

Բարի երկրագործ մը ունէր էշ մը որ երկար ատեն հաւատարմութեամբ տիրոջը ծառայելէն ետքը ծերացաւ, և անոր տէրը շուգելով զայն այլևս պահել խորհեցաւ մեռցնել զայն իբրև վարձք անոր ծառայութեանը: Էշն իր տիրոջը միտքն հասկնալով՝ օր մը տունէն դուրս ելաւ և սկսաւ դէպի Պրիմէն երթալ, ուր կը յուսար թէ քաղաքացիք պիտի ընտրէին զայն ընդհանուր երգիչ: Քիչ մը ճամբորդելէն ետքը շունի մը հանդիպեցաւ որ ճամբուն վրայ նստած կը հեծէր: Էշն անոր լալը տեսնելով «Ինչո՞ւ համար կը հեծես», հարցուց շան: «Սւա՞ղ», պատասխանեց շունը, «քիչ մնաց որ տէրս զիս ծերութեանս պատճառաւ մեռցնէր, եթէ փախչելով չազատէի. բայց հիմա ապրուստս ճարելու համար ինչ ընելո՞ւ չեմ գիտեր»: «Մտիկ ըրէ», պատասխանեց էշը, «ես հիմա Պրիմէն կ'երթամ երգիչ ըլլալու, դուն ալ մէկտեղ եկուր, տեսնենք ինչ կ'ըլլայ»: Ծունն անոր հաւանելով երկուքը մէկտեղ դացին: Հազիւ թէ քիչ մը ճամբայ առին, տխուր դէմքով կատու մը տեսան ճամբուն վրայ: «Խնդրեմ, բարի տիկին», ըսաւ էշը, «ինչո՞ւ համար տրտում

ես»: «Ինչպէս տրտում չըլլամ», ըսաւ կատուն, «քանի որ կեանքս վտանդի մէջ է, քանզի ծեր ըլլալով աւելի կ'ընտրեմ պառկիլ, քնանալ քան տունը մուկերուն ետեւէ իյնալ: Տիկինս զիս պիտի մեռցնէր, հազիւ ազատեցայ, սակայն ինչ ընելո՞ւ չեմ գիտեր»: «Շատ մի երկնցներ», ըսաւ էշը, «եկուր մեզի հետ Պրիմէն երթանք: Դուն քաջ երգիչ ես, ինչ որ ալ ըլլայ մեր անոյշ երգերովը կրնանք մեր ապրուստը ճարել»: Կատուն ուրախութեամբ ընդունեցաւ այս առաջարկութիւնը և անոնց հետ գնաց: Քիչ մը ետքը երկրագործի մը տանն առջևէն անցնելով տեսան աքաղաղ մը որ բոլոր ուժովը կը կանչէր: «Կեցցե՛ս, պարոն աքաղաղ», գոչեց էշը, «ձայնիդ ըսելիք չկայ, բայց կը խնդրեմ ըսէ ինձի, ինչո՞ւ համար այդչափ կը պոռաս»: «Ինչ կրնայ ըլլալ», պատասխանեց աքաղաղը, «ես ամէն առտու կանուխ կ'արթնցնեմ տէրերս որ իրենց գործին երթան, իսկ անոնք ապերախտութիւն կ'ընեն ինձի և հիւր ունինք ըսելով գլուխս պիտի կտրեն և զիս կերակուր պիտի ընեն»: «Սո՞յ անիրաւ մարդիկ», ըսաւ էշը, «ադէկ է որ մեզի հետ գաս, պարոն աքաղաղ, քան հոս մնալով գլուխդ կտրուի. բաց աստի շատ օգտակար կ'ըլլաս մեզի երբ երգել սկսինք»: »

« Բոլոր սրտով կ'ընդունիմ ձեր առաջարկու-
 թիւնը, » ըսաւ արքայազը : Անոնք այն օրը
 չկրցան քաղաք հասնիլ, ուստի և ստիպուե-
 ցան անտառի մը մէջ անցունել այն դիշեր :
 Էջն ու շունը ծառի մը տակ տեղաւորուեցան,
 կատուն ծառին վրայ, և արքայազը բարձր
 տեղ մը ելլելով թռաւ ուրիշ ծառի մը գա-
 գաթը թառեցաւ, սակայն քնանալէն առաջ,
 իր սովորութեանը համեմատ, աղէկ մը դիտեց
 իր չորս կողմը, և լոյս տեսնելով իր ընկերնե-
 րուն ծանոց թէ քիչ մը հեռուն ընակութիւն
 կար : « Եթէ այդպէս է, » ըսաւ էջը գլուխը
 վերցնելով, « աղէկ է որ օթեան իջնենք : »
 « Նաև, » ըսաւ շունը, « ես ալ քանի մը ոսկր
 կը գտնեմ : » Ուստի չորսը մէկտեղ լոյս տես-
 նուած տեղը դացին որ աւազակաց ընակա-
 րան էր : Ամենէն երկայնահասակն էջն ըլ-
 լալով դնաց պատուհանէն կամացուկ մը ներս
 նայեցաւ : « Է, բարեկամ, ի՞նչ կը տեսնես, »
 ըսաւ արքայազը : « Ի՞նչ պիտի տեսնեմ, » պա-
 տասխանեց էջը, « տեսակ տեսակ կերակուր-
 ներով զարդարուած սեղան մը կը տեսնեմ և
 աւազակներ նստած ուրախութիւն կ'ընեն : »
 « Հոս մեզի համար շատ աղէկ օթեան է, »
 ըսաւ արքայազը : « Հա, » պատասխանեց է-
 շը, « եթէ կարելի ըլլար ներս մտնել : » Ուս-
 տի և սկսան խորհուրդ ընել թէ ի՞նչ կերպով

դուրս հանէին այն աւազակները : Վերջապէս
 սա կերպը գտան, էջն առջևի ոտուրները պա-
 տուհանին կռթնցնելով՝ ետևի ոտուրներուն
 վրայ կայնեցաւ, շունը իշոյն կռնակը ելաւ,
 կատուն շան վրայ և արքայազը կատուն վրայ
 կայնեցաւ : Այսպէս ընէլէն ետքը նշանը տըր-
 ուեցաւ և սկսան երգել, էջը կը զուար, շու-
 նը կը հաջէր, կատուն կը ճչար և արքայազը
 կը կանչէր : Ասոնց ամէնքը մէկտեղ պատու-
 հանին ապակիները կոտրելով ներս յարձա-
 կեցան և զարհուրելի ձայներով լցուցին
 սենեակը :

Աւազակներն արդէն վախցած ըլլալով այն
 ճիւղներուն երգել սկսած ատենը, և զանոնք
 ուրուականաց խումբ մը կարծելով, առանց
 ետեմին նայելու վախան : Անատեն ճամբորդ-
 երգիչները սեղան նստելով աւազակաց թողու-
 ցած բաներն անյադարար կերան : Աղէկ մը
 յաղենալէն ետքը ճրագները մարեցին և գա-
 ցին պառկելու : Էջը գաւթին մէջ յարդի վրայ
 երկնցաւ, շունը փախաթի և կատուն տաք
 մոխրի վրայ պառկեցան, իսկ արքայազը տա-
 նիքի վրայ թառեցաւ : Կէս գիշերուն երբ
 գողերը ճրագները մարուած տեսան, խոր-
 հեցան թէ պարապ տեղ այնչափ վախ կը
 բած և փախած էին : Մէջերնէն ամենէն քա-
 ջասիրտը դարձաւ նայելու թէ ի՞նչ կար : Երբ

ներսը բան չտեսաւ զնաց խոհանոցը և խար-
խարելով գտաւ լուցկին, և կատուին աչքե-
րը կրակ կարծելով լուցկին վառելու համար
անոր աչքին դպցուց զայն: Կատուն անոր
այս կատակէն չախորժելով անոր երեսը ճան-
կեց: Մարդը սարսափելով դուրս փախած
ատենը շունը յարձակեցաւ վրան և անոր
ոտքերէն խածաւ: Մարդն հագիւ շան ձեռ-
քէն ազատուելով կ'անցնէր դաւթէն, է-
չը կէս քուն հասաւ անոր ետեւէն և ահար-
կու զուինչ արձակելով կից զարկաւ անոր:
Իսկ աքաղաղը թևերն իրարու զարնելով
բարձրաձայն կը կանչէր: Աւազակը շուարած
փախաւ իր ընկերներուն քով և աւազա-
կապետին ըսաւ, «Եղջիւրաւոր սատանայ մը
տեսայ որ երեսս ճանկեց, և դրան ետեւը
պահուած մարդ մը պոռալով յարձակեցաւ
վրաս և վիրաւորեց զիս. երբ փախչելով գաւ-
թէն կ'անցնէի, սև հրէշ մը ելաւ դէմս և
ահուելի ձայներ հանելով բրով զարկաւ ին-
ծի, և մէկն ալ տանիքին վրայէն կը պոռար
'վեր նետեցէք թշուառականը':» Ասոր վրայ
աւազակները մէյմըն ալ չհամարձակեցան եր-
թալ հոն: Ճամբորդ երգիչներն այնչափ ա-
խորժեցան այն տեղէն որ իրենց բնակուածիւ-
նը հոն հաստատեցին:

Գ Ա Ս 73

ՅԱՆՑԱՆՔԸ ԳԱՂՏՆԻ ԶԻ ՄՆԱՐ

Ծեր մարդ մը որ երբէք թշնամի չունէր
աշխարհիս մէջ, քիչ մը ստակի համար սոս-
կալի մարդասպանութեան զոհ եղաւ իր տա-
նը և բուն իսկ իր անկողնոյն մէջ: Մահուան
օրհասը եկաւ և ծերն առանց տաղնապի
փոխեցաւ քնոյն հանգստէն մահուան հան-
գիստը: Չարագործաց նպատակներէն մին է
ապահով գործ ընել: Մարդասպանն սպան-
նուողին բազկերակն ուշի ուշով կը զննէ, որ-
պէս զի ապահով ըլլայ թէ այլևս չի զարներ,
և ամէն բան ըմբոսելէն ետքը կը հեռանայ և
պատուհանէն, ուստի մտաւ, դուրս ելլելով
կը փախչի: Մնիկա մարդասպանութիւն ը-
րաւ. ոչ ոք տեսաւ և լսեց զանի. գաղտնիքն
անոր քով ապահով է:

Ո՛հ, Տեարք իմ, ասիկա մեծ սխալանք է.
այսպիսի գաղտնիք մը ոչ ուրեք կրնայ ծա-
ծուկ մնալ: Աստուծոյ բոլոր արարչագործու-
թեանը մէջ չկայ անկիւն մը կամ խորշ ուր
յանցաւորը կարենայ այնպիսի գաղտնիք մը
պահել և ապահով համարել զայն: Այսպիսի

յանցանք մը չի կրնար ծածուկ մնալ ոչ Աստուծոյ աչքէն, որ ամենէն խորերը կը թափանցէ և կէսօրուան պայծառութեանը պէս կը տեսնէ ամէն բան, և ոչ մարդոց աչքէն: Ճըշմարիտ է թէ « Մարդասպանութեան գործը պիտի յայտնուի, » ինչպէս սովորաբար կ'ըսենք: Յիրաւի աստուածային Նախախնամութիւնն այնպէս տնօրինած է և կը կառավարէ իրերը որ օրինազանց մարդասպանք դուն ուրեք կը յաջողին ծածկել իրենց յանցանքը: Անհնար է ամենուն ուշադրութիւնը դրաւոր այսպիսի գործի մը գաղտնի մնալ. անիկա կանուխ կամ ուշ երևան պիտի ելլէ:

Հազար աչք միանգամայն կը դիտեն ամէն մարդ, ամէն բան և ամէն պարագայ որք առնչութիւն ունին այն գործին ժամանակին և տեղւոյն հետ. հազար ականջք միտ կը դնեն լսելու ամենափոքր շնչիւն. հազար արթուն միտք մէկտեղ կու գան և իրենց բոլոր ոյժը կը թափեն երևան հանելու այն գաղտնիքը: Նաև յանցաւորին սիրտը չի կրնար պահել զայն. անիկա ինքզինք կը մատնէ և անոր խիղճն ուժգին կերպով կը դրդէ զանի ճըշմարտութիւնն յայտնելու. սիրտը կը ճնշուի այն գաղտնիքին տակ և զայն ուր դնելը չի դիտնար: Մարդկային սիրտը չի կրնար երբէք բնակարան ըլլալ այսպիսի բնակչի մը:

Մարդասպանը որս կ'ըլլայ տանջանքի մը զոր չի համարձակիր խոստովանիլ ոչ Աստուծոյ և ոչ մարդկան: Գիշատիչ անդղ մը կը կրծէ անոր ներսը և յանցաւորը չի կրնար օգնութիւն խնդրել ոչ յերկնից և ոչ յերկրէ: Յանցաւորին գաղտնիքը քիչ ետքը գերի կ'ընէ զանի, և այն չար ոգիներուն պէս, որոց վրայ կը կարդանք, կը տիրէ անոր վրայ և զանի կը տանի ուր որ կ'ուզէ: Յանցաւորը կը զգայ թէ այն գաղտնիքն իր սրտին մէջ է և թէ մինչև իր կոկորդը ելլելով կը պահանջէ երևան գալ: Անոր կը թուի թէ բոլոր աշխարհ կը տեսնէ անոր գաղտնիքը դէմքին վրայ, և ամէն մարդ կը կարգայ զայն անոր աչուրններուն մէջ և մինչև անգամ անոր խորհրդոցը մէջէն կ'առնէ անոր ձայնը: Մարդասպանն իր գաղտնիքին գերին կ'ըլլայ: Այն գաղտնիքն անոր ամէն զգուշութիւնները կը մատնէ և շփոթութեան մէջ կը ձգէ զանի: Երբ արտաքուստ կասկածներ կը խռովեն և կը պաշարեն զանի, անատեն այն մահաբեր գաղտնիքը ամէն ճիգ կը թափէ իր քօղը պատուելով դուրս ելլելու: Մարդասպանը խոստովանելու է իր յանցանքը, և անշուշտ պիտի խոստովանի: Չկայ ուրիշ ապաստանարան խոստովանութեան բայց միայն անձնասպանութիւն, սակայն անձնասպանութիւնը խոստովանութիւնն է:

ԳԱՐՈՒՍ ՈԳԻՆ ՀԱԿՍՈՒՍԿ Է ՊՍՏԵՐՍՁՄԻ

Պատերազմն այլևս պիտի վերջանայ բոլոր երկրիս վրայ, քանզի նոյն ինքն Աստուած ըսաւ թէ այսպէս պիտի ըլլայ: Իբրև անհաւատ՝ կրնայի տարակուսիլ ասոր, այլ իբրև ճշմարիտ ֆրիստոնեայ՝ երբէք ոչ: Եթէ Աստուած սորվեցուց երբէք բան մը Սուրբ գրոց մէջ՝ խաղաղութիւնը սորվեցուց, եթէ խոտացաւ բան մը՝ խաղաղութիւնը խոտացաւ բոլոր աշխարհի, և եթէ Սկեպտիկեանց գիշերը չհանգչի հոգևոյս վրայ, պարտիմ հաւատալ անոր, յուսալ և գործել մինչև որ մէկ բեեռէն միւս բեեռը գտնուող ազգերը «իրենց սուրերը խփեր՝ և իրենց նիզակները յօտոցներ շինեն և ալ պատերազմ չսորվին:» Այո, դարուս նոր և լաւագոյն ոգևոյն մէջ կը տեսնեմ այն դալու օրուան արշալոյսը. կը տեսնեմ զայն մամլոյն և ամպիոնին վրայ և դպրոցին մէջ: Կը տեսնեմ զայն ամէն գործատանց, շոգենաւուց և կառաց մէջ: Կը տեսնեմ այն օրը բոլոր քրիստոնեայ բարեսիրական ձեռնարկութեանց մէջ, և հասարակաց յառաջադիմութեան և դարուս օգտակար ազդեցութեանց մէջ որք կ'ըլլան աշխարհիս վրայ: Այո, դուրսը կը շրջի ոգի մը որ

հանգիստ պիտի չառնէ մինչև որ պատերազմական ոգին իսպառ չջնջուի մարդոց բնակարաններէն: Այն ոգին որ հիմա իր ձեռնարկներն արագօրէն յառաջ կը տանի ամէն տեղ, այն ոգին որ վաճառականութեանց մէջ ձերմակ դրօշակ կը պարզէ ամէն ծովու վրայ, այն ոգին որ դիւրաւ առուտուր կ'ընէ նաւահանգիստներու մէջ, այն ոգին որ բնութեան կարողութիւնները կը գործածէ իբրև միջոց մարդկային ճարտարութեան, և ամէն հնարաւոր ձեռնտուութիւն կ'ընէ մարդկային ազգին ընդհանուր բարելաւութեանը համար, այն ոգին որ յօգուտ մարդկութեան կը հալածէ զաղքատութիւն և զոճիր քաղաքաց մութ ճամբաներէն, նաև կը հանէ դատապարտելոց խաւարչտին բանտերէն խոտասիրտ և դատան զոհեր իւրոյ սիրոյ որ կը գլթայ թէև կը հարուածէ, այն ոգին որ ամէն տեղ հիւանդաց համար հիւանդանոց, յիմարաց համար ապաստանարան կը կառուցանէ և դպրոցներ կը հաստատէ համերց խօսիլ, խլից լսել և կուրաց տեսնել սորվեցնելու համար, այն ոգին որ հրեղէն ձին երկաթէ հանդերձներով կը զրկէ հեալով, ուժգին այլ անխոնջ շնչառութեամբ, թագաւորութեանց, երկիրներու և ծովուց մէկ ծայրէն միւս ծայրն անցնելու, այն ոգին որ երկնից կայծակն իրեն քաշելով

կ'ընէ գործի արագօրէն լուր տանելու բերե-
լու քաղքէ քաղաք և երկրէ երկիր, այն ու-
գին որ բոլոր այս բաները կը գործածէ իր-
րև միջոց աշխարհիս փրկութեանը և երկրիս
վրայ տարածելու Աւետարանին օրհնեալ ճըշ-
մարտութիւնները և սփռելու զանոնք աշնան
տերևներուն և առաւօտեան ցօղուն պէս,
վերջապէս այն ոգին որ զմարդիկ սերտ սի-
րով իրարու կը կապէ և կը սորվեցնէ անոնց
սա պարզ, այլ փառաւոր ճշմարտութիւննե-
րը, Հայր-Նիւն Սարգիս և Երբայր-Նիւն Տարգիս :
Կարելի՞ է որ այսպիսի ոգի մը հանգիստ մնայ
մինչև որ պատերազմական ոգին խապառ չջնջէ
աշխարհէս :

Յ Ա Ն Կ

		Երե-
ԴԱՍ	1 Կապիկը և մանուկը	5
ԴԱՍ	2 Տղու մը քաջարտութիւնը	7
ԴԱՍ	3 Տղու մը խորհրդածութիւնը	9
ԴԱՍ	4 Գործի մէջ յաջողութիւն	13
ԴԱՍ	5 Նիակարայի ջրվէժը	14
ԴԱՍ	6 Գիշեր	16
ԴԱՍ	7 Պատմութիւն	17
ԴԱՍ	8 Երկու ձկնորս	21
ԴԱՍ	9 Եղբայրական սէր	23
ԴԱՍ	10 Ֆրանքլին	25
ԴԱՍ	11 Արագաշարժութիւն	28
ԴԱՍ	12 Առաւօտները կանուխ ելլել	31
ԴԱՍ	13 " " " "	34
ԴԱՍ	14 Հրաշք տեսնելու փափաք	38
ԴԱՍ	15 Ծիննելոյզ մաքրողներուն տօնը	42
ԴԱՍ	16 Չինաց որդիական սէրը	46
ԴԱՍ	17 Առիւծ	49
ԴԱՍ	18 Ներողամիտ հայր մը	54
ԴԱՍ	19 Ակնհարութիւն	57
ԴԱՍ	20 Աղքատ աղջիկ մը	61
ԴԱՍ	21 Աբիսողոմ	64
ԴԱՍ	22 Քոլոմպոս	67
ԴԱՍ	23 Արագ և արմաւենի	70
ԴԱՍ	24 Սուրբ Բեռնարդոսի շուները	73
ԴԱՍ	25 Աւելորդապաշտութիւն	76

ԴԱՍ 26	” ” ”	78
ԴԱՍ 27	Կենդանեաց վրայ անգթութիւն	81
ԴԱՍ 28	Անգթութիւն	85
ԴԱՍ 29	Փղին զօրութիւնը	88
ԴԱՍ 30	Թռչուն որսալու վտանգները .	92
ԴԱՍ 31	Զուարճալի դէպք մը	94
ԴԱՍ 32	Ճանճէ մը նամակ	97
ԴԱՍ 33	Եղբայրական սէր	101
ԴԱՍ 34	Ճնճղուկ	104
ԴԱՍ 35	Քուն	108
ԴԱՍ 36	Մարմնապաշտ երիտասարդ մը .	111
ԴԱՍ 37	Իմաստուն այծ մը	114
ԴԱՍ 38	Մնապաշտութիւն	116
ԴԱՍ 39	Զուրիչը խրատելու օրինակ . .	118
ԴԱՍ 40	Վիրգինիոյ մէջ կամուրջ	122
ԴԱՍ 41	Քէնթըքիի հնչակաւոր այրը . . .	125
ԴԱՍ 42	” ” ”	129
ԴԱՍ 43	” ” ”	133
ԴԱՍ 44	Ոխակալութիւն	136
ԴԱՍ 45	Կուսակաշտութիւն	138
ԴԱՍ 46	Հողակեր ժողովուրդ	142
ԴԱՍ 47	Օրթոկրուլ	144
ԴԱՍ 48	Ճշմարտութեան զօրութիւնը . . .	149
ԴԱՍ 49	Ստախօսութիւն	152
ԴԱՍ 50	Ունայն հետամտութիւն	155
ԴԱՍ 51	Հնդկաստանի տօները	158
ԴԱՍ 52	” ” ” ”	161

ԴԱՍ 53	Սխալ դատաստան մը	164
ԴԱՍ 54	” ” ” ”	167
ԴԱՍ 55	Բռնաւորին ապերջանկութիւնը	170
ԴԱՍ 56	Զրպարտութիւն	173
ԴԱՍ 57	Մեղու	176
ԴԱՍ 58	” ”	178
ԴԱՍ 59	Հրէից Պասեքը	181
ԴԱՍ 60	” ” ”	184
ԴԱՍ 61	Բարոյավէպ	188
ԴԱՍ 62	Ճշմարիտ պատիւը	191
ԴԱՍ 63	Պանդուխտ հարք	194
ԴԱՍ 64	Շուն	198
ԴԱՍ 65	Հանդերձ	204
ԴԱՍ 66	Լուտեր	207
ԴԱՍ 67	Տէրունական օրը	210
ԴԱՍ 68	Հոգւոյն անմահութիւնը	212
ԴԱՍ 69	Երուսաղեմի կործանումը	216
ԴԱՍ 70	Հրդեհ	219
ԴԱՍ 71	Թշուառ աքսորեալը	222
ԴԱՍ 72	Ճամբորդ երգիչներ	224
ԴԱՍ 73	Յանցանքը դաղտնի չի մնար	229
ԴԱՍ 74	Դարուս ոգին	232

ԱՌՅ ՅՈՎՀԱՆՆԻՍԵԱՆ
1960
ՆՈՐ - ԶՈՒՂԱ




100 53 Broom
100 54 " "
100 55 " "
100 56 " "
100 57 " "
100 58 " "
100 59 " "
100 60 " "
100 61 " "
100 62 " "
100 63 " "
100 64 " "
100 65 " "
100 66 " "
100 67 " "
100 68 " "
100 69 " "
100 70 " "
100 71 " "
100 72 " "
100 73 " "
100 74 " "

100 75 " "
100 76 " "
100 77 " "
100 78 " "
100 79 " "
100 80 " "
100 81 " "
100 82 " "
100 83 " "
100 84 " "
100 85 " "
100 86 " "
100 87 " "
100 88 " "
100 89 " "
100 90 " "
100 91 " "
100 92 " "
100 93 " "
100 94 " "
100 95 " "
100 96 " "
100 97 " "
100 98 " "
100 99 " "
100 100 " "

ՄՄ Հայագիտական գրադարան



MAL031162



مجله
شماره
۱۰۰
۱۳۰۰